

| | |
|-------------|---|
| पुस्तक | स्वाध्याय माला |
| सख्या | एक हजार |
| सग्रह-कर्ता | श्री रत्न मुनि |
| प्रकाशन-काल | सवत्सरी पर्व, २०२८ |
| प्रकाशक | श्री जैनधर्म-प्रसारक सस्था पाथडों (महमदनगर) |
| मुद्रक | आत्मजैन प्रिंटिंग प्रेस ३५०-इण्डस्ट्रियल एरिया-ए लुधियाना-३ |
| | मूल्य |

दो रुपये (ज्ञान प्रचारार्थ)

दो शब्द



मानव-जीवन को श्रेयस् की ओर ले जाने के लिये स्वाध्याय ही सर्वोत्तम साधन है। स्वाध्याय की कुजी से आत्म-भवन के वे बन्द द्वार खुल जाते हैं जिनके भीतर ज्ञान, दर्शन, चारित्र की ज्योति प्रकाशित हो रही है, उस दिव्य-ज्योति के दर्शन ही इस संकलन का उद्देश्य है।

प्रस्तुत संकलन मे मेरा यही प्रयास रहा है कि स्वाध्याय प्रेमियो को उपयोगी एवं शुद्ध सामग्री उपलब्ध हो सके।

इस प्रयास को क्रियान्वित रूप प्रदान करने मे मेरे सहचारी सन्त मुनि श्री कुन्दन ऋषि ने आशातीत सहयोग दिया है, जो चाहता उनका आभार प्रदर्शित कर ही दूँ, किन्तु अभिन्नता मे आभार-प्रदर्शन कहाँ ?

यदि प्रबुद्ध श्रावक श्राविकाओ को इस संकलन से स्वाध्याय का यथेष्ट लाभ प्राप्त हुआ तो मैं अपने परिश्रम को सफल मानूँगा।

—रतनमुनि

आमार-प्रदर्शन



श्री जैन-धर्म-प्रसारक सस्था पाथर्डी (अहमद-नगर) अपने उन धर्मप्रेमी, दानशील बन्धुओं की आभारी है जिनका सहयोग प्रकाशन को साकार रूप दे रहा है। विशेष रूप से हम धन्यवाद देते हैं प्रकाशनार्थ निम्नलिखित द्रव्य-दाताओं को

- १ श्री टेकचन्द जी जैन, फगवाड़े वाले दिल्ली
- २ श्री रामलाल जी दूगड़, (सराफ) दिल्ली
- ३ श्री लोकनाथजी नौलखा (लाहौर वाले) दिल्ली
- ४ श्री बनारसी दास जी, ओसवाल, दिल्ली



पुस्तकार्पणा



श्रमणसंघीय आद्याचार्य परम पुज्य

श्री आत्माराम जी महाराज के

पट्टधर

श्रमणसंघीय द्वितीय आचार्य

प्रातःस्मरणीय

श्री आनन्द ऋषि जी महाराज की

स्वाध्याय-प्रवृत्ति की प्रेरणा से

प्रेरित होकर ही मैंने यह

श्रुत-संग्रह—‘स्वाध्याय-माला’

प्रस्तुत की है ।

यह उनका प्रेरणा-पुष्प

उन्हीं के कर-कमलों में

सादर समर्पित करता हूँ ।

रत्नस्तुति

मंगल-कामना



भारतीय महर्षियों का प्रथम आदेश है 'स्वाध्यायान्मा प्रमद.'—स्वाध्याय में प्रमाद मत करो ! क्योंकि भगवान् महावीर की वाणी का यह पावन सन्देश है—“सञ्भाएणं नाणावरणिञ्जं कम्मं खवेइ” स्वाध्याय से ही ज्ञान को आवृत करनेवाले कर्मों का क्षय होता है ।

स्वाध्याय का अर्थ है मनन, चिन्तन और निदिध्यासन पूर्वक इस प्रकार से अध्ययन जिससे इन्द्रियां नियन्त्रित हों, मनोविकार शान्त हो, हृदय पवित्र हो और आत्म-गुणों का विकास हो ।

स्वाध्याय-माला में 'श्री रतन मुनि' ने उन शास्त्रीय वचनों का संग्रह किया है जो स्वाध्याय के वास्तविक लक्ष्य की पूर्ति में सहायक हैं, जो ज्ञानावरणीय कर्मों का क्षय करने में समर्थ हैं, बुद्धि की स्वच्छता और आत्म-चेतना को प्रकाशित करने में सहायक हैं । यह आध्यात्मिक प्रयास सफल हो यही मेरी मंगल-कामना है ।

मुनि फूलचन्द श्रमण

लुधियाना

❀ दसवेऽश्रालियसुत्तं ❀



दुमपुष्पिया नाम पढममज्झयणं

धम्मो मंगलमुक्किट्टु^१, अहिंसा संजमो तवो ।
 देवा वि तं नमंसंति, जस्स धम्मे सया मणो ॥ १ ॥
 जहा दुमस्स पुष्फेसु, भमरो अविद्यइ रसं ।
 न य पुष्फं किलामेइ, सो य पीणेइ अप्पयं ॥ २ ॥
 एमेए समणा मुत्ता, जे लोए संति साहुणो ।
 विहंगमा व पुष्फेसु, दाणभत्तेसणे रया ॥ ३ ॥
 वयं च वित्ति लब्भामो, न य कोइ उवहम्मइ ।
 अहागडेसु रीयन्ते^२, पुष्फेसु भमरा जहा ॥ ४ ॥
 महुगारसमा बुद्धा, जे भवंति अणिसिया ।
 नाणा पिण्डरया दन्ता, तेण वुच्चन्ति साहुणो ॥ ५ ॥ त्ति वेमि ॥

॥ पढम दुमपुष्पिय अज्झयणसमत्त ॥



सामणपुब्बयं बीयमज्झयणं

कहं नु कुज्जा सामणं, जो कामे न निवारए ।
 गए पए विसीयंतो, संकप्पस्स वसं गओ ॥ १ ॥
 वत्थ - गन्धमलंकारं, इत्थीओ सयणाणि य ।
 अच्छन्दा जे न भु जन्ति, न से चाइ त्ति वुच्चइ ॥ २ ॥
 जे य कन्ते पिए भोए, लद्धे विपिट्ठि^३ कुव्वइ ।
 साहीणे चयइ भोए, से हू चाइ त्ति वुच्चइ ॥ ३ ॥

समाइ पेहाइ' परिच्चवन्तो,
 सिया मणो निस्सरई वहिद्धा ।
 “न सा मह नो वि अह पि तीसे”,
 इच्चेव ताओ विणएज्ज रागं ॥ ४ ॥
 आयावयाही, चय सोगमल्लं,
 कामे कमाही, कमियं खु दुवखं ।
 छिन्दाहि दोस, विणएज्ज रागं,
 एवं सुही होहिसि संपराए ॥ ५ ॥
 पवखन्दे जलियं जोइ, धूमकेउं दुरासय ।
 नेच्छंति वतयं भोत्तुं, कुले जाया अगंधणे ॥ ६ ॥
 धिरत्थु तेऽजसो-कामी^१, जो तं जीवियकारणा ।
 वंतं इच्छसि आवेउ । सेय ते मरण भवे ॥ ७ ॥
 अहं च भोगरायस्स, तं च सि अन्धगवण्हिणो ।
 आ कुले गन्धणा होमो, सजमं निहुओ चर ॥ ८ ॥
 जइ तं काहिसि भावं, जाजा दिच्छसि नारिओ ।
 वायाविद्धुव्व हडो, अट्टियप्पा भविस्ससि ॥ ९ ॥
 तीत्ते सो वयणं सोच्चा, सजयाए सुभासियं ।
 अंकुसेण जहा नागो, धम्मे संपडिवाइओ ॥ १० ॥
 एव करेति संबुद्धा, पण्डिया पवियक्खणा ।
 विणियट्टन्ति भोगेसु, जहा से पुरिसुत्तमो ॥ ११ ॥ त्ति वेमि ॥

॥ वीय सामण्णपुव्वय अज्भयण समत्त ॥

१. समाए पेहाए । २ जसोकामी ।

खुड्डियायार कहा नासं तइयमज्भयणं
 सजमे सुट्ठि अण्णाणं, विप्पमुक्काण ताइण ।
 तेसिमेयमणाइण्णं, निग्गन्थाण महेसिणं ॥ १ ॥
 उट्ठेसियं कीयगडं, नियागं अभिहडाणि य ।
 राइभत्ते सिणाणे य, गन्धमल्ले य वीयणे ॥ २ ॥
 सन्निही गिहिमत्ते य, रायपिण्डे किमिच्छए ।
 सवाहणा दन्तपहोयणा य, संपुच्छणा देहपलोयणा य ॥ ३ ॥
 अट्ठावएय नालीए, छत्तस्स य धारणट्ठाए ।
 तेगिच्छं पाणहा^१ पाए, समारम्भं च जोइणो ॥ ४ ॥
 सिज्जायरपिण्डं च, आसन्दी पलियड्ढुए ।
 गिहन्तरनिसिज्जा य, गायस्सुव्वट्टणाणि य ॥ ५ ॥
 गिहिणो वेयावडियं, जा य आजीववित्तिया ।
 तत्तानिब्बुडभोइत्तं, आउरस्सरणाणि य ॥ ६ ॥
 मूलए सिज्जवेरे य, उच्छुखंडे अनिब्बुडे ।
 कन्दे मूले य सच्चित्ते, फले बीए य आमए ॥ ७ ॥
 सोवच्चले सिन्धवे लोणे, रोमालोणे य आमए ।
 सामुद्दे पंसुखारे य, कालालोणे य आमए ॥ ८ ॥
 धुवणेत्ति^२ वमणे य, वत्थीकस्म-विरेयणे ।
 अज्जणे दन्तवणे य, गायब्भज्जविभूसणे ॥ ९ ॥
 सव्वमेयमणाइण्णं, निग्गन्थाणं महेसिणं ।
 संजमम्मि य जुत्ताणं, लहुभूय विहारिणं ॥ १० ॥
 पञ्चासव-परिन्नाया, तिगुत्ता छसु संजया ।
 पञ्चनिग्गहणा घीरा, निग्गन्था उज्जुदंसिणो ॥ ११ ॥
 आयावयंति गिम्हेसु, हेमन्तेसु अवाउडा ।
 वासासु पडिसंतीणा, संजया सुसमाहिया ॥ १२ ॥

परीसहरिऊ-दन्ता, धुयमोहा' जिइन्दिया ।
 सव्वदुक्खप्पहीणट्ठा, पक्कमन्ति महेसिणो ॥ १३ ॥
 दुक्कराइं करेत्ताणं, दुसहाइं सहेत्तु य ।
 केइत्थ देवलोगेसु केइ, सिज्झन्ति नीरया ॥ १४ ॥
 खवित्ता पुव्वकम्माइं, संजमेण तवेण य ।
 सिद्धिमग्गमणुप्पत्ता, ताइणो परितिव्वुडा ॥ १५ ॥ त्ति बेमि ।

॥ तइय खुट्टियायार कहा अज्भयण समत्तं ॥

छज्जीवणिया नामं चउत्थमज्भयणं

सुयं मे आउस ! तेण भगवया एवमक्खायं । इह खलु
 छज्जीवणिया नामज्भयणं समणेण भगवया महावीरेणं कास-
 वेणं पवेइया, सुअक्खाया, सुपण्णत्ता । सेयं मे अहिज्जिउं अज्भयणं
 धम्मपण्णत्ती ।

कयरा खलु सा छज्जीवणिया नामज्भयणं समणेणं भगवया
 महावीरेणं कासवेणं पवेइया, सुअक्खाया, सुपण्णत्ता । सेयं मे अहि-
 ज्जिउं अज्भयणं धम्मपण्णत्ती ?

इमा खलु सा छज्जीवणिया नामज्भयणं समणेणं भगवया
 महावीरेणं कासवेणं पवेइया, सुअक्खाया, सुपण्णत्ता । सेयं मे अहि-
 ज्जिउं अज्भयणं धम्मपण्णत्ती । तं जहा—पुढवी-काइया, आउ-
 काइया, तेउ-काइया, वाउ-काइया, वणस्सइ-काइया, तस-काइया ॥

पुढवी चित्तमन्तमक्खाया, अणेगजीवा पुढोसत्ता. अन्नत्थ
 सत्थपरिणएणं । आउ चित्तमन्तमक्खाया, अणेगजीवा पुढो-

सत्ता अन्नत्थ सत्थपरिणएणं । तेउ चित्तमन्तमक्खाया अणेग-
जीवा पुढोसत्ता अन्नत्थ सत्थपरिणएणं । वाउ चित्तमन्त-
मक्खाया अणेगजीवा पुढोसत्ता अन्नत्थ सत्थपरिणएणं ।
वणस्सई चित्तमन्तमक्खाया अणेगजीवा पुढोसत्ता अन्नत्थ
सत्थपरिणएण । तं जहा—अग्गवीया, मूलवीया, पोरवीया,
खन्धवीया, बीयरुहा, संमुच्छिमा, तणल्या, वणस्सइ-काइया
सबीया चित्तमन्तमक्खाया अणेगजीवा पुढोसत्ता अन्नत्थ सत्थपरिण-
एणं ।

से जे पुण इमे अणेगे बह्वे तसा पाणा तं जहा—अण्डया,
पोयया, जराउया, रसया, ससेइमा, समुच्छिमा, उन्धिभया उव-
वाइया, जेसि केसच्चि पाणाण अभिक्कन्तं पडिक्कन्तं सकुच्चियं
पसारियं रुयं भत तसियं पलाइयं आगइगइविन्नाया जे य
कीडपयगा जा य कुन्थुपिवीलिया सव्वे बेइदिया सव्वे तेइंदिया
सव्वे च्छरदिया सव्वे पच्चिदिया सव्वे तिरिक्खजोणिया सव्वे
नेरइया सव्वे मणुया सव्वे देवा सव्वे पाणा परमाहम्मिया ।
एसो खलु छट्ठो जीवन्निक्काओ “तसकाउ” ति पवुच्चइ ।

इच्चेसिं छण्हं जीवन्निक्काणं नेव सयं दंडं समारंभिज्जा,
नेवन्नेहिं दडं समारंभाविज्जा, दंडं समारम्भन्ते वि अन्ते न
समणुजाणामिं जावज्जीवाए तिविह तिविहेण मणेणं वायाए ।
काएण । न करेमि न कारवेमि करन्तं पि अन्नं न समणुजाणामि
तस्स भते ! पडिक्कमामि निंदामि गरिहामि अप्पाणं वोसिरामि ।

पढमे भंते ! महव्वए पाणाइवायाओ वेरमणं । सव्वं भते !
पाणाइवायं पच्चक्खामि, से सुहुमं वा बायर वा तस वा
थावर वा । नेव सयं पाणे अइवाएज्जा, नेवन्नेहिं पाणे अइवा-

यावेज्जा, पाणे अद्दाप्रते वि अन्ने न समणुजाणामि जाव-
ज्जीवाए तिविहं तिविहेण मणेणं वायाए काएण न करेमि न
कारवेमि करन्तं पि अन्नं न समणुजाणामि । तस्स भन्ते ! पडि-
क्कमामि निन्दामि गरिहामि अप्पाण वोसिरामि । पढमे भन्ते !
महव्वए उवट्टियो मि, सव्वाओ पाणाइवायाओ वेरमणं ॥१॥

अहावरे दोच्चे भन्ते ! महव्वए मुसावायाओ वेरमणं ।
सव्वं भन्ते ! मुसावाय पच्चक्खामि, से कोहा वा लोहा वा
भया वा नेव सय मुसं वएज्जा, नेवन्नेहिं मुसं वायावेज्जा,
मुसं वयन्ते वि अन्ने न समणुजाणामि जावज्जीवाए तिविहं
तिविहेणं मणेण वायाए काएणं न करेमि न कारवेमि करन्तं
पि अन्नं न समणुजाणामि, तस्स भन्ते ! पडिक्कमामि निन्दामि
गरिहामि अप्पाणं वोसिरामि । दोच्चे भन्ते ! महव्वए उवट्टिओ
मि, सव्वाओ मुसावायाओ वेरमणं ॥२॥

अहावरे तच्चे भन्ते ! महव्वए अदिन्नादाणाओ वेरमण ।
सव्वं भन्ते ! अदिन्नादाण पच्चक्खामि, से गामे वा नगरे वा
रण्णे वा, अप्पं वा वहुं वा अणुं वा थूलं वा चित्तमन्त वा
अचित्तमन्तं वा । नेव सयं अदिन्न गिण्हेज्जा, नेदन्नेहिं अदिन्न
गिण्हावेज्जा, अदिन्नं गिण्हन्ते वि अन्ने न समणुजाणामि जाव-
ज्जीवाए तिविहं तिवेहेणं मणेणं वायाए काएण न करेमि न
कारवेमि करन्तं पि अन्नं न समणुजाणामि । तस्स भन्ते ! पडि-
क्कमामि निन्दामि गरिहामि अप्पाण वोसिरामि । तच्चे भन्ते !
महव्वए उवट्टिओ मि, सव्वाओ अदिन्नादाणाओ वेरमण ॥३॥

अहावरे चउत्थे भन्ते ! महव्वए मेहुणाओ वेरमणं । सव्वं
भन्ते ! मेहुणं पच्चक्खामि से दिव्वं वा माणुसं वा तिरिक्ख-
जोणियं वा नेव सय मेहुणं सेवेज्जा, नेवन्नेहिं मेहुणं सेवावेज्जा

मेहुणं सेवन्ते वि अन्ते न समणुजाणामि जावज्जीवाए तिविहं
 तिविहेणं मणेणं वायाए काएणं न करेमि न कारवेमि करन्तं
 पि अन्नं न समणुजाणामि । तस्स भन्ते ! पडिक्कसामि निन्दामि
 गरिहामि अप्पाणं वोसिरामि । चउत्थे भन्ते ! महव्वए उवट्टिओ
 मि, सव्वाओ मेहुणाओ वेरमणं ॥४॥

अहावरे पंचमे भन्ते ! महव्वए परिग्गहाओ वेरमणं ।
 सव्वं भन्ते ! परिग्गहं पच्चक्खामि, से अप्पं वा बहं वा अणुं
 वा थूलं वा चित्तमंतं वा अचित्तमतं वा । नेव सयं परिग्गहं
 परिग्गिण्हेज्जा, नेवन्नेहि परिग्गहं परिग्गिण्हावेज्जा, परिग्गहं
 परिग्गिण्हेज्जा वि अन्ते न समणुजाणामि जावज्जीवाए तिविहं
 तिविहेणं मणेणं वायाए काएणं न करेमि न कारवेमि करन्तं
 पि अन्नं न समणुजाणामि । तस्स भन्ते पडिक्कसामि निन्दामि ।
 गरिहामि अप्पाणं वोसिरामि । पंचमे भन्ते ! महव्वए उवट्टिओ
 मि, सव्वाओ परिग्गहाओ वेरमणं ॥५॥

अहावरे छट्ठे भन्ते ! वए राइभोयणाओवेरमणं । सव्वं भन्ते !
 राइभोयण पच्चक्खामि से असणं वा पाणं वा खाइम वा
 साइमं वा । नेव सयं राइं भुंजेज्जा, नेवन्नेहि राइं भुजावेज्जा
 राइं भुंजंते वि अन्ते न समणुजाणामि, जावज्जीवाए तिविहं
 तिविहेण मणेण वायाए काएण । न करेमि न कारवेमि करन्तं
 पि अन्नं न समणुजाणामि । तस्स भन्ते ! पडिक्कसामि निन्दामि
 गरिहामि अप्पाणं वोसिरामि । छट्ठे भन्ते ! वए उवट्टिओ मि,
 सव्वाओ राइभोयणाओ वेरमण ॥६॥

इच्चेयाइं पच महव्वयाइं राइभोयणवेरमणछट्ठाइ अत्त
 हियट्टयाए उवसपज्जित्ताण विहरामि ॥६॥

से भिक्खू वा भिक्खुणी वा सजय-विरय-पडिहयपच्च-
क्खायपावकम्मे दिआ वा राओ वा एगओ वा परिसागओ
वा सुत्ते वा जागरमाणे वा, से पुढावि वा भित्ति वा सिल वा
लेलु वा ससरक्ख वा काय ससरक्ख वा वत्थ हत्थेण वा
पाएण वा कट्टेण वा किलिचेण^१ वा अगुलियाए वा सलागाए
वा, सलागहत्थेण वा न आलिहेज्जा न विलिहेज्जा न घट्टेज्जा न
भिन्देज्जा, अन्न नालिहावेज्जा न विलिहावेज्जा न घट्टावेज्जा न
भिन्दावेज्जा, अन्न आलिहन्तं वा विलिहन्तं वा घट्टन्तं वा
भिन्दन्तं वा न समणुजाणामि जावज्जीवाए तिविह तिविहेण
मणेण वायाए काएण न करेमि न कारवेमि करन्तं पि अन्न
न समणुजाणामि । तस्स भन्ते ! पडिक्कमामि निन्दामि गरिहामि
अप्पाण वोसिरामि ॥७॥

से भिक्खू वा भिक्खुणी वा सजय-विरय-पडिहय-पच्चक्खा-
यपावकम्मे दिआ वा राओ वा एगओ वा परिसागओ वा सुत्ते
वा जागरमाणे वा, से उदगं वा ओसं वा हिमं वा महियं वा
करगं वा हरतणुग वा सुद्धोदग वा उदउल्लं वा कायं उद-
उल्ल वा वत्थ, ससिणिद्धं वा काय, ससिणिद्ध वा वत्थ, नामु-
सेज्जा न संफुसेज्जा न आवीलेज्जा न पवीलेज्जा न अक्खो-
डेज्जा न पक्खोडेज्जा न आयावेज्जा न पयावेज्जा, अन्न नामु-
सावेज्जा न सफुसावेज्जा न आवीलावेज्जा न पवीलावेज्जा न
अक्खोडावेज्जा न पक्खोडावेज्जा न आयावेज्जा न पयावेज्जा,
अन्न आमुसन्तं वा संफुसन्तं वा आवालन्तं वा पवीलन्तं वा
अक्खोडन्तं वा पक्खोडन्तं वा आयावन्तं वा पयावन्तं वा न
समणुजाणामि, जावज्जीवाए तिविह तिविहेणं मणेण वायाए काएणं
न करेमि न कारवेमि करन्तं पि अन्न न समणुजाणामि । तस्स
भन्ते ! पडिक्कमामि निन्दामि गरिहामि अप्पाण वोसिरामि ॥८॥

से भिक्खू वा भिक्खुणी वा सजय-विरय-पडिहयपच्च-
क्खायपावकस्से दिआ वा राओ वा एगओ वा परिसागओ वा
सुत्ते वा जागरमाणे वा, से अर्गाण वा इज्जाल वा, सुम्मुरं वा
अर्च्चि वा जाल वा प्रलायं वा सुद्धागणिं वा उक्कं वा । न उजेज्जा
न घट्टेज्जा न भिदेज्जा न उज्जालेज्जा न पज्जालेज्जा न निव्वावेज्जा ।
अन्न न उजावेज्जा न घट्टावेज्जा न भिदावेज्जा न उज्जालावेज्जा न
पज्जालावेज्जा न निव्वावेज्जा, अन्न उजतं वा घट्टंतं वा भिदतं
वा उज्जालतं वा पज्जालतं वा निव्वावत वा न समणुजाणामि
जावज्जीवाए तिविह तिविहेण मणेण वायाए काएण । न करेमि न
कारवेमि करंतं पि अन्न न समणुजाणामि । तस्स भन्ते ! पडिक्क-
मामि निंदामि गरिहामि अप्पाण वोसिरामि ॥६॥

से भिक्खू वा भिक्खुणी वा सजय-विरय-पडिहयपच्च-
क्खायपावकस्से दिआ वा, राओ वा, एगओ वा, परिसागओ
वा, सुत्ते वा, जागरमाणे वा, से सिएण वा, विहुयणेण वा,
तालियंटेण वा पत्तेण वा पत्तभंगेण वा साहाए वा साहाभंगेण
वा पिहुणेण वा पिहुणहत्थेण वा, चेलेण वा चेलकण्णेण वा,
हत्थेण वा मुहेण वा अप्पणो वा कायं बाहिरं वा वि पोग्गलं
न फूमेज्जा', न वीएज्जा अन्नं न फूमावेज्जा न वीआवेज्जा, अन्नं
फूमन्तं वा वीयन्तं वा न समणुजाणामि, जावज्जीवाए तिविहं
तिविहेणं मणेणं वायाए काएणं न करेमि न कारवेमि करंतं
पि अन्नं न समणुजाणामि, तस्स भन्ते ! पडिक्कमामि निन्दामि
गरिहामि अप्पाणं वोसिरामि ॥१०॥

से भिक्खू वा, भिक्खुणी वा, सजयविरयपडिहयपच्च-
क्खायपावकस्से दिआ वा राओ वा एगओ वा परिसागओ

अजयं आसमाणो उ, पाणभूया इंहिसइ ।
 बन्धइ पावयं कम्मं, तं से होइ कडुयं फलं ॥३॥
 अजयं सयमाणो उ, पाणभूयाइं हिंसइ ।
 बन्धइ पावयं कम्म, तं से होइ कडुयं फलं ॥४॥
 अजयं भुञ्जमाणो उ, पाणभूयाइं हिंसइ ।
 बन्धइ पावयं कम्मं, तं से होइ कडुयं फलं ॥५॥
 अजयं भासमाणो उ, पाणभूयाइं हिंसइ ।
 बन्धइ पावयं कम्मं, तं से होइ कडुयं फलं ॥६॥
 कहं चरे ? कहं चिट्ठे ? कहमासे ? कहं सए ?
 कहं भुंजंतो भासंतो, पावं कम्मं न बन्धइ ? ॥७॥
 जयं चरे, जयं चिट्ठे, जयमासे, जयं सए ।
 जयं भुञ्जन्तो भासन्तो, पावं कम्मं न बन्धइ ॥८॥
 सव्वभूयप्पभूयस्स, सम्मं भूयाइं पासओ ।
 पिहियासवस्स दन्तस्स, पावं कम्मं न बन्धइ ॥९॥
 पढमं नाणं तओ दया, एवं चिट्ठइ सव्वसंजए ।
 अन्नाणी किं काही किं, वा नाहिइ^१ छेयपावगं^२ ॥१०॥
 सोच्चा जाणइ कल्लाणं, सोच्चा जाणइ पावगं ।
 उभयं पि जाणइ सोच्चा, जं छेयं तं समायरे ॥११॥
 जो जीवे वि न याणाइ, अजीवे वि न याणइ ।
 जीवाजीवे अयाणन्तो, कहं सो नाहीइ संजमं ॥१२॥
 जो जीवे वि वियाणेइ, अजीवे वि वियाणइ ।
 जीवाजीवे वियाणन्तो, सो हु नाहीइ संजमं ॥१३॥
 जया जीवमजीवे य, दो वि एए वियाणइ ।
 तया गइं बहुविहं, सव्वजीवाण जाणइ ॥१४॥

जया गइं बहुविहं, सव्वजीवाण जाणइ ।
 तथा पुण्णं च पावं च, बन्धं मोक्खं च जाणइ ॥१५॥
 जया पुण्णं च पावं च, बन्धं मोक्खं च जाणइ ।
 तथा निव्विन्दए भोए, जे दिव्वे जे य माणुसे ॥१६॥
 जया निव्विन्दए भोए, जे दिव्वे जे य माणुसे ।
 तथा चयइ संजोगं, सर्ब्भितरवाहिर ॥१७॥
 जया चयइ सजोगं, सर्ब्भितरवाहिरं ।
 तथा मुण्डे भवित्ताणं, पव्वयइ अणगारियं ॥१८॥
 जया मुण्डे भवित्ताणं, पव्वयइ अणगारियं ।
 तथा संवरमुक्किट्ठं, धम्मं फासे अणुत्तर ॥१९॥
 जया संवरमुक्किट्ठं, धम्मं फासे अणुत्तरं ।
 तथा धुणइ कम्मरयं, अब्बोहिकलुस कडं ॥२०॥
 जया धुणइ कम्मरयं, अब्बोहिकलुस कड ।
 तथा सव्वत्तगं नाणं, दसणं चाभिगच्छइ ॥२१॥
 जया सव्वत्तगं नाणं, दसणं चाभिगच्छइ ।
 तथा लोगमलोगं च, जिणो जाणइ केवली ॥२२॥
 जया लोगमलोगं च, जिणो जाणइ केवली ।
 तथा जोगे निरुंभित्ता, सेलेसि पडिवज्जइ ॥२३॥
 जया जोगे निरुंभित्ता, सेलेसि पडिवज्जइ ।
 तथा कम्मं खवित्ताणं, सिद्धिं गच्छइ नीरओ ॥२४॥
 जया कम्मं खवित्ताणं, सिद्धिं गच्छइ नीरओ ।
 तथा लोगमत्थयत्थो सिद्धो हवइ सासओ ॥२५॥
 सुहसायगस्स समणस्स,
 सायाउलगस्स निगामसाइस्स ।
 उच्छोलणापहोअस्स,
 डुलहा सुगइ तारिसगस्स ॥२६॥

तवोगुणपहाणस्स, उज्जुमइखन्तिसंजमरयस्स ।

परीसहे जिणंतस्स, सुखहा सुगइ तारिसगस्स ॥२७॥

पच्छा वि ते पयाया, खिप्पं

गच्छन्ति अमरभवणाइं ।

जेसिं पिओ तवो संजमो

य खन्ती य बम्भचेरं च ॥२८॥

इच्चेयं छज्जीवणियं, सम्मद्विद्वी सया जए ।

दुल्लहं लहित्तु सामण्णं, कम्मणा न विराहिज्जासि ॥२९॥

॥ त्ति बेमि ॥

चउत्थ छज्जीवणिय अज्भयण समत्तं

पिंडेसणा नामं पंचमसज्भयणं, पढमो उद्वेसओ

संपत्ते भिक्खकालम्मि, असंभन्तो अमुच्छिओ ।

इमेण कमजोगेण, भत्तपाणं गवेसए ॥१॥

से गामे वा नयरे वा, गोयरग्गओ मुणी ।

चरे मन्दमण्णुव्विग्गो, अव्वक्खित्तेण चेयसा ॥२॥

पुरओ जुगमायाए, पेहमाणो महिं चरे ।

वज्जन्तो बीयहरियाए, पाणे य दगमद्वियं ॥३॥

ओवायं विसमं खाणुं, विज्जलं परिवज्जए ।

संकमेण न गच्छेज्जा, विज्जमाणे परक्कमे ॥४॥

पवडन्ते व से तत्थ, पक्खलन्ते व संजए ।

हिंसेज्ज पाणभूयाइं, तसे अदुव थावरे ॥५॥

तम्हां तेण न गच्छेज्जा, संजए सुसमाहिए ।

सइ अन्नेण मग्गेण, जयमेव परक्कमे ॥६॥

इज्जालं छारियं रासिं, तुसरसिं च गोमयं ।
 ससरक्खेहिं पाएहिं, संजओ तं न इक्कमे ॥७॥
 न चरेज्ज वासे वासन्ते, महियाए व पडंतिए ।
 महावाए व वायंते, तिरिच्छसंपाइसेसु वा ॥८॥
 न चरेज्ज वेसासामन्ते, बंभचेरवसाणुए^१ ।
 बंभयारिस्स दंतस्स, होज्जा तत्थ विसोत्तिया ॥९॥
 अणायणे^२ चरंतस्स, संसग्गीए अभिक्खणं ।
 होज्ज वयाणं पीला, सामणम्मि य संसओ ॥१०॥
 तम्हा एयं वियाणित्ता, दोसं दुग्गइवड्डुणं ।
 वज्जए वेससामंतं मुणी एगतमस्सिए ॥११॥
 साणं सुइयं गाविं, दित्तं गोणं हयं गयं ।
 संडिब्भं कलहं जुद्धं, दूरओ परिवज्जए ॥१२॥
 अणुन्नए नावणए, अप्पहिट्ठे अणाउले ।
 इंदियाइं जहाभागं, दमइत्ता मुणी चरे ॥१३॥
 दवदवस्स न गच्छेज्जा, भासमासो य गोयरे ।
 हसंतो नाभिगच्छेज्जा, कुलं उज्जावयं सया ॥१४॥
 आलोयं थिग्गलं दारं, सन्धि दगभवणाणि य ।
 चरंतो न विनिज्भाए, संकट्टाणं विवज्जए ॥१५॥
 रन्तो गिहवईणं च, रहस्सारक्खियाणं^३ य ।
 संकिलेसकरं ठाणं, दूरओ परिवज्जए ॥१६॥
 पडिकुट्टुकुलं न पविसे, मामगं परिवज्जए ।
 अचियत्तकुलं न पविसे, चियत्तं पविसे कुल ॥१७॥
 साणीपावारपिहिय, अप्पणा नावपंगुरे ।
 कवाडं नो पणोल्लेज्जा, ओग्गहंसि अजाइया ॥१८॥
 गोयरग्गपविट्ठो उ^४, वज्जमुत्तं न धारए ।
 ओगासं फासुयं नज्जा, अणुन्नविय वोसिरे ॥१९॥

नीयदुवारं तमसं, कोट्टुगं परिवज्जए ।
 अचक्खुविसओ जत्थ, पाणा दुप्पडिलेहगा ॥२०॥
 जत्थ पुप्फाइं बीयाइं, विप्पइण्णाइं कोट्टए ।
 अहुणोवलित्तं उल्लं, दट्टूणं परिवज्जए ॥२१॥
 एलगं दारगं साणं, वच्छगं वावि कोट्टए ।
 उल्लंधिया न पविसे, विउहित्ताण व संजए ॥२२॥
 असंसत्तं पलोएज्जा, नाइदूरावलोयए ।
 उप्फुल्लं न विनिज्भाए, नियट्टिज्ज अयंपिरो ॥२३॥
 अइभूमिं न गच्छेज्जा, गोयरग्गओ मुणी ।
 कुलस्स भूमिं जाणित्ता, मियं भूमिं परक्कमे ॥२४॥
 तत्थेव पडिलेहिज्जा, भूमिभागं वियक्खणो ।
 सिणाणस्स य वच्चस्स, संलोगं परिवज्जए ॥२५॥
 दगमट्टियआयाणे, बीयाणि हरियाणि य ।
 परिवज्जन्तो चिट्ठेज्जा, सच्चिन्दियसमाहिए ॥२६॥
 तत्थ से चिट्ठमाणस्स, आहरे पाणभोयणं ।
 अकप्पियं न गेण्हिज्जा, पडिगाहेज्ज कप्पियं ॥२७॥
 आहरन्ती सिया तत्थ, परिसाडेज्ज भोयणं ।
 दिन्तियं पडियाइक्खे, न मे कप्पइ तारिसं ॥२८॥
 संभट्टमाणी पाणाणि, बीयाणि हरियाणि य ।
 असंजमकारिं नच्चा, तारिस परिवज्जए ॥२९॥
 साहट्टु निक्खिवित्ताण, सच्चित्तं घट्टियाणि य ।
 तहेव समणट्टाए, उदगं संपणोल्लिया ॥३०॥
 ओगाहइत्ता चलइत्ता, आहरे पाणभोयणं ।
 दिन्तियं पडियाइक्खे, न मे कप्पइ तारिसं ॥३१॥
 पुरेकम्मेण हत्थेण, दव्वीए भायणेण वा ।
 दिन्तियं पडियाइक्खे, न मे कप्पइ तारिसं ॥३२॥

एवं उदउल्ले ससिणिद्धे, ससरवखे मट्टियाऊसे ।
 हरियाले हिडगुलुए, मणोसिला अजणे लोणे ॥३३॥
 गेस्यवण्णियसेडिय, सोरट्टियपिट्टुकुकुसकए य ।
 उक्कट्टमससट्टे, ससट्टे चेव बोद्धवे ॥३४॥
 अससट्टेण हत्तेण, दव्वीए भायणेण वा ।
 दिज्जमाणं न इच्छेज्जा, पच्छाकम्मर्जाहि भवे ॥३५॥
 ससट्टेण य हत्थेण, दव्वीए भायणेण वा ।
 दिज्जमाण पडिच्छेज्जा, ज तत्थेसणिय भवे ॥३६॥
 दोण्ह तु भु जमाणण, दो वि तत्थ निमतए ।
 दिज्जमाण न इच्छेज्जा, छन्द से पडिलेहए ॥३७॥
 दोण्ह तु भु जमाणण, एगो तत्थ निमतए ।
 दिज्जमाण पडिच्छेज्जा, ज तत्थेसणिय भवे ॥३८॥
 गुव्विणीए उवन्नत्थ, विविह पाणभोयण ।
 भु जमाण विवज्जेज्जा, भुत्तसेस पडिच्छए ॥३९॥
 सिया य समणट्टाए, गुव्विणी कालमासिणी ।
 उट्टिया वा निसीएज्जा, निसन्ना वा पुग्गुट्टए ॥४०॥
 त भवे भत्तपाण तु, सजयाण अकप्पिय ।
 दित्तिय पडिघाइक्खे, न मे कप्पइ तारिस ॥४१॥
 थणग पिज्जमाणी य, दारग वा कुमारिय ।
 तं निक्खविअ रोज्जंत, आहरे पाणभोयण ॥४२॥
 त भवे भत्तपाण तु, सजयाण अकप्पिय ।
 दित्तिय पडियाइक्खे, न मे कप्पइ तारिस ॥४३॥
 ज भवे भत्तपाण तु, कप्पाकप्पम्मि सकिय ।
 दित्तिय पडियाइक्खे, न मे कप्पइ तारिस ॥४४॥
 दगवारएण पिहिय, नीसाए पीढएण वा ।
 लोढेण वा वि लेवेण, सिलेसेण व केणइ ॥४५॥

त च उब्भिदिआ दिज्जा, समणट्ठाए व दावए ।
दितिय पडियाइक्खे, न मे कप्पइ तारिस ॥४६॥

असण पाणग वा वि, खाइम साइम तहा ।
ज जाणेज्ज सुणेज्जा वा, दाणट्ठा पगड इम ॥४७॥

तारिसं भत्तपाणं तु, संजयाण अकप्पिय ।
दितियं पडियाइक्खे, न मे कप्पइ तारिस ॥४८॥

असण पाणगं वा वि, खाइम साइमं तहा ।
ज जाणेज्ज सुणेज्जा वा, पुण्णट्ठा पगड इम ॥४९॥

त भवे भत्तपाण तु, सजयाण अकप्पिय ।
दितिय पडियाइक्खे, न मे कप्पइ तारिस ॥५०॥

असण पाणग वा वि, खाइम साइम तहा ।
ज जाणेज्ज सुणेज्जा वा, वणिमट्ठा पगड इम ॥५१॥

त भवे भत्तपाण तु, सजयाण अकप्पिय ।
दितिय पडियाइक्खे, न मे कप्पइ तारिस ॥५२॥

असण पाणग वा वि, खाइम साइम तहा ।
ज जाणेज्ज सुणेज्जा वा, समणट्ठा पगड इम ॥५३॥

त भवे भत्तपाण तु, सजयाण अकप्पिय ।
दितियं पडियाइक्खे न मे कप्पइ तारिस ॥५४॥

उद्देसिय कीयगड, पूइकम्म च आहड ।
अज्भोयरपामिच्च, मीसजाय च वज्जए ॥५५॥

उग्गम से अ पुच्छेज्जा, कस्सट्ठा केण वा कड ।
सोच्चा निस्संकिर्यं सुद्धं, पडिगाहेज्ज संजए ॥५६॥

असणं पाणग वा वि, खाइमं साइम तहा ।
 पुप्फेसु होज्ज उम्मीसं, बीएसु हरिएसु वा ॥५७॥
 तं भवे भत्तपाण तु, सजयाण अकप्पिय ।
 दितिय पडियाइक्खे, न मे कप्पइ तारिस ॥५८॥
 असण पाणग वा वि, खाइम साइमं तहा ।
 उदगंमि होज्ज निक्खित्त, उत्तिगणणेसु वा ॥५९॥
 त भवे भत्तपाण तु, सजयाण अकप्पिय ।
 दितियं पडियाइक्खे, न मे कप्पइ तारिस ॥६०॥
 असण पाणग वा वि, खाइम साइम तहा ।
 अगणिम्मि^१ होज्ज निक्खित्त, त च सघट्टिया दए ॥६१॥
 त भवे भत्तपाण तु, सजयाण अकप्पिय ।
 दितिय पडियाइक्खे, न मे कप्पइ तारिस ॥६२॥
 एव उस्सक्किया ओसपिकुय^१,
 उज्जालिया पज्जालिया निव्वाविया ।
 उस्सच्चिया निस्सच्चिया,
 उव्वत्तिया ओयारिया दए ॥६३॥
 तं भवे भत्तपाणं तु, संजयाण अकप्पियं ।
 दितिय पडियाइक्खे, न मे कप्पइ तारिसं ॥६४॥
 होज्ज कट्ठं सिल वा वि, इट्ठाल वा वि एगया ।
 ठवियं सकमट्ठाए, त च होज्ज चलाचल ॥६५॥
 न तेण भिक्खु गच्छेज्जा, दिट्ठो तत्थ असंजमो ।
 गम्भीरं भुसिरं चैव, सन्विदियसमाहिए ॥६६॥

निस्सेणं फलगं पाढ, उस्सवित्ताणमारुहे ।
 मंचकीलं च पासायं, समणट्ठाए व दावए ॥६७॥
 दुरुहमाणी पवडेज्जा, हत्थं पायं व लूसए ।
 पुढविजीवे वि हिंसेज्जा, जे य तं निस्सिया जगा' ॥६८॥
 एयारिसे महादोसे, जाणऊण महेसिणो ।
 तम्हा मालोहडं भिक्ख, न पडिगेण्हति संजया ॥६९॥
 कंदं मूलं पलंबं वा, आमं छिन्नं व सन्निरं ।
 तुबागं सिंगवेरं च, आमगं परिवज्जए ॥७०॥
 तहेव सत्तुचुण्णाइं, कोलचुण्णाइं आवणे ।
 सक्कुलिं फाणियं पूयं, अन्नं वा वि तहाविहं ॥७१॥
 विक्कायवाणं पसढं, रएण परिफासियं ।
 दितियं पडियाइक्खे, न मे कप्पइ तारिसं ॥७२॥
 बहु-अट्ठियं पोग्गलं, अणिमिसं वा बहुकंटयं ।
 अत्थियं तिदुयं बिल्लं, उच्छुक्खड च सिर्वालं ॥७३॥
 अप्पे सिया भोयणजाए, बहुउज्झियधम्मिए ।
 दितिय पडियाइक्खे, न मे कप्पइ तारिसं ॥७४॥
 तहेवुच्चावयं पाणं, अदुवा वारधोप्रणं ।
 संसेइम चाउलोदगं, अहुणाधोअं विवज्जए ॥७५॥
 जं जाणेज्ज चिरापोयं, मईए दंसणेण वा ।
 पडिपुच्छिऊण सोज्जा वा, जं च निस्संकिय भवे ॥७६॥
 अजीवं परिणय नच्चा, पडिगाहेज्ज संजए ।
 अह सकिय भवेज्जा, आसाइत्ताण रोयए ॥७७॥

थोवमासायणट्टाए, हत्थगम्मि दलाहि मे ।
 मा मे अच्चंबिलं पूइ, नाल तण्ह-विणित्तए ॥७८॥
 तं च अच्चबिल पूइं, नाल तण्हं विणित्तए ।
 दितिय पडियाइक्खे, न मे कप्पइ तारिस ॥७९॥
 तं च होज्ज अकामेणं, विमणेण पडिच्छिय ।
 त अप्पणा न पिबे, नो वि अन्नस्स दावए ॥८०॥
 एगतमवक्कमित्ता, अचित्त पडिलेहिया ।
 जय परिट्ठवेज्जा, परिट्ठप्प पडिक्कमे ॥८१॥
 सिया य गोयरग्गओ. इच्छेज्जा परिभोत्तुअं ।
 कोट्टुग, भित्तिमूल वा, पडिलेहित्ताण फासुय ॥८२॥
 अणुन्नवित्तु मेहावी, पडिच्छन्नम्मि सबुडे ।
 हत्थगं सपमञ्जित्ता, तत्थ भुंजिज्ज सजए ॥८३॥
 तत्थ से भुंजमाणस्स, अट्ठिय कण्ठओ सिया ।
 तणकट्टसक्करं वा वि, अन्न वा वि तहाविहं ॥८४॥
 तं उक्खवित्तु न निक्खवे, आसएण न छड्डुए ।
 हत्थेण तं गहेऊणं, एगंतमवक्कमे ॥८५॥
 एगंतमवक्कमित्ता, अचित्तं पडिलेहिया ।
 जयं परिट्ठवेज्जा, परिट्ठप्प पडिक्कमे ॥८६॥
 सिया य भिक्खू इच्छेज्जा, सेज्जमागम्म भोत्तुअं ।
 सर्पिडपायमागम्म, उंडुयं पडिलेहिया ॥८७॥
 विणएण पविसित्ता, सगासे गुरुणो मुणी ।
 इरियावहियमायाय, आगओ य पडिक्कमे ॥८८॥

आभोएत्ताण नीसेसं, अइयारं जहक्कमं ।
 गमणागमणे चेव, भत्तपाणे य संजए ॥८६॥
 उज्जुप्पन्तो अणुव्विग्गो, अरुव्विक्खत्तेण च्चेयसा ।
 आलोए गुरुसगासे, जं जहा गहियं भवे ॥८७॥
 न सम्ममालोइयं होज्जा, पुंवि पच्छा व ज कडं ।
 पुणो पडिक्कमे तस्स, वोसिट्ठो चित्तए इमं ॥८८॥
 अहो जिणेहिस्सावज्जा, वित्ती साहूण देसिया ।
 मोक्खसाहणहेउस्स, साहुदेहस्स धारणा ॥८९॥
 नमोक्कारेण पारेत्ता, करेत्ता जिणसंथवं ।
 सज्जायं पट्टवित्ताणं, वीसमेज्ज खणं मुणी ॥९०॥
 वीसमतो इम चित्ते, हियमट्ठं लाभमट्ठिओ' ।
 जइ मे अणुग्गहं कुज्जा, साहू होज्जामि तारिओ ॥९१॥
 साहवो तो चियत्तेण, निमंतेज्ज जहक्कमं ।
 जइ तत्थ केइ इच्छेज्जा, तेहिं सदिं तु भुंजए ॥९२॥
 अह कोइ न इच्छेज्जा, तओ भुंजेज्ज एक्कओ ।
 आलोए भायणे साहू, जयं अपरिसाडियं ॥९३॥

तित्तगं व कडुयं व कसायं,

अंबिलं व महुरं लवणं वा ।

एयलद्धमन्तट्टपउत्तं,

महुघयं व भुंजेज्ज संजए ॥९४॥

अरसं विरसं वा वि, सूइयं वा असूइयं ।

उल्लं वा जइ वा सुक्कं, मंथुकुम्मासभोयणं ॥९५॥

उप्पन्नं नाइहीलेज्जा, अप्पं वा बहु-फासुयं ।
 मुहालद्धं मुहाजीवी, भुंजिज्जा दोसवज्जियं ॥६६॥
 दुल्लहा उ मुहादाई, मुहाजीवी वि दुल्लहा ।
 मुहादाई मुहाजीवी, दो वि गच्छन्ति सुग्गइं ॥१००॥
 . ॥ त्ति वेमि ॥

॥ पचमज्भयणस्स पिडेसणाए पहमुद्देसओ समत्तो ॥



॥ पंचमज्भयणं, वीओ उद्देसओ ॥

पडिग्गहं सलिहित्ताणं, लेवमायाए संजए ।
 दुग्गंधं वा सुग्गंधं वा, सव्वं भुंजे न छट्टए ॥१॥
 सेज्जा निसीहियाए, समावन्ने य गोयरे ।
 अयावयट्ठा^१ भोच्चा णं, जइ तेण न सथरे ॥२॥
 तओ कारणमुप्पन्ने, भत्तपाणं गवेसए ।
 विहिणा पुव्वउत्तेण, इमेणं उत्तरेण य ॥३॥
 कालेण निक्खमे भिक्खू, कालेण य पडिक्कमे ।
 अकालं च विवज्जित्ता, काले कालं समाथरे ॥४॥
 अकाले चरसि भिक्खू, कालं न पडिलेहसि ।
 अप्पाणं च किलामेसि, सन्निवेसं च गरिहसि ॥५॥
 सइ काले चरे भिक्खू, कुज्जा पुरिसकारियं ।
 अलाभो त्ति न सोएज्जा, तवो त्ति अहियासए ॥६॥

तहेवुञ्जावया पाणा, भत्तट्टाए समागया ।
 तं उञ्जुयं न गच्छिञ्जा, जयमेव परक्कमे ॥७॥
 गोधरग्गपविट्ठो उ, न निसीएञ्ज कत्थइ ।
 कहं च न पवंधेञ्जा, चिट्ठित्ता ण व संजए ॥८॥
 अगल फलिहं दारं, कवाडं वा वि संजए ।
 अवलविया न चिट्ठेञ्जा, गोधरग्गगओ मुणी ॥९॥
 समणं माहण वा वि, किक्खिण वा वणीमगं ।
 उवसंकमंतं भत्तट्टा, पाणट्टाए व संजए ॥१०॥
 त अइक्कमित्तु न पविसे, न चिट्ठे चक्कुगोयरे ।
 एगंतभवक्कमित्ता, तत्थ चिट्ठेञ्ज संजए ॥११॥
 वणीमगस्स वा तस्स, दायगस्सुभयस्स वा ।
 अप्पत्तियं सिया होञ्जा, लहुत्तं पवयणस्स वा ॥१२॥
 पडिसेहिए व दिन्ने वा, तओ तम्मि नियत्तिए ।
 उवसंकमेञ्ज भत्तट्टा, पाणट्टाए व संजए ॥१३॥
 उप्पलं पउमं वा वि, कुमुयं वा मगदंतियं ।
 अन्नं वा पुप्फसच्चित्तं, तं च संलुंचिया दए ॥१४॥
 तं भवे भत्तपाण तु, संजयाण अकप्पिय ।
 दित्तियं पडियाइक्खे, न से कप्पइ तारिसं ॥१५॥
 उप्पलं पउम वा वि, कुमुयं वा मगदंतियं ।
 अन्नं वा पुप्फसच्चित्तं, तं च संमद्विया दए ॥१६॥
 तं भवे भत्तपाणं तु, संजयाण अकप्पियं ।
 दित्तियं पडियाइक्खे, न से कप्पइ तारिसं ॥१७॥

सालुयं वा विरालियं, कुमुयं उप्पलनालियं ।
 मृणालियं सासवनालियं, उच्छुखंडं अनिब्बुडं ॥१८॥
 तरुणं वा पवालं, रुक्खस्स तणगस्स वा ।
 अन्नस्स वा वि हरियस्स, आमगं परिवज्जए ॥१९॥
 तरुणियं वा छिवाडिं, आमियं भज्जियं सहं ।
 दितियं पडियाइक्खे, न मे कप्पइ तारिसं ॥२०॥
 तहा कोलमणुस्सिन्नं^१, वेलुयं कासवनालियं ।
 तिलपप्पडगं नीमं, आमगं परिवज्जए ॥२१॥
 तहेव चाउलं पिट्ठं, वियडं वा तत्तनिब्बुडं^२ ।
 तिलपिट्ठपूइपिण्णागं, आमग परिवज्जए ॥२२॥
 कविट्ठं माउलिंगं च, मूलगं मूलगतिय ।
 आम असत्थपरिणय, मणसा वि न पत्थए ॥२३॥
 तहेव फलमथूणि, वीयमंथूणि जाणिया ।
 विहेलग वियाल च, आमगं परिवज्जए ॥२४॥
 समुयाण चरे भिक्खू, कुलं उच्चावय सया ।
 नीयं कुलमइक्कम्म, ऊसढ नाभिधारए ॥२५॥
 अदीणो वित्तिमेसेज्जा, न विसीएज्ज पडिए ।
 अमुच्छिओ भोयणम्मि, मायन्ने एसणारए ॥२६॥
 वहं परघरे अत्थि, विविहं खाइमसाइम ।
 न तत्थ पडिओ कुप्पे, इच्छा दिज्ज परो न वा ॥२७॥
 सयणासणवत्थं वा, भत्तपाण व संजए ।
 अदितस्स न कुप्पेज्जा, पञ्चक्खे वि य दीसओ ॥२८॥

१ मणस्सिन्नं । २ तत्तनिब्बुडं ।

इत्थियं पुरिसं वा वि, डहरं वा महल्लगं ।
वदमाणं न जाएज्जा, नो य णं फरुस वए ॥२६॥

जे न वंदे न से कुप्पे, वदिओ न समुक्कसे ।
एवमन्नेसमाणस्स, सामण्णमणुच्चिट्ठइ ॥३०॥

सिया एगइओ लद्धुं, लोभेण विणिगूहइ ।
मा मेयं दाइयं संतं, दट्ठण सयमायए ॥३१॥

अत्तट्ठागुरुओ लुद्धो, बहं पाव पकुव्वइ ।
दुत्तोसओ य से होइ, निव्वाण च न गच्छइ ॥३२॥

सिया एगइओ लद्धु, विविहं पाणभोयण ।
भद्दग भद्दगं भोच्चा, विवण्ण विरसमाहरे ॥३३॥

जाणंतु ता इमे समणा, आघयट्ठी अयं सुणो ।
सतुट्ठो सेवए पतं, लूहवित्ती सुत्तोसओ ॥३४॥

पूयणट्ठा जसोकामो, माणसंमाणकामए ।
बहं पसवइ पाव, मायासत्तल च कुव्वइ ॥३५॥

सुर वा मेरगं वा वि, अन्न वा मज्जगं रसं ।
ससक्खं न पिबे भिक्खू, जसं सारक्खमप्पणो ॥३६॥

पियए एगओ तेणो, न मे कोइ वियाणइ ।
तस्स पस्सह दोसाइं, निर्याडिं च सुणेह मे ॥३७॥

वड्ढइ सोडिया तस्स, मायामोसं च भिक्खुणो ।
अयसो य अनिव्वाणं, सययं च असाहुया ॥३८॥

निच्चुविगो जहा तेणो, अत्तकम्मोहिं दुम्मई ।
तारिसो मरणंते वि, नाराहेइ संवरं ॥३९॥

आयरिए नाराहेइ, समणे यावि तारिसे ।
गिहत्था वि णं गरहति, जेण जाणति तारिसं ॥४०॥

एवं तु अगुणप्पेही, गुणाणं च विवज्जओ ।
तारिसो मरणंते वि, नाराहेइ सवरं ॥४१॥

तवं कुव्वइ मेहावी, पणीय वज्जए रसं ।
मज्जप्पमायविरओ, तवस्सी अइउक्कसो ॥४२॥

तस्स पस्सह कल्लाणं, अणेगसाहुपूइय ।
विउलं अत्थसंजुत्तं, कित्तइस्स सुणेह मे ॥४३॥

एव तु गुणप्पेही, अगुणाणं च विवज्जओ ।
तारिसो मरणंते वि, आराहेइ सवर ॥४४॥

आयरिए आराहेइ, समणे यावि तारिसे ।
गिहत्था वि णं पूयन्ति, जे णं जाणति तारिस ॥४५॥

तवतेणे वइतेणे, रुवतेणे य जे नरे ।
आयारभावतेणे य, कुव्वइ देवकिट्ठिसं ॥४६॥

लद्धूण वि देवत्तं, उववन्तो देवकिट्ठिसे ।
तत्थावि से न याणाइ, किं मे किच्चा इमं फलं ॥४७॥

तत्तो वि से चइत्ताणं, लब्धिही एलमूअय ।
नरय तिरिक्खजोणं वा, वोही जत्थ सुदुल्लहा ॥४८॥

एयं च दोसं दट्ठूण, नायपुत्तेण भासियं ।
अणुमायं पि मेहावी, मायामोसं विवज्जए ॥४९॥

सिक्खिऊण भिक्खेसणसोहि,
संजयाण बुद्धाण सगासे ।

तत्थ भिक्खु सुप्पणिहिइदिए,
 तिक्खलज्जगुणवं विहरेज्जासि ॥५०॥
 ॥ त्ति बेमि ॥

॥ पचमज्भयणस्स पिडेसणाए वीओ उद्देसओ समत्तो ॥



महल्लियायार कहा (धम्मत्थकाम) नामं छट्ठमज्भयणं

नाणदसणसंपन्नं, संजमे य तवे रय ।
 गणिमागमसंपन्नं, उज्जाणम्मि समोसढ ॥१॥

रायाणो रायमच्चा य, माहणा अदुव खत्तिया ।
 पुच्छन्ति निहुयप्पाणो, कह भे आयारगोयरो ॥२॥

तेसि सो निहुओ दन्तो, सव्वभूयसुहावहो ।
 सिक्खाए सुसमाउत्तो, आइक्खइ वियक्खणो ॥३॥

हंदि धम्मत्थकामाण, निगंथाण सुणेह ने ।
 आयारगोयरं भीमं, सयलं दुरहिद्विय ॥४॥

नन्नत्थ एरिसं वुत्तं, जं लोए परमदुच्चर ।
 विउलट्ठाणभाइस्स, न भूयं न भविस्सइ ॥५॥

सखुड्डुगवियत्ताणं वाहियाण च जे गुणा ।
 अखंडफुडिया कायव्वा, तं सुणेह जहा तथा ॥६॥

दस अट्ट य ठाणाइं, जाइं वालोऽवरज्भइ ।
 तत्थ अण्णयरे ठाणे, निगन्थत्ताओ भस्सइ ॥७॥

वयच्छक्क कायच्छक्क, अक्कप्पो गिहिभायण ।
 पलियङ्कनिसेज्जा य, सिणाणं सोभवज्जण ॥८॥

तत्थिमं पढमं ठाणं, महावीरेण देसियं ।
 अहिंसा निउणा दिट्ठा, सव्वभूएसु संजमो ॥६॥
 जावति लोए पाणा, तसा अदुव थावरा ।
 ते जाणमजाण वा, न हणे नो व घायए ॥१०॥
 सव्वजीवा वि इच्छंति, जीविउ न मरिञ्जिउ ।
 तम्हा पाणवहं घोरं, निग्गथा वज्जयंति णं ॥११॥
 अप्पणट्ठा परट्ठा वा, कोहा वा जइ वा भया ।
 हिंसग न मुस बूया, नो वि अन्नं वयावए ॥१२॥
 मुसावाओ य लोगंमि, सव्वसाहोह गरहिओ ।
 अविस्सासो य भूयाणं, तम्हा मोसं विवज्जए ॥१३॥
 चित्तमतमचित्त वा, अप्प वा जइ वा बहुं ।
 दंतसोहणमेत्त पि, ओग्गहसि अजाइया ॥१४॥
 तं अप्पणा न गेण्हंति, नो वि गिण्हावए परं ।
 अन्नं वा गिण्हमाणं पि, नाणुजाणंति संजया ॥१५॥
 अबंभचरियं घोर, पमाय दुरहिट्ठियं ।
 नायरंति मुणी लोए, भेयाययणवज्जिणो ॥१६॥
 मूलमेयमहम्मस्स, महादोससमुस्सयं ।
 तम्हा मेहुणसंसग्गं, निग्गंथा वज्जयति ण ॥१७॥
 विडमुब्भेइम लोण, तेल्लं सर्पि च फाणिय ।
 न ते सन्निहिमिच्छंति, नायपुत्तवओरया ॥१८॥
 लोहस्सेस अणुप्फासो, मन्ने अन्नयरामवि ।
 जे सिया सन्निहीकामे गिही, पव्वइए न से ॥१९॥

ज पि वत्थ व पाय वा, कवल पायपुंछण ।
 त पि सजमलज्जुद्धा, धारति परिहरति य ॥२०॥
 न सो परिग्गहो वुत्तो, नायपुत्तेण ताइणा ।
 मुच्छा परिग्गहो वुत्तो, इइ वुत्त महेसिणा ॥२१॥
 सव्वत्थुवहिणा बुद्धा, सरक्खणपरिग्गहे ।
 अवि अप्पणो वि देहमि, नायरति ममाइय ॥२२॥
 अहो निच्चं तवोकम्मं, सव्वंबुद्धेहिं वणिणय ।
 जा य लज्जासमा वित्ती, एगभत्तं च भोयण ॥२३॥
 संतिमे सुहुमा पाणा, तसा अदुव थावरा ।
 जाइं राओ अपासंतो, कहमेसणियं चरे ॥२४॥
 उदउल्लं बीयसंसत्तं, पाणा निव्वडिया महि ।
 दिआ ताइं विवज्जेज्जा, राओ तत्थ कह चरे ॥२५॥
 एयं च दोसं दट्ठुणं, नायपुत्तेण भासियं ।
 सव्वाहार न भुंजति, निग्गथा राइभोयण ॥२६॥
 पुढविकायं न हिंसति, मणसा वयस कायसा ।
 तिविहेण कण्णजोएण, संजया सुसमाहिया ॥२७॥
 पुढविकायं विहिंसतो, हिंसइ उ तयस्सिए ।
 तसे य विविहे पाणे, चक्खुसे य अचक्खुसे ॥२८॥
 तम्हा एय वियाणित्ता, दोस दुग्गइवड्ढणं ।
 पुढविकायसमारभं, जावज्जीवाए च्छए ॥२९॥
 आउकाय न हिंसति, मणसा वयसाकायसा ।
 तिविहेण करण जोएण, संजया सुसमाहिया ॥३०॥

आउकायं विहिंसंतो, हिंसइ उ तयस्सिए ।
तसे य विविहे पाणे, चक्खुसे य अचक्खुसे ॥३१॥

तम्हा एयं विघाणित्ता, दोस दुग्गइवड्डणं ।
आउकायसमारभ, जावज्जीवाए वज्जए ॥३२॥

जायतेय न इच्छंति, पावगं जलइत्तए ।
तिक्खमन्नयरं सत्थ, सच्चओ वि दुरासयं ॥३३॥

पाइणं पडिणं वा वि, उड्ड अणुदिसामवि ।
अहे दाहिणओ वा वि, दहे उत्तरओ वि य ॥३४॥

भूयाणमेसमाघाओ, हव्ववाहो न ससओ ।
तं पईवपयावट्टा, संजया किच्चि नारभे ॥३५॥

तम्हा एय विघाणित्ता, दोस दुग्गइवड्डण ।
तेउकायसमारंभं, जावज्जीवाए वज्जए ॥३६॥

अनिलस्स समारभ, बुद्धा मन्नंति तारिस ।
सावज्जबहुलं चेयं, नेयं ताईहि सेवियं ॥३७॥

तालियटेण पत्तेण, साहाविहुयणेण वा ।
न ते वीइउमिच्छति, वीयावेऊण वा पर ॥३८॥

जं पि वत्थ व पाय वा, कंबलं पायपु छणं ।
न ते वायमुईरति, जय परिहरति य ॥३९॥

तम्हा एयं विघाणित्ता, दोसं दुग्गइवड्डणं ।
वाउकायसमारंभं, जावज्जीवाए वज्जए ॥४०॥

वणस्सइं न हिंसति, मणसा वयसाकायसा ।
तिविहेण करणजोएण, संजया सुसमाहिया ॥४१॥

वणस्सइ विहिंसतो, हिंसइ उ तयस्सिए ।
 तसे य विविहे पाणे, चक्खुसे य अक्खुसे ॥४२॥
 तम्हा एय वियाणित्ता, दोसं दुग्गइवड्डणं ।
 वणस्सइ समारंभं, जावज्जीवाए वज्जए ॥४३॥
 तसकायं न हिंसति, मणसा वयसाकायसा ।
 तिविहेण करणजोएण, सजया सुसमाहिया ॥४४॥
 तमकायं विहिंसतो, हिंसइ उ तयस्सिए ।
 तसे य विविहे पाणे, चक्खुसे य अक्खुसे ॥४५॥
 तम्हा एयं वियाणित्ता, दोसं दुग्गइवड्डणं ।
 तसकायसमारंभं, जावज्जीवाए वज्जए ॥४६॥
 जाइं चत्तारिऽभोज्जाइ, इसिणाहारमाइणि ।
 ताइ तु विवज्जन्तो, संजमं अणुपालए ॥४७॥
 पिडं सेज्जं च त्थ च, चउत्थं पायमेव य ।
 अकप्पियं न इच्छेज्जा, पडिगाहेज्ज कप्पिय ॥४८॥
 जे नियागं ममायति, कीयमुद्देसियाहडं ।
 वहं ते समणुजाणंति, इइ वुत्तं महेसिणा ॥४९॥
 तम्हा असणपाणाइं, कीयमुद्देसियाहड ।
 वज्जयंति ठियप्पाणो, निग्गथा धम्मजीविणो ॥५०॥
 कंसेसु कंसपाएसु, कुंडओएसु वा पुणो ।
 भुंजंतो असणपाणाइ, आयरा परिभस्सइ ॥५१॥
 सीओदगसमारंभे, मत्तधोयणछडुणे ।
 जाइ छणंति भूयाइं, दिट्ठो तत्थ असंजमो ॥५२॥

पच्छाकम्म पुरेकम्मं, सिया तत्थ न कप्पइ ।
 एयमट्ठं न भुंजंति, निगंथा गिहिभायणे ॥५३॥
 आसदीपलियंकेसु, मचमासालएसु वा ।
 अणायरियमज्जाणं, आसइत्तु सइत्तु वा ॥५४॥
 नासदीपलियंकेसु, न निसेज्जा न पीढए ।
 निगंथाऽपडिलेहाए, बुद्धवृत्तमहिट्ठगा ॥५५॥
 गभीरविजया एए, पाणा दुप्पडिलेहगा ।
 आसंदीपलियको य, एयमट्ठं विवज्जिया ॥५६॥
 गोयरग्गपविट्ठस्स, निसेज्जा जस्स कप्पइ ।
 इमेरिसमणायारं, आवज्जइ अबोहियं ॥५७॥
 विवत्ती बभचेरस्स, पाणाणं च वहे वहो ।
 वणीमगपडिग्घाओ, पडिकोहो अगारिण ॥५८॥
 अगुत्ती बंभचेरस्स, इत्थीओ वा वि सकण ।
 कुसीलवड्ढण ठाणं, दूरओ परिवज्जए ॥५९॥
 तिण्हमन्नयरागस्स, निसेज्जा जस्स कप्पइ ।
 जराए अभिभूयस्स, वाहियस्स तवस्सिणो ॥६०॥
 वाहिओ वा अरोगी वा, सिणाणं जो उ पत्थए ।
 वुक्कतो होइ आयारो, जढो हवइ सजमो ॥६१॥
 सतिमे सुट्ठमा पाणा, घसासु भिलुगासु य ।
 जे उ भिक्खू सिणायतो, वियडेणुप्पलावए ॥६२॥
 तम्हा ते न सिणायत्ति, सीएण उसिणेण वा ।
 जावज्जीव वय घोर, असिणाणमहिट्ठगा ॥६३॥

सिणाणं अदुवा कक्क, लोद्धं पउमगाणि य ।
 गायस्सुव्वट्टणट्ठाए, नायरंति कयाइ वि ॥६४॥
 नगिणस्स वा वि मुंडस्स, दीहरोमनहसिणो ।
 मेहुणा उवसंतस्स, किं विभूसाए कारिय ॥६५॥
 विभूसावत्तियं भिक्खु, कम्म बन्धइ चिक्कणं ।
 ससारसायरे घोरे, जेणं पडइ दुरुत्तरे ॥६६॥
 विभूसावत्तियं चेय, बुद्धा मन्नति तारिस ।
 सावज्जबहुल चेय, नेय ताईहि सेविय ॥६७॥

खवेति अप्पाणममोहदसिणो ।

तवे रया सजमअज्जवे गूणे ।

धुणति पावाइ पुरेकडाइ

नवाइ पावाइ न ते करेति ॥६८॥

सओवसंता अममा अकिचणा

सविज्जविज्जाणुगया जससिणो ।

उउप्पसन्ने विमले व चदिमा

सिद्धि विमाणाइ उवेति ताइणो ॥६९॥ त्ति वेमि ॥

॥ छट्ठ महिल्लियायारकहज्जभयण समत्तं ॥

वक्कसुद्धी नामं सत्तममज्जभयणं

चउण्ह खलु भासाण परिसत्ताय पण्णव ।

दोण्ह तू विणय सिक्खे, दो न भासेज्ज सव्वसो ॥१॥

जा य सच्चा अवत्तव्वा, सच्चामोसा य जा मुसा ।

जा य बुद्धेहिण्णाइण्णा, न तं भासेज्ज पन्नव ॥२॥

असच्चमोस सच्च च, अणवज्जमककस ।
 समुप्पेहमसदिद्धं, गिरं भासेज्ज पन्नव ॥३॥
 एय च अट्टमन्न वा, जं तु नामेइ सासय ।
 स भास सच्चमोस पि, त पि धीरो विवज्जए ॥४॥
 वितहं पि तहामुत्ति, ज गिरं भासए नरो ।
 तम्हा सो पुट्ठो पावेणं, किं पुण जो मुसं वए ॥५॥
 तम्हा गच्छामो वक्खामो, अमुग वा णे भविस्सइ ।
 अहं वा ण करिस्सामि, एसो वा ण करिस्सइ ॥६॥
 एवमाइ उ जा भासा, एस्सकालम्मि सकिया ।
 सपयार्इयमट्ठे वा, त पि धीरो विवज्जए ॥७॥
 अइयम्मि य कालम्मि, पच्चुप्पन्नमणागए ।
 जमट्ठं तु न जाणेज्जा, एवमेय ति नो वए ॥८॥
 अइयम्मि य कालम्मि, पच्चुप्पन्नमणागए ।
 जत्थ सका भवे तं तु, एवमेय ति नो वए ॥९॥
 अइयम्मि य कालम्मि, पच्चुप्पन्नमणागए ।
 निस्सकिय भवे ज तु, एवमेय ति निद्विसे ॥१०॥
 तहेव फरुसा भासा, गुरुभूओवघाइणी ।
 सच्चा वि सा न वत्तव्वा, जओ पावस्स आगमो ॥११॥
 तहेव काण काणे त्ति, पडग पडगे त्ति वा ।
 वाहियं वा वि रोगि त्ति, तेणं चोरे त्ति नो वए ॥१२॥
 एएणन्नेण अट्ठेण, परो जेणुवहम्मइ ।
 आयारभावदोसन्तू, न त भासेज्ज पन्नव ॥१३॥

तहेव होले गोले त्ति, साणे वा वसुले त्ति य ।
 दमए दूहए वा वि, न' तं भासेज्ज पन्नव ॥१४॥
 अज्जिए पज्जिए वा वि, अम्मो माउसिए त्ति य ।
 पिउसिए भाइणेज्ज त्ति, धुए नत्तुणिए त्ति य ॥१५॥
 हले हले त्ति अन्ने त्ति, भट्टे सामिणि गोमिणि ।
 होले गोले वसुले त्ति, इत्थिय नेवमालवे ॥१६॥
 नामधेज्जेण णं बूया, इत्थीगोत्तेण वा पुणो ।
 जहारिहमभिगिज्झ, आलवेज्ज लवेज्ज वा ॥१७॥
 अज्जए पज्जए वा वि, वप्पो च्चल्लपिउ त्ति य ।
 माउला भाइणेज्ज त्ति, पुत्ते नत्तुणिय त्ति य ॥१८॥
 हे हो हले त्ति अन्ने त्ति, भट्टे सामिय गोमिय ।
 होलं गोल वसुले त्ति, पुरिसं नेवमालवे ॥१९॥
 नामधेज्जेण ण बूया, पुरिसगोत्तेण वा पुणो ।
 जहारिहमभिगिज्झ, आलवेज्ज लवेज्ज वा ॥२०॥
 पच्चिदियाण पाणाणं, एस इत्थी अय पुमं ।
 जाव ण न विजाणेज्जा, ताव जाइ त्ति आलवे ॥२१॥
 तहेव माणुस पसुं, पक्खि वा वि सरीसव ।
 थूले पमेइले वज्झे, पायमिस्सि य नो वए ॥२२॥
 परिवूढत्ति ण बूया, बूया उवच्चिए त्ति य ।
 सजाए पीणिए वा वि, महाकाए त्ति आलवे ॥२३॥
 तहेव गाओ दोज्झाओ, दम्मा गोरहग त्ति य ।
 वाहिमा रहजोग्गत्ति, नेव भासेज्ज पन्नवं ॥२४॥

जुवं गवे त्ति ण ब्रूया, धेणुं रसदयत्ति य ।
 रहस्से सहल्लए वा वि, वए सबहणे त्ति य ॥२५॥
 तहेव गतुमुज्जाण, पव्वयाणि वणाणि य ।
 रुक्खा सहल्ल पेहाए, नेव भासेज्ज पन्नव ॥२६॥
 अल पासायखभाण, तोरणाण गिहाण य ।
 फलिहग्गलनावाण, अल उदगदोणिण ॥२७॥
 पीढए चगदेरे य, नगले मइय सिया ।
 जन्तलट्ठी व नाभी वा, गडिया वा अल सिया ॥२८॥
 आसण सयण जाण, होज्जा वा किंचुवस्सए ।
 मूअ्रोवघाइणिं भास, नेव भासेज्ज पन्नव ॥२९॥
 तहेव गतुमुज्जाण, पव्वयाणि वणाणि य ।
 रुक्खा सहल्ल पेहाए, एवं भासेज्ज पन्नव ॥३०॥
 जाइमता इमे रुक्खा, दीहवट्टा महालया ।
 पयायसाला विडिमा, वए दरिसणित्ति य ॥३१॥
 तहा फलाइ पक्काइ, पायखज्जाइ नो वए ।
 बेलोइयाइ टालाइ, वेहिमाइ ति नो वए ॥३२॥
 असथडा^१ इमे अवा, बहुनिव्वडिमा^२ फला ।
 वएज्ज बहुसभूया, भूयरूवत्ति वा पुणो ॥३३॥
 तहेवोसहीओ पक्काओ, नीलियाओ छवी इ य ।
 लाइमा भज्जिमाओ त्ति, पिहुखज्जत्ति नो वए ॥३४॥
 रुढा बहुसभूया, थिरा ऊसढा वि य ।
 गन्भियाओ पत्तूयाओ, ससाराओ त्ति आलवे ॥३५॥

तहेव सखांडि नच्चा, किच्च कज्ज ति नो वए ।
 तेणग वा वि वज्जे ति, सुत्तित्थे ति य आवगा ॥३६॥
 सखांडि सखांडि ब्रूया, पणियट्टत्ति तेणग ।
 बहुसमाणि तित्थाणि, आवगाण वियागरे ॥३७॥
 तथा नईओ पुण्णाओ, कायतिज्जत्ति नो वए ।
 नावाहि तारिमाओ ति, पाणिपेज्जत्ति नो वए ॥३८॥
 बहुवाहडा अगाहा, बहुसलिलुप्पिलोदगा ।
 बहुवित्थडोदगा यावि, एव भासेज्ज पन्नव ॥३९॥
 तहेव सावज्ज जोगं, परस्सट्टाए निट्ठिय ।
 कीरमाण ति वा नच्चा, सावज्ज नालवे मुणी ॥४०॥
 सुकडे ति सुपक्के ति, सुच्छिन्ने सुहडे मडे ।
 सुनिट्ठिए सुलट्ठे ति सावज्ज वज्जए मुणी ॥४१॥

पयत्तपक्कत्ति व पक्कमालवे,
 पयत्तच्छिन्नत्ति व छिन्नमालदे ।
 पयत्तलट्टत्ति व कम्महेउय,
 पहारगाढत्ति व गाढमालवे ॥४२॥

सव्वुक्कस परग्घ वा, अडलं नत्थि एरिय ।
 अचक्खियमवत्तव्वं, अचियत्त चेव नो वए ॥४३॥
 सव्वमेय वइस्सावि, सव्वमेय ति नो वए ।
 अणुवीइ सव्व सव्वत्थ, एव भासेज्ज पन्नव ॥४४॥
 सुक्कीयं वा सुविक्कीय, अफिज्ज किज्जमेव वा ।
 इमं गेण्ह इम मुच्च, पणिय नो वियागरे ॥४५॥

अप्पग्घे वा महग्घे वा, कए वा विक्कए वि वा । । ।
पणियट्ठे समुप्पन्ने, अणवज्ज वियागरे ॥४६॥

तहेवासजय धीरो, आस एहि करेहि वा ।
सय चिट्ठ वयाहि त्ति, नेवं भासेज्ज पन्नवं ॥४७॥

बह्वे इमे असाहू, लोए वुच्चति साहुणो ।
न लवे असाहुं साहु त्ति, साहुं साहुत्ति आलवे ॥४८॥

नाणदसणसंपन्नं, संजमे य तवे रय ।
एव गुणसमाउत्तं, संजयं साहुमालवे ॥४९॥

देवाण मणुयाणं च, तिरियाणं च बुग्गहे ।
अमुयाणं जओ होउ, मा वा होउ त्ति नो वए ॥५०॥

वाओ वुट्ठं व सीउण्हं खेमं धायं सिवं ति वा ।
कया णु होज्जा एयाणि मा वा होउ त्ति नो वए ॥५१॥

तहेव मेहं व णहं व माणव,
न देव देव त्ति गिरं वएज्जा ।

समुच्छिए उन्नए या पओए,

वएज्ज वा वुट्ठ बलाहय त्ति ॥५२॥

अन्तलिक्ख त्ति णं बूया, गुज्झाणुचरिय त्ति य ।
रिद्धिमंतं नरं दिस्स, रिद्धिमंतं त्ति आलवे ॥५३॥

तहेव सावज्जणुमोयणी गिरा

ओहारिणी जा य परोवघाइणी ।

से कोह लोहा भय हास माणवो',

न हासमाणो वि गिरं वएज्जा ॥५४॥

सुवक्कसुद्धिं समुपेहिया सुणो,
 गिरं च दुट्ठं परिवज्जए सया ।
 मिय अदुट्ठ अणुवीइ भासए,
 मयाण मज्झे लहइ पससण ॥५५॥
 भासाए दोसे य गुणे य जाणिया,
 तीसे य दुट्ठे परिवज्जए सया ।
 छसु संजए सामणिए सया जए,
 वएज्ज बुद्धे हियमाणुलोमिय ॥५६॥
 परिकखभासो सुसमाहिइदिए,
 चउक्कसायावगए अणिसिए ।
 सनिद्धुणे घुन्नमल' पुरेकड,
 आराहए लोगमिणं तहा परं ॥५७॥ त्ति वेमि ॥
 ॥ सत्तम वक्कसुद्धी अज्भयण समत्तं ॥

आयारपणिहिनामं अट्टममज्भयणं

आयारपणिहिं लद्धुं, जहा कायव्व भिक्खुणा ।
 तं मे उदाहरिस्तामि, आणुपुव्व सुणेह मे ॥१॥
 पुढवि-दग-अगणि-मारुय^३-तणरुक्ख-सवोयगा ।
 तसा य पाणा जीव त्ति, इइ वुत्त महेसिणा ॥२॥
 तेसि अच्छणजोएण, निच्चं होयव्वयं सिया ।
 मणसा कायवक्केण, एवं भवइ संजए ॥३॥
 पुढवि भित्ति सिलं लेलुं. नेव भिन्दे न संलिहे ।
 तिविहेण करणजोएण, संजए सुसमाहिए ॥४॥

सुद्धपुढवीए न निसीए, ससरक्खम्मि य आसणे ।
पमज्जित्तु निसीएज्जा, जाइत्ता जस्स उग्गहं ॥५॥

सीओदगं न सेवेज्जा, सिलावुट्ठं हिमाणि य ।
उसिणोदग तत्तफासुयं, पडिगाहेज्ज संजए ॥६॥

उदउल्ल अप्पणो कायं, नेव पुंछे न संलिहे ।
समुप्पेह तहाभूयं, नो ण संघट्टए मुणी ॥७॥

इंगालं अगणिं अरिच्च, अलायं वा सजोइयं ।
न उंजेज्जा न घट्टेज्जा, नो ण निच्चावए मुणी ॥८॥

तालियटेण पत्तेण, साहाए विहुणेण वा ।
न वीएज्ज अप्पणो कायं, बाहिर वा वि पोग्गल ॥९॥

तणरुक्ख न छिंदेज्जा, फल मूलं व कस्सइ ।
आमगं विविहं बीयं, मणसा वि न पत्थए ॥१०॥

गहणेसु न चिट्ठेज्जा, वीएसु हरिएसु वा ।
उदगमि तहा निच्च, उत्तिगपणगेसु वा ॥११॥

तसे पाणे न हिसेज्जा, वाया अट्टुव कम्मुणा ।
उवरओ सव्वभूएसु, पासेज्ज विविह जगं ॥१२॥

अट्ट सुहुमाइ पेहाए, जाइं जाणित्तु संजए ।
दयाहिगारी भूएसु, आस चिट्ठ सएहि वा ॥१३॥

कयराइ अट्ट सुहुमाइं ? जाइं पुच्छेज्ज संजए ।
इमाइ ताइ मेहावी, आइक्खेज्ज वियक्खणे ॥१४॥

सिणेहं पुप्फसुहुमं च, पाणुत्तिगं तहेव य ।
पणग बीयहरियं च, अडसुहुम च अट्टम ॥१५॥

एवमेयाणि जाणित्ता, सव्वभावेण सजए ।
 अप्पमत्ते जए निच्च, सव्विदियसमाहिए ॥१६॥
 धुव च पडिलेहेज्जा, जोगसा पायकम्बलं ।
 सेज्जमुच्चारभूमि च, संथार अट्टुवासण ॥१७॥
 उच्चारं पासवण, खेल सिंघाणजल्लिय ।
 फासुय पडिलेहिता, परिट्टावेज्ज सजए ॥१८॥
 पविसित्तु परागार, पाणट्टा भोयणस्स वा ।
 जयं चिट्ठे मिय भासे, न य रूवेसु मणं करे ॥१९॥
 बहं सुणेइ कण्णेहि, बहं अच्छीहि पेच्छइ ।
 न य दिट्ठं सुयं सव्व, भिक्खू अक्खाउमरिहइ ॥२०॥
 सुय वा जइ वा दिट्ठं, न लवेज्जीवघाइय ।
 न य केण उवाएणं, गिहिजोगं समायरे ॥२१॥
 निट्टाणं रसनिज्जूढं, भद्दग पावग ति वा ।
 पुट्ठो वा वि अपुट्ठो वा, लाभालाभ न निट्ठिसे ॥२२॥
 न य भोयणम्मि गिट्ठो, चरे उंछ अयंपिरो ।
 अफासुयं न भुंजेज्जा, कीयमुट्ठेसियाहड ॥२३॥
 सन्निहि च न कुव्वेज्जा, अणुमायं पि संजए ।
 मुहाजीवी असवद्धे, हवेज्जा जगनिस्सिए ॥२४॥
 लूहवित्ती सुसंतुट्ठे, अप्पिच्छे सुहरे सिया ।
 आसुरत्त न गच्छेज्जा, सोच्चा ण जिणसासणं ॥२५॥
 कण्णसोकखेहि सट्ठोहि, पेमं नाभिनिवेसए ।
 दारुणं कक्कसं फासं, काएण अहियासए ॥२६॥
 खुहं पिवास दुस्सेज्ज, सीउण्ह अरई भयं ।
 अहियासे अव्वहिओ, देहदुक्खं महाफलं ॥२७॥

अत्थंगयमि श्राड्च्चे, पुरत्था य अणुग्गए ।
 आहारमाइय सच्चं, मणसा वि न पत्थए ॥२८॥
 अत्तिण्णे अन्नवले, अप्पभासी मिघासणे ।
 हवेज्ज उयरे दन्ते, थोवं लद्धं न खिसए ॥२९॥
 न बाहिरं परिभवे, अत्ताणं न समुक्कसे ।
 सुयलाभे न मज्जेज्जा, जच्चा तवत्सिबुद्धिए ॥३०॥
 से जाणं अजाणं वा, कट्टु आहम्मियं पय ।
 संवरे खिप्पमप्पाणं, वीर्यं त न समायरे ॥३१॥
 अणायारं परक्कम्म, नेव गूहे न निण्हवे ।
 सुई सया वियडभादे, अससत्ते जिइंदिए ॥३२॥
 अमोहं वयणं कुज्जा, आयरियस्स महप्पणो ।
 तं परिगिज्झ वायाए, कम्मुणा उववायए ॥३३॥
 अधुवं जीवियं नच्चा, सिद्धिमग्गं वियाणिया ।
 विणियद्वेज्ज भोगेसु, आउ परिमियमप्पणो ॥३४॥
 बलं थाम च पेहाए, सद्धमारोगमप्पणो ।
 खेत्त कालं च विन्नाय, तहप्पाणं न जुजए ॥३५॥
 जरा ज्जाव न पीलेइ, वाही जाव न वड्डइ ।
 जाविदिया न हायति, ताव धम्मं समायरे ॥३६॥
 कोहं माणं च मायं च, लोभं च पाववड्डुणं ।
 वमे चत्तारि दोसे उ, इच्छंतो हियमप्पणो ॥३७॥
 कोहो पीइं पणासेइ, माणो विणयनासणो ।
 माया मित्ताणि नासेइ, लोहो सच्चविणासणो ॥३८॥
 उवसमेण हणे कोह, माणं मद्दवया जिणे ।
 मायं चज्जवभावेणं, लोभं संतोसओ जिणे ॥३९॥

कोहो य माणो य अणिसगहीया,

माया य लोभो य पवड्डुमाणा ।

चत्तारि एए कसिणा कसाया,

सिंचंति मूलाइपुणवभवस्स ॥४०॥

राइणिएसु विणय पउजे,

धुवसील सययं न यावइज्जा ।

कुम्मो व्व अल्लीणपलीणगुत्तो,

परक्कमेज्जा तवसंजमम्मि ॥४१॥

निदं च न बहु मन्नेज्जा, सप्पहासं विवज्जए ।

मिहो कहाहिं न रमे, सज्झायम्मि रओ सया ॥४२॥

जोगं च समणघम्मम्मि, जुंजे अणलसो धुवं ।

जुत्तो य समणघम्मम्मि, अद्वं लहइ अणुत्तरं ॥४३॥

इहलोगपारत्तहियं, जेणं गच्छइ सोग्गइं ।

बहुसुय पज्जुवासेज्जा, पुच्छेज्जत्थविणिच्छयं ॥४४॥

हत्थं पायं च कायं च, पणिहाय जिइंदिए ।

अल्लीणगुत्तो निसिए, सगासे गुरुणो मुणी ॥४५॥

न पक्खओ न पुरओ, नेव किच्चाण पिट्टओ ।

न य ऊरु समासेज्जा, च्चिट्ठेज्जा गुरुणन्तिए ॥४६॥

अपुच्छिओ न भासेज्जा, भासमाणस्स अन्तरा ।

पिट्ठिमंसं न खाएज्जा, मायामोसं विवज्जए ॥४७॥

अप्पत्तियं जेण सिया, आसु कुप्पेज्ज वा परो ।

सच्चवसो तं न भासेज्ज, भास अहियगामिणिं ॥४८॥

दिट्टुं मियं असदिद्धं, पडिपुण्णं वियं जियं ।
 अयपिरमणुव्विग्गं, भासं निसिर अत्तव ॥४६॥
 आधारपन्नतिधरं, दिट्टिवायमहिज्जगं ।
 वायविवखलिय नज्जा, न तं उवहसे मुणी ॥५०॥
 नक्खत्त सुमिण जोगं, निमित्तं मन्तभेसजं ।
 गिहिणो तं न आइक्खे, भूयाहिगरणं पय ॥५१॥
 अन्नट्टु पगड लयणं, भएज्जा सयणासणं ।
 उच्चारभूमिसंपन्नं, इत्थीपसुविवज्जियं ॥५२॥
 विवित्ता य भवे सेज्जा, नारीणं न लवे कहं ।
 गिहिसंथव न कुज्जा, कुज्जा साहूहि संथव ॥५३॥
 जहा कुक्कुडपोयस्स, निच्चं कुललओ भयं ।
 एवं खु बभयारिस्स, इत्थीविग्गहओ भयं ॥५४॥
 चित्तभित्त न निज्झाए, नारिं वा सुअलंकियं ।
 भक्खरं पिव दट्ठूण, दिट्ठि पडिसमाहरे ॥५५॥
 हत्थपायपडिच्छिन्नं, कण्णनासविकप्पियं ।
 अवि वाससइ नारिं, बंभयारी विवज्जए ॥५६॥
 विभूता इत्थिसंसग्गो, पणोयरसभोयए ।
 नरस्सत्तगवेसिस्स, विसं तालउडं जहा ॥५७॥
 अंगपच्चंगसंठाण, चारुल्लवियपेहियं ।
 इत्थीण त न निज्झाए, कामरागविवड्डुणं ॥५८॥
 विसएसु मणुन्नेसु, पेसं नाभिनिवेसए ।
 अणिच्च तेसि विन्नाय, परिणामं पोग्गलाण य ॥५९॥
 पोग्गलाण परिमाण, तेसि नच्चा जहा तथा ।
 विणीयतण्हो विहरे, सीईभूएण अप्पणा ॥६०॥

जाए सद्धाए निक्खंतो, परियायट्ठाणमुत्तमं ।

तमेव अणुपालेज्जा, गुणे आयरियसम्मए ॥६१॥

तवं चिम सजमजोगयं च,

सज्जायजोगं च सया अहिट्ठए ।

सूरे व सेणाए समत्तमाउहे,

अलमप्पणो होइ अल परेसि ॥६२॥

सज्जायसज्जाणरयस्स ताइणो,

अपावभावस्स तवेरयस्स ।

विसुज्झई जं से' मलं पुरेकडं,

समीरियं रुप्पमलं व जोइणा ॥६३॥

से तारिसे दुक्खसहे जिइंदिए,

सुएण जुत्ते असमे अकिचणे ।

विरायई कम्मघणम्मि अवगाए,

कसिणवभपुडावगमे व चन्दिमे ॥६४॥ त्ति वेमि ॥

॥ अट्ठम आयारप्पणिही अज्जयण समत्त ॥

विणयसमाही नामं णवममज्जयणं—पढमो उट्ठेसओ

थंभा व कोहा व न्यप्पमाया

गुरुस्सगासे विणयं न सिक्खे ।

मो चेव ऊ तस्स अभूइभावो,

फलं व कीयस्स वहाय होइ ॥१॥

जे यावि मंदित्ति गुरुं विइत्ता,
 डहरे इमे अप्पसुए त्ति नच्चा ।
 हीलंति मिच्छं पडिवज्जमाणा,
 करंति आसायण ते गुरुण ॥२॥
 पगईए मन्दा वि भवंति एगे,
 डहरा वि य जे सुयबुद्धोववेया ।
 आयारमता गुणसुट्टियप्पा,
 जे हीलिया सिहिरिव भास कुज्जा ॥३॥

जे यावि नागं डहरं ति नच्चा,
 आसायए से अहियाय होइ ।
 एवारियं पि हु हीलयंतो,
 नियच्छइ जाइपहं खु मन्दे ॥४॥
 आसीविसो यावि परं सुख्खो,
 किं जीवनासाउ परं नु कुज्जा ।
 आयरियपाया पुण अप्पसन्ना,
 अबोहिआसायण नत्थि मोक्खो ॥५॥

जो पावगं जलियमवक्कमेज्जा,
 आसीविसं वा वि हु कोवएज्जा ।
 जो वा विसं खायइ जीवियट्ठी,
 एसोवमाऽऽसायणया गुरुणं ॥६॥

सिया हु से पावय नो डहेज्जा,
 आसीविसो वा कुविओ न भक्खे ।
 सिया विसं हालहलं न मारे,
 न यावि मोक्खो गुरुहीलणाए ॥७॥

जो पव्वयं सिरसा भेत्तुमिच्छे,
 सुत्तं व सीहं पडिबोहएज्जा ।
 जो वा दए सत्तिअग्गे पहारं,
 एसोवमाऽऽसायणया गुरूणं ॥८॥

सिया हं सीसेण गिरिं पि भिंदे,
 सिया हु सीहो कुविओ न भक्खे ।
 सिया न भिंदेज्ज व सत्तिअग्गं,
 न यावि मोक्खो गुरुहीलणाए ॥९॥

आयरियपाया पुण अप्पसन्ता,
 अबोहिआसायण नत्थि मोक्खो ।
 तम्हा अणावाहसुहाभिकखी,
 गुरुप्पसायाभिमुहो रमेज्जा ॥१०॥

जहाहियग्गी जलण नमसे,
 नाणाहुईमंतपयाभिसित्तं ।
 एवायरियं उवच्चिट्ठएज्जा,
 अणतनाणोवगओवि सतो ॥११॥

जस्सतिएधम्मपयाइ सिक्खे,
 तस्सतिए वेणइय पउंजे ।
 सक्कारए सिरसा पजलीओ,
 कायगिरा भो मणसा य निच्चं ॥१२॥

लज्जा-दया-संजम-वभचेर,
 कल्लाणभागिस्स विसोहिठाणं ।
 जे मे गुरू सययमणुसासयति,
 ते ह गुरू सययं पूययामि ॥१३॥

जहा निसते तवणञ्चिमाली,
 पभासइ केवलभारह तु ।
 एवायरिओ सुयसीलबुद्धिए,
 विरायई सुरमज्जे व इदो ॥१४॥

जहा ससी कोमुइजोगजुत्तो,
 नक्खत्ततारागणपरिवुडप्पा ।
 खे सोहइ विमले अब्भमुक्के,
 एव गणी सोहइ भिक्खुमज्जे ॥१५॥

महागरा आयरिया महेसी,
 समाहिजोगे सुयसीलबुद्धिए ।
 सपाविउकामे अणुत्तराईं,
 आराहए तोसए धम्मकामी ॥१६॥

सोच्चाण मेहावि सुभासियाइ,
 सुस्सुसए आयरियप्पमत्तो ।
 आराहइत्ताण गुणे अणेगे,
 सो पावई सिद्धिमणुत्तर ॥१७॥ त्ति वेमि ॥

॥ णवमअज्भयणस्स विणयसमाहीए पढमो उद्देसओ समत्तो ॥

णवममज्भयणं—बीओ उद्देसओ

मूलाओ खधप्पभवो दुमस्स,
 खंधाउ पच्छां समुवेति साहा ।
 साहप्पसाहा विरुहंति पत्ता,
 तओ से पुप्फ च फल रसो य ॥१॥

एवं धम्मस्स विणओ, मूल परमो से मोक्खो ।
 जेण किंत्ति सुय सिग्घ, निस्सेस चाभिगच्छइ ॥२॥
 जे य चंडे सिए थद्धे, दुब्वाई नियडी सढे ।
 वुज्झइ से अविणीयप्पा, कट्ट सोयगयं जहा ॥३॥
 विणय पि जो उवाएण, चोइओ कुप्पइ नरो ।
 दिव्व सो सिरिमेज्जन्ति, दडेण पडिसेहए ॥४॥
 तहेव अविणीयप्पा उववज्झा हया गया ।
 दीसंति दुहमेहता, अभियोगमुवट्ठिया ॥५॥
 तहेव सुविणीयण्ण, उववज्झा हया गया ।
 दीसति सुहमेहता, इट्ठि पत्ता महायसा ॥६॥
 तहेव अविणीयप्पा, लोगसि नरनारिओ ।
 दीसति दुहमेहंता, छाया ते विगलिट्ठिया' ॥७॥
 दंडसत्थपरिजुण्णा, असवभवयणेहि य ।
 कलुणा विवन्नच्छंदा, खुप्पिवासाइपरिगया ॥८॥
 तहेव सुविणीयप्पा, लोगसि नरनारिओ ।
 दीसति सुहमेहता, इट्ठि पत्ता महायसा ॥९॥
 तहेव अविणीयप्पा, देवा जक्खा य गुज्झगा ।
 दीसंति दुहमेहता, अभियोगमुवट्ठिया ॥१०॥
 तहेव सुविणीयप्पा, देवा जक्खा य गुज्झगा ।
 दीसंति सुहमेहता, इट्ठि पत्ता महायसा ॥११॥
 जे आयरियउवज्झायाणं, सुस्ससावयणंकरा ।
 तेसि सिक्खा पवड्ढंति, जलसित्ता इव पायवा ॥१२॥

अप्पणट्ठा परट्ठा वा, सिप्पा नेउणियणि थ ।
 गिहिणो उवभोगट्ठा, इहलोगस्स कारणा ॥१३॥
 जेण बंधं वहं घोरं, परियाव च दाहण ।
 सिक्खमाण नियच्छंति, जुत्ता ते ललिइंदिया ॥१४॥
 ते वि तं गुरुं पूयंति, तस्स सिप्पस्स कारणा ।
 सल्लारंति णमंसन्ति, तुट्ठा निद्वेसवत्तिणो ॥१५॥
 किं पुण जे सुयग्गाही, अणन्तहियकामए ।
 आयरिया जं वए भिक्खू, तम्हा तं नाइवत्तए ॥१६॥
 नीयं सेज्जं गइं ठाणं, नीयं च आसणाणि य ।
 नीयं च पाए वंदेज्जा, नीयं कुज्जा य अंजलि ॥१७॥
 संघट्टइत्ता काएणं, तहा उवहिणामवि ।
 खमेह अवराहं से, वएज्ज न पुणो त्ति य ॥१८॥
 दुग्गओ वा पओएणं, चोइओ वहइ रहं ।
 एवं दुवुद्धि किच्चाणं, वुत्तो वुत्तो पकुव्वइ ॥१९॥
 आलवते लवते वा, न निसेज्जाए पडिस्सुणे ।
 मोत्तूणं आसणं धीरो, सुस्सूसाए पडिस्सुणे ॥२०॥
 काल छंदोवयारं च, पडिलेहित्ताण हेउहि ।
 तेहि तेहि उवाएहि, तं तं संपडिवायए ॥२१॥
 विवत्ती अविणीयस्स, संपत्ती विणियस्स य ।
 जस्सेयं दुहओ नायं, सिक्खं से अभिगच्छइ ॥२२॥
 जे यावि चण्डे मइइड्डिगारवे,
 पिसुणे नरे साहस हीणपेसणे ।
 अदिट्ठधम्मे विणए अकोविए,
 असंविभागी न हु तस्स मोक्खो ॥२३॥

णिद्वेसवत्ती पुण जे गुरुणं,
 सुयत्थधम्मा विणयंमि कोविया ।
 तरित्तु ते ओहमिणं दुरुत्तरं,
 खवित्तु कम्मं गइमुत्तमं गया ॥२४॥ त्ति वेमि ॥

॥ णवमअज्भयणस्स विणयसमाहीए विइओ उद्वेसगो समत्तो ॥

णवममज्भयणं, तइओ उद्वेसओ

आयरियमग्गिमाहियगी,
 सुस्ससमाणो पडिजागरिज्जा ।
 आलोइयं इंगियमेव नज्जा,
 जो छन्दमाराहयई स पुज्जो ॥१॥
 आयारमट्ठा विणयं पउजे,
 सुस्ससमाणो परिणिज्झ वक्कं ।
 जहोवइदुं अभिकंखमाणो,
 गुरु तु नासाययई स पुज्जो ॥२॥
 राइणिएसु विणयं पउजे,
 उहरा वि य जे परियाय जिट्ठा ।
 नीयत्तणे वट्टइ सच्चवाई,
 ओवायवं वक्ककरे स पुज्जो ॥३॥
 अन्नायउंछं चरई विसुद्ध,
 जवणट्ठया समुयाणं च निच्चं ।
 अलद्धुयं नो परिदेवएज्जा,
 लद्धं न विकत्ययई स पुज्जो ॥४॥
 संथारसेज्जासणभत्तपाणे,
 अप्पिच्छया अइत्ताभे वि संते ।

जो एवमप्पाणभितोसएज्जा,
 संतोसपाहन्नरए स पुज्जो ॥५॥
 सक्का सहेउं आसाइ कंटया,
 अओमया उच्छहया नरेणं ।
 अणासए जो उ सहेज्ज कंटए,
 वर्डमए कण्णसरे सपुज्जो ॥६॥
 मुहुत्तदुवखा उ हवंति कंटया,
 अओमया ते वि तओ सुउद्धरा ।
 वायादुरुत्ताणि दुरुद्धराणि,
 वेराणुबंधीणि महवभयाणि ॥७॥
 समावयंता वयणाभिघाया,
 कण्णं गया दुम्मणियं जणंति ।
 धम्मो त्ति किञ्चा परमग्गसूरे,
 जिइदिए जो सहई स पुज्जो ॥८॥
 अवण्णवायं च परंमुहस्स,
 पच्चक्खओ पडिणीयं च भासं ।
 ओहारिणं अप्पियकारिणं च,
 भासं न भासेज्ज सया स पुज्जो ॥९॥
 अलोलुए अक्कुहए अमाई,
 अपिसुणे यावि अदीणवित्ती ।
 नो भावए नो वि य भावियप्पा,
 अकोउहल्ले य सया स पुज्जो ॥१०॥
 गुणेहि साहू, अगुणेहिस्साहू,
 गिण्हाहि साहूगुण सुच्चस्साहू ।
 वियाणिया अप्पगमप्पएण,
 जो रागदोसेहिं समो स पुज्जो ॥११॥

तहेव डहरं व महल्लगं वा,
 इत्थी पुमं पव्वइय गिहिं वा ।
 'नो हीलए नो वि य खिसएज्जा,
 थभं च कोहं च चए स पुज्जो ॥१२॥
 जे माणिया सययं माणयति,
 जत्तेण कन्त व निवेसयंति ।
 ते माणए माणरिहे तवस्सी,
 जिइंदिए सच्चरए स पुज्जो ॥१३॥
 तेसिं गुरुणं गुणसागराण,
 सोच्चाण मेहावि सुभासियाइ ।
 चरे मुणी पंचरए तिगुत्तो,
 चउक्कसायावगए स पुज्जो ॥१४॥
 गुरुमिह सययं पडियरिय मुणी,
 जिणवयनिउणे^१ अभिगमकुसले ।
 घुणिय रयमलं पुरेकड,
 भासुरमउलं गइं गए^२ ॥१५॥ त्ति वेमि ॥

॥ णवमअज्झयणस्स विणयममाहीए तइओ उद्देसओ समत्तो ॥

णवमअज्झयणं, उउत्थो उद्देसओ

सुयं मे आउत्तं ! तेणं भगवया एवत्तखायं—इह खलु थेरेहिं
 भगवतेहिं चत्तारि विणयसमाहिट्ठाणा पण्णत्ता ।

कयरे खलु ते थेरेहिं भगवतेहिं चत्तारि विणयसमाहिट्ठाणा
 पण्णत्ता ?

इमे खलु ते थेरेहिं भगवतेहिं चत्तारि विणयसमाहिट्ठाणा
 पण्णत्ता तं जहा—विणयसमाही, सुयसमाही, तवत्तमाही, चाया-

समाही ।

विणए सुए तवे य आयारे णिच्च पंडिया ।

अभिरामयंति अप्पाणं जे भवंति जिइदिया ॥१॥

चउव्विहा खलु विणयसमाही भवइ, त जहा—अणुसासि-
ज्जन्तो सुस्सूसइ, सम्म सपडिवज्जइ, वेयमाराहयइ, न य भवइ
प्रत्तसपग्गहिए चउत्थ पयं भवइ । भवइ य एत्थ सिलोगोः—

पेहेइ हियाणुसासणं सुस्सूसइ त च पुणो अहिट्टए ।

न य माणमएण च्चइ विणयसमाही आययट्टए ॥२॥

चउव्विहा खलु सुयसमाही भवइ, तं जहा—सुय मे भविस्सइ
त्ति अज्झाइयव्व भवइ, एग्गच्चित्तो भविस्सामि त्ति अज्झाइयव्वं
भवइ, अप्पाण ठावइस्सामि त्ति अज्झाइयव्व भवइ, ठिओ पर
ठावइस्सामि त्ति अज्झाइयव्वं भवइ, चउत्थं पयं भवइ । भवइ य
एत्थ सिलोगोः—

नाणमेग्गच्चित्तो य ठिओ य ठावइ परं ।

सुयाणि य अहिज्जित्ता रओ सुयसमाहिए ॥३॥

चउव्विहा खलु तवसमाही भवइ, त जहा—नो इहलोग-
ट्टयाए तवमहिट्टेज्जा, नो परलोगट्टयाए तवमहिट्टेज्जा, नो कित्ति-
वण्णसट्टसिलोगट्टयाए तवमहिट्टेज्जा, नन्तथ निज्जरट्टयाए तवमहि-
ट्टेज्जा चउत्थं पयं भवइ । भवइ य एत्थ सिलोगोः—

विविहुगुणतवोरए य निच्चं,

भवइ निरासए निज्जरट्टिए ।

तवसा धुणइ पुराणपावगं,

जुत्तो सया तवसमाहिए ॥४॥

चउव्विहा खलु आयारसमाही भवइ, त जहा—नो इहलोग-
ट्टयाए आयारमहिट्टेज्जा, नो परलोगट्टयाए आयारमहिट्टेज्जा, नो

कित्तिवण्णसद्दसिलोगट्ठयाए आयारमहिट्ठेज्जा, नन्नत्थ आरहन्तेहिं
हेमहिं आयारमहिट्ठेज्ज। चउत्थं पयं भवइ । भवइ य एत्थ
सिलोगोः—

जिणवयणरए अत्तितणे,
पट्टिबुण्णाययमाययट्ठिए ।
आयारममाहिसंजुडे
भवइ य दत्ते भावसवए ॥५॥
अभिगम चउरो समाहिओ,
सुविसुद्धो सुममाहियप्पओ ।
विउलहिय सुहावह पुणो,
कुव्वइ सो पयखेमप्पणो ॥६॥
जाइमरणाउ मुच्चइ,
इत्थं च चएइ सव्वसो ।
सिद्धे वा भवइ सात्तए,
देवो वा अप्परए महिट्ठिए ॥७॥ त्ति वेमि ॥

॥ णवम विणयत्तमाही अज्जभयणं समत्तं ॥

सभिवखू नाम दसम अज्जभयणं

निदखम्ममाणाइ अ बुद्धवयणे,

णिच्चं चित्तसमाहिओ हवेज्जा ।

इत्थोण दसं न यावि गच्छे,

वंत नो पट्टियायइ जे न सिअत्तु ॥१॥

पुढवि न गणे न लणावए,

सोप्रोदग न पिए न पिवाअए ।

अनिलेण न वीए न वीयावए,
 हरियाणि न छिन्दे न छिन्दावए ।
 वीघाणि सया विवज्जयन्तो,
 सच्चित्तं नाहारए जे स भिक्खू ॥३॥
 वहण तसथावराणं होइ,
 पुढवीतणकट्टुनिस्सियाण ।
 तम्हा उद्देसियं न भुंजे,
 नो वि पए न पयावए जे स भिक्खू ॥४॥
 रोइय नायपुत्तवयणे,
 अप्पसमे' मन्नेज्ज छप्पि काए ।
 पञ्च व फासे महव्वयाइ,
 पञ्चासवसंवरए जे स भिक्खू ॥५॥
 चत्तारि वमे सया कसाए,
 धुवजोगी य हवेज्ज बुद्धवयणे ।
 अहणे निज्जायरुवरयए,
 गिहिजोग परिवज्जए जे स भिक्खू ॥६॥
 सम्मदिट्ठी सया अमूढे,
 अत्थि हू नाणे तवे सजमे य ।
 तवसा धुणइ पुराणपावग,
 सणवयकायनुसंबुडे जे स भिक्खू ॥७॥
 तहेव असर्णं पाणगं ता,
 विविह खाइमसाइम लभित्ता ।
 होही अट्ठी सुए परे वा,
 तं न निहे न निहावए जे स भिक्खू ॥८॥

तहेव असणं पाणग वा,
 विविह खाइमसाइमं लभित्ता ।
 छदिय माहम्मियाण भुंजे,
 भोद्धा सज्जायरए य जे स भिक्खू ॥९॥
 न य बुग्गहिय कह कहिज्जा,
 न य कुप्पे निहुइंदिए पसते ।
 संजमघुवजोगजुत्ते,^१
 उवसते अविहेडए जे स भिक्खू ॥१०॥
 जो सहइ हु गामकण्टए,
 अक्कोसपहारतज्जणाओ य ।
 भयभेरवसद्दसप्पहासे,
 समसुहदुक्खसहे य जे स भिक्खू ॥११॥
 पडिमं पडिवज्जिया मसाणे,
 नो भीयए भयभेरवाइं दिस्स ।
 विविहगुणतवोरए य निच्च,
 न सरारं चाभिकंखइ जे स भिक्खू ॥१२॥
 असइ वोसट्टुचत्तदेहे,
 अक्कुट्टे द हए व लूनिए वा ।
 पुट्टविसमे म्णी हवेज्जा,
 अनियाणे रक्कीइत्तल्ले य जे न भिक्खू ॥१३॥
 अभिभूद जाएण परीपहाड,
 वसुद्धरे जाइपहाड मप्पय ।
 विइत्त जाइमरण महवभय,
 तवे रए तामणिए जे स भिक्खू ॥१४॥

हत्यसंजए पायसचए,
 वायसजए सजइदिए ।
 अज्भूपरए सुसमाहियप्पा,
 सुत्तथ च वियाणइ जे स भिक्खू ॥१५॥
 उवहिम्मि अमुच्छिए अगिद्धे,
 अन्नायउच्छ पूलनिप्पुलाए ।
 कयविककयसन्निहिओ विरए,
 सव्वसंगावगए य जे स भिक्खू ॥१६॥
 अलोल भिक्खू न रसेसु गिद्धे,
 उंछ चरे जीविय नाभिकंखी ।
 इड्ढि च सक्कारण पूयण च,
 चए ठियप्पा आणिहे जे स भिक्खू ॥१७॥
 न परं वएज्जासि अयं कुसीले,
 जेणन्तो कप्पेज्ज न त वएज्जा ।
 जाणिय पत्तेय पुण्णपाव,
 अत्ताण न समुक्कधे जे स भिक्खू ॥१८॥
 न जाइमत्ते न य रूवमत्ते,
 न लाभमत्ते न सुएण मत्ते ।
 मयाणि सव्वाणि विवज्जयतो,
 धम्मज्भाणरए य जे स भिक्खू ॥१९॥
 पवेयए अज्जयय महामुणी,
 धम्मे ठिओ ठावयइ पर पि ।
 निदखम्म वज्जेज्ज कुसीलीलिंगं,
 न यावि हासंकुहए जे स भिक्खू ॥२०॥
 तं देहवास असुइ असासयं,
 सया चए हिनच्चहियट्ठियप्पा ।

छिदित्तु जाईमरणस्स वघण,

उवेइ भिक्खू अपुणागमं गइं ॥२१॥ त्ति वेमि ॥

॥ सभिक्खू अज्झयणं दसमं समत्तं ॥

अहरइवक्का चूलिया पढमा

इह खलु भो पव्वइएणं उप्पन्तडुक्खेणं सजमे अरइसमा-
वन्निचित्तेणं ओहाणुप्पेहिणा अणोहाइएणं चेव हयरस्सिगयं-
कुसपोयपडागाभूयाइ इमाइं अट्टारस ठाणाइ सम्मं सपडिलेहियच्चाइं
भवन्ति । तं जहा—

ह भो दुस्समाए दुप्पजीवी ॥१॥

लहुस्सगा इत्तरिया गिहीणं कामभोगा ॥२॥

भुज्जी य साइवहुला मणुत्सा ॥३॥

इम च मे दुक्खं न चिरकालोवट्टाई भवित्सइ ॥४॥

ओमज्जणपुरक्कारे ॥५॥

वतस्स य पडिआयण ॥६॥

अहरगइवासोवत्तंपया ॥७॥

दुल्लभे खलु भो ! गिहीणं धम्मे गिहिवासमज्जे वसंताणं ॥८॥

आयके से वहाय होइ ॥९॥

संकप्पे से वहाय होइ ॥१०॥

सोवक्केसे गिहिवासे निस्वक्केसे परियाए ॥११॥

वधे गिहिवासे मोक्केसे परिमाए ॥१२॥

सावज्जे गिहिवासे अणवज्जे परियाए ॥१३॥

वहसाहारणा गिहीणं कामभोगा ॥१४॥

पत्तेयं पूण्णपाव ॥१५॥

अणिसु खलु भो मण्णयाण जीविए कुसग्गजत्तविदुच्चंचले ॥१६॥

यहं च खलु भो ! पाव कम्मं पगडं ॥१७॥

पावाणं च खलु भो कडाणं कम्माणं पुंवि दुच्चण्णाणं दुप्प-
डिकंताणं वेयइत्ता मोक्खो, नत्थि अवेयइत्ता, तवसा वा
भोसइत्ता । अठारसमं पय भवइ ॥१८॥ भवइ य एत्थ सिलोगोः-

जया य चयइ धम्म, अणञ्जो भोगकारणा ।
से तत्थ मुच्छिण्णं बाले, आयइ नावबुज्झइ ॥१॥

जया ओहाविओ होइ, इदो वा पडिओ छमं ।
सव्वधम्मपरिवभट्ठो स, पच्छा परितप्पइ ॥२॥

जया य वंदिमो होइ, पच्छा होइ अवदिमो ।
देवया व चुया ठाणा, स पच्छा परितप्पइ ॥३॥

जया य पूइमो होइ, पच्छा होइ अपूइमो ।
राया व रज्जपवभट्ठो, स पच्छा परितप्पइ ॥४॥

जया य माणिमो होइ, पच्छा होइ अमाणिमो ।
सेट्ठिव्व कव्वडे बूडो, स पच्छा परितप्पइ ॥५॥

जया य थेरओ होइ समइक्कंतजोव्वणो ।
मच्छोव्वगलं गिलित्ता स पच्छा परितप्पइ ॥६॥

जया य कुकुडवत्स कुतत्तीहिं विहम्मइ ।
हत्थी व बघणे वद्धो स पच्छा परितप्पइ ॥७॥

पुत्तदारपरिकिण्णो मोहसताणसंतओ ।
पकोसन्तो जहा नागो, स पच्छा परितप्पइ ॥८॥

अज्ज याह गणी हुंतो भावियप्पा बहुत्सुओ ।
जइऽहं रमतो परियाए सामण्णे जिणदेसिए ॥९॥

देवलोगसमाणो उ परियाओ महेसिण ।
रघाणं अरघाणं च महानरयसारिसो ॥१०॥

अमरोवम जाणिय सोख्वमुत्तमं,
 रयाण परियाए तहारयाणं ।
 निरयोवम जाणिय दुक्खमुत्तमं,
 रमेज्ज तम्हा परियाए पडिए ॥११॥

धम्माउ भट्ठं सिरिओ अवेय,
 जन्नगियविज्झायमिवप्पतेयं ।
 हीलति णं दुव्विहिय कुसीला,
 दाड्ढिदुयं घोरविसं व नागं ॥१२॥

इहेवऽधम्मो अयसो अकित्ती,
 दुन्नामघेज्ज च पिहुज्जणम्मि ।
 चुयस्स धम्माओ अहम्मसेविणो,
 सभित्तवित्तस्स य हेदुओ गई ॥१३॥

भुंजित्तु भोगाइं पसज्ज चेषसा,
 तहाविह कट्ठु असंजम वहं ।
 गइ च गच्छे अणभिज्झयं दुह,
 वोही य से नो सुलभा पुणोपुणो ॥१४॥

इमस्स ता नेरइयस्स जंतुणो,
 दुहोवणीयस्स किलेसवत्तिणो ।
 पलिओवमं भिज्जइ सागरोवमं,
 किमंग पुण मज्जइम मणोदुह ? ॥१५॥

न मे चिर दुक्खमिण भविस्सइ,
 असासया भोगपिवास जतुणो ।
 न चे सरीरेण उमेणऽवेस्सइ,
 अवेस्सई जीवियपज्जवेण मे ॥१६॥

जस्सेवमप्पा उ हवेज्ज निच्छिओ,
 चएज्ज देहं न उ धम्मसासणं ।
 तं तारिसं नो पयलेन्ति इन्दिया,
 उविन्तवाया त सुदंसण गिरिं ॥१७॥

इच्चेव संपस्सिय बुद्धिस नरो,
 आय उदायं विविहं वियाणिया ।
 काएण वाया अद्दु माणसेण,
 तिगुत्तिगुत्तो जिणवयणमहिद्विज्जासि ॥१८॥ त्ति बेमि ॥
 ॥ रइवक्का पढसा चूलिया समत्ता ॥

विवत्त चरिआ णामा बीया चूलिया

चूलिय तु पवक्खामि सुय केवलिभासियं ।
 जं सुणित्तु सपुज्जाण धम्मे उत्पज्जाए सई ॥१॥
 अणुसोयपट्टिए बहुजणम्मि, पडिसोयलद्धलक्खेणं ।
 पडिसोयमेव अप्पा, दायव्वो होउकामेणं ॥२॥
 अणुसोयसुहो लोगो, पडिसोओ आसवो सुविहियाणं ।
 अणुसोओ संसारो, पडिसोओ तस्स उत्तारो ॥३॥
 तम्हा आयारपरक्कमेण, संवरसमाहिबहुलेणं ।
 चरिया गुणा य नियमा य, होति साहूण दट्टव्वा ॥४॥
 अणिएयवासो समुयाणचरिया,
 अन्नायउंछं पइरिक्कया य ।
 अप्पोवही कलहविवज्जणा य,
 विहारचरिया इसिणं पसत्था ॥५॥

आइण्णओमाणविवज्जणा य,
 ओसन्नदिट्ठाहडभत्तपाणे ।
 संसट्टकप्पेण चरेज्ज भिक्खू,
 तज्जायसंसट्ट जई जएज्जा ॥६॥
 अमज्जमंसासि अमच्छरीया,
 अभिक्खणं निव्विगइं गया य
 अभिक्खणं काउस्सग्गकारी,
 सज्झायजोगे पयओ हवेज्जा ॥७॥
 न पडिन्तवेज्जा सयणासणाइं,
 सेज्जं निसेज्जं तह भत्तपाण ।
 गामे कुले वा नगरे व वेसे,
 ममत्तभावं न क्कहिं चि कुज्जा ॥८॥
 गिहिणो वेयावडियं न कुज्जा,
 अभिवायणं वदण पूयणं वा ।
 असं किलिट्ठेहिं समं वसेज्जा,
 मुणी चरित्तस्स जओ न हाणी ॥९॥

न या लसेज्जा निउणं सहायं,
 गुणाहियं वा गुणओ समं वा ।
 एक्को वि पावाइं विवज्जयंतो,
 विहरेज्ज कामेसु असज्जमाणो ॥१०॥
 संवच्छरं चावि परं पमाण,
 बीयं च वासं न त्तिहं वसेज्जा ।
 सुत्तस्स मग्गेण चरेज्ज भिक्खू,
 सुत्तस्स अत्थो जह आणवेइ ॥११॥

जो पुव्वरत्तावररत्तकाले,
 संपेहई अप्पगमप्पएणं ।
 किं मे कडं किं च मे किञ्चसेस,
 किं सक्कणिञ्जं न समायरामि ॥१२॥
 किं मे परो पासइ किं च अप्पा,
 किं चाह खलियं न विवज्जयामि ।
 इच्चेव सम्म अणुपासमाणो,
 अणागयं नो पडिबंध कुञ्जा ॥१३॥
 जत्थेव पासे कइ दुप्पउत्तं,
 काएण वाया अदु माणसेणं ।
 तत्थेव घोरो पडिसाहरेञ्जा,
 आईणओ खिप्पमिव वखलीण ॥१४॥
 जस्सेरिसा जोग जिइदियस्स,
 धिईमओ सप्पुरितस्स निच्चं ।
 तमाहु लोए पडिबुद्धजीवी,
 सो जीवई संजमजीविएण ॥१५॥
 अप्पा खलु समयं रक्खियव्वो,
 सन्विदिएहि सुसमाहिएहि ।
 अरक्खओ जाइपह उवेइ,
 सुरक्खओ सव्वदुहाण मुच्चइ ॥१६॥सि नेमि॥
 ॥ वीया चूलिया समत्ता ॥



❀ स्वाध्याय-माला ❀



श्री सुखविपाक सूत्रम्

(१) तेणं कालेणं तेणं समएणं रायगिहे णामं णयरे होत्था ।
रिद्धित्थिमियसमिद्धे । गुणसिलए चेइए । सुहस्मे अणगारे समो-
सढे । जंबू जाव पज्जुवासमाणे एव वयासी—जइ णं भंते ! सम-
णेण भगवया महावीरेण जाव सपत्तेण दुहविवागाण अयमट्ठे
पण्णत्ते, सुहविवागाण भन्ते ! समणेणं भगवया महावीरेणं
जाव संपत्तेणं के अट्ठे पण्णत्ते ? तए ण से सुहस्मे अणगारे
जंबू अणगारं एवं वयासी—एवं खलु जंबू ! समणेणं भगवया
महावीरेण जाव सपत्तेण सुहविवागाणं दस अज्झयणा पण्णत्ता ।
त. जहा—

सुवाहूँ, भद्दन्दीं य सुजाएँ य, सुवासवेँ. तहेव जिणदासेँ ।

धणवईँ य महच्चलेँ, भद्दन्दीँ महचन्देँ वरदत्तेँ ॥

जइ ण भंते ! समणेण भगवया महावीरेणं जाव संपत्तेणं
सुहविवागाणं दस अज्झयणा पण्णत्ता, पढमस्स णं भन्ते !
अज्झयणस्स सुहविवागाणं समणेणं भगवया महावीरेणं जाव
संपत्तेणं के अट्ठे पण्णत्ते ? तए णं से सुहस्मे अणगारे जंबू-
अणगार एवं वयासी—एवं खलु जंबू ! तेणं कालेण, तेण समएणं
हत्थिसीसे णामं णयरे होत्था, रिद्धित्थिमियसमिद्धे । तत्थ णं
हत्थिसीस्स णयरस्स वहिया उत्तरपुरत्थिमे दिसीभाए

एत्थ णं पुष्फकरंडए णाम उज्जाणे होत्था । सव्वोउयपुष्फ-
लसमिद्धे, रम्मे, नदणवणप्पगासे, पासाईए ४ । तत्थ ण क-
वणमालपियस्स जक्खस्स जक्खायतणे होत्था, दिव्वे० ।

तत्थ णं हत्थिसीसे णयरे अदीणसत्तू नामं राया होत्था ।
महया हिमवन्त रायवण्णओ । तस्स ण अदीणसत्तूस्स रण्णे
धारिणीपामोक्खं देवीसहस्स ओरोहे यावि होत्था । तए
सा धारिणी देवी अन्नया कयाइ तसि तारिसगसि वासभव-
णंसि सीहं सुमिणे पासति, जहा मेहजम्मणं तहा भाणियव्वं ।
णवर सुवाहुकुमारे जाव अल भोगसमत्थ यावि जाणति, जाणित्त
अम्मापियरो पंच पासायवडिसगसयाइ करेति, अब्भुगयमू-
सियपहसिए विव भवणं । एव जहा महव्वलस्स रण्णो । णव
पुष्फचूलापामोक्खाणं पचण्ह रायवरकण्णासयाण एगदिव-
सेण पाणिं गेण्हावेन्ति । तहेव पचसइओ दाओ जाव उप्पि पासाय-
वरगते फुट्टमाण जाव विहरति । तेण कालेण तेण समए
समणे भगव महावीरे समोसढे । परिसा निग्गया । अदीणस
जहा कोणिए निग्गए । सुवाहुकुमारे वि जहा जमाली तह
रहेणं निग्गए । जाव धम्मो कहिओ । राया परिसा पडिगया ।

तए ण से सुवाहुकुमारे समणस्स भगवओ महावीरस्स
अतिए धम्मं सोच्चा निसम्म हट्टतुट्टे उट्टाए उट्टेइ, जाव एव
वयासी—सद्दहामि ण भन्ते ! निग्गथ पावयण, जाव जहा ण
देवाणुप्पियाण अतिए वहवे राईसरसत्यवाहपभइउ मुडे
भवित्ता आगाराओ अणगारिय पव्वइया, नो खलु अहं तहा
सचाएमि मुडे भवित्ता आगाराउ अणगारियं पव्वइत्तए । अह
ण देवाणुप्पियाणं अतिए पचाणुव्वयाइं सत्तसिक्खावयाइ-
दुवालसविह-गिहिधम्मं पडिवज्जामि । अहासुह देवाणुप्पिया-
मा पडिवध करेह ।

तए ण से सुवाहुकुमारे समणस्स भगवओ महावीरस्स अतिए पचाणुव्वयाइ सत्तसिवखावयाइ पडिवज्जइ, पडिवज्जइत्ता तमेव रह दुरुहइ, दुरुहिता जामेव दिस पाउव्वभूए, तामेव दिस पडिगए । तेणं कालेण तेण समएणं समणस्स भगवओ महावीरस्स जेट्ठे अतेवासी इंदभूई णाम अणगारे जाव एवं वयासी—

अहो ण भन्ते ! सुवाहुकुमारे इट्ठे, इट्ठरूवे १, कते, कंतरूवे २, पिये, पियरूवे ३, मणुन्ने, मणुन्नरूवे ४, मणामे, मणामरूवे ५, सोमे सुभगे, पियदसणे, सुरूवे, बहुजणस्सवि य णं भन्ते ! सुवाहुकुमारे इट्ठे, इट्ठरूवे ५, सोमे जाव सुरूवे । साहुजणस्सवि य णं भन्ते ! सुवाहु कुमारे इट्ठे, इट्ठरूवे ५, जाव सुरूवे । सुवाहुणा भन्ते ! कुमारेण इमे एयारूवा उराला माणुस्सरिद्धी किण्णा लद्धा, किण्णा पत्ता, किण्णा अभिसमण्णागया ? को वा एस आसी जाव किं नामए वा, किं गोत्तए वा, किं वा दज्जा, किं वा भोज्जा, किं वा समायरित्ता, कस्स वा तहारूवस्स समणस्स वा अतिए एगमवि आयरियं धम्मियं सुवयणं सोज्जा जेणं इमे एयारूवा माणुस्सरिद्धी लद्धा, पत्ता अभिसमण्णागया ?

एवं खलु गोयमा ! तेण कालेणं तेणं समएणं, इहेव जवू-द्वीवे दीवे, भारहे वासे, हत्थिणाउरे णाम णयरे रिद्धिथियमिय-समिद्धे वण्णओ । तत्थ णं हत्थिणाउरे णयरे सुमुहे णाम गाहा-चई परिचसइ, अट्ठे, दित्ते जाव अपरिभूए । तेण कालेण तेणं समएण धम्मघोसे णामं थेरे जाइसंपन्ने जाव पच्चहिं समण-सएहिं सद्धि संपरिवुडे, पुव्वाणुपुव्वि चरमाणे. गामाणुगाम दूइज्जमाणे, जेणेव हत्थिणाउरे णयरे, जेणेव सहस्संववणे उज्जाणे, तेणेव उवागच्छइ, उवागच्छित्ता अहापडिरूव उगगहं उगि-पहइ, उरिगण्हित्ता संजमेणं तवसा अप्पाण भावेमाणे विहरइ ।

तेण कालेण, तेण समएणं धम्मघोसाणं थेराण अंतेवासीं सुदत्ते णामं अणगारे उराले जाव तेउलेसे मास मासेण खममाणे विहरइ । तए ण सुदत्ते अणगारे मासखमणपारणगंसि षडमाए पोरिसीए सज्झायं करेइ । जहा गोयम तहेव धम्मघोसं थेरं आपुच्छइ, जाव अडमाणे सुमुहस्स गाहावइस्स गिह अणुपविट्ठे । तए णं से सुमुहे गाहावई सुदत्तं अणगारं एज्जमाणं पासइ, पासित्ता हट्टतुट्ठे आसणाउ अब्भुट्ठेइ, अब्भुठित्ता पायपीढाउ पञ्चोरुहइ, पञ्चोरुहित्ता पाउयाउ ओमुयत्ति, ओमुइत्ता एगसाडिय उत्तरासंग करेइ, करित्ता सुदत्त अणगारं सत्तट्टपयाइ अणुगच्छइ, अणुगच्छित्ता तिवखुत्तो आयाहिण पर्याहिण करेइ करित्ता वंदइ णमसइ, नमंसित्ता जेणैव भत्तघरे तेणैव उवागच्छइ, उवागच्छित्ता सयहत्थेण विउलं असणं पाण खाइमं साइम पडिलाभिस्सामि त्ति कट्टु, तुट्ठे, पडिलाभेमाणे वि तुट्ठे, पडिलाभिए त्ति तुट्ठे ।

तए णं तस्स सुमुहस्स गाहावइस्स तेणं दव्वसुद्धेणं, दायगसुद्धेणं, पडिगाहयसुद्धेणं तिविहेणं तिकरणसुद्धेण सुदत्ते अणगारे पडिलाभिए समाणे ससारे परित्तोकए, मणुस्साउए निदद्धे, गिहसि य से इमाइ पंच दिव्वाइ पाउब्भूयाइ— तं जहा—वसुहारा वुट्ठा १, दसद्धवण्णे, कुसुमे निवइए २, चेलुक्खेवे कए ३, आहयाओ देवदुंडुहीओ ४, अतरा वि य णं आगाससि अहो दाण घुट्ठे य ५ । तए ण हत्थिणाउरे णयरे सिघाडग जाव पहेसु बहुज्जणो अण्णमण्णस्स एवमाइक्खइ ४ धन्नेण देवाणुप्पिया सुमुहे गाहावई जाव त धन्ने णं देवाणुप्पिया सुमुहे गाहावई ।

तए ण से सुमुहे गाहावई बहइ वासाइं आउय पालेइ, पालित्ता कालमासे कालं किञ्चा इहेव हत्थिसीसे णयरे अदीणस-

त्तुरण्णो धारिणीए देवीए कुञ्चिसि पृत्तत्ताए उववण्णे । तए ण सा धारिणी देवी सयणिज्जसि सुत्तजागरा ओहीरमाणी २ तहेव सीह पासइ । सेसं त चेव जाव उप्पि पासायवरगए विहरइ । तं एव खलु गोयमा ! सुबाहुणा कुमारेणं इमे एयारूवा माणुस्सरिद्धी लद्धा, पत्ता, अभिसमण्णागया । पमू णं भन्ते ! सुबाहुकुमारे देवाणुप्पियाण अंतिए मुंडे भवित्ता आगाराउ अणगारियं पव्वइत्तए ? हंता पमू । तए णं से भगवं गोयमे समणं भगवं महावीरं वंदइ, णमंसइ, णमसित्ता संजमेणं तवसा अर्प्पाणं भावेमाणे विहरइ ।

तए णं से समणे भगव महावीरे अण्णया कयाइ हत्थि-सोसाउ णयराउ पुप्फकरडयाउ उज्जाणाउ कयवणमालप्पियस्स जक्खस्स जक्खायतणाउ पडिनिक्खमइ, पडिनिक्खमित्ता. बहिया जणवय-विहारं विहरइ । तए ण से सुबाहुकुमारे समणोवासए जाए, अभिगयजीवाजीवे जाव पडिलाभेमाणे विहरइ । तए णं से सुबाहुकुमारे अण्णया कयाइ चाउदसट्टमुट्टिपुप्फणमासिणीसु जेणेव पोसहसाला तेणेव उवागच्छइ, उवागच्छित्ता पोसहसाला पमज्जइ, पमजइत्ता उच्चारपासवणं भूमि पडिलेहइ, पडिलेहित्ता दब्भसथारगं संथरेइ, संथरित्ता दब्भसथारगं दुरूहइ, दुरूहित्ता अट्टमभत्त पणिण्हइ, पणिण्हित्ता पोसहसालाए पोसहिए अट्टमभत्तिए पोसहं पडिजागरमाणे विहरइ ।

तए णं तस्स सुबाहुस्स कुमारस्स पुव्वरत्तावरत्तकाले धम्मजागरियं जागरमाणस्स इमे एयारूवे अज्जभत्तिए ५ समुप्पन्ने—धण्णा णं ते गामागरणगर जाव सन्निवेसा जत्थ णं समणे भगव महावीरे विहरइ ! धन्ता णं ते राईसर जाव सत्य-वाहपभइउ जे णं समणस्स भगवश्रो महावीरस्स अंतिए मुंडे भवित्ता आगाराउ अणगारियं पव्वयंति ! धन्ता णं ते राईसर-तल-

वर जावसत्य वाह पभइओजेणं समणस्स भगवओ महावीरस्स अतिए पचाणुव्वइय गिहिधम्म जाव धण्णा ण ते राईसर जाव सत्यवाह पभइउ जेण समणस्स भगवओ महावीरस्स अतिए धम्मं पडिसुणति । तजइ णं समणे भगव महावीरे पुव्वाणंपुव्वि चरमाणे जाव गामाणु-गाम दूइज्जमाणे इहमागच्छेज्जा जाव विहरेज्जा, तए णं अह समणस्स भगवओ महावीरस्स अतिए मुंडे भवित्ता जाव पव्वएज्जा ।

तए णं समणे भगवं महावीरे सुवाहुस्स कुमारस्स इमं एयारूव अज्भत्थियं जाव वियाणित्ता पुव्वाणुपुव्वि चरमाणे जाव गामाणुगामं दूइज्जमाणे जेणेव हत्थिसीसे णयरे जेणेव पुप्फकरंडे उज्जाणे जेणेव कयवणमालपियस्स जवखस्स जवखायतणे तेणेव उवागच्छइ, उवागच्छइत्ता अहापडिरूव उग्गहं उगिण्हित्ता संजमेण तवसा अप्पाण भावेमाणे विहरइ । परिसा, राया निग्गया । तए णं तस्स सुवाहुस्स कुमारस्स त महया जहा पढमं तहा निग्गओ । धम्मो कहिओ परिसा राया, पडिगया ।

तए णं से सुवाहुकुमारे समणस्स भगवओ महावीरस्स अतिए धम्मं सोच्चा निसम्म हट्ठ-तुट्ठे । जहा मेहो तहा अम्मा-पियरे आपुव्वइ । निक्खमणाभिसेओ तहेव जाव अणगारे जाए इरियासमिए जाव गुत्तवंभयारी । तए ण से सुवाहु अणगारे समणस्स भगवओ महावीरस्स तहारूवाण थेराणं अतिए सामाइयमाइयाइ एक्कारस अगाइ अहिज्जइ, अहिज्जइत्ता बहूहि चउत्थच्छट्ठुट्ठम तवोविहाणेहि अप्पाण भावित्ता बहूइ वासाइ सामण्णपरियाग पाउणित्ता मासियाए संलेहणाए अप्पाण भूसित्ता, सट्ठि भत्ताइं अणसणाए छेदित्ता आलोइय पडिक्कते समाहिपत्ते कालमासे कालं किच्चा सोहम्मकेप्पे देवत्ताए उववण्ण ।

से णं तत्रो देवलोगात्रो आउषखणं भवक्खणं ठिइ-
खणं अणतर चयं चइत्ता माणुस्सं विग्गहं लभिहिइ २ ता
केवलवोहिं वुज्झिहिइ, २ ता तहारूवाण थेराण अंतिए मुंडे
भवित्ता जाव पव्वइस्सइ । से ण तत्थ बहूइ वासाइ सामण-
परियाग पाउणिहिइ २ ता आलोइय पडिक्कते समाहिपत्ते
कालमासे काल किच्चा सणंकुमारे कप्पे देवत्ताए उववण्णे । से
ण तत्रो देवलोगाउ माणुस्स जाव पवज्जा । वंभलोए । ततो
माणुस्सं, महासुक्के । ततो माणुस्स आणए देवे । ततो माणुस्स ।
ततो आरणे । ततो माणुस्सं सव्वडुसिद्धे ।

से ण तत्रो अणतर चय चइत्ता महाविदेहे वासे जाव
अट्टे जहा दढपइन्ने सिज्झिहिति, वुज्झिहिति, मुच्चिहिति, परि-
निव्वाहिति, सव्वडुक्खाणमत करेहिति । एवं खलु जंबू ! सम-
णं भगवया महावीरेण जाव सपत्तेणं सुहविवागाण पढ-
मस्स अञ्जयणस्स अयमट्टे पणत्ते, त्तिवेमि ।

इह सुहविवागस्स पढम अञ्जयण समत्तं । १ ।

(२) वित्तियस्स उक्खेवओ । एवं खलु जंबू ! तेणं कालेणं
तेणं समएणं उसभपुरे णाम णयरे थूभकरडगं उज्जाणे ।
घण्णो जक्खो । घणवहो राया सरस्सई देवी । सुमिणदंसणं,
कहणं, जम्म, वालत्तण, कलाओ य जोवणं पाणिगहणं, दाओ
पासादा य भोगा य जहा सुवाहुस्स णवरं भट्टनंदी कुमारे ।
त्तिरीदेवी पामोक्खाणं पचसया । सामिस्स समोसरणं । साव-
गधम्म । पुव्वभव पुच्छा । महाविदेह वासे पुंडरिगिणि
नगरीए विनए कुमारे जुगवाहू तित्थयरे पडिलाभिए माण-
स्साउए निवद्धे इह उववणं । सेसं जहा सुवाहुस्स जाव महा-
विदेहेवासे सिज्झिहिति वुज्झिहिति मुच्चिहिति परिनिव्वाहिति

सव्वट्टुक्खाणमतं करेहिति । एवं खलु जब्बू ! समणेणं भगवया महावीरेण जाव सपत्तेणं सुहविवागणं वितियस्स अञ्जयणस्स अयमट्ठे पण्णत्ते त्तिवेमि ।

इइ सुहविवागस्स बीय अञ्जयणं समत्त । २ ।

(३) तइयस्स उक्खेवओ । वीरपुरे णामं णयरे । मणोरं उज्जाण वीरकण्हे जक्खे, मित्ते राया सिरिदेवी सुजाए कुमारे बलसिरी पामोक्खाण पंचसयाकन्ना । सामी समोसरिए पुव्वभव पुच्छा । उसुयारे णयरे उसुदत्ते गाहावई पुप्फद अणगारे पडिलाभिए मणस्साउए निवट्ठे इह उववण्णे जा महाविदेहे वासे सिज्झिहिति ५ ।

इइ सुहविवागस्स तइय अञ्जयण समत्त । ३ ।

(४) चउत्थस्स उक्खेवओ । विजयपुरे णयरे । णदणवणं उज्जाणं, असोगो जक्खो । वासवदत्ते राया । कण्हसिरी देवी । सुवासवे रुमारे । भट्टा पामोक्खाणं पचसया जाव पुव्वभव पुच्छा कोसंबी णयरी । घणपालो राया । वेसमणभट्टे अणगारे पडिलाभिए इह उववण्णं जाव सिद्धे ।

इह सुहविवागस्स चउत्थ अञ्जयणं समत्त । ४ ।

(५) पंचमस्स उक्खेवओ । सोगधिया णयरी नीलासोगे उज्जाणं, सुकालो जक्खो । अपडिहय राया, सुकण्हादेवी, महचंदे कुमारे । तस्स अरहदत्ता भारिया, जिणदासो पुत्तो । तित्थयरागमणं जिणदासो पुव्वभव पुच्छा । मज्झमिया णयरी, मेहरहे राया । सुधम्मो अणगारे पडिलाभिए जाव सिद्धे ।

इइ सुहविवागस्स पंचम अञ्जयणं समत्त । ५ ।

(६) छट्टस्स उक्खेवओ । कणगपुरे णयरे सेयासोये उज्जाणं । वीरभट्टो जक्खो । पियच्चदे राया । सुभट्टादेवी । वेसमणे कुमारे जुवराया । सिरिदेवी पामोक्खाणं पंचसया । तित्थय-
रागमणं । घणवई जुवरायपत्ते जाव पुच्चभव पुच्छा । मणिव-
इया णयरो । मित्ते राया संभूइविजय अणगारे पडिलाभिए
जाव सिद्धे ॥ ६ ॥

इइ सुहविवागस्स छट्ट अज्भयण समत्तं । ६ ।

(७) सत्तमस्स उक्खेवओ । महापुरे णयरे । रत्तासोगे
उज्जाणे । रत्तपाउ जक्खो । वले राया, सुभट्टादेवी, महावले
कुमारे । रत्तवई पामोक्खाणं पंचसया । तित्थयरागमणं जाव
पुच्चभव पुच्छा । मणिपुरे णयरे । णागदत्ते गाहावई । इददत्ते
अणगारे पडिलाभिए जाव सिद्धे ।

इइ सुहविवागस्स सत्तम अज्भयणं समत्तं । ७ ।

(८) अट्टमस्स उक्खेवओ । सुघोसे णयरे । देवरमणे उज्जाणे ।
वीरसेणो जक्खो । अज्जुणो राया, रत्तवई देवी, भट्टनदी
कुमारे । सिरिदेवी पामोक्खाणं पंचसया जाव पुच्चभवं पुच्छा ।
महाघोसे णयरे । घम्मघोसे गाहावई । घम्मसीहे अणगारे ।
पडिलाभिए जाव सिद्धे ।

इइ सुहविवागस्स अट्टम अज्भयण समत्तं । ८ ।

(९) नवमस्स उक्खेवओ । चपा णयरो । पुण्णभट्टे उज्जाणे
पुण्णभट्टो जक्खो । दत्ते राया, रत्तवईदेवी, महचन्दे कुमारे
जुवराया । सिरिकन्ता पामोक्खाणं पचसया जाव पुच्चभव
पुच्छा । तिगिच्छा णयरो । जियसत्तुराया घम्मवीरिए अणगारे
पडिलाभिए जाव सिद्धे ।

इइ सुहविवागस्स नवमं अज्भयणं समत्तं । ९ ।

(१०) जइ णं भन्ते ! दसमस्स उक्खेवओ । एवं खलु जबू !
 तेणं कालेण तेणं समएण साइए णामं णयरे होत्था । उत्तरकुरु
 उज्जाणे, पासामिउ जक्खो । मित्तनंदी राया, सिरीकन्ता देवी,
 वरदत्ते कुमारें । वीरसेणा पामोक्खाणं पच्चदेवी सया । तित्थ-
 यरागमणं, सावगधम्म, पुव्वभव पुच्छा । सयदुवारे णयरे ।
 विमलवाहणे राया । धम्मरुई अणगारे पडिलाभिए, मणुस्सा-
 उए निबद्धे, इह उववण्णे । सेसं जहा सुबाहुस्स चिंता जाव
 पवज्जा, कप्परिए जाव सव्वट्टसिद्धे । तओ महाविदेह जहा
 दढपइण्णे जाव सिज्जिहिति ५ । एवं खलु जबू !, समणेणं
 भगवया महावीरेणं जाव संपत्तेणं सुहविवागणं दसमस्स
 अञ्जयणस्स अययट्ठे पण्णते । सेवं भन्ते, सेव भन्ते त्तिबेमि ।

इइ सुहविवागस्स दसम अञ्जयण समत्त ॥ १० ॥

विवागसुयस्स दो सुयखंधा दुहविवागे य सुहविवागे य ।
 तत्थ दुहविवागे दस अञ्जयणा एक्कासरगा दससु च्चैव
 दिवसेसु उट्ठिसिज्जन्ति । एवं सुहविवागे वि सेसं जहा
 आयारस्स ॥ १० ॥

॥ इति सुखविपाकसूत्रम् ॥

उववाई सूत्र

(अन्तिम वाईम गाथाएँ)



कहिं पडिहया सिद्धा ? कहिं सिद्धा पइद्विया ? ।
कहिं बोदिं चइत्ता णं, कत्थं गंतूणं सिज्झइ ॥ १ ॥
अलोगे पडिहया सिद्धा, लोयग्गे यं पइद्विया ।
इह बोदिं चइत्ता णं, तत्थं गंतूणं सिज्झइ ॥ २ ॥
जं संठाणं तु इहं भव, चयं तस्स चरिमत्तमयंमि ।
आसी यं पएसघणं, तं संठाणं तहिं तस्स ॥ ३ ॥
दीहं वा हस्सं वा जं, चरिमभवे हवेज्झं संठाणं ।
ततो तिभागहीणं, सिद्धाणोगाहणा भणिया ॥ ४ ॥
तिणिणं सया तेत्तीसा, धणुत्तिभागो यं होइ बोधच्चा ।
एसा खलु सिद्धाणं, उवकोसोगाहणा भणिया ॥ ५ ॥
चत्तारि यं रयणीओ, रयणित्तिभागूणिया यं बोधच्चा ।
एसा खलु सिद्धाणं, मज्झिमओगाहणा भणिया ॥ ६ ॥
एक्का यं होइ रयणी, साहिया अगुलाइ अट्टं भवे ।
एसा खलु सिद्धाणं, जहण्णओगाहणा भणिया ॥ ७ ॥
ओगाहणाए सिद्धा, भवतिभागेण होइ परिहीणा ।
संठाणमणित्थय, जरा-मरण-विप्पमुक्कणं ॥ ८ ॥
जत्थं यं एगो सिद्धो, तत्थं अणता भवत्तयच्चिमुक्का ।
अण्णोणत्तमोगाढा, पुट्ठा सच्चे यं लोगतं ॥ ९ ॥

फुसइ अते सिद्धे, सव्वपएसेहि णियमसो सिद्धा ।
 ते वि असखेज्जगुणा, देसपएसेहि जे पुट्ठा ॥ १० ॥
 असरोरा जीवघणा, उवउत्ता दंसणे य णाणे य ।
 सागारमणागार, लक्खणमेयं तु सिद्धाण ॥ ११ ॥
 केवलणाणुवउत्ता जाति सव्वभावगुणभावे ।
 पासंति सव्वओ खलु, केवलदिट्ठिअणंताहिं ॥ १२ ॥
 णवि अत्थि माणुसाणं त, सोक्खं णवि य सव्वदेवाण ।
 ज सिद्धाणं सोक्खं, अवावाहं उवगयाणं ॥ १३ ॥
 जं देवाणं सोक्खं, सव्वद्धापिडिय अणतगुणं ।
 ण य पावइ मुत्तिमुहं, णं ताहिं वग्गवग्गूहिं ॥ १४ ॥
 सिद्धस्स सुहो रासी, सव्वद्धापिडिओ जइ हवेज्जा ।
 सोणतवग्गभइओ, सव्वागासे ण माएज्जा ॥ १५ ॥
 जह णाम कोई मिच्छो, णगरगुणे बहुविहे वियाणतो ।
 ण चएइ परिकहेउ, उवमाए ताहिं असंतीए ॥ १६ ॥
 इय सिद्धाणं सोक्ख, अणोवम णत्थि तस्स ओवम्म ।
 किंचि विसेसेणेत्तो, ओवम्मसिण सुणह वोच्छ ॥ १७ ॥
 जह सव्वकामगुणियं पुरिसो, भोत्तूण भोयण कोई ।
 तण्हाछुहाविमुक्को, अच्छेज्ज जहा अमियतित्तो ॥ १८ ॥
 इय सव्वकालतित्ता, अतुलं निव्वाणमुवगया सिद्धा ।
 सासयमवावाहं चिट्ठति, सुही सुहं पत्ता ॥ १९ ॥
 सिद्धत्ति य बुद्धत्ति य, पारगयत्ति य परंपरगयत्ति ।
 उम्मुक्ककम्मकवया, अजरा अमरा असगा य ॥ २० ॥
 णिच्छण्णसव्वदुक्खा, जाइजरामरणबधणविमुक्का ।
 अवावाहं सुक्ख, अणुहोति सासय सिद्धा ॥ २१ ॥
 अयुलसुहसागरगया, अवावाहं अणोवम पत्ता ।
 सव्वमणागयमद्धं, चिट्ठति सुही पत्ता ॥ २२ ॥

सूत्रकृताङ्गसूत्रे

वीरस्तुत्याख्यं षष्ठमध्यमम्

(पुच्छिस्सु णं)

पुच्छिस्सुणं समणा माहणा य, आगारिणो य परतित्थिआ य ।
से केइ णेगंति हियधम्ममाहु, अल्लिसं साहुसमिक्खयाए ॥ १ ॥
कहं च णाणं कहं दसण से, सीलं कह नायसुयस्स आसि ? ।
जाणासि णं भिक्खु जहातहे, अहासुय बूहि जहा णिसतं ॥ २ ॥
खेयन्नए से कुसले-महेसी, अणतनाणी य अतदंसी ।
जसंसिणो चक्खुपहे ठियस्स, जाणाहि धम्म च धिइं च पेहि ॥ ३ ॥
उड्डुं अहे यं तिरियं दिसासु, तसा य जे थावर जे य पाना ।
से णिञ्जणिच्चेहि समिक्ख पन्ने, दीवे व धम्मं समिय उदाहु ॥ ४ ॥
से सव्वदंसी अभिभूयनाणी, णिरामगंधे धिइमं ठियप्पा ।
अणुत्तरे सव्वजगंसि विञ्ज, गथा अईए अभए अणाऊ ॥ ५ ॥
से भूइपण्णे अणिएअचारी, ओहंतरे धीरे अणतचक्खू ।
अणुत्तरं तप्पइ सूरिए वा, वइरोयणिन्दे व तमं पगासे ॥ ६ ॥
अणुत्तरं धम्ममिणं, जिणाणं, या मुणी कासव आसुपन्ने ।
इदेव देवाणं महाभावे, सहस्सया दिवि णं विसिट्ठे ॥ ७ ॥
से पन्नया अक्खयसागरे वा, महोदही वा वि अणंतपारे ।
अणाविले वा अकसाइ मुक्के, सक्के व देवाहिर्वई जुइमं ॥ ८ ॥
से वीरिएणं पडिपुन्नवीरिए, चुदस वा णगसव्वसेट्ठे ।
सुरालए वा सि मुदागरे से, विरायए गगुणोववेव ॥ ९ ॥
सयं सहस्साण उ जोयणाण, तिकंडगे पंडगवेजयते ।
से जोयणे वणवइसहस्से, उड्डुस्सितो हेट्ट महस्समेगं ॥ १० ॥

पुट्टे णभे चिदुइ भूमिवट्टिए, ज सूरिया अणुपरिवट्टयति ।
 से हेमवन्ने बहुनदण्ये, जसि रतिं वेदयति महिदा ॥ ११ ॥
 से पव्वए सद्महप्पगासे, विरायइ कचणमट्टवन्ने ।
 अणुत्तरे गिरिसु य पव्वडुग्गे, गिरीवरे से जलिएव भोमे ॥ १२ ॥
 महीए मज्झमि ठिए णगिदे, पन्नायते सूरिए सुद्धलेसे ।
 एवं सिरीए उ स भूरिवन्ने, मणोरमे जोयइ अच्चिमाली ॥ १३ ॥
 सुदंसणस्सेव जसो गिरिस्स, पवुच्चई महतो पव्वयस्स ।
 एतोवमे समणे नायपुत्ते, जाइजसो-दसण-नाणसीले ॥ १४ ॥
 गिरीवरे वा निसहाऽऽययाण, रुयए व सेट्टे वलघायताणं ।
 तत्रोवमे से जगभूइपन्ने, मुणीण मज्झे तमुऽाहु पन्ने ॥ १५ ॥
 अणुत्तरं धम्ममुईरइत्ता, अणुत्तर भाणवरं भियाइ ।
 सुसुक्कसुक्क अपगडसुक्क, सखिदुएगतवदातसुक्क ॥ १६ ॥
 अणुत्तरग्ग परम महेसी, असेसकम्म स विसोहइत्ता ।
 सिद्धि गए साइमणंतपत्ते, नाणेण सीलेण य दसणेण ॥ १७ ॥
 रुक्खेसु णाए जह सामली वा, जंसि रइ वेदयति सुवन्ना ।
 वणेषु वा णंदणमाहु सेट्टु, नाणेण सीलेण य भूतिपन्ने ॥ १८ ॥
 थणिय व सद्दाण अणुत्तरे उ, चन्ढो व ताराण महाणुभावे ।
 गंधेस वा चन्दणमाहु सेट्टु, एवं मुणीण अपडिन्नमाहु ॥ १९ ॥
 जहा सयंभू उदहीण सेट्टे, नागेषु वा धरणिंदमाहु सेट्टे ।
 खोओइए वा रसवेजयते, तवोवहाणे मुणी वेजयते ॥ २० ॥
 हत्थीसु एरावणमाहु नाए, सीहो मिगाणं सलिलाण गड्ढा ।
 पक्खीसु वा गरुले वेणुदेवो, निव्वाणवादी णिह नायपुत्ते ॥ २१ ॥
 जोहेसु नाए जह वीससेणे, पुप्फेसु वा जह अरविंदमाहु ।
 खत्तीण सेट्टे जह दत्तवक्के, इसीण सेट्टे तह वद्धमाणे ॥ २२ ॥

दाणाण सेट्टा अणवज्जं वयंति ।
 तवेसु वा उत्तमबंभचेर, लोगुत्तमे समणे नायपुत्ते ॥ २३ ॥
 ठिईण सेट्टा लवसत्तमा वा, सभा सुहम्मा व सभाण सेट्टा ।
 निव्वाणसेट्टा जह सव्वधम्मा, न नायपुत्ता परमत्थि नाणी ॥ २४ ॥
 पुढोवमे धुराणइ विगयगेही, न सएणिहि कुव्वइ आसुपन्ने ।
 तरिउं समुहं च महाभवोच, अभयकरे वीर अणतचक्खु ॥ २५ ॥
 कोहं च माण च तहेव माय, लोभं चउत्थ अज्भत्थ दोसा ।
 एयाणि वंता अरहा महेसी, एण कुव्वइ पाव ण कारवेइ ॥ २६ ॥
 किरियाकिरिय वेणइयाणुवायं, अण्णाणियाणं पडियञ्च ठाणं ।
 से सव्ववाय इइ वेयइत्ता, उवट्टिए सजमदीहरायं ॥ २७ ॥
 से वारिया इत्थी सराइभत्त, उवहाणवं दुक्खखयट्ठयाए ।
 लोगं विदित्ता आरं पर च, सव्वं पभू वारिय सव्ववारं ॥ २८ ॥
 सोच्चा य धम्मं अरहतभानियं, समाहियं अट्ठपदोवसुद्ध ।
 त सदहाणा य जणा अणाऊ, इदा व देवाहिव आगमिस्सति ॥ २९ ॥
 ति वेमि ॥



मोक्षमार्ग-नामकम्

एकादश-अध्ययनम्



कयरे मग्गे अक्खाए, महाणेणं मईमया !

जं मग्गं उज्जु पावित्ता, श्रोह तरइ दुत्तरं ॥ १ ॥

तं मग्गं षणुत्तरं सिद्धं, सव्वदुक्खविमोक्खणं ।

जाणासि णं जहा भिक्खू, तं णो बूहि महामुणी ॥ २ ॥

जइ णो केइ पुच्छिजा, देवा अदुव माणुसा ।

तेसि तु कयर मग्गं, आइक्खेज्ज ? कहाहि णो ॥ ३ ॥

जइ णो केइ पुच्छिजा, देवा अदुव माणुसा ।

तेसिम पडिसाहिज्जा, मग्गसारं सुणेह मे ॥ ४ ॥

अणुपुव्वेण महाघोर कासवेण पवेइय ।

जमायाय इओ पुव्वं, समुद्दं ववहारिणो ॥ ५ ॥

अतरिसु तरंतेगे, तरिस्सति अणागया ।

त सोज्जा पडिवक्खामि, जतवो त सुरोह मे ॥ ६ ॥

पुढवीजीवा पुढो सत्ता, आउजीवा तहाग्गणी ।

वाउजीवा पुढो सत्ता, तणरुक्खा सवीयगा ॥ ७ ॥

अहावरा तसा पाणा, एवं छक्काय आहिया ।

एयावए जीवकाए, णावरे कोइ विज्जई ॥ ८ ॥

सव्वाहि अणुजुत्तीहि, मइम पडिलेहिया ।

सव्वे अक्कंतदुक्खा य, अओ सव्वे न हिंसया ॥ ९ ॥

एव खु णाणिणो सार, जं न हिंसइ किंचणं ।


अहिंसासमयं चैव, एतावंतं वियाणिया ॥ १० ॥

उड्डं अहे य तिरिय, जे केइ तसथावरा ।
 सव्वत्य विरइं विज्जा, संति निव्वाणमाहिय ॥ ११ ॥
 पभू दोसे निराकिज्जा, ण विरुज्जेज्ज केणई ।
 मणसा वयसा चेव, कायसा चेव अतसो ॥ १२ ॥
 संबुडे से महापन्ने, धीरे दत्तेसण चरे ।
 एसणासमिए णिच्चं, वज्जयंते अणेसणं ॥ १३ ॥
 भूयाई च समारंभ, तमुद्दिस्सा य ज कडं ।
 तारिसं तु न गिण्हेज्जा, अन्नपाणं सुसंजए ॥ १४ ॥
 पूइकम्मं न सेविज्जा, एस धम्मे वुत्तीमओ ।
 जं किञ्चि अभिकंखेज्जा, सव्वसो तं न कप्पए ॥ १५ ॥
 हणंतं णाणुजाणेज्जा, आयगुत्ते जिइंदिए ।
 ठाणाइं संति सड्डीणं, गामेसु नगरेसु वा ॥ १६ ॥
 तथा गिरं समारब्भ, अत्थिय पुण्णति णो वए ।
 अहवा णत्थिय पुण्णंति, एवमेय महव्भय ॥ १७ ॥
 दाणट्टया य जे पाणा, हम्मंति तस-थावरा ।
 तेसि सारक्खणट्टाए, तम्हा अत्थिय त्ति णो वए ॥ १८ ॥
 जेसि तं उवकप्पंति, अन्नपाण तथाविहं ।
 तेसि लाभतरायंति, तम्हा णत्थिय त्ति णो वए ॥ १९ ॥
 जे य दाणं पससति, वहमिच्छंति पाणिणं ।
 जे य ण पडिसेहंति, वित्तिच्छेयं करंति ते ॥ २० ॥
 दुहओवि ते ण भासति, अत्थिय वा नत्थिय वा पुणो ।
 आयं रयस्स हेज्जा णं, निव्वाण पाउणति ते ॥ २१ ॥

निव्वाण परम बुद्धा, णक्खत्ताण व चदिमा ।
 तम्हा सया जए दत्ते, निव्वाण संघए मुणी ॥ २२ ॥
 वुज्झमाणाण पाणाण, किच्चन्ताण सकम्मुणा ।
 आघाइ साहु त दीव, पतिट्टेसा पवुच्चइ ॥ २३ ॥
 आयगुत्तं सया दन्ते, भिन्नसोए अणासवे ।
 जे धम्मं सुद्धमक्खाइ, पडिपुन्नमणेलिसं ॥ २४ ॥
 तमेव अविजाणन्ता, अबुद्धा बुद्धमाणिणो ।
 बुद्धामो त्ति य मन्नंता, अंत एते समाहिए ॥ २५ ॥
 ते य बीयोदगं चेव, तमुट्ठिस्सा य जं कड ।
 भोच्चा भाण भियायति, अखेयन्नाऽसमाहिया ॥ २६ ॥
 जहा ढका य कंका य, कुलला मग्गुका सिही ।
 मच्छेसणं भियायंति, भाणं ते कलुसाहमा ॥ २७ ॥
 एवं तु समणा एगे, मिच्छद्दिट्ठी अणारिया ।
 विसएसणं भियायंति, कंका वा कलुसाहमा ॥ २८ ॥
 सुद्धं मग्ग विराहिता, इहमेगे उ दुम्मइ ।
 उम्मग्गगया दुक्खं, घायमेसंति त तथा ॥ २९ ॥
 जहा आसाविणिं, नावं, जाइअंधो दुरूहिया ।
 इच्छइ पारमार्गतुं, संतरा य विसीयइ ॥ ३० ॥
 एव तु समणा एगे, मिच्छद्दिट्ठी अणारिया ।
 सोयं कसिणमावन्ता, आगंतारो महब्भयं ॥ ३१ ॥
 इमं च धम्ममायाय, कासवेण पवेदित् ।
 तरे सोय महाघोरं, अत्तत्ताए परिव्वए ॥ ३२ ॥
 विरए गामधम्मोहिं, जे केई जगई जगा ।
 तेसि अत्तुवमायाए, थामं कुव्वं परिव्वए ॥ ३३ ॥

अइमाणं च मायं च, तं परित्राय पंडिए ।
 सव्वमेयं णिराकिञ्जा, णिव्वाण संघए सुणी ॥ ३४ ॥
 सघए साहुधम्मं च, पावधम्मं णिराकरे ।
 उवहाणवीरिए भिक्खू, कोहं माणं ण पत्थए ॥ ३५ ॥
 जे य बुद्धा अतिक्कंता, जे य बुद्धा अणागया ।
 संति तेसि पइट्ठाणं, भूयाणं जगई जहा ॥ ३६ ॥
 अह णं वयमावन्न, फासा उच्चावया फुसे ।
 ण तेसु विणिहण्णेज्जा, वाएण व महागिरी ॥ ३७ ॥
 संवुडे से महापन्ने, धीरे दत्तेसणं चरे ।
 निव्वुडे कालमाकंखी, एवं (य) केवलिणो मयं ॥ ३८ ॥

॥ श्रीसुखविपाकसूत्रम् एकादशाध्ययनम् ॥





✽ उत्तरजभयण-सुत्तं ✽



अहं विणयसुय पढम अजभयणं

संजोगा विष्पमुक्कस्स, अणगारस्स भिक्खुणो ।
विणय पाउकरिस्सामि, आणुपूर्व्वि सुणेह मे ॥ १ ॥

आणानिद्वेसकरे, गुरुणमुववायकारे ।
इगियागारसपन्ने, से विणीए त्ति बुच्चइ ॥ २ ॥

आणाऽनिद्वेसकरे, गुरुणमणुववायकारे ।
पडिणीए असबुद्धे, अविणीए त्ति बुच्चइ ॥ ३ ॥

जहा सुणो पूइकणी, निक्कसिज्जइ सच्चसो ।
एव दुस्सीलपडिणीए, मुहरी निक्कसिज्जइ ॥ ४ ॥

कणकुण्डग चइत्ताण, विट्ठ भुजइ सूयरे ।
एवं सील चइत्ताण, दुस्सीले रमइ मिए ॥ ५ ॥

सुणिया भावं साणस्स, सूयरस्स नरस्स य ।
विणए ठवेज्ज अण्पाणमिच्छन्तो हियमप्पणो ॥ ६ ॥

तम्हा विणयमेसिज्जा, सीलं पडिलभेज्जओ ।
बुद्धपुत्ते^१ नियागट्ठी, न निक्कसिज्जइ कण्हुई ॥ ७ ॥

निसन्ते सियाऽमुहरी, बुद्धाण अन्तिए सया ।
 अट्टजुत्ताणि सिक्खिज्जा, निरट्टाणि उ वज्जए ॥ ८ ॥
 अणुसासिओ न कुप्पिज्जा, खीति सेविज्ज पण्डए ।
 खुड्डेहि सह ससग्गि, हासं कीडं च वज्जए ॥ ९ ॥
 मा य चण्डालिय कासी, बहुय मा य आलवे ।
 कालेण य अहिज्जिता, तओ भाइज्ज एगगो ॥ १० ॥
 आहच्च चण्डालियं कट्टु, न निण्हविज्ज कयाइ^१ वि ।
 कडं कडे त्ति भासेज्जा, अकडं नो कडे त्ति य ॥ ११ ॥
 मा गलियस्सेव कसं, वयणमिच्छे पुणो पुणो ।
 कसं व दट्ठुमाइण्णे, पावगं परिवज्जए ॥ १२ ॥
 अणासवा यूलवया कुसीला,
 मिउंपि चण्डं पकरिन्ति सीसा ।
 चित्ताणुया लहु दक्खोववेया,
 पसायए ते हु दुरासयंपि ॥ १३ ॥
 नाप्रट्ठो वागरे किञ्चि, पुट्ठो वा नालियं वए ।
 कोहं असच्चं कुवेज्जा, धारेज्जा पियमप्पियं ॥ १४ ॥
 अप्पा चेव दमेयव्वो, अप्पा हु खलु दुद्दमो ।
 अप्पा दन्तो सुही होइ, अस्सि लोए परत्थ य ॥ १५ ॥
 वरं मे अप्पा दन्तो, सजमेण तवेण य ।
 माहं परेहि दम्मंतो, बंधणेहि वहेहि य ॥ १६ ॥
 पडिणीयं च बुद्धाणं, वाया अदुव कम्मणा ।
 आवी वा जइ वा रहस्से, नेव कुज्जा कयाइ वि ॥ १७ ॥

न पक्खओ न पुरओ, नेव किञ्जाण पिट्ठओ ।
 न जुजे ऊरुणा ऊरुं, सयणे नो पडिस्सुणे ॥ १८ ॥
 नेव पल्हत्थियं कुञ्जा, पक्खपिण्डं च सजए ।
 पाए पसारिए वावि, न चिट्ठे गुरुणन्तिए ॥ १९ ॥
 आयरिएह वाहित्तो, तुसिणीओ न कयाइवि ।
 पसायपेही' नियागट्ठी, उवच्चिट्ठे गुरुं सया ॥ २० ॥
 आलवन्ते लवन्ते वा, न निसीएज्ज कयाइ वि ।
 चइऊणमासण धीरो, जओ जत्त पडिस्सुणे ॥ २१ ॥
 आसणगओ न पुच्छेज्जा, नेव सेज्जागओ कयाइ वि' ।
 आगम्मुक्कुडुओ सन्तो, पुच्छेज्जा पजलीउडो ॥ २२ ॥
 एवं विणयजुत्तस्स, सुत्तं अत्थं च तद्दुभय ।
 पुच्छमाणस्स सीसस्स, वागरिज्ज जहासुयं ॥ २३ ॥
 मुस परिहरे भिक्खू, न य ओहारिणि वए ।
 भासादोसं परिहरे, मायं च वज्जए सया ॥ २४ ॥
 न लवेज्जे पुट्ठो सावज्ज, न निरट्ठं न मम्मय ।
 अप्पणट्ठा परट्ठा वा, उभयस्सन्तरेण वा ॥ २५ ॥
 समरेसु अगारेसु, सन्धीसु य महापहे' ।
 एगो एगत्थिए सिद्धि, नेव चिट्ठे न सलवे ॥ २६ ॥
 जं मे बुद्धाणुसासन्ति, सीएण फरुसेण वा ।
 मम लाहो त्ति पेहाए, पयओ तं पडिस्सुणे ॥ २७ ॥
 अणुसासणमोवायं, दुक्कडस्स य चोयणं ।
 हियं तं मण्णइ पण्णो, वेसं होइ असाहुणो ॥ २८ ॥

१. पसायट्ठी । २. कया । ३. गिहसधिसु अ महापहेसु ।

हियं विगयभया बुद्धा, फरुसंपि^१ अणुसासणं ।
 वेस्स त होइ मूढाणं, खन्तिसोहिकर पय ॥ २९ ॥
 आसणे उवचिद्वेज्जा, अणुच्चेऽकुक्कुए थिरे ।
 अप्पुट्ठाई निरुट्ठाई, निसीएज्जप्पकुक्कुए ॥ ३० ॥
 कालेण निक्खमे भिक्खू, कालेण य पडिक्कमे ।
 अकालं च विवज्जिता, काले कालं समायरे ॥ ३१ ॥
 परिवाडीए न चिद्वेज्जा, भिक्खू दत्तेसणं चरे ।
 पडिरूवेण एसित्ता, मियं कालेण भवखए ॥ ३२ ॥
 नाइहरमणासन्ने, नऽन्नेसि चक्खुफासओ ।
 एगो चिद्वेज्ज भत्तद्वं,^३ लंघित्ता त नऽइक्कमे ॥ ३३ ॥
 नाइउच्चे न नीए वा, नासन्ने नाइहरओ ।
 फासुयं परकडं पिण्डं, पडिगाहेज्ज संजए ॥ ३४ ॥
 अप्पपाणेऽप्पबीयम्मि, पडिच्छन्नम्मि संवुडे ।
 समय संजए भुंजे, जय अपरिसाडियं ॥ ३५ ॥
 सुकडित्ति सुषविकत्ति, सुच्छिन्ने सुहडे मडे ।
 सुणिद्विए सुलद्वित्ति, सावज्जं वज्जए सुणी ॥ ३६ ॥
 रमए पण्डिए सास, हय भद्दं व वाहए ।
 बालं सम्मइ सासतो, गलियस्स व वाहए ॥ ३७ ॥
 खड्डुया^४ मे चवेडा मे, अक्कोसा य वहा य मे ।
 कल्लाणमणुसासन्तो, पावदिद्वित्ति मन्नइ ॥ ३८ ॥
 पुत्तो मे भाय नाइ त्ति, साहू कल्लाण मन्नइ ।
 पावदिद्विउ अप्पाणं, सास दासि^५ त्ति मन्नइ ॥ ३९ ॥

१. फरु-समप्पणुसासणं ।

२. भत्तद्वय । ३. खड्डुयाहि चवेडाहि अक्कोसेहि वहेहि य । ४. दासव ।

न कोवए आयरियं, अण्पाणपि न कोवए ।
 बुद्धोवघाई न सिया न सिया तोत्तगवेसए ॥ ४० ॥
 आयरियं कुविय नञ्जा, पत्तिएण पसायए ।
 विज्भवेज्ज पंजलीउडो, वएज्ज न पुणोत्ति य ॥ ४१ ॥
 धम्मज्जियं च ववहारं, बुद्धेहायरिय सया ।
 तमायरतो ववहारं, गरह नाभिगच्छइ ॥ ४२ ॥
 मणोगय वक्कगय, जाणित्तायरियस्स उ ।
 तं परिगिज्भ वायाए, कम्मणा उववायए ॥ ४३ ॥
 वित्ते अचोइए निच्चं, खिप्पं हवइ सुचोइए^१ ।
 जहोवइट्ठ सुकय, किच्चाइं कुव्वइ सया ॥ ४४ ॥
 नञ्जा नमइ मेहावी, लोए कित्ती से जायए ।
 हवइ किच्चाणं सरण, भूयाणं जगई जहा ॥ ४५ ॥
 पुञ्जा जस्स पसीयति, संबुद्धा पुव्वसंथुया ।
 पसन्ना लाभइस्सति, विउलं अट्ठियं सुयं ॥ ४६ ॥
 स पुज्जसत्थे सुविणीय संसए,
 मणोरूई चिट्ठइ कम्मसपया^२ ।
 तवोसमायारि-समाहिसंबुडे,
 महज्जुई पंच वयाइं पालिया ॥ ४७ ॥
 स देवगघव्वमणुस्सपूइए,
 चइत्तु देहं मलपकपुव्वयं ।
 सिद्धे वा हवइ सासए,
 देवे वा अण्परए महिड्डीए ॥ ४८ ॥

। त्ति बेमि

। विणयसुय नाम पढमं अज्भयणं समत्तं ।

१. पसन्ने यामय करे । २. मणिच्छियं संपथमुत्तमं गयः ।

। अह दुइअं परीसहञ्जयणं ।

सुयं मे आउसं ! तेण भगवया एवमक्खायं—इह खलु बावीसं परीसहा समणेणं भगवया महावीरेणं कासवेणं पवेइया ? जे भिक्खु सोच्चा नच्चा जिच्चा अभिभूय भिक्खायरियाए परिव्वयंतो पुट्ठो नो विनिहन्नेज्जा ।

कयरे ते खलु बावीसं परीसहा समणेणं भगवया महावीरेण कासवेण पवेइया ? जे भिक्खु सोच्चा नच्चा जिच्चा अभिभूय भिक्खायरियाए परिव्वयंतो पुट्ठो नो विनिहन्नेज्जा ?

इमे ते खलु बावीस परीसहा समणेण भगवया महावीरेणं कासवेणं पवेइया, जे भिक्खु सोच्चा नच्चा जिच्चा अभिभूय भिक्खायरियाए परिव्वयतो पुट्ठो नो विनिहन्नेज्जा; तं जहा—

दिगिच्छापरीसहे १, पिवासापरीसहे २, सीयपरीसहे ३, उसिणपरीसहे ४, दंसमसयपरीसहे ५, अचेलपरीसहे ६, अरइ-परीसहे ७, इत्थीपरीसहे ८, चरियापरीसहे ९, निसीहियापरीसहे १०, सेज्जापरीसहे ११, अक्कोमपरिसहे १२, वहपरीसहे १३, जायणापरीसहे १४, अलाभपरीसहे १५, रोगपरीसहे १६ तणफास-परीसहे १७, जल्लपरीसहे १८, सक्कारपुरक्कार परीसहे १९, पन्तापरीसहे २०, अन्नाणपरीसहे २१, दंसणपरीसहे २२ ।

परीसहाणं पविभत्ती, कासवेणं पवेइया ।

त मे उदाहरिस्सामि, आणुपुव्वि सुणेह मे ॥ १ ॥

दिगिच्छापरीसहे' देहे, तवस्सी भिक्खु थामवं ।

न छिंदे न छिंदावए, न पए न पयावए ॥ २ ॥

कालीपव्वग-सकासे, किसे धमणिसतए ।

मायन्ने असणपाणस्स, अदीणमणसो चरे ॥ ३ ॥

१. दिगिच्छापरीसहेण ।

तन्नो पुट्टो पिवासाए, दोगुंच्छी लज्जसंजए ।
 सीओदग न सेविज्जा, वियडस्सेसण चरे ॥ ४ ॥
 छिन्नावाएसु पथेसु, आउरे सुपिवासिए ।
 परिसुक्कमुहाऽदीणे, त तितिक्खे परीसहं ॥ ५ ॥
 चरतं विरयं लूहं, सीह फुसइ एगया ।
 नाइवेल मुणी गच्छे, सोच्चा णं जिणसासण ॥ ६ ॥
 न मे निवारण अत्थि, छवित्ताण न विज्जइ ।
 अह तु अग्गिं सेवामि, इइ भिक्खू न चितए ॥ ७ ॥
 उसिणपरियावेण, परिदाहेण तज्जिए ।
 घिसु वा परियावेण, सायं नो परिदेवए ॥ ८ ॥
 उण्हाहितत्तो मेहावी, सिणाण नो वि पत्थए ।
 गायं नो परिंसिचेज्जा, न वीएज्जा य अप्पयं ॥ ९ ॥
 पुट्टो य दंसमसएहिं, समरे व महामुणी ।
 नागो सगामसीसे वा, सूरो अभिहणे पर ॥ १० ॥
 न सतसे न वारेज्जा, मणं पि न पओसए ।
 उवेहे न हणे पाणे, भुंजंते मंस-सोणिय ॥ ११ ॥
 परिजुण्णेहिं वत्थेहिं, होक्खामि त्ति अचेलए ।
 अदुवा सचेलए होक्ख, इइ भिक्खू न चितए ॥ १२ ॥
 एगयाऽचेलए होइ, सचेले आवि एगया ।
 एयं धम्मं हिय नच्चा, नाणी नो परिदेवए ॥ १३ ॥
 गामाणुगाम रीयंतं, अणगारं अकिंचण ।
 अरई अणुप्पवेसेज्जा, त तितिक्खे परीसहं ॥ १४ ॥

अरइं पिट्ठओ किच्चा, विरए, आयरक्खिए ।
 धम्मारामे निरारम्भे, उवसते मुणी चरे ॥ १५ ॥
 सगो एस मणूसाणं, जाओ लोगम्मि इत्थिओ ।
 नो ताहिं विणिहम्मेल्ला, चरेञ्जत्तगवेसए ॥ १७ ॥
 एग एव चरे लाढे, अभिभूय परीसहे ।
 गामे वा नगरे वावि, निगमे वा रायहाणिए ॥ १८ ॥
 असमाणे चरे भिक्खू, नेव कुञ्जा परिग्गहं ।
 असंसत्तो गिहत्थेहिं, अणिएओ परिच्चए ॥ १९ ॥
 सुसाणे सुन्तगारे वा, रुक्खमूले व एगओ ।
 अकुक्कुओ निसीएञ्जा, न य वित्तासए परं ॥ २० ॥
 तत्थ से चिट्ठमाणस्स, उवसग्गाभिधारए ।
 संकाभीओ न गच्छेञ्जा, उट्ठित्ता अन्तमासणं ॥ २१ ॥
 उच्चावयाहिं सेज्जाहिं, तवस्सी भिक्खू थामवं ।
 नाइवेल विहन्निज्जा, पावदिट्ठी विहन्नइ ॥ २२ ॥
 पइरिक्कुवस्सयं लद्धं, कल्लाणमद्दुवा पावयं ।
 किमेगराइ करिस्सइ, एवं तत्थऽहियासए ॥ २३ ॥
 अक्कोसेञ्जा परे भिक्खुं, न तेसि पडिसंजले ।
 सरिसो होइ बालाणं, तम्हा भिक्खू न सजले ॥ २४ ॥
 सोञ्जाणं फरुसा भासा, दारुणा गामकण्टगा ।
 तु सिणीओ उवेहेल्ला, न ताओ मणसीकरे ॥ २५ ॥
 हओ न संजले भिक्खू, मणंपि न पओसए ।
 तितिक्खं परमं नच्चा, भिक्खू धम्मं विचित्तए ॥ २६ ॥

समणं सजय दंत, हणिञ्जा कोइ कत्थई ।
 नत्थि जीवस्स नासुत्ति, एवं पेहेज्ज सजए^१ ॥ २७ ॥
 दुक्कर खलु भो निच्च, अणगारस्स भिक्खुणो ।
 सव्वं से जाइय होइ, नत्थि किञ्चि अजाइयं ॥ २८ ॥
 गोयत्तगपविट्ठस्स पाणी नो सुप्पसारए ।
 सेओ अगारवासुत्ति, इइ भिक्खू न चितए ॥ २९ ॥
 परेसु घासमेसेञ्जा, भोयणे परिणिट्ठिए ।
 लद्धे पिण्डे अलद्धे वा, नाणुत्तप्पेज्ज पंडिए^२ ॥ ३० ॥
 अज्जेवाहं न लब्भामि, अवि लाभो सुंए सिया ।
 जो एवं पडिसंचिक्खे, अलाभो त न तज्जए ॥ ३१ ॥
 नच्चा उप्पइयं दुक्खं, वेयणाए दुहट्ठिए ।
 अदीणो थावए पन्नं, पुट्ठो तत्थिऽहियासए ॥ ३२ ॥
 तेइच्छं नाभिनंदेञ्जा सच्चिक्खत्तगवेसए ।
 एव खु तस्स सामण्णं, ज न कुञ्जा न कारवे ॥ ३३ ॥
 अचेलगस्स लूहस्स, संजयस्स तवस्सिणो ।
 तणेसु सयमाणस्स, हुञ्जा गायविराहणा ॥ ३४ ॥
 आयवस्स निवाएणं, अउला हवइ वेयणा ।
 एवं नच्चा न सेवंति, तंतुजं तणतज्जिया ॥ ३५ ॥
 किलिन्नगाए मेहावी, पंकेण व रएण वा ।
 घिसु वा परियावेण, सायं नो परिदेवए ॥ ३६ ॥
 वेएज्जा निज्जरापेही, आरियं धम्मणुत्तरं ।
 जावसरीरभेउत्ति, जल्लं काएण धारए ॥ ३७ ॥

१ ण त पेहे असाह्व २. लद्धे पिण्डे आहरिज्जा अलद्धे नाणु-
तप्पए ।

अभिवायणमब्भुट्ठाणं, सामी तुज्जा निमंतण ।
 जे ताइ पडिसेवन्ति, न तेसि पीहए मुणी ॥ ३८ ॥
 अणुक्कसाई अप्पिच्छे, अन्नाएसी अलोलुए ।
 रसेसु नाणुगिज्झेज्जा, नाणुतप्पेज्ज पन्नव ॥ ३९ ॥
 से नूण मए पुव्व, कम्माऽणाणफला कडा ।
 जेणाहं नाभिजाणामि, पुट्ठो केणइ कण्हुई ॥ ४० ॥
 अह पच्छा उइज्जन्ति, कम्माऽणाणफला कडा ।
 एवमस्सासि अप्पाणं, नच्चा कम्मविवागय ॥ ४१ ॥
 निरट्ठगम्मि विरओ, मेहुणाओ सुसवुडो ।
 जो सक्खं नाभिजाणामि, धम्म कल्लाणपावग ॥ ४२ ॥
 तवोवहाणमादाय, पडिमं पडिवज्जओ ।
 एवं पि विहरओ मे, छउम न नियट्ठइ ॥ ४३ ॥
 नत्थि नूण परे लोए, इड्ढी वावि तवस्सिणो ।
 अद्वा वच्चिओमिस्सि, इइ भिक्खू न चित्तए ॥ ४४ ॥
 अभू जिणा अत्थि जिणा, अट्ठुवावि भविस्सइ ।
 मुस ते एवमाहसु, इइ भिक्खू न चित्तए ॥ ४५ ॥
 एए परीसहा सव्वे, कासवेण पवेइया ।
 जे भिक्खू न विहन्नेज्जा, पुट्ठो केणइ कण्हुई त्ति वेमि ॥ ४६ ॥

। दुइअ परीसहज्झकयण समत्तं ॥२॥

॥ अह तइअं चाउरंगिज्जं अज्झकयण ॥

चत्तारि परमगाणि, दुल्लहाणीह जन्तुणो ।
 माणुसत्तं सुई सद्धा, संजमम्मि य वीरियं ॥ १ ॥

समावन्नाण संसारे, नाणागोत्तासु जाइसु ।
 कम्मा नाणाविहा कट्ठु, पुढो विस्संभिया पया ॥ २ ॥
 एगया देवलोएसु, नरएसु वि एगया ।
 एगया आसुरं कायं, अहाकम्मोहि गच्छइ ॥ ३ ॥
 एगया खत्तिओ होइ, तओ चण्डालवुक्कसो ।
 तओ कीडपयगो य, तओ कुन्थु पिवीलिया ॥ ४ ॥
 एवमावट्टजोणीसु, पाणिणो कम्मकिव्विसा ।
 न निविज्जन्ति ससारे, सव्वट्ठेसु व खत्तिया ॥ ५ ॥
 कम्मसगेहिं संमूढा, दुक्खिया बहुवेयणा ।
 अमाणुसासु जोणोसु, विणिहम्मन्ति पाणिणो ॥ ६ ॥
 कम्माण तु पहाणाए, आणुपुव्वी कयाई उ ।
 जीवा सोहिमणुप्पत्ता, आययति मणुस्सयं ॥ ७ ॥
 माणुस्स विग्गह लद्धं, सुई धम्मस्स दुल्लहा ।
 जं सोच्चा पडिवज्जन्ति, तव खतिमहिंसय ॥ ८ ॥
 आहच्च सवणं लद्धु सद्धा परमदुल्लहा ।
 सोच्चा नेआउय मगं, बहवे परिभस्सइ ॥ ९ ॥
 सुइं च लद्धुं सद्धं च, वीरियं पुण दुल्लहं ।
 बहवे रोयमाणावि, तो य णं पडिवज्जए ॥ १० ॥
 माणुसत्तमि आयाओ, जो धम्म सोच्च सद्धे ।
 तवस्सी वीरियं लद्धुं, सवुडे निद्धुणे रयं ॥ ११ ॥
 सोही उज्जुयभूयस्स, धम्मो सुद्धस्स चिट्ठइ ।
 निव्वाणं परमं जाइ, घयसित्तिव्व पावए ॥ १२ ॥

विगिच कम्मुणो हेउं, जसं सच्चिणु खतिए ।
 संरीर पाढव हिच्चा, उड्ढ पक्कमए दिसं ॥ १३ ॥
 विसालसेहिं सीलेहिं. जक्खा उत्तरउत्तरा ।
 महासुक्का व दिप्पता, मन्नता अपुणञ्चव ॥ १४ ॥
 अप्पिया देवकामाण, कामरूवविउव्विणो ।
 उड्ढं कप्पेसु चिट्ठति, पुव्वावाससया बहु ॥ १५ ॥
 तत्थ ठिच्चा जहाठाणं, जक्खा आउक्खए चुया ।
 उवेति माणुसं जोणिं, से दसगे भिजायए ॥ १६ ॥
 खित्त वत्थु हिरण्ण च, पसवो दासपोक्खस ।
 चत्तारि कामखंधाणि, तत्थ से उववज्जइ ॥ १७ ॥
 मित्तव नाइवं होइ, उच्चागोए य वण्णवं ।
 अप्पायके महापन्ने. अभिजाए जसो वले ॥ १८ ॥
 भुच्चा माणुस्सए भोए, अप्पडिरूवे अहाउयं ।
 पुव्व विसुद्धसद्धम्मे, केवलं बोहिं बुज्झिया ॥ १९ ॥
 चउरग दुल्लहं नच्चा', संजम पडिवज्झिया ।
 तवसा धुयकम्मसे, सिद्धे हवइ सासए त्ति वेमि ॥ २० ॥

॥ तइअं चाउरगिज्ज अज्भयण समत्त ॥

॥ अहं चउत्थं असंखयं अज्भयणं ॥

असंखय जीविय मा पमायए,
 जरोवणीयस्स हु नत्थि ताणं ।

एव वियाणाहि जणे पमत्ते,
 किन्नु' विहिंसा अजया गहिंति ॥ १ ॥
 जे पावकम्मोहिं धणं मणूसा,
 समाययती अमइ गहाय ।
 पहाय ते पासपयट्टिए नरे,
 वेराणुबद्धा नरय उर्विति ॥ २ ॥
 तेणे जहा सधिमुहे गहीए,
 सकम्मुणा किच्चइ पावकारी ।
 एव पया पेच्च इह च लोए,
 कडाण कम्माण न मोक्ख अत्थि ॥ ३ ॥
 ससारमावन्न परस्स अट्ठा,
 साहारणं जं च करेइ कम्म ।
 कम्मस्स तं तस्स उ वेयकाले,
 न बधवा बंधवय उर्विति ॥ ४ ॥
 वित्तेण ताणं न लभे पमत्ते,
 इममि लोए अदुवा परत्था ।
 दीवप्पणट्टेव अणत्तमोहे,
 नेयाउयं दट्ठुमदट्ठुमेव ॥ ५ ॥
 सुत्तेसु यावी पडिबुद्धजीवी,
 न वीससे पडिय आसुपण्णे ।
 घोरा मुहुत्ता अबलं सरीर,
 भारडपक्खीव चरेऽपमत्ते ॥ ६ ॥
 चरे पयाइं परिसकमाणो,
 ज किंचि पासं इह मन्नमाणो ।

लाभतरे जीविय ब्रूहइत्ता,
 पच्छा परिन्नाय मलावधंसी ॥ ७ ॥
 छंदं निरोहेण उवेइ मोक्खं,
 आसे जहा सिक्खियवम्मधारी ।
 पुव्वाइं वासाइं चरेऽप्पेमत्ते,
 तम्हा मुणी खिप्पमुवेइ मोक्ख ॥ ८ ॥
 स पुव्वमेवं न लभेज्ज पच्छा,
 एसोवमा सासयवाइयाणं ।
 विसीयइ सिढिले आउयम्मि,
 कालोवणीए सरीरस्स भेए ॥ ९ ॥
 खिप्पं न सक्केइ विवेगमेउं,
 तम्हा समुट्ठाय पहाय कामे ।
 समिच्च लोयं समया महेसी,
 अप्पाणरवखी चरेऽप्पमत्ते ॥ १० ॥
 मुहुं मुहुं मोहगुणे जयंतं,
 अणेगरूवा समण चरंतं,
 फासा फुसन्ति असमंजसं च,
 न तेसि भिक्खू मणसा पउस्से ॥ ११ ॥
 मन्दा य फासा बहुलोहणिज्जा,
 तहप्पगारेसु मणं न कुज्जा ।
 रक्खिज्ज कोहं विणएज्जमाणं,
 माय न सेवेज्ज पहेज्ज लोहं ॥ १२ ॥
 जे सखया तुच्छपरप्पवाई,
 ते पिज्जदोसाणुगया परज्झा ।

एए अहम्मे त्ति दुमुं छमाणो,
कखे गुणे जाव सरीरभेउ, त्ति बेमि ॥१३॥

॥ इय असखवं णाम चउत्थं अज्भयणं समत्तं ॥

अह अकाममरणज्जं पञ्चम अज्भयण

अण्णबसि महोहंसि, एगे तिण्णे' दुहत्तरे ।
तत्थ एगे महापन्ने, इमं पण्हमुदाहरे ॥ १ ॥
सन्तिमे य दुवे ठाणा, अक्खाया मरणन्तिया ।
अकाममरणं चैव, सकाममरणे तथा ॥ २ ॥
बालाणं अकाम तु, मरण असइं भवे ।
पण्डियाणं सकामं तु, उक्कोसेण सइं भवे ॥ ३ ॥
तत्थिमं पढम ठाणं, महावीरेण देसियं ।
कामगिद्धे जहा वाले, भिसं कूराइ कुव्वइ ॥ ४ ॥
जे गिद्धे कामभोगेसु, एगे कूडाय गच्छइ ।
न मे दिद्धे परे लोए, चक्खुदिट्ठा इमा रई ॥ ५ ॥
हत्थागया इमे कामा, कालिया जे अणागया ।
को जाणइ परे लोए, अत्थि वा नत्थि वा पुणो ॥ ६ ॥
जणेण सद्धि होक्खामि, इइ वाले पगब्भइ ।
कामभोगाणुराएणं, केसं संपडिवज्जइ ॥ ७ ॥
तत्रो से दण्डं समारभइ, तसेसु थावरेसु य ।
अट्ठाए य अणट्ठाए, भूयगामं विहिंसइ ॥ ८ ॥

हिंसे बाले मुसावाई, माइल्ले पिसुणे सढे ।
 भुंजमाणे सुर मसं, सेयमेयंति मन्वइ ॥ ९ ॥
 कायसा वयसा मत्ते, वित्तं गिद्धे य इत्थिसु ।
 दुहश्रो मलं सचिणइ, सिसुणागुब्ब मट्टियं ॥ १० ॥
 तश्रो पुट्टो आयकेणं, गिलाणो परितप्पइ ।
 पभीश्रो परलोगस्स, कम्माणुप्पेहि अप्पणो ॥ ११ ॥
 सुया मे नरए ठाणा, असोलाणं च जा गई ।
 बालाणं कूरकम्माणं, पगाढा जत्थ वेयणा ॥ १२ ॥
 तत्थोववाइयं ठाग, जहा मे तमणुस्सुयं ।
 अहाकम्मेहि गच्छन्तो, सो पच्छा परितप्पइ ॥ १३ ॥
 जहा सागडिश्रो जाणं, समं हिच्चा महापह ।
 विसमं मग्गमोइण्णो, अक्खे भग्गम्मि सोयइ ॥ १४ ॥
 एव धम्मं विउक्कम्म, अहम्म पडिवज्जिया ।
 बाले मच्चुमुह पत्ते, अक्खे भग्गे व सोयइ ॥ १५ ॥
 तश्रो से मरणन्तम्मि, बाले सतसइ भया ।
 अकाममरणं मरइ, धुत्ते व कलिणा जिए ॥ १६ ॥
 एयं अकाममरणं, बालाणं तु पवेइय ।
 इत्तो सकाममरण, पण्डियाणं सुणेह मे ॥ १७ ॥
 मरणं पि सपुण्णाणं, जहा मेयमणुस्सुयं ।
 विप्पसण्णमणाघायं, संजयाणं वुसोमश्रो ॥ १८ ॥
 न इमं सव्वेसु भिक्खुसु, न इमं सव्वेसुगारिसु ।
 नाणासीला अगारत्या, विसमसीला य भिक्खुणो ॥ १९ ॥
 सन्ति एगेहि भिक्खुहि, गारत्या संजमुत्तरा ।
 गारत्थेहि य सव्वेहि, साहवो संजमुत्तरा ॥ २० ॥

चीराजिणं नगिणिणं, जडो सघाडिमुण्डणं ।

एयाणि वि न तायति, दुस्सील परियागयं ॥ २१ ॥

पिडोलएव्व दुस्सीले, नरगाओ न मुञ्चइ ।

भिक्खाए वा गिहत्थे वा, सुव्वए कम्मइ दिवं ॥ २२ ॥

अगारिसामाइयंगाणि, सड्डी काएण फासए ।

पोसह दुहओ पक्ख, एगरायं न हावए ॥ २३ ॥

एवं सिक्खासमावन्ने, गिहवासे वि सुव्वए ।

मुञ्चइ छविपव्वाओ, गच्छे जक्खसलोगय । २४ ॥

अह जे संवुडे भिक्खू, दोण्ह अन्नयरे सिया ।

सव्वदुक्खपहीणे वा, देवे वावि महिड्डीए ॥ २५ ॥

उत्तराइं विमोहाइं, जुइमन्ताणुपुव्वसो ।

समाइण्णाइ जक्खेहिं, आवासाइ जसंसिणो ॥ २६ ॥

दोहाउया इड्डिमन्ता, समिद्धा कामरुविणो ।

अहुणोववन्नसंकासा, भुज्जो अच्चिमालिष्पभा ॥ २७ ॥

ताणि ठाणाणि गच्छति,

सिक्खित्ता संजम तवं ।

भिक्खाए वा गिहित्थे वा,

जे सति परिनिव्वुडा ॥ २८ ॥

तेसि सोञ्जा सपुज्जारणं, संजयाण वुसीमओ ।

न संतसंति मरणते, सीलवन्ता बहुस्सुया ॥ २९ ॥

तुलिया वित्सेसमादाय, दयाधम्मस्स खंतिए ।

विप्पसीएज्ज मेहावी, तहामूएण अप्पणा ॥ ३० ॥

तत्रो काले अभिप्पेए, सङ्घी तालिसमतिए ।
 विणएज्ज लोमहरिसं, भेय देहस्स ऋखए ॥ ३१ ॥
 अह कालम्मि संपत्ते, आघायाय समुस्सय ।
 सकाममरणं मरइ, तिण्हसन्नयर मुणी , त्ति वेस्मि ॥ ३२ ॥

॥ इय अकाममरणिज्ज पचम अञ्जयण समत्तं ॥

अह खुड्ढागनियठिज्जं छट्ठं अञ्जयणं

जावन्तऽविज्जा पुरिसा, सव्वे ते दुक्खसंभवा ।
 लुप्पन्ति बहुसो भूढा, ससारम्मि अणतए ॥ १ ॥
 समिक्ख पण्डिए तम्हा, पासजाइपहे बहू ।
 अप्पणा सच्चमेसेज्जा, मित्ति भूएसु कप्पए ॥ २ ॥
 माया पिया ण्हसा भाया, भज्जा पुत्ता य श्रोस्ता ।
 नालं ते मम ताणाए, लुप्पतस्स सकम्मुणा ॥ ३ ॥
 एयमट्ठ सपेहाए, पासे समियदंसणे ।
 छिन्द गिंद्धि सिणेहं च, न कंखे पुव्वसंथवं ॥ ४ ॥
 गवासं मणिकुण्डलं, पसवो दासपोरुस ।
 सव्वमेयं चइत्ता णं कामरुवी भविस्सत्ति ॥ ५ ॥
 (थावर जंगमं चैव धण धन्नं उवक्खर ।
 पञ्चमाणस्स कम्मोहिं नालं दुक्खाउ मोयणे ॥)
 अञ्जयणं सव्वगो सव्व, दिस्स पाणे पियायए ।
 न हणे पाणिणो पाणे, भयवेरात्रो उवरए ॥ ६ ॥

श्रादाणं नरय दिस्स, नायएज्ज तणामवि ।
 दोगुञ्छी अप्पणो पाए, दिन्त भुंजेज्ज भोयणं ॥ ७ ॥
 इहमेगे उ सन्ति, अपञ्चक्खाय पावण ।
 आयरियं विदिता णं, सव्वदुक्खा विमुञ्चए ॥ ८ ॥
 भणंता अकरेन्ता य, बन्धमोक्खपइण्णिणो ।
 वायावीरियमैत्तेण, समासासेति अप्पयं ॥ ९ ॥
 न चित्ता तायए भासा, कुओ विज्जाणुसासणं ।
 विसन्ता पावकम्मोहिं, बाला पडियमाणो ॥ १० ॥
 जे केइ सरारे सत्ता, वण्णे रुवे य सव्वसो ।
 मणसा कायवक्केणं, सव्वे ते दुक्खसंभवा ॥ ११ ॥
 आवन्ता दीहमद्धाणं, संसारम्मि अणंतए ।
 तम्हा सव्वदिस पस्स, अप्पमत्तो परिव्वए ॥ १२ ॥
 बहिया उड्डुमादाय, नावकंखे कयाइ वि ।
 पुव्वकम्मक्खयट्ठाए, इमं देहं समुद्धरे ॥ १३ ॥
 विविच्च' कम्मणो हेउं, कालकंखी परिव्वए ।
 गायं पिंडस्स पाणस्स, कड लद्धूण भक्खए ॥ १४ ॥
 सन्तिहिं च न कुव्वेज्जा, लेवमायाए संजए ।
 पक्खीपत्तं समादाय, निरवेक्खो परिव्वए ॥ १५ ॥
 एसणासमिओ लज्ज, गामे अणियओ चरे ।
 अप्पमत्तो पमत्तेहिं, पिण्डवायं गवेसए ॥ १६ ॥
 एवं से उदाहु अणुत्तरनाणी अणुत्तरदंसी अणुत्तरनाणवसणधरे
 अरहा नायपुत्ते भगवं वेसालिए वियाहिए । त्ति वेमि ॥

॥ इय खुट्ठागनियंठिज्ज छट्ठं अज्जयणं समत्तं ॥

अह एलइज्ज सत्तमं अज्भयणं

जहाऽऽएस समुद्दिस्स, कोइ पोसेज्ज एलय ।
 ओयणं जवस देज्जा पोसेज्जावि सयंगणे ॥ १ ॥

तत्रो से पुट्ठे परिवूढे, जायमेए महोदरे ।
 पीणिए विउले देहे, आएसे परिकखए ॥ २ ॥

जाव न एइ आएसे, ताव जोवइ सेऽडुही ।
 अह पत्तम्मि आएसे, सीसं छेत्तूण भुज्जइ ॥ ३ ॥

जहा से खत्तु उरुब्भे, आएसाए समीहिए ।
 एव बाले अहम्मिद्वे, ईहइ विरयाउय ॥ ४ ॥

पिंहेसे बाले भुसावाई, अद्धानंमि विलोवए ।
 अन्नदत्तहरे लेणे, माई कं वु हरे सढे ॥ ५ ॥

इत्थोविसयगिद्धे य, महारभपरिग्गहे ।
 भुंजमाणे सुर मसं, परिवूढे परंदमे ॥ ६ ॥

अयकक्करभोई य, तुंदिस्से चिय लोहिए ।
 आउयं नए कंखे, जहाऽऽएसं व एलए ॥ ७ ॥

आसणं सयणं जाण, वित्तं कामे य भु जिया ।
 दुस्ताहड धणं हिज्जा, बहु संचिणिया रयं ॥ ८ ॥

तत्रो कम्मगुरू जत्तू, पच्चुप्पन्नपरायणे ।
 अएव्व आययाएसे, मरणंतम्मि सोयइ ॥ ९ ॥

तत्रो आउपरिवखीणे, धुयदेहा विहिंसगा ।
 आसुरीय दिस बाला, गच्छति अवसा तमं ॥ १० ॥

जहा कागिणिए हेउं, सहस्स हारए नरो ।
 अरुत्थं अम्बग भोज्जा, राया रज्ज तु हारए ॥ ११ ॥
 एव माणुस्सगा कामा, देवकामाण अरुतिए ।
 सहस्सगुणिया भुज्जो, आउ कामा य दिव्विया ॥ १२ ॥
 अणेगवासानउया, जा सा पन्नवओ ठिई ।
 जाणि जीयति दुस्मेहा, ऊणे वाससयाउए ॥ १३ ॥
 जहा य तिननि वणिया, मूल धेत्तूण निग्गया ।
 एगोऽत्थ लहए लाभं, एगो मूलेण आगओ ॥ १४ ॥
 एगो मूल पि हारित्ता, आगओ तत्थ वाणिओ ।
 ववहारे उवमा एसा, एव धम्मे विजाणह ॥ १५ ॥
 माणुसत्तं भवे मूलं, लाभो देवगई भवो ।
 मूलच्छेएण जीवाण नरगतिरिक्खत्तणं धुव ॥ १६ ॥
 दुहओ गई बालस्स, आवईवहमूलिया ।
 देवत्त माणुसत्त च, ज जिए लोलयासढे ॥ १७ ॥
 तओ जिए सइ होइ, दुविह दुग्गइ गए ।
 दुल्लहा तस्स उम्मग्गा, अद्धाए सुचिरादवि ॥ १८ ॥
 एव जियं सपेहाए, तुलिया बाल च पण्डियं ।
 मूलियं ते पवेसन्ति, माणुसि जोणिमेन्ति जे ॥ १९ ॥
 वेमायाहि सिक्खाहि, जे नरा गिहि सुव्वया ।
 उवेंति माणुस जोणि, कम्मसच्चा हु पाणिणो ॥ २० ॥
 जेसि तु विउला सिक्खा, मूलिय ते अइच्छिया ।
 सीलवन्ता सविसेसा, अदीणा जति देवय ॥ २१ ॥
 एवमदीणवं भिक्खू, आगारि च वियाणिया ।
 कहण्णु जिच्चमेलिक्ख, जिच्चमाणे न सविदे ॥ २२ ॥

जहा कुसग्गे उदग, समुद्वेण समं मिणे ।
 एव माणुस्सगा कामा, देवकामाण अतिए ॥ २३ ॥
 कुसग्गमेत्ता इमे कामा, सन्निरुद्धम्मि आउए ।
 कस्स हेउं पुराकाउ, जोगक्खेम न सविदे ॥ २४ ॥
 इह कामाणियद्वस्स, अत्तद्वे अव्वरज्झइ ।
 सोच्चा नेयाउयं मग्गं, ज भुज्जो परिभस्सइ ॥ २५ ॥
 इह कामाणियद्वस्स, अत्तद्वे नावरज्झइ ।
 पूइदेहनिरोहेणं, भवे देवित्ति मे सुय ॥ २६ ॥
 इड्ढी जुई जसो वण्णो, आउ सुहमणुत्तर ।
 भुज्जो जत्य मणुस्सेसु, तत्थ से उव्वज्जइ ॥ २७ ॥
 बालस्स पस्स बालत्त, अहम्म पडिवज्जिया ।
 चिच्चा धम्म अहम्मिट्ठे, नरए उव्वज्जइ ॥ २८ ॥
 धीरस्स पस्स धीरत्त, सव्वधम्माणुवत्तिणो' ।
 चिच्चा अधम्मं धम्मिट्ठे, देवेषु उव्वज्जइ ॥ २९ ॥
 तुलियाण बालभाव, अवालं चैव पण्डिए ।
 चइऊण बालभाव, अवाल सेवए मुणी । त्ति वेमि ॥ ३० ॥

॥ इय एलयं णाम सत्तमं अज्भयण समत्त ॥

अह काविलियं अट्टमं अज्भयण

अधुवे अतासयम्मि,

संसारम्मि दुक्खपउराए ।

किं नाम होञ्ज त कम्मयं
 जेणाह दुग्गइ न गच्छेज्जा ॥ १ ॥
 चिजहित्तु पुव्वसजोय,
 न सिणेह कहिं चि कुव्वेज्जा ।
 असिणेह सिणेहकरेहिं,
 दोसपओसेहि मुच्चए भिक्खू ॥ २ ॥
 तो नाणदसणसमग्गो,
 हियनिस्सेसाए सव्वजोवाणं ।
 तेसिं विमोक्खणट्ठाए,
 भासइ मुणिवरो विगयमोहो ॥ ३ ॥
 सव्वं गथं कलह च,
 विप्पजहे तहाविहं भिक्खू ।
 सव्वेसु कामजाएसु,
 पासमाणो न लिप्पइ ताई ॥ ४ ॥
 भोगामिसदोसविसन्ने,
 हियनिस्सेयसबुद्धिवोच्चत्थे' ।
 बाले य मदिए मूढे,
 वज्झइ मच्छिंया च खेलम्मि ॥ ५ ॥
 दुप्परिच्चया इमे कामा,
 नो सुजहा अधीरपुरिसेहिं ।
 अह सति सुव्वया साहू,
 जे तरति अतर वणिघा घा ॥ ६ ॥
 समणा मु एगे वयमाणा,
 पाणवहं मिया अयाणन्ता ।

मन्दा निरय गच्छन्ति,
बाला पाषियाहिं दिट्टीहिं ॥ ७ ॥
न हृ पाणवहं अणुजाणे,
मुच्चेज्ज कयाइ सध्वदुक्खाण ।
एवमारिएहिं अक्खाय,
जेहिं इमो साहुधम्मो पणत्तो ॥ ८ ॥
पाणे य नाइवाएज्जा,
से समिए त्ति वुच्चइ ताई ।
सओ से पावय कम्मं,
निज्जाइ उवग व थलाओ ॥ ९ ॥
जगनिस्सिएहिं भूएहिं,
तसनामेहिं थावरोहिं च ।
नो तेसिमारभे दडं,
मणसा वयसा कायसा चेव ॥ १० ॥
सुद्धेसणाओ नच्चा णं,
तत्थ ठवेज्ज भिक्खू अप्पाण ।
जायाए घासमेसेज्जा,
रसगिद्धे न सिया भिक्खाए ॥ ११ ॥
पन्ताणि चेव सेवेज्जा,
सौर्यपिड पुराणकुम्मासं ।
अट्टु बुक्कसं पुलागं वा,
जवणट्टाए नित्सेवए मंथुं ॥ १२ ॥
जे लक्खण च सुविण च,
अङ्गविज्जं च जे पडंजंति ।

न हू ते समणा वुच्चति,
 एवं प्रायरिएहिं अक्खायं ॥१३॥
 इह जीविय अणियमेत्ता,
 पभट्टा समाहिजोएहिं ।
 ते कामभोगरसगिद्धा,
 उववज्जंति आसुरे काए ॥१४॥
 तत्तोऽवि य उव्वट्टित्ता,
 संसार बहु अणुपरियडति ।
 ब्रहुकम्मलेवलित्ताणं,
 वोही होइ सुदुल्लहा तेसि ॥१५॥
 कसिणंपि जो इमं लोयं,
 पडिपुण्णं दलेज्ज इक्कस्स ।
 तेणावि से न संतुस्से,
 इह दुप्पूरए इमे आया ॥१६॥
 जहा लाहो तथा लोहो,
 लाहा लोहो पवड्डइ ।
 दोमासकय कज्जं,
 कोडीए वि न निट्ठिय ॥१७॥
 न रक्खसीसु गिज्भेज्जा,
 गडवच्छासुऽणेगचित्तासु ।
 जाओ पुरिस पलोभित्ता,
 खेत्तति जहा व दासेहिं ॥१८॥
 नारीसु नोवगिज्भेज्जा,
 इत्थी विप्पजहे अणगारे ।

धम्मं च पेसलं नच्चा,
तत्थ ठवेज्ज भिक्खू अप्पाणं ॥१६॥

इअ एस धम्मे अक्खाए,
कविलेणं च विसुद्धपन्नेण ।

तरिहिति जे उ काहिति,
तेहि आराहिया दुवे लोगा ॥ त्ति वेमि ॥२०॥

॥ काविलीयं अट्टमं अज्भयणं समत्त ॥

अह नवमं तमिपव्वज्जा अज्भयणं

चइअण देवलोगाओ, उववन्तो माणुसमि लोगमि ।
उवसन्तमोहणिज्जो, सरइ पोरणिय जाइ ॥१॥

जाइं सरित्तु भयव, सहसबुद्धो अणुत्तरे धम्मे ।
पुत्त ठवित्तु रज्जे, अभिणिकखमइ नमी राया ॥२॥

से देवलोगसरिसे, अन्तेउरवरगओ वरे भोए ।
भु जित्तु नमी राया, बुद्धो भोगे परिच्चइ ॥३॥

मिहिल सपुरजणवय, बलमोरोहं च परियणं सव्वं ।
चिच्चा अभिनिक्खन्तो, एगन्तमहिड्डीओ भयवं ॥४॥

कोलाहलगसभूयं, आसी मिहिलाए पव्वयन्तमि ।
तइया रायरिसिमि, तमिमि अभिणिकखमंतमि ॥५॥

अव्भुट्ठियं रायरिसि, पव्वज्जाठाणमुत्तम ।
सक्को माहणरूवेण, इमं वय मव्ववो ॥६॥

किण्णु भो अज्ज मिहिलाए, कोलाहलगसंकुला ।
 सुव्वन्ति^१ दारुणा सद्दा, पासाएसु गिहेसु य ॥७॥
 एयमट्ठं निसामित्ता, हेऊकारणचोइओ ।
 तओ नमी रायरिसी, देविद इणमब्बवी ॥८॥
 मिहिलाए चेइए वच्छे, सीयच्छाए मणोरमे ।
 पत्तपुप्फलोवेए, बहूणं बहुगुणे सया ॥९॥
 वाएण हीरमाणम्मि, चेइयम्मि मणोरमे ।
 दुहिया असरणा अत्ता, एए कंदति भो ! खगा ॥१०॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविदो इणमब्बवी ॥११॥
 एस अग्गी य वाऊ य, एय उज्झइ मंदिर ।
 भयवं अन्तेउरं तेणं, कीस ण नावपेक्खह ॥१२॥
 एयमट्ठं निसामित्ता, हेऊकारणचोइओ ।
 तओ नमी रायरिसी, देविद इणमब्बवी ॥१३॥
 सुहं वसामो जीवामो, जेसि मो नत्थि किंचणं ।
 मिहिलाए उज्झमाणीए, न मे उज्झइ किंचण ॥१४॥
 चत्तपुत्तकलत्तस्स, निठ्वावारस्स भिक्खुणो ।
 पियं न विज्जए किंचि, अप्पियं पि नविज्जए ॥१५॥
 वहुं खु मुणिणो भट्ठं, अणगारस्स भिक्खुणो ।
 सव्वओ विप्पमुक्कस्स, एगन्तमणुपस्सओ ॥१६॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविदो इणमब्बवी ॥१७॥

पागार कारइत्ताणं, गोपुरट्टालगाणि य ।
उत्सूलगसयग्धीओ, तओ गच्छसि खत्तिया ! ॥१८॥

एयमट्टं निसामित्ता, हेऊकारणचोइओ ।
तओ नमी रायारसी, देविंद इणमव्ववी ॥१९॥

सद्धं नगरं किञ्जा, तवसंवरमगल ।
खंत्ति निउणपागार, तिगुत्तं दुप्पवंसय ॥२०॥

धणुं परक्कम किञ्जा, जीवं च इरिय सया ।
धिइं च केयण किच्चा, सच्चेण पलिमन्थए ॥२१॥

तवनारायजुत्तेणं, भित्तूणं कम्मकचुय ।
मुणी विगयसंगामो, भवाओ परिसुच्चए ॥२२॥

एयमट्टं निसामित्ता, हेऊकारणचोइओ ।
तओ नमिं रायरिसिं, देविन्दो इणमव्ववी ॥२३॥

पासाए कारइत्ताणं, वड्डमाणगिहाणि य ।
बालगपोइयाओ य, तओ गच्छसि खत्तिया ! ॥२४॥

एयमट्टं निसामित्ता, हेऊकारणचोइओ ।
तओ नमी रायरिसी, देविन्दं इणमव्ववी ॥२५॥

संसयं खलु सो कुणइ, जो मग्गे कुणइ घरं ।
जत्थेव गन्तुमिच्छेज्जा, तत्थ कुव्वेज्ज सासय ॥२६॥

एयमट्टं निसामित्ता, हेऊकारणचोइओ ।
तओ नमिं रायरिसिं, देविन्दो इणमव्ववी ॥२७॥

आमोसे लोमहारे य, गंठिमेए य तक्करे ।
नगरस्स खेमं काऊणं, तओ गच्छसि खत्तिया ! ॥२८॥

एयमद्वं निसामित्ता, हेऊकारणचोइओ ।
 तओ नमी रायरिसी, देविन्दं इणमव्ववी ॥२६॥
 असइं तु मणुस्सेहिं, मिच्छा दंडो पउजए ।
 अकारिणोऽत्थ वज्झंति, मुच्चए कारओ जणो ॥३०॥

एयमद्वं निसामित्ता, हेऊकारणचोइओ ।
 तओ नमिं रायरिसिं, देविन्दो इणमव्ववो ॥३१॥
 जे केइ पत्थिवा तुज्झं, नानमति नराहिवा !
 वसे ते ठावइत्ता ण, तओ गच्छसि खत्तिया ! ॥३२॥

एयमद्वं निसामित्ता, हेऊकारणचोइओ ।
 तओ नमी रायरिसी देविद इणमव्ववी ॥३३॥
 जो सहस्स सहस्साणं, संगामे दुज्जए जिणे ।
 एगं जिणेज्ज अप्पण, एस से परमो जओ ॥३४॥

अप्पाणमेव जुज्झहिं, किं ते जुज्झेण वज्झओ ?
 अप्पणा चेव अप्पाणं, जइत्ता सुहमेहए ॥३५॥

पचिदियाणि कोह, माणं मायं तहेव लोह च ।
 दुज्जयं चेव अप्पाण, सव्वं अप्पे जिए जिय ॥३६॥

एयमद्वं निसामित्ता, हेऊकारणचोइओ ।
 तओ नमिं रायरिसिं, देविन्दो इणमव्ववी ॥३७॥

जइत्ता विउले जन्ने, भोइत्ता समणमाहणे ।
 दच्चा भोच्चा य जिट्ठा य, तओ गच्छसि खत्तिया ! ॥३८॥

एयमद्वं निसामित्ता, हेऊकारणचोइओ ।
 तओ नमी रायरिसी, देविदं इणमव्ववी ॥३९॥

जो सहस्सं सहस्साणं, मासे मासे गवं दए ।
 तस्स वि संजमो सेओ, अदिन्तस्स वि किंचणं ॥४०॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविन्दो इणमव्ववी ॥४१॥
 घोरासमं चइत्ताणं, अन्नं पत्थेसि आसमं ।
 इहेव पोसहरओ, भवाहि मणुयाहिवा ! ॥४२॥
 एयमट्ठं निसामित्ता, हेऊकारणचोइओ ।
 तओ नमी रायरिसी, देविन्दं इणमव्ववी ॥४३॥
 मासे मासे तु जो बालो, कुसग्गेण तु भुंजए ।
 न सो सुअवखायधम्मस्स, कलं अग्घइ सोलसि ॥४४॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविन्दो इणमव्ववी ॥४५॥
 हिरण्णं सुवण्णं मणिमुत्तं, कसं दूसं च वाहणं ।
 कोसं वड्ढावइत्ताणं, तओ गच्छसि खत्तिया ! ॥४६॥
 एयमट्ठं निसामित्ता, हेऊकारण चोइओ ।
 तओ नमी रायरिसी, देविदं इणमव्ववी ॥४७॥
 सुवण्णरुप्पस्स उ पव्वया भवे,
 सिया हु केलाससमा असखया ।
 नरस्स लुद्धस्स न तेहि किंचि,
 इच्छा हु आगाससमा अणंतिया ॥४८॥
 पुढवी साली जवा चेव, हिरण्णं पसुभिस्सह ।
 पडिपुण्णं नालमेगस्स, इइ विज्जा तवं चरे ॥४९॥
 एयमट्ठं निसामित्ता, हेऊकारणचोइओ ।
 तओ नमि रायरिसि, देविन्दो इणमव्ववी ॥५०॥

अच्चेरयमब्भुदए, भोए चयसि पत्थिवा ।
 असन्ते कामे पत्थेसि, संकप्पेण विहम्मसि ॥५१॥
 एयमट्ठ निसामित्ता, हेऊकारणचोइओ ।
 तओ नमी रायरिसी, देविदं इणमब्बवी ॥५२॥
 सल्लं कामा विसं कामा, कामा आसीविसोवमा ।
 कामे पत्थेमाणा, आकामा जति दोग्गइ ॥५३॥
 अहे वयति कोहेणं, माणेणं अहमा गई ।
 माया गइपडिग्घाओ, लोहाओ दुहओ भय ॥५४॥
 अवउज्झिअण माहणरूवं, विउव्विअण इन्दत्तं ।
 वन्दइ अभित्थुणन्तो, इमाहि महराहि वग्गूहि ॥५५॥
 अहो ते निज्झिओ कोहो, अहो माणो पराजिओ ।
 अहो ते निरक्किया माया, अहो लोहो वसीकओ ॥५६॥
 अहो ते अज्जवं साहु, अहो ते साहु मट्ठवं ।
 अहो ते उत्तमा खन्ती, अहो ते मुत्ति उत्तमा ॥५७॥
 इहसि उत्तमो भन्ते, पेच्चा' होहिसि उत्तमो ।
 लोगुत्तमुत्तमं ठाणं, सिद्धि गच्छसि नीरओ ॥५८॥
 एवं अभित्थुणतो, रायरिसि उत्तमाए सद्धाए ।
 पयाहिणं करेन्तो, पुणो पुणो वन्दए सक्को ॥५९॥
 तो वंदिअण पाए, चक्कंकुसलवखणे मुणिवरस्स ।
 आगासेणुप्पइओ, ललियचवलकुडलतिरीडी ॥६०॥
 नमी नमेइ अप्पाण, सक्खं सक्केण चोइओ ।
 चइअण गेहं च वेदेही, सामण्णे पज्जुवट्ठिओ ॥६१॥

एवं करेति संबुद्धा, पण्डिया पवियक्खणा ।

विणियट्ठंति भोगेसु, जहा से नमी रायरिसि, त्तिवेमि ॥६२॥

॥ इह नमीपव्वज्जा नव्वम अञ्जयण समत्तं ॥

अहं दुमपत्तय दसमं अञ्जयणं

दुमपत्तए पंडुरए जहा,

निवडइ राइगणाण अच्चए ।

एवं मणुयाण जीवियं,

समयं गोयम ! मा पमायए ॥ १ ॥

कुसग्गे जह ओसविन्दुए,

थोवं चिट्ठइ लम्बमाणए ।

एवं मणुयाण जीवियं,

समयं गोयम ! मा पमायए ॥ २ ॥

इइ इत्तरियम्मि आउए,

जीवियए बहुपच्चवायए ।

विह्ठुणाहि रयं पुरे कडं,

समयं गोयम ! मा पमायए ॥ ३ ॥

दुल्लहे खलु माणुसे भवे,

चिरकालेण वि सव्वपाणिणं ।

गाढा य विवाग कम्मणो,

समय गोयम ! मा पमायए ॥ ४ ॥

पुढविकायमइगओ,

उक्कोसं जीवो उ सवसे ।

कालं संखाईयं,

समयं गोयम ! मा पमायए ॥ ५ ॥

आउक्कायमइगश्रो,
 उक्कोसं जीवो उ संवसे ।
 कालं संखाईयं,
 समयं गोयम ! मा पमायए ॥६॥

तेउक्कायमइगश्रो,
 उक्कोसं जीवो उ संवसे ।
 कालं संखाईयं,
 समयं गोयम ! मा पमायए ॥७॥

वाउक्कायमइगश्रो,
 उक्कोसं जीवो उ संवसे ।
 कालं संखाईयं,
 समयं गोयम ! मा पमायए ॥८॥

वणस्सइकायमइगश्रो,
 उक्कोसं जीवो उ संवसे ।
 कालमणन्तदुरन्तयं,
 समयं गोयम ! मा पमायए ॥९॥

वेइंदियकायमइगश्रो,
 उक्कोसं जीवो उ संवसे ।
 कालं संखिज्जसन्नियं,
 समयं गोयम ! मा पमायए ॥१०॥

तेइंदिकायमइगश्रो,
 उक्कोसं जीवो उ संवसे ।
 कालं संखिज्जसन्नियं,
 समयं गोयम ! मा पमायए ॥११॥

चउरिदियकायमइगओ,

उक्कोसं जीवो उ सवसे ।

कालं संखिज्जसन्तिय,

समयं गोयम ! मा पमायए ॥१२॥

पचिदियकायमइगओ,

उक्कोस जीवो उ सवसे ।

सत्तट्टुभवगहणे,

समय गोयम ! मा पमायए ॥१३॥

देवे नेरइए य अइगओ,

उक्कोस जीवो उ सवसे ।

इक्केक्कभवगहणे,

समयं गोयम ! मा पमायए ॥१४॥

एवं भवसंसारे,

संसरइ सुहासुहेहिं कम्मेहिं ।

जीवो पमायवहुलो,

समयं गोयम ! मा पमायए ॥१५॥

लद्धूण वि माणुसत्तणं,

आरिअत्तं पुणरावि दुल्लह ।

अहवे दसुया मित्तक्खुया,

समयं गोयम ! मा पमायए ॥१६॥

लद्धूण वि आरियत्तण,

अहीणपंचेदियया हु दुल्लहा ।

विगलिदियया हु दीसइ,

समय गोयम ! मा पमायए ॥१७॥

अहीणपंचेदियत्तं पि से लहे,
 उत्तमधम्मसुई ह्नु दुल्लहा ।
 क्कित्थिनिसेवए जणे,
 समयं गोयम ! मा पमायए ॥१८॥
 लद्धूण वि उत्तमं सुइ,
 सद्दहणा पुणरावि दुल्लहा ।
 मिच्छत्तनिसेवए जणे,
 समयं भोयम ! मा पमायए ॥१९॥
 धम्म पि ह्नु सद्दहन्तया,
 दुल्लहया काएण फासया ।
 इह कामगुणेहि मुच्छया,
 समयं गोयम ! मा पमायए ॥२०॥
 परिजूरइ ते सरीरयं,
 केसा पण्डुरया हवति ते ।
 से सोयबले य हायइ,
 समयं गोयम ! मा पमायए ॥२१॥
 परिजूरइ ते सरीरयं,
 केसा पण्डुरया हवति ते ।
 से चक्खुबले य हायइ,
 समयं गोयम ! मा पमायए ॥२२॥
 परिजूरइ ते सरीरयं,
 केसा पण्डुरया हवति ते ।
 से घाणबले य हायइ,
 समयं गोयम ! मा पमायए ॥२३॥

परिजूरइ ते सरीरयं,

केसा पण्डुरया हवति ते ।

से जिह्मबले य हायइ,

समय गोयम ! मा पमायए ॥२४॥

परिजूरइ ते सरीरयं,

केसा पण्डुरया हवंति ते ।

से फासन्नले य हायइ,

समयं गोयम ! मा पमायए ॥२५॥

परिजूरइ ते सरीरयं,

केसा पण्डुरया हवति ते ।

से सध्वबले य हायइ,

समय गोयम ! मा पमायए ॥२६॥

अरई गण्डे विसूइया,

आयेंका विविहा फुसंति ते ।

विहडइ विद्धसइ ते सरीरयं,

समय गोयम ! मा पमायए ॥२७॥

चोच्छिन्द सिणेहमपणो,

कुमुयें सारइयं व पाणिय ।

से सव्वसिणेहवज्जिए,

समय गोयन ! मा पमायए ॥२८॥

चिञ्जाण घणं च भारियं,

पव्वइओ हि सि अणगरियं ।

मा वन्तं पुणो वि आइए,

समय गोयम ! मा पमायए ॥२९॥

अवउज्जिभय मित्तबन्धवं,
 विउलं चैव धणोहसंचय ।
 मा तं बिइय गवेसए,
 समय गोयम ! मा पमायए ॥३०॥

न हु जिणे अज्ज दिस्सइ,
 बहुमए दिस्सइ मग्गदेसिए ।
 संपइ नेयाउए पहे,
 समय गोयम ! मा पमायए ॥३१॥

अवसोहिय कण्टगापहं,
 ओइण्णो सि पहं महालयं ।
 गच्छसि मग्ग विसोहिया,
 समय गोयम ! मा पमायए ॥३२॥

अवले जह भारवाहए,
 मा मग्गे विसमेऽवगाहिया ।
 पच्छा पच्छाणुतावए,
 ॥३५॥ एणामसमय गोयम ! मा पमायए ॥३३॥

तिण्णो हु सि अण्णवं महं,
 मा मग्गीए पुण चिट्ठसि तीरमागओ ।
 अभितुर पारं गमित्तए,
 ॥३६॥ समसं गोयम मा पमायए ॥३४॥

अकलेवरसेणि उस्सिया,
 मा मग्गीए गोयम मा पमायए !
 खेमं च सिवं अणुत्तर,
 ॥३७॥ समसं गोयम मा पमायए ॥३५॥

बुद्धे परिनिव्वुडे चरे,
 गामगए नगरे व संजए ।
 संतिमगं च वूहए,
 समय गोयम ! मा पमायए ॥३६॥
 बुद्धस्स निसम्म भासियं,
 सुकहियमट्टपओवसोहियं ।
 राग दोसं च छिन्दिया,
 सिद्धिगइं गए गोयमे, त्तिवेमि ॥३७॥

॥ इइ टुमपत्तय दसमं अज्भयण समत्तं ॥

अह बहुस्सुयपुज्जं णाम एगारसं अज्भयणं
 संजोगा विप्पमुक्कस्स, अणगारस्स भिक्खुणो ।
 आयारं पाउकरिस्सामि, आणुपुव्विं सुणेह मे ॥१॥
 जे यावि होइ निव्विज्जे, थद्धे लुद्धे अणिग्गहे ।
 अभिक्खण उल्लवइ, अविणीए अबहुस्सुए ॥२॥
 अह पचहिं ठाणेहिं, जेहिं सिक्खा न लब्भइ ।
 थभा कोहा' पमाएणं, रोगेणालस्सएण य ॥३॥
 अह अट्ठहिं ठाणेहिं, सिक्खासीलि त्ति बुच्चइ ।
 अहस्सिरे सया दन्ते, न य मम्ममुदाहरे ॥४॥
 नासीले न विसीले, न सिया अइलोलुए ।
 अकोहणे सच्चरए, सिक्खासीलि त्ति बुच्चइ ॥५॥
 अह चोहसहिं ठाणेहिं, वट्टमाणे उ सजए ।
 अविणीए वुच्चई सो उ, निव्वानं च न गच्छइ ॥६॥

अभिक्खण कोही हवइ, पबन्धं च पकुव्वइ ।
 मेत्तिज्जमाणो वमइ, सुयं लद्धूण मज्झइ ॥७॥
 अवि पावपरिक्खेवी, अवि मित्तेसु कुप्पइ ।
 सुप्पियस्सावि मित्तस्स, रहे भासइ पावय ॥८॥
 पइण्णवाई दुहिले, थद्धे सुद्धे अणिग्गहे ।
 असविभागो अवियत्ते, अविणीए त्ति वुच्चइ ॥९॥
 अह पन्नरसांहि ठाणेहि, सुविणीए त्ति वुच्चइ ।
 नीयावत्ती अचवले, अमाई अकुज्जहले ॥१०॥
 अप्पं च अहिक्खिवइ, पबन्धं च न कुव्वइ ।
 मेत्तिज्जमाणे भयइ, सुय लद्धुं न मज्झइ ॥११॥
 न य पावपरिक्खेवी, न य मित्तेसु कुप्पइ ।
 अप्पियस्सावि मित्तस्स, रहे कल्लाण भासइ ॥१२॥
 कलहडमरवज्जिए, बुद्धे अभिजाइगे ।
 हिरिमं पडिसंलीणे, सुविणीए त्ति वुच्चइ ॥१३॥
 वसे गुरुकुले णिच्चं, जोगव उवहाणवं ।
 पियंकरे पियंवाई, से सिक्खं लद्धुमरिहइ ॥१४॥
 जहा संखम्मि पयं, निहियं दुहओ वि विरायइ ।
 एवं बहुस्सुए भिक्खू, धम्मो कित्ती तहा सुयं ॥१५॥
 जहा से कम्बोयाणं, आइण्णे कथए सिया ।
 आसे जवेण पवरे, एव हवइ बहुस्सुए ॥१६॥
 जहाइण्णसमारूढे, सूरे दढपरक्कमे ।
 उभओ नन्दिघोसेण, एव हवइ बहुस्सुए ॥१७॥

जहा करेणुपरिकिण्णे, कुंजरे सट्ठिहायणे ।
बलवते अण्णडिहए, एवं हवइ बहुस्सुए ॥१८॥

जहा से तिक्खसिगे, जायखन्धे धिरायइ ।
वसहे जूहाहिवई, एवं हवइ बहुस्सुए ॥१९॥

जहा से तिक्खदाढे, उदग्गे दुप्पहसए ।
सीहे मियाण पवरे, एवं हवइ बहुस्सुए ॥२०॥

जहा से वासुवेवे, संखचक्कगयाधरे ।
अण्णडिहयबले जोहे, एवं हवइ बहुस्सुए ॥२१॥

जहा से चाउरन्ते, चक्कवट्ठीमहिड्डिए ।
घोइसरयणाहिवई, एव हवइ बहुस्सुए ॥२२॥

जहा से सहस्सकखे, वज्जपाणी पुरन्दरे ।
सक्के वेवाहिवई, एवं हवइ बहुस्सुए ॥२३॥

जहा से तिमिरविद्धसे, उच्चिट्ठन्ते दिवायरे ।
जलन्ते इव तेएण, एवं हवइ बहुस्सुए ॥२४॥

जहा से उड्डुवई चन्दे, नक्खत्तपरिवारिए ।
पडिपुण्णे पुण्णमासिए. एवं हवइ बहुस्सुए ॥२५॥

जहा से सामाइयाण, कोट्टागारे सुरक्खिए ।
नाणाधन्तपडिपुण्णे, एवं हवइ बहुस्सुए ॥२६॥

जहा सा दुमाण पवरा, जव्व नाम सुदसणा ।
अणाडियस्स देवस्स, एवं हवइ बहुस्सुए ॥२७॥

जहा सा नईण पवरा, सलिला सागरगमा ।
सीया नीलवन्तपवहा, एवं हवइ बहुस्सुए ॥२८॥

जहा से नगाण पवरे, सुमह मन्दरे गिरी ।
नाणोसहिपज्जलिए, एव हवइ बहुस्सुए ॥२९॥

जहा से सयंभुरमणे, उदही अक्खओदए ।
नाणारयणपडिपुण्णे, एवं हवइ बहुस्सुए ॥३०॥

समुद्गंभीरसमा दुरासया,

अचक्किया केणइ दुप्पहंसया ।

सुयस्स पुण्णा विउलस्स ताइणो,

खवित्तु कम्मं गइमुत्तमं गया ॥३१॥

तम्हा सुयमहिट्ठिज्जा, उत्तमट्ठगवेसए ।

जेणप्पाणं परं चेव, सिद्धिं संपाउणेज्जासि, त्ति बेमि ॥३२॥

॥ इइ बहुस्सुयपुज्ज णाम एगारस अज्भयण समत्त ॥

अह हरिएसिज्जं बारहं अज्भयणं

सोवागकूलसंभूओ, गुणुत्तरधरो मुणी ।

हरिएसंबलो नाम, आसी भिक्खु जिइन्दिओ ॥१॥

इरिएसणभासाए, उच्चारसभिईसु य ।

जओ आयाणनिकखेवे, संजओ सुसमाहिओ ॥२॥

मणुत्तो, वयगुत्तो, कायगुत्तो जिइन्दिओ ।

भिक्खट्ठा बम्भइज्जम्मि, जन्तवाडमुवट्ठिओ ॥३॥

त पासिऊणं एज्जन्तं, तवेण पग्गिसोसिय ।

पत्तोवहिउवगरणं, उवहसन्ति अणारिया ॥४॥

जाइमयपडियद्धा, हिसगा अजिइन्दिया ।

अवम्भचारिणो वाला, इम वयणमव्ववी ॥५॥

कयरे आगच्छइ दित्तरूवे ?
 काले विगराले फोक्कनासे ।
 ओमचेलए पसुपिसायभूए,
 सकरदूस परिहरिय कण्ठे । ६॥

कयरे तुमं इय अदंसणिज्जे ?
 काए व आसा इहमागओसि ?
 ओमचेलया पसुपिसायभूया,
 गच्छ खलाहि किमिहं ठिओऽसि ॥७॥

जक्खे तहिं तिन्दुरुक्खवासी,
 अणुकम्पओ तस्स महामुणिस्स ।
 पच्छायइत्ता नियग सरीरं,
 इमाइं वयणाइमुदाहरित्था ॥८॥

समणो अहं सजओ वम्भयारी,
 विरओ घणपयणपरिग्गहाओ ।
 परप्पवित्तस्स उ भिक्खकाले
 अन्नस्स अट्ठा इहमागओमि ॥९॥

वियरिज्जइ खज्जइ भुज्जइ य,
 अन्नं पसूर्यं भवयाणमेयं ।
 जाणाहि मे जायण जीविणु त्ति,
 सेसावसेस लहुउ तवस्सो ॥१०॥

उवक्खहं भोयण माहणाणं,
 अत्तट्ठियं सिद्धमिहेगपक्खं ।
 न ऊ वयं एरिसमन्नपाणं,
 दाहामु तुज्जं किमिहं ठिओ सि ? ॥११॥

थलेसु बीयाइं ववन्ति कासगा,
 तहेव निन्नेसु य आससाए ।
 एयाए सद्धाए दलाह मज्झं,
 आराहए पुण्णमिणं खु खित्तं ॥१२॥
 खेत्ताणि अम्हं विइयाणि लोए,
 जहिं पकिण्णा विरुहन्ति पुण्णा ।
 जे माहणा जाइविज्जोववेया,
 ताइं तु खित्ताइं सुपेसलाइं ॥१३॥
 कोहो य माणो य वहो य जेसिं,
 मोस अदत्तं च परिग्गहं च ।
 ते माहणा जाइविज्जाविहीणा,
 ताइं तु खित्ताइं सुपावयाइं ॥१४॥
 तुब्भेत्थ भो भारधरा गिराणं,
 अट्ठं न जाणेह अहिज्ज वेए ।
 उच्चावयाइ मुणिणो चरन्ति,
 ताइं तु खेत्ताइ सुपेसलाइं ॥१५॥
 अज्झावयाण पडिकूलभासी;
 पभाससे किं नु सगासि अम्हं ।
 अवि एयं विणस्सउ अन्नपाण,
 न य णं दाहामु तुमं नियण्ठा ! ॥१६॥
 समिईहि मज्झं सुसमाहियस्स,
 गुत्तीहि गुत्तस्स जिइन्दियस्स ।
 जइ मे न दाहित्य अहेसणिज्जं,
 किमज्ज जन्नाण लहित्य लाहं ? ॥१७॥

के इत्य खत्ता उवजोइया वा,
 अज्भावया वा सह खण्डिहि ? ।
 एयं खु दण्डेण फलएण' हन्ता,
 कण्ठम्मि घेत्तूण खलेज्ज जो ण ॥१८॥

अज्भावयाणं वयणं सुणेत्ता,
 उद्धाइया तत्थ बहू कुमारा ।
 दण्डेहि वित्तेहि कसेहि चैव,
 समागया तं इसि तालयन्ति ॥१९॥

रन्नो तहि कोसलियस्स धूया,
 भट्ठत्ति नामेण अणिन्दियगी ।
 त पासिया सजयहम्ममाणं,
 क्खुद्धे कुमारे परिनिव्ववेइ ॥२०॥

देवाभिओगेण निओइएणं,
 दिन्ना मु रत्ता मणसा न भाया ।
 नरिन्ददेविन्दऽभिवन्दिएण,
 जेणाम्मि वंता इसिणा स एसो ॥२१॥

एसो हु सो उगतवो महप्पा,
 जिइन्दिओ संजओ वम्भयारी ।
 जो मे तया नेच्छइ दिज्जुमारिणं,
 पिउणा सयं कोसलिएण रत्ता ॥२२॥

महाजसो एस महाणुभागो,
 घोरव्वओ घोरपरक्कमो य ।

मा एयं हीलेह अहीलणिज्जं,
मा सव्वे तेएण भे निद्वहेज्जा ॥२३॥

एयाइ तीसे वयणाइ सोच्चा,
पत्तीइ भद्दाइ सुभासियाइ ।

इसिस्स वेयावडियट्ठयाए,
जक्खा कुमारे विणिवारयन्ति ॥२४॥

ते घोररूवा ठिय अन्तलिव्वे,
असुरा तहिं तं जण तालयन्ति ।

ते भिन्नदेहे रुहिरं वमन्ते,
पासित्तु भद्दा इणमाहु भुज्जो ॥२५॥

गिरिं नहोह खणह,
अय दतेहिं खायह ।

जायतेय पाएहि हणह,
जे भिक्खुं अवमत्तह ॥२६॥

आसीविसो उग्गतवो महेसी,
घोरव्वओ घोरपरक्कमो य ।

अर्गाणि व पक्खन्द पयगसेणा,
जे भिक्खुयं भत्तकाले वहेह ॥२७॥

सीसेण एय सरण उवेह,
समागया सव्वजणेण तुब्भे ।

जइ इच्छह जीवियं वा धण वा,
लोगपि एसो कूविओ डहेज्जा ॥२८॥

अवहेडियपिट्ठिसउत्त मगे,
पसारिया बाहु अकम्मचेट्ठे ।

निवभेरियच्छे रहिरं वमन्ते,
उद्धंमुहे निग्गयजीहनेते ! ॥२६॥

ते पासिया खण्डियकट्टभूए,
विमणो विसण्णो अह माहणो सो ।
इसि पसाएइ सभारियाओ,
हीलं च निन्द च खमाह भन्ते ॥३०॥

वालेहि मूढेहि अयाणएहि,
ज हीलया तस्स खमाह भन्ते !
महप्पसाया इसिणो हवन्ति,
न हु मुणी कोवपरा हवन्ति ॥३१॥

पुंठ्व च इण्ह च अणागयं च,
मणप्पओसो न मे अत्थि कोइ ।
अक्खा हु वेयावडियं करेन्ति,
तम्हा हु एए निहया कुमारा ॥३२॥

अत्थं च धम्मं च वियाणमाणा,
तुब्भे न वि कुप्पह भूइपन्ता ।
तुब्भं तु पाए सरणं उवेमो,
समागया सच्चजणेण अम्हे ॥३३॥

अच्चेमु ते महाभाग,
न ते किञ्चि न अच्चिमो ।
भुंजाहि सालिमं कूरं,
नाणा-वंजण-संजुयं ॥३४॥

इमं च मे अतिथि पभूयमन्न,
 त भुंजसु अम्ह अणुगहट्टा ।
 वाढं 'ति पडिच्छइ भत्तपाणं,
 मासस्स ऊ पारणए महप्पा ॥३५॥
 तहियं गन्धोदयपुप्फवासं,
 दिव्वा तर्हि वसुहारा य वुट्टा ।
 पहयाओ दुन्दुहीओ सुरेहिं,
 आगासे अहो दाणं च घुट्टं ॥३६॥
 सक्खं खु दीसइ तवोविसेसो,
 न दीसइ जाइविसेस कोई ।
 सोवागपुत्तं हरिएससाहुं,
 जस्सेरिसा इड्ढि महाणुभागा ॥३७॥
 किं माहणा ! जोइसमारभन्ता,
 उदएण सोहिं बहिया विमग्गहा ।
 जं मग्गहा बाहिरियं विसोहिं,
 न त सुदिट्ठ कुसला वयन्ति ॥३८॥
 कुसं च जूव तणकट्टमग्गिं,
 सायं च पायं उदय फुसन्ता ।
 पाणाइं भूयाइं विहेडयन्ता,
 भुज्जो वि मन्दा पगरेह पाव ॥३९॥
 कहं चरे भिवखु । वयं जयामो ।
 पावाइ कम्माइ पुणोल्लयामो ।
 अक्खाहि णे संजय ! जक्खपूइया,
 कहं सुइट्ठं कुसला वयन्ति ॥४०॥

छञ्जीवकाए असमारभन्ता,

मोसं अदत्तं च असेवमाणा ।

परिगहं इत्थिओ माण मायं,

एयं परिन्नाय चरंति दता ॥४१॥

सुसंबुडा पंचाहि संवरेहि,

इह जीवियं अणवकंखमाणा ।

वोसट्टकाया सुइच्चत्तदेहा,

महाजयं जयइ जन्नसिट्ठं ॥४२॥

के ते जोई के व ते जोइठाणो ?

काते सुया किं च ते कारिसंग ?

एहा य ते कयरा सन्ति भिक्खु ?

कयरेण होमेण हुणासि जोइ ? ॥४३॥

तवो जोई जीवो जोइठाणं,

जोगा सुया सरीरं कारिसंगं ।

कम्मेहा संजमजोगसन्ति,

होमं हुणामि इत्थिण पसत्थं ॥४४॥

के ते हरए के य ते सन्तितित्थे ?

कहिं सिणाओ च रय जहासि ?

आइक्ख णे संजय ! जक्खपूइया,

इच्छामो नाउं भवओ सगासे ॥४५॥

घम्मे हरए वम्भे सन्तितित्थे,

अणाविले अत्तपसन्नलेसे ।

जहिंसिणाओ विमलो विमुद्धो,

सुसोइमूओ पजहामि दोसं ॥४६॥

एयं सिणाणं कुसलेहि दिट्ठं,
 महासिणाण इसिणं पसत्थं ।
 जहिं सिण्हाया विमला विसुद्धा,
 महारिसी उत्तम ठाण पत्ते, त्ति बेमि ॥४७॥

॥ इइ हरिएसिज्ज वारसमज्भयण समत्तं ॥

अह चित्तसम्भूइज्ज तेरहमं अज्भयणं

जाईपराजिओ खलु, कासि नियाणं तु हत्थिणापुरम्मि ।
 चुलणीए वम्भदत्तो, उववन्तो पउमगुम्माओ ॥ १ ॥
 कम्पिल्ले सम्भूओ, चित्तो पुण जाओ पुरिमतालम्मि ।
 सेट्टिकुलम्मि विसाले, धम्म सोळण पव्वइओ ॥ २ ॥
 कम्पिल्लम्मि य नयरे, समागया दो वि चित्तसम्भूया ।
 सुहदुक्खफलविवागं, कहन्ति ते एकमेक्कस्स ॥ ३ ॥
 चक्कवट्ठी महिड्डीओ, वम्भदत्तो महायसो ।
 भायर बहुमाणेण, इम वयणमव्ववो ॥ ४ ॥
 आसीमो भायरा दोवि, अन्नमन्नवसागुगा ।
 अन्नमन्नमणुरत्ता, अन्नमन्नहिएसिणो ॥ ५ ॥
 दासा दसण्णे आसी, मिया कार्लिजरे नगे ।
 हंसा मयगतीराए, सोवागा कासिभूमिए ॥ ६ ॥
 देवा य देवलोगम्मि, आसि अम्हे महिड्ढिया ।
 इमा नो छट्ठिया जाई, अन्नमन्नेण जा विणा ॥ ७ ॥
 कम्मा नियाणपयडा, तुमे राय । विचिन्तिया ।
 तेसि फलविवागेण, विप्पओगमुवागया ॥ ८ ॥

सञ्जसोयप्पगडा, कम्मा मए पुरा - कडा ।
 ते अञ्ज परिभुंजामो, किं नु चित्ते वि से तथा ? ॥६॥

सव्वं सुचिण्ण सफल नराणं,
 कडाण कम्माण न मोक्ख अत्थि ।
 अत्थेहि कामेहि य उत्तमेहि,
 आया ममं पुण्णफलोववेए ॥१०॥

जाणाहि संभूय ! महाणुभागं,
 महिद्धियं पुण्णफलोववेयं ।
 चित्त पि जाणाहि तहेव राय,
 इड्ढी जुई तस्स वि य प्पभूया ॥११॥

महत्थरूवा वयणप्पभूया,
 गाहाणुगीया नरसघमज्जे ।
 जं भिक्खुणो सीलगुणोववेया,
 इहं जयते समणोसि जाओ ॥१२॥

उच्चोयए महु कक्के य वम्भे,
 पवेइया आवसहा य रम्मा ।
 इमं गिहं चित्तधणप्पभूयं,
 पसाहि पचालगुणोववेयं ॥१३॥

चट्ठेहि गोएहि य चाइएहि,
 सारीजणाहि परिवारयन्तो ।
 भुंजाहि भोगाइ इमाइ भिक्खू !
 मम रोयइ पक्वज्जा हु दुक्ख ॥१४॥

सं पुव्वनेहेण कयाणुराग,
 नराहिव कामगुणेषु गिदं ।

धम्मस्सिओ तस्स हियाणुपेही,
 चित्तो इम वयणमुदाहरित्था ॥१५॥
 सव्वं विलवियं गोयं,
 सव्वं नट्टं विडम्बियं ।
 सव्वे आभरणा भारा,
 सव्वे कामा दुहावहा ॥१६॥
 बालाभिरामेसु दुहावहेसु,
 न त सुह कामगुणेसु राय !
 विरत्तकामाण तवोधणाण,
 जं भिक्खुणं सीलगुणे रयाणं ॥१७॥
 नरिद ! जाई अरहमा नराण,
 सोवागाजाई दुहओ गयाणं ।
 जहि वयं सव्वजणस्स वेस्सा,
 वसीय सोवागनिवेशणेसु ॥१८॥
 तीसे य जाईइ उ पावियाए,
 वुच्छामु सोवागनिवेशणेसु ।
 सव्वस्स लोगस्स दुगच्छणिज्जा,
 इहं तु कम्माइं पुरे कडाइ ॥१९॥
 सो दाणिसि राय ! महानुभागो,
 महिडिढओ पुण्णफलोववेओ ।
 घइत्तु भोगाइं असासयाइं,
 आदाणहेउं अभिणिकखमाहि ॥२०॥
 इह जीविए राय ! असासयम्मि,
 धणियं तु पुण्णाइं अकुव्वमाणो ।

से सोयइ मच्चुमुहोवणीए,
घम्मं अकाऊण परंसि लोए ॥२१॥

जहेह सीहो व मिय गहाय,
मच्चू नर नेइ हु अन्तकाले ।
न तस्स माया व पिया व भाया,
कालम्मि तम्मसहरा भवन्ति ॥२२॥

न तस्स दुक्खं विभयन्ति नाइओ,
न मित्तवग्गा न सुया न बंधवा ।
एक्को सयं पच्चणुहोइ दुक्खं,
कत्तारमेवं अणुजाइ कम्मं ॥२३॥

चिच्चा दुपयं च चउप्पयं च,
खेत्तं गिहं धणधन्नं च सव्वं ।
सकम्मबीओ अवसो पयाइ,
परं भवं सुन्दर पावगं वा ॥२४॥

त एककगं तुच्छसरीरमं से,
विईगयं दहिय उ पावगेण ।
भज्जा य पुत्तावि य नायओय,
दायारमन्त अणुसकमन्ति ॥२५॥

उवणिल्लइ जीवियमप्पमायं,
वण्ण जरा हरइ नरस्त राय !
पंचालराया ! वयण सुणाहि,
मा कासि कम्माइ महालयाइ ॥२६॥

अहं पि जाणामि जहेह साह,
जं मे तुमं साहसि वक्कमेयं ।

भोगा इमे संगकरो हवन्ति,
 जे दुज्जया अज्जो अम्हारिसेहिं ॥२७॥
 हत्थिणपुरम्मि चित्ता,
 ददुणं नरवय महिड्ढिय ।
 कामभोगेसु गिद्धेण,
 नियाणमसुहं कड ॥२८॥
 तस्स मे अपडिक्कन्तस्स,
 इम एयारिसं फलं
 जाणमाणो वि जं धम्म,
 कामभोगेसु मुच्छिओ ॥२९॥
 नागो जहा पंकजलावसओ,
 ददुं थलं नाभिसमेइ तीरं ।
 एवं वय कामगुणेसु गिद्धा,
 न भिक्खुणो मग्गमणुव्वयामो ॥३०॥
 अच्चेइ कालो तूरन्तिराइओ,
 न यावि भोगा पुरिसाण निच्चा ।
 उविच्च भोगा पुरिसं चयन्ति,
 दुमं जहा खीणफलं व पक्खी ॥३१॥
 जइ त सि भोगे चइउं असत्तो,
 अज्जाइ कम्माइ करेहि राय ।
 धम्मे ठिओ सव्वपयाणुकम्पी,
 तो होहिस्सि देवो इओ विउठवी ॥३२॥
 न तुज्ज भोगे चइऊण बुद्धी,
 गिद्धोऽसि आरम्भपरिग्गहेसु ।

मोहं कश्चो एत्तिउ विप्पलावो,
 गच्छामि रायं ! श्रामन्तिओसि ॥३३॥
 पचाल राया वि य बम्भदत्तो,
 साहुस्स तस्स वयण श्रकाउं ।
 अणुत्तरे भुंजिय कामभोगे,
 अणुत्तरे सो नरए पविट्ठो ॥३४॥
 चित्तोवि कामेहि विरत्तकामो,
 उदग्गचारित्ततवो महेत्ती ।
 अणुत्तरं सजमं पालइत्ता,
 अणुत्तरं सिद्धिगइं गश्चो, त्ति वेमि ॥३५॥

॥ इह चित्तसम्भूदञ्जं तेरसमञ्जसयणं समत्त ॥

अह उसुयारिज्जं चोद्दहमं अज्भयणं

देवा भवित्ताण पुरे भवम्मि,
 केइ चुया एगविमाणवासी ।
 पुरे पुराणे उसुयारनामे,
 खाए समिद्धे सुरलोगरम्मे ॥१॥
 सकम्मसेसेण पुराकएणं,
 कुलेसुदग्गेसु य ते पसुया ।
 निव्विण्णसंसारभया जहाय,
 जिणिदमग्गं सरणं पवत्ता ॥२॥

पुमत्तमागम्म कुमार दो वि,
 पुरोहिओ तस्स जसा य पत्ती ।

विसालकित्ती य तहे सुयारो,
रायत्थ देवी कमलावई य ॥३॥

जाईजरामच्चुभयाभिभूया,
बाँह विहाराभिनिविट्टुचित्ता ।
संसारचक्कस्स विमोक्खणट्टा,
दट्ठूण ते कामगुणे धिरत्ता ॥४॥

पियपुत्तगा दुत्ति वि माहणस्स,
सकम्मसीलस्स पुरोहियस्स ।
सरित्तु पोरानिय तत्थ जाइ,
तहा सुचिण्ण तवसंजमं च ॥५॥

ते कामभोगेसु असज्जमाणा,
माणुस्सएसुं जे यावि दिव्वा ।
मोक्खाभिकंखी अभिजायसड्डा,
तायं उवागम्म इमं उदाहु ॥६॥

असासयं दट्ठू इम विहारं,
बहुअन्तराय न य दोहमाउ ।
सम्हा गिहिंसि न रइ लहामो,
आमन्तयामो चरिस्सामु मोण ॥७॥

अह तायगो तत्थ मुणीण तेसिं,
तवस्स वाघायकर वयासो ।
इमं वयं वेयविओ वयन्ति,
जहा न होइ असुयाण लोगो ॥८॥

अहिज्ज वेए परिविस्स विप्पे,
पुत्ते परिट्ठप्प गिहसि जाया ।

भोज्ञाण भोए सह इत्थियाहि,
 आरण्णगा होइ मुणी पसत्था ॥६॥
 सोयग्गिणा आयग्गुणिन्धणेणं,
 मोहाणिला पञ्जलणाहिएणं ।
 सतत्तभावं परितप्पमाणं,
 लालप्पमाण बहुहा बहु च ॥१०॥
 पुरोहिय त कमसोऽणुणन्त,
 नित्तंमत्तयन्त च सुए घणेण ।
 जहक्कमं कामग्गुणेहि चेव,
 कुमारगा ते पसमिक्ख वक्कं ॥११॥
 वेया अहीया न भवन्ति ताण,
 भुत्ता दिया नित्ति तमं तमेणं ।
 जाया य पुत्ता न हवन्ति ताणं,
 को णाम ते अणुमन्नेज्ज एयं ॥१२॥
 खणमित्तसुक्खा बहुकालदुक्खा,
 पगामदुक्खा अणिगाम सुक्खा ।
 संसारमोक्खस्स विपक्खभूया,
 खाणी अणत्थाण उ कामभोगा ॥१३॥
 परिश्वयन्ते अणियत्तकामे,
 अहो य राओ परितप्पमाणे ।
 अन्नप्पमत्ते धरणेसमाणे,
 पप्पोति मच्चुं पुरित्ते जरं च ॥१४॥
 इमं च मे अत्थि इमं च नत्थि,
 इमं च मे किच्च इमं अक्किच्च ।

तं एवमेयं लात्प्यमाण,
 हरा हरति त्ति, कंहं पमाश्रो ॥१५॥
 धरा पभूय, सह इत्थिर्याहिं,
 सयणा तथा कामगुणा पगामा ।
 तव कए तप्पइ जस्स लोको,
 तं सच्चसाहीणमिमेव तुब्भ ॥१६॥
 धणेण किं धम्मधुराहिगारे,
 सयणेण वा कामगुणेहि चैव ।
 समणा भविस्सामु गुणोहधारी,
 बहिंविहारा अभिगम्म भिक्खं ॥१७॥
 जहा य अग्गी अरणी असन्तो,
 खीरे घयं तेल्लमहातिलेसु ।
 एमेव जाया सरीरंसि सत्ता,
 समुच्छइ नासइ नावचिह्हे ॥१८॥
 नो इन्दियगोज्झ अमुत्तभावा,
 अमुत्तभावा वि य होइ निच्चो ।
 अज्भस्यहेउ च निययस्स बन्धो,
 ससारहेउं च वयन्ति बन्धं ॥१९॥
 जहा वयं धम्म अजाणमाणा,
 पावं पुरा कम्ममकासि मोह ॥
 ओरुज्झमाणा परिरक्खयन्ता,
 तं नेव भुद्धो वि समायरामो ॥२०॥
 अच्चाहयस्मि लोगस्मि,
 सच्चश्रो परिवारिए ।

अमोहाहि पडन्तीहि,
 गिहंसि न रइं लभे ॥२१॥
 केण अब्भाहओ लोगो ?
 केण वा परिवारिओ ?
 का वा अमोहा वुत्ता ?
 जाया चिन्तावरो हुमे ॥२२॥
 मच्चुणाऽब्भाहओ लोगो,
 जराए परिवारिओ ।
 अमोहा रयणी वुत्ता,
 एवं ताय ! विजाणह ॥२३॥
 जा जा वच्चइ रयणी ।
 न सा पडिनियत्तइ,
 अहम्मं कुणमाणस्स,
 अफला जन्ति राइओ ॥२४॥
 जा जा वच्चइ रयणी,
 न सा पडिनियत्तइ ।
 धम्मं च कुणमाणस्स,
 सफला जन्ति राइओ ॥२५॥
 एगओ संवसित्ताणं,
 दुहओ सम्मत्तसंजुया ।
 पच्छा जाया गमित्तामो,
 भिक्खमाणा कुले कुले ॥२६॥
 जस्सत्थि मच्चुणा सयत्तं,
 जस्स वडत्थि पत्तायणं ।

जो जाणे न मरिस्सामि,
 सो हु कखे सुए सिया ॥२७॥
 अज्जेव धम्मं पडिवज्जयामो,
 जहिं पवन्ना न पुणढभवामो ।
 अणागयं नेव य अत्थि किंची,
 सद्ध खमं णो विणइत्तु रागं ॥२८॥
 पहीणपुत्तस्स हु नत्थि वासो,
 वासिट्ठि ! भिक्खायरियाइ कालो ।
 साहाहि खखो लहए समाहिं,
 छिन्नाहि साहाहि तमेव खाणुं ॥२९॥
 पंखाविहूणोव जहेव पक्खो,
 भिच्चविहूणोव रणे नरिन्दो ।
 विवन्नसारो वणिओव्व पोए,
 पहीणपुत्तो मि तथा अहंपि ॥३०॥
 सुसंभिया कामगुणे इमे ते,
 संपिण्डिया अगारसप्पभूया ।
 भुंजामु ता कामगुणे पगामं,
 पच्छा गमिस्सामु पहाणमगं ॥३१॥
 भुत्ता रसा भोइ ! जहाइ णे वघो,
 न जीवियट्ठा पजहामि भोए ।
 लाभं अलाभं च सुहं च दुक्खं ।
 संचिक्खमाणो चरिस्सामि मोणं ॥३२॥
 मा हू तुम सोयरियाण सम्भरे,
 जुण्णो व हंसो पडिसोत्तगामी ।

भुजाहि भोगाइ मए समाणं,
 दुक्खं खु भिक्खायरिया विहारो ॥३३॥
 जहा य भोई तणुय भुयंगो,
 निम्मोर्याणं हिच्च पलेइ मुत्तो ।
 एमेए जाया पयहन्ति भोए,
 ते हं कहां नाणुगमिस्समेक्को ? ॥३४॥
 छिन्दित्तु जाल अबलं व रोहिया,
 मच्छा जहा कामगुणे पहाए ।
 धोरेयसीला तवसा उदारा,
 धीरा हु भिक्खा चरियं चरन्ति ॥३५॥
 नहेव कुंचा समइक्कमन्ता,
 तयाणि जालाणि दलित्तु हंसा ।
 पलेन्ति पुत्ता य पई य मज्झ,
 ते हं कहां नाणुगमिस्समेक्का ? ॥३६॥
 पुरोहियं तं ससुय सदार,
 सोञ्जाअभिक्खलम्म पहाय भोए ।
 कुडुम्बसारं विउत्तुत्तम च,
 राय अभिक्ख समुवाय देवी ॥३७॥
 वन्तासी पुरिसो रायं !
 न सो होइ पससिओ ।
 माहणेण परिच्चत्त,
 धणं आदाअमिच्छसि ॥३८॥
 सव्वं जगं जइ तुहं,
 मत्तं मादि माणं भवे ।

सिया ॥३३॥
 वामो ।
 राणं ॥३४॥
 तालो ।
 ज्ञाणुं ॥३५॥
 त्वो ।
 हंवि ॥३६॥
 या ।
 ता ॥३७॥
 ए ।
 १ ॥३८॥

सर्वं पि ते अपञ्जत्तं,

नेव ताण य तं तव ॥३६॥

मरिहिसि रायं ! जया तया वा,

मणोरमे कामगुणे पहाय ।

एक्को हु धम्मो नरदेव ! ताण,

न विज्झइ अन्नमिहेह किञ्चि ॥४०॥

नाह रमे पक्खणि पजरे वा,

सताणछिन्ना चरिस्सामि मोण ।

अकिञ्चना उज्जुकडा निरामिसा,

परिग्गहारम्भनियत्तदोसा ॥४१॥

दवग्गिणा जहा रण्णे, उज्जुमाणेसु जन्तु ।

अन्ने सत्ता पमोयन्ति, रागदोसवसं गया ॥४२॥

एवमेव वयं मूढा, कामभोगेसु मुच्छिया ।

उज्जुमाणं न बुज्जामो, रागदोसग्गिणा जगं ॥४३॥

भोगे भोज्जा वमिन्ता य, लहुभूयविहारिणो ।

आमोयमाणा गच्छन्ति, दिया कामकमा इव ॥४४॥

इमे य वद्धा फदंति, मम हत्यज्जमागया ।

वयं च सत्ता कामेसु भविस्सामो जहा इमे ॥४५॥

सामिसं कुललं दिस्स, वज्जमाणं निरामिस ।

आमिसं सर्व्वमुज्जिक्कत्ता, विहरिस्सामो निरामिसा ॥४६॥

गिद्धोवमा उ नञ्जा णं, कामे संसारवड्ढणे ॥

उरगो सुवण्णपासेव्व, संकमाणो तणुं चरे ॥४७॥

नागोव्व बन्धणं छित्ता, अप्पणो वसाहि वए ।

एयं पत्थं महारायं, उस्सुयारि ति मे सुय ॥४८॥

चइत्ता विउलं रज्ज, कामभोगे य द्रुञ्चए ।
 निव्विसया निरामिसा, निन्नेहा निप्परिग्गहा ॥४६॥
 सम्मं धम्मं वियाणित्ता, चिञ्जा कामगुणे वरे ।
 तव पगिज्झहक्खायं, घोरं घोरपरक्कमा ॥५०॥
 एवं ते कमसो बुद्धा, सव्वे धम्मपरायणा ।
 जम्ममच्चुभउव्विग्गा, दुक्खस्सन्तगवेसिणी ॥५१॥
 सासणे विगयमोहाण, पुव्वि भावण भाविया ।
 अचिरेणेव कालेणं, दुक्खस्सन्तमुवागया ॥५२॥
 राया सह देवीए, माहणी य पुरोहिओ ।
 माहणी दारगा चेव, सव्वे ते परिनिव्वुडे, त्तिवेमि ॥५३॥

इय चउद्दसममज्जयण समत्ता ।

अह सभिवखू पञ्चदह अज्भयणं

मोणं चरिस्सामि समिञ्च घम्मं,
 सहिए उज्जुकडे नियाणद्धिन्ने ।
 सथव जहिञ्ज अकामकामे,
 अन्नायएसो परिव्वए स भिवखू ॥१॥
 राओवरय चरेञ्ज लाढे,
 विगए वेयवियायरक्खए ।
 पन्ने अभिभूय सव्वदंसी,
 जे कम्हिचि न मुच्छिए स भिवखू ॥२॥

अक्कोसवहं विइत्तु धीरे,
 मुणी चरे लाढे निच्चमायगुत्ते ।
 अक्वगमणे असपहिट्टे,
 जे कसिणं अहियासए स भिक्खू ॥३॥
 पन्तं सयणासण भइत्ता,
 सीउण्हं विविहं च दसमसग ।
 अक्वगमणे असंपहिट्टे,
 जे कसिण अहियासए स भिक्खू ॥४॥
 नो सक्कइमिच्छईं न पूयं,
 नो वि य वन्दणग कुओ पसंस ?
 से संजए सुव्वए तवस्सी,
 सहिए आयगवेसए स भिक्खू ॥५॥
 जेण पुणं जहाइ जीवियं,
 मोहं वा कसिण नियच्छइ ।
 नरनारिं पजहे सया तवस्सी,
 न य कोऊहलं उवेइ स भिक्खू ॥६॥
 छिन्न सर भोममन्तलिवत्त,
 सुमिणं लवखणदण्डवत्थुविज्ज ।
 अंगवियार सरस्स विजय,
 जे विज्जाहि न जीवइ स भिक्खू ॥७॥
 मन्तं मूल विविहं वेज्जचिन्त,
 वमणविरेयणधमणेत्तसिणाणं ।

आउरे सरण तिगिच्छयं च,
त परिन्नाय परिव्वए स भिक्खू ॥८॥

खत्तियगणउग्गरायपुत्ता,

माहणभोईय विविहा य सिप्पिणो ।
नो तेसि वयइ सिलोगपूर्यं,
त परिन्नाय परिव्वए स भिक्खू ॥९॥

गिहिणो जे पव्वइएण दिट्ठा,
अप्पव्वइएण व संथया हविज्जा ।
तेसि इहलोइयफलट्ठा,
जो संथवं न करेइ स भिक्खू ॥१०॥

सयणासण-पाण-भोयण,
विविह खाइमसाइमं परेसि ।
अदए पडिसेहिए नियण्ठे,
जे तत्थ न पउस्सइ स भिक्खू ॥११॥

ज किच्चि आहारपाणग',
विविहं खाइमसाइमं परेसि लद्धुं ।
जो तं तिविहेण नाणुकम्पे,
मणवयकायसुसंबुडे जे स भिक्खू ॥१२॥

आयामग चेव जवोदणं च,
सीय सोवोरजवोदणं च ।
नो हीलए पिण्डं नीरसं तु,
पन्तकुलाइ परिव्वए स भिक्खू ॥१३॥

सदा विविहा भवन्ति लोए,
 दिव्वा माणुस्सगा तथा तिरिच्छा ।
 भीमा भयभेरवा उराला,
 सोच्चा न बिहिञ्जइ स भिक्खू ॥११

वाद विविहं समिञ्च लोए,
 सहिए खेयाणुगए य कोवियप्पा ।
 पन्ने अभिभूय सच्चदसी,
 उवसन्ते अविहेडए स भिक्खू ॥१२॥

असिप्पजीवो अगिहे अमित्ते,
 जिइन्दिए सच्चओ विप्पमुक्के ।
 अणुक्कसाई लहु अप्पभक्खी,
 चिच्चा गिहं एगचरे स भिक्खू त्तिवेहि
 ॥ इअ सभिक्खुय पन्नरसममज्जभयण समत्तं ॥

अह वम्भचेरसमाहिठाणा णामं सोलसम अज्भ

सुयं मे आउस ! तेणं भगवया एवमक्खाय—
 थेरेहि भगवन्तेहि दस वम्भचेरसमाहिठाणा पन्नत्ता, जे
 सोच्चा निसम्म संजमवहुले, सवरवहुले, समाहिवहुं
 गुत्तिन्दिए, गुत्तवम्भयारी सया अप्पमत्ते विहरेञ्जा ।

कयरे खलु ते थेरेहि भगवन्तेहि दस वम्भचेरसम
 पन्नता, जे भिक्खू सोच्चा निसम्म संजमवहुले, संवरवहुले,
 वहुले, गुत्ते, गुत्तिन्दिए, गुत्तवम्भयारी सया अप्पमत्ते विहं

इमे खलु ते थेरेहिं भगवतेहिं दस वम्भचेरसमाहिठाना पन्नता,
जे भिक्खू सोच्चा निसम्म संजमवहुले. संवरवहुले, समाहिवहुले गुत्ते,
गुत्तिन्दिए गुत्तवम्भयारी सया अप्पमत्ते विहरेज्जा त जहा :—

विवित्ताइं सयणासणाइ सेवित्ता' हवइ से निग्गन्थे । नो इत्थी-
पसुपण्डगसंसत्ताइं सयणासणाइ सेवित्ता हवह से निग्गन्थे ।
तं कहमिति चे ? आयरियाह—निग्गन्थस्स खलु इत्थिपसु-
पण्डगससत्ताइं सयणासणाइ सेवमाणस्स वम्भयारिस्स वम्भ-
चेरे संका व कंखा वा, विइगिच्छा वा समुप्पज्जिज्जा, भेदं वा
लभेज्जा, उम्मायं वा पाउणिज्जा, दीलकालियं वा रोगायक हवेज्जा,
केवलिपन्नत्ताओ धम्माओ वा भंसेज्जा । तम्हा नो इत्थिपसुपण्डग-
संसत्ताइं सयणासणाइ सेवित्ता हवइ से निग्गन्थे ॥१॥

नो इत्थीण कहं कहित्ता हवइ से निग्गन्थे । तं कहमिति
चे ? आयरियाह—निग्गन्थस्स खलु इत्थीण कहं कहेमाणस्स
वम्भयारिस्स वम्भचेरे संका वा, कंखा वा, विइगिच्छा वा
समुप्पज्जिज्जा, भेद वा लभेज्जा, उम्माय वा पाउणिज्जा, दीह-
कालिय वा रोगायक हवेज्जा, केवलिपन्नत्ताओ धम्माओ वा
भंसेज्जा । तम्हा नो इत्थीणं कहं कहेज्जा ॥२॥

नो इत्थीण सद्धि सन्निसेज्जागए विहरित्ता हवइ से निग्ग-
न्थे । तं कहमिति चे ? आयरियाह—निग्गन्थस्स खलु इत्थीहिं
सद्धि सन्निसेज्जागयस्स वम्भयारिस्स वम्भचेरे संका वा,
कंखा वा, विइगिच्छा वा समुप्पज्जिज्जा, भेद वा लभेज्जा,
उम्मायं वा पाउणिज्जा, दीहकालियं वा रोगायक हवेज्जा,
केवलिपन्नत्ताओ धम्माओ वा भंसेज्जा । तम्हा खलु नो निग्गन्थे
इत्थीहिं सद्धि सन्निसेज्जागए विहरेज्जा ॥३॥

१. सेविज्जा ।

नो इत्थीणं इन्दियाइं मणोहराइं मणोरमाइं आलोइत्ता, निज्झाइत्ता हवइ से निग्गन्थे । तं कहमिति चे ? आयरियाह—निग्गन्थस्स खलु इत्थीणं इन्दियाइं मणोहराइं मणोरमाइं आलोएमाणस्स निज्झायमाणस्स बम्भयारिस्स बम्भचेरे संका वा, कंखा वा, विइगिच्छा वा समुप्पज्जिञ्जा, भेदं वा लभेज्जा, उम्मायं वा पाउणिञ्जा, दीहकालियं वा रोगायंक हवेज्जा, केवलपन्नत्ताओ धम्माओ वा भंसेज्जा । तम्हा खलु नो निग्गन्थे इत्थीण इन्दियाइं मणोहराइं मनोरमाइं आलोएज्जा निज्झाएज्जा ॥४॥

नो इत्थीण कुडुन्तरंसि वा, दूसन्तरंसि वा, भित्तन्तरंसि वा, कूइयसद्दं वा, रुइयसद्दं वा, गीयसद्दं वा, हसियसद्दं वा, थणियसद्दं वा, कन्दियसद्दं वा, विलवियसद्दं वा, सुणित्ता हवइ से निग्गन्थे । तं कहमिति चे ? आयरियाह, निग्गन्थस्स खलु इत्थीण कुडुन्तरंसि वा, दूसन्तरंसि वा, भित्तन्तरंसि वा, कूइयसद्दं वा, रुइयसद्दं वा, गीयसद्दं वा, हसियसद्दं वा, थणियसद्दं वा, कन्दियसद्दं वा, विलवियसद्दं वा सुणेमाणस्स बम्भयारिस्स बम्भचेरे संका वा, कंखा वा, विइगिच्छा वा, समुप्पज्जिञ्जा, भेदं वा लभेज्जा, उम्माय वा पाउणिज्जा, दीहकालिय वा रोगायंक हवेज्जा, केवलपन्नत्ताओ धम्माओ वा भंसेज्जा । तम्हा खलु नो निग्गन्थे इत्थीणं कुडुन्तरंसि वा, दूसन्तरंसि वा, भित्तन्तरंसि वा, कूइयसद्दं वा, रुइयसद्दं वा, गीयसद्दं वा, हसियसद्दं वा, थणियसद्दं वा, कन्दियसद्दं वा सुणेमाणे विहरेज्जा ॥५॥

नो निग्गन्थे, पुव्वरय, पुव्वकीलियं, अणुसरित्ता हवइ से निग्गन्थे । तं कहमिति चे ? आयरियाह—निग्गन्थस्स खलु पुव्वरयं पुव्वकीलियं अणुसरमाणस्स बम्भयारिस्स बम्भचेरे सका

वा, कखा वा, विइगिच्छा वा, समुप्पज्जिञ्जा, भेदं वा लभेज्जा, उम्मायं वा पाउणिज्जा, दीहकालियं वा रोगायकं हवेज्जा, केवलिपन्नत्ताश्रो धम्माश्रो वा भंसेज्जा । तम्हा खलु नो निग्गन्थे पुव्वरय पुव्वकीलिय अणुसरेज्जा ॥६॥

नो पणीयं आहारं आहरित्ता हवइ से निग्गन्थे । तं कहमिति चे ? आयरियाह—निग्गन्थस्स खलु पणीयं आहारं आहारेमाणस्स वम्भयारिस्स वम्भचेरे संका वा, कंखा वा, विइगिच्छा वा समुप्पज्जिञ्जा, भेदं वा लभेज्जा, उम्माय वा पाउणिज्जा, दीहकालियं वा रोगायकं हवेज्जा, केवलिपन्नत्ताश्रो धम्माश्रो वा भंसेज्जा । तम्हा खलु नो निग्गन्थे पणीयं आहारं आहारेज्जा ॥७॥

नो अइमायाए पाणभोयणं आहारेत्ता हवइ से निग्गन्थे । तं कहमिति चे ? आयरियाह—निग्गन्थस्स खलु अइमायाए पाणभोयण आहारेमाणस्स वम्भयारिस्स वम्भचेरे संका वा, कंखा वा, विइगिच्छा वा समुप्पज्जिञ्जा, भेद वा लभेज्जा, उम्मायं वा पाउणिज्जा, दीहकालियं वा रोगायकं हवेज्जा, केवलिपन्नत्ताश्रो धम्माश्रो वा भंसेज्जा । तम्हा खलु नो निग्गन्थे अइमायाए पाणभोयण आहारेज्जा ॥८॥

नो विन्नुसा गुवाई हवइ से निग्गन्थे । तं कहमिति चे ? आयरियाह—विन्नुसावत्तिए विन्नुसियसरोरे इत्थियजणस्स अभिलसणिज्जे हवइ, तस्यो णं इत्थियजणेणं अभिलसिज्जमाणस्स वम्भचेरे संका वा, कखा वा, विइगिच्छा वा समुप्पज्जिञ्जा, भेदं वा लभेज्जा, उम्मायं वा पाउणिज्जा, दीहकालियं वा रोगा-

यकं हवेज्जा, केवलपन्नत्ताओ धम्माओ वा भसेज्जा । तम्हा खलु नो निगगन्थे विभूसाणुवाई हविज्जा ॥६॥

ना सदरूवरसगन्धफासाणुवाई हवइ से निगगन्थे । तं कहमिति चे ? आयरियाह—निगगन्थस्स खलु सदरूवरसगन्धफासाणुवाईस्स वभचेरे संका वा, कंखा वा, विइगिच्छा वा समप्पज्जिज्जा, भेद वा लभेज्जा, उम्मायं वा पाउणिज्जा, दीहकालियं वा रोगायकं हवेज्जा, केवलपन्नत्ताओ धम्माओ, वा भसेज्जा । तम्हा खलु नो निगगन्थे सदरूवरसगन्धफासाणुवाई भवेज्जा । दसमे वम्भचेरसमाहिठाणे हवइ ॥१०॥

भवन्ति इत्थं सिलोगा तंजहा—

जं विवित्तमणाइण्णं, रहियं इत्थिजणेण य ।

वम्भचेरस्स रक्खट्ठा, आलय तु निसेवए ॥१॥

मणपल्हायजणणी, कामरागविवड्डणी ।

वम्भचेररओ भिक्खू, थोकह तु विवज्जए ॥२॥

सम च संथवं थीहिं, संकहं च अभिक्खण ।

वम्भचेररओ भिक्खू, निच्चसो परिवज्जए ॥३॥

अंगपच्चंगसंठाण, चारुल्लवियपेहियं ।

वम्भचेररओ थीणं, चक्खुगिज्भं विवज्जए ॥४॥

कूइय रुइयं गीय हसिय थणियं कन्दियं ।

वम्भचेररओ थीण, सोयगेज्भं विवज्जए ॥५॥

हासं किड्डुं रइ दप्पं, सहसावित्तासियाणि य ।

वम्भचेररओ थीणं, नाणुचिन्ते कयाइ वि ॥६॥

पणीय भत्तपाण तु, खिप्पं मयविवड्डणं ।
 वम्भचेररओ भिक्खू, निच्चसो परिवज्जए ॥७॥
 धम्मलद्धं मियं काले, जत्तत्थ पणिहाणवं ।
 नाइमत्त तु भुंजेज्जा, वम्भचेररओ सया ॥८॥
 विभूस परिवज्जेज्जा, सरीरपरिमण्डण ।
 वम्भचेररओ भिक्खू, सिंगारत्थं न धारए ॥९॥
 सद्दे रूवे य गन्धे य, रसे फासे तहेव य ।
 पचविहे कामगुरो, निच्चसो परिवज्जए ॥१०॥

आलओ थीजणाडगणो, थीकहा या मणोरमा ।
 संथवो चेव नारीणं, तासि इन्दियदरिसणं ॥११॥
 कूइयं रुइयं गीय, हासभुत्तासियाणि य ।
 पणीय भत्तपाणं च, अइमाय पाणभोयणं ॥१२॥
 गत्तभूमणमिद्धं च, कामभोगा य दुज्जया ।
 नरस्सत्तगवेसिस्स, विसं तालउडं जहा ॥१३॥
 दुज्जए कामभोगे य, निच्चसो परिवज्जए ।
 संकट्टाणाणि सब्वाणि, वज्जेज्जा पणिहाणवं ॥१४॥
 धम्मारामे चरे भिक्खू, धिइमं धम्मसारही ।
 धम्मारामरते दन्ते, वम्भचेरसमाहिए ॥१५॥

देवदाणवगन्धच्चा. जक्खरक्खसकिन्नरा ।
 वम्भयारि नमसन्ति, दुक्करं जे करन्ति त ॥१६॥
 एस धम्मे घुचे निच्चे, सानए जिणदेमिए ।
 सिद्धा सिज्जन्ति चाणेण, सिज्जिन्हस्सन्ति तहावरे, ति वेमि ॥१७॥

॥ एष वम्भचेरमनाहिवाणा पामं मोनवममज्जयण नमस्ते ॥

अह पावसमणिज्ज सत्तदहं अज्भयणं

जे केइ उ पव्वइए नियंठे,
 धम्मं सुणिता विणश्रोववन्ने ।
 सुडुल्लह लहिउ बोहिलाभं,
 विहरेज्ज पच्छा य जहासुह तु ॥१॥

सेज्जा दढा पाउरणं मि अत्थि,
 उप्पज्जइ भोत्तुं तहेव पाउ ।
 जाणामि ज वट्टइ आउसु त्ति,
 किं नाम काहामि सुएण भन्ते ! ॥२॥

जे केई पव्वइए, निदासीले पगामसो ।
 भोज्जा पिच्चा सुहं सुव्वइ, पावसमणि त्ति वुच्चइ ॥३॥

आयरियउवज्जाएहिं, सुयं विणय च गाहिए ।
 ते चेव खिसइ बाले, पावसमणि त्ति वुच्चइ ॥४॥

आयरियउवज्जायाण, सम्म न पडित्तपइ ।
 अप्पडिपूयए थद्वे, पावसमणि त्ति वुच्चइ ॥५॥

सम्मदमाणे पाणाणि, वीयाणि हरियाणि य ।
 असंजए संजयमन्नमाणे, पावसमणि त्ति वुच्चइ ॥६॥

सथारं फलग पीढं, निसज्ज पायकम्बलं ।
 अप्पमज्जियमारुहइ, पावसमणि त्ति वुच्चइ ॥७॥

दवदवस्स चरइ, पमत्ते य अभिक्खणं ।
 उल्लघणे य चण्डे य, पावसमणि त्ति वुच्चइ ॥८॥

पडिलेहेइ पमत्ते, अवउज्झइ पायकम्बलं ।
 पडिलेहाअणाउत्ते, पावसमणि त्ति वुच्चइ ॥९॥

पडिलेहेइ पमत्ते, से किंचि हु निसामिया ।
 गुरुं परिभावए निञ्जं, पावसमणि त्ति वुच्चइ ॥१०॥
 बहुमाई पमुहरी, थद्धे लुद्धे अणिग्गहे ।
 असंविभागी अविपते', पावसमणि त्ति वुच्चइ ॥११॥
 विवाद च उदीरेइ, अहम्मे अत्तपन्तहा ।
 वुग्गहे कलहे रत्ते, पावसमणि त्ति वुच्चइ ॥१२॥
 अथिरासणे कुक्कुइए, जत्थ तत्थ निसीयइ ।
 आसणम्मि अणाउत्ते, पावसमणि त्ति वुच्चइ ॥१३॥
 ससरक्खपाए सुवइ, सेज्जं न पडिलेहइ ।
 संथारए अणाउत्ते, पावसमणि त्ति वुच्चइ ॥१४॥
 दुद्धवहीविग्गईओ, आहारेइ अभिक्खणं ।
 अरए य तवोकम्मे, पावसमणि त्ति वुच्चइ ॥१५॥
 अत्यन्तम्मि य सूरम्मि, आहारेइ अभिक्खण ।
 चोइओ पडिचोएइ, पावसमणि त्ति वुच्चइ ॥१६॥
 आयरियपरिञ्जाई, परपामण्डसेवए ।
 गाणंगणिए दुच्चूए, पावसमणि त्ति वुच्चइ ॥१७॥
 सयं गेहं परिञ्जज्ज, परगेहंसि वावरे ।
 निमित्तेण य ववहरइ, पावसमणि त्ति वुच्चइ ॥१८॥
 सन्नाइपिण्डं जेमेइ, नेच्छइ सामुदाणियं ।
 गिहिनिसेज्जं च वाहेइ, पावसमणि त्ति वुच्चइ ॥१९॥

एयारिसे पचकुसीलमुव्ढे.

एवंघरे मुणिपवराण हेट्टिमे ।

अयंसि लोए विसमेव गरहिए,

न से इह नेव परत्य लोए ॥२०॥

जे वज्जए एए सया उ दोसे,

से सुव्वए होइ मुणीण मज्जे ।

अयंसि लोए अमय व पूइए,

आराहए लोगमिणं तहा परं, ति बेमि ॥२१॥

॥ इम पावसमणिज्ज सत्तरसममज्जयण समत्तं ॥

अह संजइज्जं अट्टारहमं अज्भयणं

कम्पिल्ले नयरे राया, उदिणवलवाहणे ।

नामेण संजए नाम, मिगव्व उवणिग्गए ॥१॥

हयाणीए गयाणीए, रहाणीए तहेव य ।

पायताणीए महया, सव्वओ परिवारिए ॥२॥

मिए छुहिता हयगओ, कम्पिल्लुज्जाणकेसरे ।

भीए सन्ते मिए तत्य, वहेइ रसमुच्छिए ॥३॥

अह केसरम्मि उज्जाणे, अणगारे तवोधणे ।

सज्भायज्जाणसंजुत्ते, धम्मज्जाणं भियायइ ॥४॥

अप्फोवमण्डवम्मि, भायइ कलविघासवे ।

तस्तागए मिए पास, वहेइ से नराहिवे ॥५॥

अह आसगओ राया, खिप्पमागम्म सो तहि ।

हए मिए उ पासित्ता, अणगारं तत्य पासइ ॥६॥

अह राया तत्थ सभन्तो, अणगारो मणाहओ ।
 मए उ मन्दपुण्णेणं, रसगिद्धेण घत्तुण ॥७॥
 आसं विसज्जाडत्ताणं, अणगारस्स सो निवो ।
 विणएण वन्दए पाए, भगव ! एत्थ मे खमे ॥८॥
 अह मोणेण सो भगव, अणगारे क्खणमस्सिए ।
 रायाणं न पडिमन्तेइ, तओ राया भयद्दुओ ॥९॥
 सजओ अहमम्मीति, भगव ! वाहरहि मे ।
 कुद्धे तेएणः अणगारे, डहेज्ज नरकोडिओ ॥१०॥
 अभओ पत्थिवा ! तुव्वम, अभयदाया भवाहि ।
 अणिच्चे जीवलोगमि, किं हिंसाए पसज्जसि ? ॥११॥
 जया सव्व परिच्चज्ज, गंतव्वमवसस्स ते ।
 अणिच्चे जीवलोगमि, किं रज्जंमि पसज्जसि ? ॥१२॥
 जीवियं चेव ह्वं च, विज्जुत्तपायचचल ।
 जत्थ तं मुज्जसि राय ! पेच्चत्थ नाववुज्जससे ॥१३॥
 दारारणि य सुया चेव, मित्ता य तह वन्धवा ।
 जीवन्तमणुजीवन्ति, मयं नाणुवयन्ति य ॥१४॥
 नोहरति मय पुत्ता, पियरं परमदुक्खिया ।
 पियरो वि तहा पुत्ते, वन्धू रायं ! तव चरे ॥१५॥
 तओ तेणज्जिए दव्वे, दारे य परिरक्खिण्ण ।
 कीलन्तिज्ज्जे नरा रायं ! हट्ठत्तुट्ठमलंकिया ॥१६॥
 तेणावि जं कयं कम्मं, नुहं व जइ वा दुहं ।
 कम्मणा तेण संजुत्तो, गच्छह उ परं भव ॥१७॥

सोऽण तस्स सो धम्मं, अणगारस्स अन्तिए ।
 महया संवेगनिव्वेयं, समावन्नो नराहिवो ॥१८॥
 संजओ चइउं रज्जं, निक्खन्तो जिणसासणे ।
 गद्दभालिस्स भगवओ, अणगारस्स अन्तिए ॥१९॥
 चिञ्चा रद्धं पव्वइए, खत्तिए परिभासइ ।
 जहा ते दीसई रूव, पसन्नं ते तथा मणो ॥२०॥
 किं नामे किं गोत्ते कस्सट्ठाए व माहणे ।
 कह पडियरसि बुद्धे, कहं विणीए त्ति बुच्चसि ? ॥२१॥
 संजओ नाम नामेणं, तथा गोत्तेण गोयमो ?
 गद्दभाली ममायरिया, विज्जाचरणपारगा ॥२२॥
 किरिय अकिरिय विणयं, अन्नाणं च महामुणी ।
 एएहिं चउहिं ठाणेहिं, मेयन्ने किं पभासइ ॥२३॥
 इइ पाउकरे बुद्धे, नायए परिणिव्वुए ।
 विज्जाचरणसंपन्ने, सच्चे सच्चपरक्कमे ॥२४॥
 पडन्ति नरए घोरे, जे नरा पावकारिणो ।
 दिव्व च गइं गच्छन्ति, चरित्ता धम्ममारियं ॥२५॥
 मायाबुइयमेयं तु, मुसा भासा निरत्थिया ।
 सजंममाणो वि अहं, वसामि इरियामि य ॥२६॥
 सव्वेए विइया मज्झं, मिच्छादिट्ठो अणारिया ।
 विज्जमाण परे लोए, सम्मं जाणामि अप्पगं ॥२७॥
 अहमासि महापाणे, जुइमं वरिससओवमे ।
 जा सा पालिमहापाली, दिव्वा वरिससओवमा ॥२८॥

से चुए वम्भलोगाओ, माणुस्स भवमागए ।
अप्पणो य परेसि च, आउ जाणे जहा तथा ॥२६॥

नाणारुइ च छन्दं च, परिवज्जेज्ज सजए ।
अणट्ठा जे य सव्वत्था, इइ विज्जामणुसंचरे ॥३०॥

पडिक्कमामि पसिणाणं, परमतेहिं व पुणो ।
अहो उट्टिए अहोरायं, इइ विज्जा तवं चरे ॥३१॥

जं च मे पुच्छसी काले, समं चुट्टेण चेषसा ।
ताइं पाउकरे बुट्टे, तं नाण जिणसासणे ॥३२॥

किरियं च रोयइ धीरे, अकिरिय परिवज्जए ।
दिट्ठीए दिट्ठिसम्पन्ने, धम्म चरसु दुत्तर ॥३३॥

एयं पुण्णपयं सोज्जा, अत्यधम्मोवसोहिय ।
भरहो वि भारहं दासं, चिच्चा कामाइ पव्वए ॥३४॥

सगरो वि सागरन्त, भरहवासं नराहिवो ।
इस्सरियं केवलं हिच्चा, दयाइ परितिव्वुडे ॥३५॥

चइत्ता भारहं वासं, चक्कवट्ठी महिड्डिओ ।
पव्वज्जमव्भुवगओ, मघव नाम महाजसो ॥३६॥

सणकुमारो मणुस्सिन्दो, चक्कवट्ठी महिड्डिओ ।
पुत्तं रज्जे ठवेऊणं, सो वि राया तवं चरे ॥३७॥

चइत्ता भारहं वासं, चक्कवट्ठी महिड्डिओ ।
सन्तो सन्तिफरे लोए, पत्तो गइमणुत्तरं ॥३८॥

इक्खागरायवसभो, कुन्थू नाम नरीसरो ।
 विक्खायकित्ती भगवं, पत्तो' गइमणुत्तर ॥३६॥
 सागरन्तं चइत्ताणं, भरह नरवरोसरो ।
 अरो य अरय पत्तो, पत्तो गइमणुत्तर ॥४०॥
 चइत्ता भारहं वास, चइत्ता' बलवाहण ।
 चइत्ता उत्तमे भोए, महापउमे तव चरे ॥४१॥
 एगच्छत्त पसाहित्ता, महि माणनिसूरणो ।
 हरिसेणो मणुस्सिन्दो, पत्तो गइमणुत्तरं ॥४२॥
 अन्निओ रायसहस्सेहि, सुपरिच्चाई दमं चरे ।
 जयनामो जिणक्खाय, पत्तो गइमणुत्तरं ॥४३॥
 दसण्णरञ्जं मुदियं चइत्ताण मुणी चरे ।
 दसण्णभट्टो निक्खन्तो, सक्खं सक्केण चोइओ ॥४४॥
 नमी नमेइ अण्णाण, सक्खं सक्केण चोइओ ।
 चइळण गेह वइदेही, सामण्णे पज्जुवट्ठिओ ॥४५॥
 करकण्डू कलिंसेसु, पंचालेसु य दुम्मुहो ।
 नमी राया विदेहेसु, गन्धारेसु य नग्गई ॥४६॥
 एए नरिन्दवसभा, निक्खन्ता जिणसासणं ।
 पुत्ते रज्जे ठवेळणं, सामण्णे पज्जुवट्ठिया ॥४७॥
 सोवीररायवसभो, चइत्ताण मुणी चरे ।
 उदायणो पव्वइओ, पत्तो गइमणुत्तर ॥४८॥
 तहेव कासिराया वि, सेओ सच्चपरक्कमे ।
 कामभोगे परिच्चञ्ज, पहणे कम्ममहावण ॥४९॥
 तहेव विजओ राया, अणट्टाकित्ति' पव्वए ।
 रज्जं तु गुणसमिद्ध, पयहित्तु महाजसो ॥५०॥

१. मुदखंगओ अणुत्तर । २. चक्कवट्टी महिड्डिओ । ३ अणट्टा०

तहेवुगं तवं किच्चा, अक्वक्खत्तेण चेषसा ।
 महब्बलो रायरिसो, आदाय सिरसा सिरिं ॥५१॥
 कहं धीरो अहेऊहि, उम्मत्तो व महि चरे ?
 एए विसेसमादाय, सुत्तं दढपरक्कमा ॥५२॥
 अच्चन्तनियाणखमा, सच्चा मे भासिया वई ।
 अत्तरिसु तरन्तेगे, तरिस्सन्ति अणागया ॥५३॥
 कहि धीरे अहेऊहि, अत्ताण परियावसे ।
 सब्बसंगविनिम्मक्के, सिद्धे भवइ नीरेए, ति चेमि ॥५४॥

॥ संजइज्ज अठारहममज्जकयणं समत्तं ॥

मियापुत्तीयं एगूणवोसइमं अज्जकयणं

सुग्गीवे नयरे रम्मे, काणणुज्जाणसोहिए ।
 राया बलभट्ठित्ति, मिया तस्सग्गमाहिसी ॥१॥
 तेसि पत्ते बलसिरो, मियापुत्ते ति वित्सुए ।
 अम्मापिऊण दइए, जुवराया दमोसरे ॥२॥
 नन्दणे सो उ पासाए, कीलए सह इत्थिहि ।
 देवो दोगुन्दगो चैव, निच्च मूइयमाणसो ॥३॥
 मणिरयणकोट्टिमत्ते, पासायालयणट्टिओ ।
 आलोएइ नगरस्स, चउक्कतियच्चत्तरे ॥४॥
 अह त्तय अइच्चन्तं, पासइ समणसंजयं ।
 तयनियमसंजमयर, तीनहुं गुणआगरं ॥५॥

त पेहइ मियापुत्ते, दिड्डीए अणिमिसाए उ ।
 कर्हि मन्नेरिस रूवं, दिट्ठपुव्व मए पुरा ॥६॥
 साहुस्स दरिसणे तस्स, अज्भवसाणम्मि सोहणे ।
 मोह गयस्स सन्तस्स, जाइसरण समुप्पन्तं ॥७॥

(देवलोगचुओ सतो माणुसं भवमागओ ।
 सन्तिनाणसमुप्पन्ने जाइ सरइ पुराणियं ॥)
 जाईसरणे समुप्पन्ने, मियापुत्ते महिड्डीए ।
 सरइ पुराणियं जाइं, सामण च पुरा कय ॥८॥
 विसएहि अरज्जन्तो, रज्जन्तो संजममि य ।
 अम्मापियरमुवागम्म, इम वयणमव्ववी ॥९॥

सुयाणि मे पंच महव्वयाणि,
 नरएसु दुक्ख च तिरिक्खजोणिसु ।
 निव्विण्णकामो मि महण्णवाओ,
 अणुजाणह पव्वइस्सामि अम्मो ! ॥१०॥
 अम्मताय । मए भोगा, भुत्ता विसफलोवमा ।
 पच्छा कडुयविवागा, अणुबन्धदुहावहा ॥११॥
 इमं सरीरं अणिच्च, असुइ असुइसंभवं ।
 असासयावासमिणं, दुक्खकेसाण भायण ॥१२॥
 असासए सरीरमि, रइ नोवलभामह ।
 पच्छा पुरा व चइयव्वे, फेणवुव्वुयसन्निभे ॥१३॥
 माणुसत्ते असारंमि, वाहीरोगाण आलए ।
 जराभरणघत्थंमि, खणपि न रमामहं ॥१४॥

जम्मं दुक्खं जरा दुक्खं, रोगाणि मरणाणि य ।
अहो! दुक्खो हु संसारो, जत्थ कीसन्ति जन्तुणो ॥१५॥
खेत्तं वत्थुं हिरण्ण च, पुत्तदारं च वन्धवा ।
चइत्ताणं इमं देहं, गन्तव्वमवसस्स मे ॥१६॥
जहा किम्पागफलाणं, परिणामो न सुन्दरो ।
एवं भुत्ताण भोगाणं, परिणामो न सुन्दरो ॥१७॥
अद्धाणं जो महंत तु, अप्पाहेओ पवज्जइ ।
गच्छन्तो सो दुही होइ, छुहातण्हाए पीडिओ ॥१८॥
एवं धम्मं अकाऊणं, जो गच्छइ परं भवं ।
गच्छन्तो सो दुही होइ, वाहीरोगेहि पीडिओ ॥१९॥
अद्धाणं जो महत्त तु, सपाहेओ पवज्जइ ।
गच्छन्तो सो सुही होइ, छुहातण्हाविवज्जिओ ॥२०॥
एवं धम्मं पि काऊणं, जो गच्छइ परं भवं ।
गच्छन्तो सो सुही होइ, अप्पकम्मे अवेयणे ॥२१॥
जहा गेहे पलित्तम्मि, तस्स गेहस्स जो पहू ।
सारभण्डाणि नीण्णेइ, असारं अवउज्जइ ॥२२॥
एव लोए पलित्तम्मि, जराए मरणेण य ।
अप्पाणं तारइस्सामि, तुव्वेहि अणुमन्निओ ॥२३॥
त विन्तम्मापियरो, सामण्णं पुत्त ! दुच्चरं ।
गुणाणं तु सहस्साइ, धारेयव्वाइं भिषखुणां ॥२४॥
समया सव्यनूएसु, सत्तुमित्तेसु वा जगे ।
पाणाइचायविरई, जावज्जीवाए दुक्कर ॥२५॥

निञ्जकालप्यमत्तेण, सुसावायविवज्जण ।
 भासियव्वं हिय सच्च, निच्चाउत्तेणं दुक्कर ॥२६॥
 दन्तसोहणमाइस्स, अदत्तस्स विवज्जण ।
 अणवज्जेसण्णिज्जस्स, गिण्हणा अवि दुक्कर ॥२७॥
 विरई अबम्भचेरस्स, कामभोगरसन्नुरा ।
 उगं महव्वय वम्भं, धारेयव्वं सुदुक्करं ॥२८॥
 धराधन्नपेसवगोसु, षस्सिग्गहविवज्जण ।
 सव्वारम्भपरिच्चाओ, निम्ममत्त सुदुक्कर ॥२९॥
 चउव्विहे वि आहारे, राईभोयणवज्जणा ।
 सन्निहीसंचओ चेव, वज्जेयव्वो सुदुक्कर ॥३०॥
 छुहा तण्हा य सीउण्हं, दसमसअवेयणा ।
 अक्कोसा दुक्खसेज्जा य, तण्णफासा जल्लमेव य ॥३१॥
 तालणा तज्जणा चेव, वहव्वन्धपरीसहा ।
 दुक्खं भिक्खायरिया, जायणा य अलाभया ॥३२॥
 कावोया जा इमा वित्ती, केसलोओ य दारुणो ।
 दुक्ख वम्भव्वय घोरं, धारेउं य महप्पणो ॥३३॥
 सुहोइओ तुम पुत्ता, ! सुकुमालो सुमज्जिओ ।
 न हसि पमू तुमं पुत्ता, सामण्णमणुपालियं ॥३४॥
 जावज्जीवमविस्सामो, गुणाण तु महव्वरो ।
 गुरु उ लोहभारुव्व, जो पुत्ता होइ दुव्वहो ॥३५॥
 आगासे गंगसोउव्व, पडिसोउव्व दुत्तरो ।
 बाहाहि सागरो चेव, तरियव्वो गुणोदही ॥३६॥

१. अमहप्पणो । २. सामण्णमणुपालिया ।

वालुया कवले चैव, निरस्ताए उ सजमे ।
 असिधारागमणं चैव, दुक्कर चरिउ तवो ॥३७॥
 अहीवेगन्तदिट्ठीए, चरित्ते पुत्त ! दुक्करे ।
 जवा लोहमया चैव, चावेयच्चा सुदुक्कर ॥३८॥
 जहा अग्गिसिहा दित्ता, पाउ होइ सुदुक्करा ।
 तहा दुक्कर करेउं जे, तारुण्णे समणत्तणं ॥३९॥
 जहा दुक्खं भरेउ जे, होइ वायस्स कोत्थलो ।
 तहा दुक्खं करेउं जे, कोवेणं समणत्तणं ॥४०॥
 जहा तुलाए तोलेउ, दुक्करो मन्दरो गिरो ।
 तहा निहुयनीसंक, दुक्करं समणत्तणं ॥४१॥
 जहा भुयाहि तरिउ, दुक्कर रयणायरो ।
 तहा अणुवसन्तेणं, दुक्कर दमसागरो ॥४२॥
 भुंज माणुस्सए भोगे, पच्चलक्खणाए तुम ।
 भुत्तभोगो तत्रो जाया ! पच्छा धम्मं चरिस्ससि ॥४३॥
 सो वेइ अम्मापियरो, एकमेय जहा फुडं ।
 इह लोए विप्पिवासस्स, नत्थिय किञ्चिवि दुक्करं ॥४४॥
 सारोरमाणसा चैव, वेयणाओ अनन्तनो ।
 मए सोढाओ भोमाओ, असइं दुक्खभयाणि य ॥४५॥
 जरामरणकन्तारे, चाउरन्ने भयागरे ।
 मए सोढाणि भोमाणि, जम्माणि मरणाणि य ॥४६॥
 जहा इहं अगणो उण्हो, एत्तीज्जन्तगुणो सहि ।
 चरएसु वेयणा उण्हा, छस्साया वेइया मए ॥४७॥

जहा इहं इमं सीयं, एत्तोऽणन्तगुणे तर्हि ।
 नरएसु वेयणा सीया, अस्ताया वेइया मए ॥४८॥
 कन्दन्तो कंदुकुम्भासु, उड्डुपाओ अहोसिरे ।
 हुयासणे जलन्तम्मि, पक्कपुव्वो अणन्तसो ॥४९॥
 महादवगिसंकासे, मरुंमि वइरबालुए ।
 कदम्बवालुयाए य, दड्डुपुव्वो अणन्तसो ॥५०॥
 रसन्तो कन्दुकुम्भीसु, उड्डं वद्धो अबन्धवो ।
 करवत्तकरकयाईर्हि, छिन्नपुव्वो अणन्तसो ॥५१॥
 अइतिक्खकण्टगाइण्ये, तुगे सिम्बलिपायवे ।
 खेविय पासवद्धेणं, कड्ढोकड्डाहि दुक्कर ॥५२॥
 महाजन्तेसु उच्छू वा, आरसन्तो सुभेरवं ।
 पोलिओ मि सकम्मेर्हि, पावकम्मो अणंतसो ॥५३॥
 कूवन्तो कोलसुणएर्हि, सामेर्हि सवलेहि य ।
 पाडिओ फालिओ छिन्नो, विप्फुरन्तो अणेगसो ॥५४॥
 असोहि अयसिवण्णाहि, भत्तेर्हि पट्टिसेहि य ।
 छिन्नो भिन्नो विभिन्नो य, ओइण्णो' पावकम्मणा ॥५५॥
 अवसो लोहरहे जुत्तो, जलन्ते समिलाजुए ।
 चोइओ तोत्तजुत्तेर्हि, रोज्जो वा जह पाडिओ ॥५६॥
 हुयासणे जलन्तम्मि, चियासु महिसो विव ।
 दड्ढो पक्को य अवसो, पावकम्मेहि पाविओ ॥५७॥
 वला संडासतुण्डेर्हि, लोहतुण्डेर्हि पक्खिर्हि ।
 विलुत्तो विलवंतोऽहं, ढंकगिद्धेहिऽणन्तसो ॥५८॥

तण्हाकिलन्तो धावन्तो, पत्तो वेयरणि नदि ।
 जल पाहंति चिन्तन्तो, खुरधाराहि विवाइओ ॥५६॥
 उण्हाभित्तो संपत्तो, असिपत्तं महावण ।
 असिपत्तेहि पडन्तेहि, छिन्नपुव्वो अणेगसो ॥६०॥
 मुग्गरेहि मुसंडीहि, सूलेहि मुसलेहि य ।
 गयासंभग्गत्तेहि, पत्त दुषख अणन्तसो ॥६१॥
 खुरेहि तिक्खधाराहि, छुरियाहि कप्पणीहि य ।
 कप्पिओ फालिओ छिन्नो, उक्कितो य अणेगसो ॥६२॥
 पासेहि कूडजालेहि, मिओ वा अरवसो अहं ।
 चाहिओ वद्धरुद्धो य, बहुसो' चेव विवाइओ ॥६३॥
 गलेहि मगरजालेहि, मच्छो वा अरवसो अहं ।
 उल्लिओ फालिओ गहिओ, मारिणो य अणन्तसो ॥६४॥
 विदसएहि जालेहि, लेप्पाहि सउणो विव ।
 गहिओ लग्गो वद्धो य, मारिओ य अणन्तसो ॥६५॥
 कुहाडफरसुमाईहि, वडुईहि दुमो विव ।
 कुट्टिओ फालिओ छिन्नो, तच्छिओ य अणन्तसो ॥६६॥
 चवेडमुट्टिमाईहि कुमारेहि, अय विव ।
 ताडिओ कुट्टिओ भिन्नो, चुण्णिओ य अणन्तसो ॥६७॥
 तत्ताइ तम्बलोहाइ, तउयाइं नीनयाणि य ।
 पाइओ कलकलन्ताइं, आरसंतो नुभेरवं ॥६८॥
 तुहं पियाइं मंसाइ. खण्डाइ सोलगाणि य ।
 खाविओ मि समंसाइ, अग्गिखण्णाइअणेगसो ॥६९॥

तुहं पिया सुरा सीहू, मेरओ य महूणि य ।
 पाइओ मि जलन्तीओ, वसाओ रुहिराणि य ॥७०॥
 निच्चं भीएण तत्थेण, दुहिएण वहिएण य ।
 परमा दुहसंबद्धा, वेयणा वेइया मए ॥७१॥
 तिच्चण्डप्पागाढाओ, घोराओ अइदुस्सहा ।
 महब्भयाओ भीमाओ, नरएसु वेइया मए ॥७२॥
 जारिसा माणुसे लोए, ताया ! दीसन्ति वेयणा ।
 एत्तो अणन्तगुणिया, नरएसु दुक्खवेयणा ॥७३॥
 सव्वभवेसु अस्साया, वेयणा वेइया मए ।
 निमेसन्तरमित्तं पि, ज साता नत्थि वेयणा ॥७४॥
 तं बिन्तस्मापियरो, छन्देणं पुत्त ! पव्वया ।
 नवर पुण सामण्णे, दुक्ख निप्पडिकम्मया ॥७५॥
 सो वेइ अस्मापियरो ! एवमेयं जहा फुड ।
 पडिकम्मं को कुणइ, अरण्णे मियपक्खणं ॥७६॥
 एगढ्भूए अरण्णे व, जहा उ चरइ मिगे ।
 एवं धम्म चरिस्सामि, संजमेण तवेण य ॥७७॥
 जया मिगस्स आयंको, महारण्णंमि जायइ ।
 अच्छंतं रुक्खमूलंमि, को णं ताहे तिगिच्छइ ॥७८॥
 को वा से ओसहं देइ, को वा से पुच्छइ सुह ?
 को से भत्तं च पाणं वा, आहरित्तु पणामए ? ॥७९॥
 जया से सुही होइ, तया गच्छइ गोयरं ।
 भत्तपाणस्स अट्टाए, वल्लराणि सराणि य ॥८०॥

खाइत्ता पाणियं पाउं, वल्लरेहि सरेहि य ।
मिगचारिय चरित्ता णं, गच्छइ मिगचारियं ॥८१॥
एवं समुद्धिओ भिक्खू, एवमेव अणेगए' ।
मिगचारियं चरित्ता ण, उड्ड पल्लमइ दिसं ॥८२॥

जहा मिए एग अणेगचारी,
अणेगवासे धुवगोयरे य ।
एवं मुणी गोयरियं पविट्ठे,
नो हीलए नो वि य खिसएज्जा ॥८३॥

मिगचारियं चरिस्सामि, एव पुत्ता । जहासुह ।
अम्मापिऊहिऽणुत्ताओ, जहाइ उवहि तओ ॥८४॥
मियचारियं चरिस्सामि, सव्वट्ठकखविमोवत्तणि ।
तुव्वेहि अट्ठभणन्नाओ', गच्छ पुत्त । जहासुह ॥८५॥

एवं सो अम्मापियरो, अण्माणित्ताण बहुविहं ।
समत्तं छिन्दइ ताहे, महानागो व्व कच्चुय ॥८६॥
इड्ढी वित्तं च मित्ते य, पुत्तदार च नायओ ।
रेणुयं व पडे लगं, निद्धुणित्ताण निग्गओ ॥८७॥

पंचमहव्वयजुत्तो पंचसमिओ निगुत्तिगुत्तो य ।
सदिभन्तरवाहिरए तयोक्कम्ममि उज्जुओ ॥८८॥
निम्ममो निरहकारो, निन्तगो चत्तगान्धो ।
समो य सव्वन्नूणु, तत्तेमु वायरेतु य ॥८९॥

लाभावान्ने सुहे दुरत्ते, जीदिण्ण मण्णे तथा ।
समो निन्दापत्तंणातु, तथा भाणावमाणओ ॥९०॥

गार्वेसुं कसाएसु, दण्डसल्लभएसु य ।
नियत्तो हाससोगाश्रो, अनियाणो अबन्धणो ॥६१॥

अणिसिअश्रो इह लोए, परलोए अणिसिअश्रो ।
वासीचन्दणकप्पो य, असणे अणसणे तहा ॥६२॥

अप्पसत्थेहिं दारेहिं, सव्वश्रो पिहियासवे ।
अज्भप्पज्झाणजोगेहिं, पसत्थदन्सासणे ॥६३॥

एवं नाणेण चरणेण, दसणेण तवेण य ।
भावणाहिं य सुद्धाहिं, सम्मं भावित्तु अप्पयं ॥६४॥-

बहुयाणि उ वासाणि, सामणमणुपालिया ।
मासिएण उ भत्तेण, सिद्धिं पत्तो अणुत्तर ॥६५॥

एवं करन्ति संबुद्धा, पण्डिया पवियक्खणा ।
विणिअट्टन्ति भोगेसु, मियापुत्ते जहारिसी ॥६६॥

महाप्पभावस्स महाजसस्स,

मियाइपुत्तस्स निसम्म भासियं ।

तवप्पहाणं चरियं च उत्तमं,

गइप्पहाणं च तिलोगविस्सुतं ॥६७॥

वियाणिया दुक्खविवद्धण धणं,

ममत्तबन्धं च महाभयावह ।

सुहावहं धम्मघुरं अणुत्तर,

घारेज्ज निव्वाणगुणावहं महं, त्ति बेमि ॥६८॥

॥ मियापुत्तीय एगूणवीसइममज्भयण समत्तं ॥

अहं महानियठिज्जं वीसइम अब्भयणं

सिद्धाण नमो किञ्चा, सजयाणं च भावओ ।
 अत्यधम्मगइं तच्च, अणुसिट्ठिं सुणेह मे ॥१॥
 पभूयरयणो राया, सेणियो मगहाहिवो ।
 विहारजत्त निज्जाओ, मण्डिकुच्चिसि चेइए ॥२॥
 नाणादुमलयाइण्ण, नाणापक्खनिसेवियं ।
 नाणाकुसुमसंछन्नं, उज्जाणं नन्दणोवमं ॥३॥
 तत्थ सो पासइ साहुं, संजयं सुसमाहिय ।
 निसन्नं रुक्खमूलम्मि, सुकुमालं सुहोइय ॥४॥
 तस्स रुवं तु पासित्ता, राइणो तम्मि संजए ।
 अच्चन्तपरमो आत्तो, अउलो रुक्खिम्महओ ॥५॥
 अहो वण्णो अहो रुक्ख, अहो अज्जत्त सोमया ।
 अहो खन्ती अहो मुत्तो, अहो भोगे असगया ॥६॥
 तस्स पाए उ वन्दित्ता, काऊण य पयाहिणं ।
 नाइदूरमणासन्ने, पजली पडिपुच्छइ ॥७॥
 तरुणो सि अज्जो ! पच्चइओ, भोगकालम्मि सजया ।
 उचट्ठिओ सि सामण्णे, एयमट्ठं सुणेमि ता ॥८॥
 अणाहोमि महाराय ! नाहो मज्झ न विज्जइ ।
 अणुकम्पग सुहि वावि, कच्च नाभिसमेमहं ॥९॥
 तओ सो पहसिओ राया, सेणियो मगहाहिवो ।
 एवं ते इड्ढिमन्तस्स, कहं नाहो न विज्जइ ? ॥१०॥
 होमि नाहो भयंताणं, भोगे भुंजाहि संजया !
 मित्तनाइपरिवुटो, माणुम्मं सु गुदल्लहं ॥११॥

अर्पणा वि अणाहो सि, सेणिया ! मगहाहिवा !
 अर्पणा अणाहो सन्तो, कहं नाहो भविस्ससि ? ॥१२॥
 एवं वुत्तो नरिन्दो सो, सुसंभन्तो सुविम्हिओ ।
 वयणं आसुयपुव्व, साहुणा विम्हयन्तिओ ॥१३॥
 अस्सा हत्थी मणुस्सा मे, पुर अन्तेउर च मे ।
 भुंजामि माणुसे भोगे, आणा इस्सरिय च मे ॥१४॥
 एरिसे सम्पयग्गम्मि, सव्वकामसमप्पिए ।
 कहं अणाहो भवइ, मा हु भन्ते ! मुसं वए ॥१५॥
 न तुम जाणे अणाहस्स, अत्थं पोत्थ च पत्थिवा !
 जहा अणाहो भवइ, सणाहो वा नराहि वा ॥१६॥
 सुणेह मे महाराय, अव्वक्खित्तेण च्चैयसा ।
 जहा अणाहो भवइ, जहा मेअ पवत्तिय ॥१७॥
 कोसम्बी नाम नयरी, पुराणपुरमेयणी ।
 तत्थ आसी पिया मज्झ, पभूयधणसंचओ ॥१८॥
 पढमे वए महाराय ! अउला मे अच्छिवेयणा ।
 अहोत्था विउलो दाहो, सव्वगत्तेसु पत्थिवा ॥१९॥
 सत्थं जहा परमतक्खं, सरोरविवरंतरे ।
 आवीलिज्ज^१ अरो कुद्धो, एव मे अच्छिवेयणा ॥२०॥
 तिय मे अन्तरिच्छं च, उत्तमंगं च पीडइ ।
 इन्दासणिसमा घोरा, वेयणा परमदारुणा ॥२१॥
 उवट्टिया मे आयरिया, विज्जामन्ततिगिच्छया ।
 अवीया सत्यकुसला, मन्तमूलविसारया ॥२२॥

ते मे तिगिच्छं कुच्चन्ति, चाउप्पायं जहाहियं ।
 न य दुक्खा विमोयन्ति, एसा मज्झ अणाहया ॥२३॥
 पिया मे सव्वसारपि, दिज्जाहि मम कारणा ।
 न य दुक्खा विमोएइ, एसा मज्झ अणाहया ॥२४॥
 माया य मे महाराय! पुत्तसोगदुहट्टिया ।
 न य दुक्खा विमोएइ, एसा मज्झ अणाहया ॥२५॥
 भायरो मे महाराय ! सगाजेट्टकणिट्टगा ।
 न य दुक्खा विमोयन्ति, एसा मज्झ अणाहया ॥२६॥
 भइणीओ मे महाराय, सगा जेट्टकणिट्टगा ।
 न य दुक्खा विमोयन्ति, एसा मज्झ अणाहया ॥२७॥
 भारिया मे महाराय ! अणुरत्ता अणुव्वया ।
 अंसुपुण्णेहि नयणेहि, उर मे परिसिचइ ॥२८॥
 अन्न पाणं च प्हाण च, गन्धमल्लविलेवण ।
 मए नायमणायं वा, सा वाला नेवभुंजइ ॥२९॥
 खणं पि मे महाराय ! पासाओ वि न फिट्ठइ ।
 न य दुक्खा विमोएइ, एसा मज्झ अणाहया ॥३०॥
 तयो हं एवमाहंसु, दुक्खमाह पुणो पुणो ।
 वेयणा अणुभवित्तं जे, संमारम्मि अणन्तए ॥३१॥
 महं च जइ मुच्चेज्जा, वेयणा विज्जला एओ ।
 सन्तो दन्तो निरारम्भो, पव्वए अणनारियं ॥३२॥
 एवं च चिन्तइत्ताणं, पत्तुत्तो मि नराहिया !
 परियत्तन्तीए राईए, वेयणा मे नयं नया ॥३३॥

तत्रो कल्ले पभायम्मि, आपुच्छित्ताण बन्धवे ।
 खन्तो दन्तो निरारम्भो, पव्वइओऽणगारियं ॥३४॥
 ततो हं नाहो जाओ, अप्पणो य परस्स य ।
 सव्वेसिं चैव भूयाणं, तसाण थावराण य ॥३५॥
 अप्पा नई वेयरणी, अप्पा मे कूडसामली ।
 अप्पा कामदुहा धेणू, अप्पा मे नन्दण वण ॥३६॥
 अप्पा कत्ता विकत्ता य, दुहाण य सुहाण य ।
 अप्पा मित्तममित्तं च, दुप्पट्टियसुपट्टिओ ॥३७॥
 इमा हु अन्ना वि अणाहया निवा !
 तमेगचित्तो निहुओ सुणेहि ।
 नियण्ठधम्म लहियाण वि जहा,
 सोयन्ति एगे ब्रह्कायरा नरा ॥३८॥
 जो पव्वइत्ताण महव्वयाइं,
 सम्मं च नो फासयइ पमाया ।
 अनिगहप्पा य रसेसु गिद्धे,
 न मूलओ छिन्दइ बन्धण से ॥३९॥
 आउत्तया जस्स न अत्थिं काइ,
 इरियाए भासाए तहेसणाए ।
 आयाणनिक्खेवदुगच्छणाए,
 न धीरजायं' अणुजाइ मग्गं ॥४०॥
 चिर पि से मुण्डरुई भवित्ता,
 अथिरव्वए तवनियमेहि भट्टे ।
 चिरं पि अप्पाण किलेसइत्ता,
 न पारए होइ हु संपराए ॥४१॥

पोले व मुट्टी जह से असारे,
 अयन्ति कूडकहावणे वा ।
 राढामणी वेरुलियप्पगाते,
 अमहग्घए होइ हु जाणएसु ॥४२॥
 कुसील्लिग इह धारइत्ता,
 इसिज्भयं जीविय बूहइत्ता ।
 असजए संजयलप्पमाणो,
 विणिघायमागच्छइ से चिरपि ॥४३॥
 विसं तु पीय जह कालकूड,
 हणाइ सत्य जह कुग्गहीयं ।
 एसो वि फम्मो विसओववत्तो,
 हणाइ वेयाल इवाविवन्तो ॥४४॥
 जे लक्खणं सुविण पडंजमाणे,
 निमित्त कोऊहल सपगाढे ।
 कुहेइविज्जासवदारजीवी,
 न गच्छइ सरणं तम्मि काले ॥४५॥
 तमंतमेषोव उ से असाले,
 तथा दूही विप्परियासुवेइ ।
 सधावइ नरगतिरिक्खजोणि,
 मोण विराहित्तु असाहृद्दवे ॥४६॥
 उट्टेसिय कीयगट तिषागं,
 न मुंचइ किच्च अणोसणिज्जं ।
 अग्गी यिवा सव्वभक्खो भवित्ता,
 इत्तो चुए गच्छइ कट्टू पाव ॥४७॥

न तं अरी कठछेत्ता करेइ,
 ज से करे अप्पणिया दुरप्पया ।
 से नाहिइ मच्चु मुहं तु पत्ते,
 पच्छाभितावेण दयाविहूणो ॥४८॥
 निरट्टिया नग्गर्ह उ तस्स,
 जे उत्तमट्टे विवज्जासमेइ ।
 इमे वि से नत्थि परे वि लोए,
 दुहिओ वि से सिज्जइ तत्थ लोए ॥४९॥
 एमेवऽहा छन्दकुसीलरूवे,
 मग्गं विराहेत्त जिणुत्तमाण ।
 कुररी विवा भोगरसाणुगिद्धा,
 निरट्टसोया परितावमेइ ॥५०॥
 सोज्जाण मेहावि ! सुभासियं इमं,
 अणुसासण नाणगुणोववेयं ।
 मग्गं कुसीलाण जहाय सच्चं,
 महानियठाण वए पहेण ॥५१॥
 चरित्तमायारगुणन्निए तओ ।
 अणुत्तर सजम पालिया ण ।
 निरासवे सखवियाण कम्म,
 उवेइ ठाणं विज्जलुत्तम धुवं ॥५२॥
 एवुग्गदन्तेऽवि महातवोघरो,
 महामुणो महापइन्ने महायसे ।
 महानियण्ठिज्जमिणं महासुयं,
 से काहए महया वित्थरेणं ॥५३॥

तुट्टो य सेणिओ राया,
 इणमुदाहु कयंजली ।
 अणाहत्तं जहान्नयं,
 सुट्ठु मे उवदंसियं ॥५४॥

तुज्झं सुलद्धं खु मणुस्सजम्म,
 लाभा सुलद्धा य तुमे महेसी !
 तुव्वे सणाहा य सवन्धवा य,
 ज मे ठिया मग्गि जिणुत्तमाणं ॥५५॥

तंसि नाहो अणाहाणं,
 सव्वमूयाण संजया !
 खामेमि ते महाभाग !
 इच्छामि अणुसासिउं ॥५६॥

पुच्छिऊण मए तुव्वभ,
 आणविग्घो उ जो कम्मो ।
 निमन्तिया य भोगेहि,
 तं सव्वं मरिसेहि मे ॥५७॥

एवं थुणित्ताण स रायसीहो,
 अणगारसीहं परमाइ भत्तिए ।
 सओरोहो तपरियणो सवन्धवो,
 धम्माणुरत्तो विमलेण वेयसा ॥५८॥

ऊत्तसियरोसकूयो,
 काऊण य पयाहिणं ।
 अभिघन्दिऊण निरसा,
 अइयाओ नराहियो ॥५९॥

इयरो वि गुणसमिद्धो,
 तिगुत्तिगुत्तो तिदण्डविरमो य ।
 विहग इव विष्पमुक्को,
 विहरइ वसुहं विगयमोहो, त्तिवेमि ॥६०॥

॥ महानियठिज्ज वीमइमज्भयण समत्त ॥

अह समुद्दपालीयं एगबीसइम अज्भयण

चम्पाए पालिए नाम, सावए आसि वाणिए ।
 महावीरस्स भगवओ, सीसे स उ महप्पणो ॥ १ ॥
 निगन्थे पावयणो, सावए से वि कोविए ।
 पोएण ववहरन्ते, पिहुण्डं नगरमागए ॥ २ ॥
 पिहुण्डे ववहरन्तस्स, वाणिओ देइ धूयरं ।
 तं ससत्तं पइगिज्भ, सदेसमह पत्थिओ ॥ ३ ॥
 अह पालिग्रस्स घरिणि, समुद्दम्मि पसवइ ।
 अह वालए तहिं जाए, समुद्दपालि त्ति नामए ॥ ४ ॥
 खेमेण आगए चम्प, सावए वाणिए घरुं ।
 संवडुइ तस्स घरे, दारए से सुहोइए ॥५॥
 वावत्तरी कलाओ य, सिक्खइ नीइकोविए ।
 जोव्वरणेण य संपन्ने, सुरुवे पियदंसणे ॥६॥
 तस्स रुववइं भज्ज, पिया आणेइ रुविणि ।
 पासाए कीलए रम्मे, देवो दोगुन्दमो जहा ॥७॥

अह अन्नया कयाई, पासायालीयणे ठिघो ।
वज्जमण्डणसोभागं, वज्जं पासइ वज्जमं ॥ ८ ॥

तं पासिऊण सविग्गो, समुद्धपालो इणमव्ववी ।
अहोऽसुहाण कम्मणं, निज्जाणं पावगं इमं ॥ ९ ॥

सबुद्धो सो तहि भगव, परमसंवेगभागश्रो ।
आपुच्छस्समापियरो, पव्वए अणगारियं ॥ १० ॥

अहित्तु संगं च महाकिलेसं,
महन्तमोहं कसिणं भयावह ।

परियायधम्म चऽभिरोयएज्जा,
वयाणि सीलाणि परीसहे य ॥ ११ ॥

अहिससच्चं च श्रतेणग च,
ततो य वम्भे अपरिग्गहं च ।

पडिवज्जिया पंचमहव्वयाणि,
चरिज्ज धम्म जिणदेसिय विऊ ॥ १२ ॥

सध्वेहि नूएहि दयाणुकंपी,
खन्तिकखमे सजयवम्भयारी ।

सावज्जजोग परिवज्जयन्तो,
चरिज्ज भिक्खू सुत्तमाहिन्दिए ॥ १३ ॥

कालेण काल विहरेज्ज रट्ठे,
बलाबलं जाणिय अप्पणो य ।

भीटो य सट्ठेण न संतमेज्जा,
वयजोग मुच्चा न असम्भमाट्ट ॥ १४ ॥

उवेहमाणे उ परिद्वइज्जा,
 पियमप्पियं सच्च तितिकखइज्जा ।
 न सच्च सच्चत्थऽभिरोयइज्जा,
 न यावि पूय गरहं च संजय ॥१५॥
 अणेगच्छन्दा इह माणवेहि,
 जे भावओ सपगरेइ भिक्खू ।
 भयभेरवा तत्थ उइन्ति भीमा,
 दिव्वा मणुस्सा अट्टुवा तिरिच्छा ॥१६॥
 परीसहा दुच्चिसहा अणेगे,
 सोयन्ति जत्था बहुकायरा मरा ।
 से तत्थ पत्ते न वहिज्ज भिक्खू,
 सगामसोसे इव नागराया ॥१७॥
 सीओसिणा दंसमसा य फासा,
 आयंका विविहा फुसन्ति देहं ।
 अकुक्कुओ तत्थऽहियासएज्जा,
 रयाइ खेविज्ज पुरे कयाइं ॥१८॥
 पहाय राग च तहेव दोसं,
 मोह च भिक्खू सययं विषक्खणो ।
 मेरुच्च घाएण अकम्पमाणो,
 परीसहे आयगुत्ते सहेज्जा ॥१९॥
 अणुन्तए नावणए महेसी,
 न यावि पूयं गरह च सजए ।
 से उज्जुभावं पडिवज्ज, संजए,
 निव्वाणमग्ग विरए उवेइ ॥२०॥

अरहरइसहे पहीणसथवे,
 विरए श्रायहिए पहाणवं ।
 परमट्टपएहि चिट्ठइ,
 छिन्नसोए श्रममे श्रकिचणे ॥२१॥

विवित्तलयणाइ भएज्ज ताई,
 निरोवलेवाइ असथडाइ ।
 इसीहि चिण्णाइ महायसेहि,
 काएण फासेज्ज परीसहाइ ॥२२॥

सन्नाणनाणोवगए महेसी,
 अणुत्तरं चरिउ धम्मसंचयं ।
 अणुत्तरे नाणघरे जससी,
 ओभासइ सूरिए वऽन्तलिक्खे ॥२३॥

दुविहं खवेऊण य पुण्णपाव,
 निरगणे सव्वओ विप्पमुषके ।
 तरित्ता समुहं व महाभवोहं,
 समुहपात्ते अपुण्णागम गए, त्तिवेमि ॥२४॥

॥ समुहपात्तियं एगवीमइमज्जभयणं गमत्तं ॥

अह रहनेमिज्जं वावीसइमं श्रद्धाभरणं

सोरियप्रम्मि नयरे, आसि राया महिड्डिए ।
 यमुदेवुत्ति नामेणं, रायलपयणमंजुए ॥१॥
 तस्स भज्जा दुवे आसी, रोहिणी देवई तथा ।
 तासि दोण्हं दुवे पुत्ता, इट्ठा राम केसवा ॥२॥

सोरियपुरम्भि नधरे, आसि राया महिडिडए ।
 समुद्विजय नामं, रायलकखणसजुए ॥ ३ ॥
 तस्स भज्जा सिवा नाम, तीसे पुत्तो महायसो ।
 भगवं अरिद्विनेमि त्ति, लोगनाहे दमीसरे ॥ ४ ॥
 सोऽरिद्विनेमिनामो उ, लकखणस्सरसंजुओ ।
 अट्टसहस्सलकखणधरो, गोयमो कालगच्छवी ॥ ५ ॥
 वज्जरिसहसंधयणो, समवउरंसो भत्तोयरो ।
 तस्स रायमई कन्नं, भज्जं जायइ केसवो ॥ ६ ॥
 अह सा रायवरकम्भा, सुसीला चारुपेहणी ।
 सब्बलकखणसपम्भा, विज्जुसोयामणिप्पभा ॥ ७ ॥
 अहाह जणओ तीसे, वासुदेवं महिडिडयं ।
 इहागच्छउ कुमारो, जा से कन्त दवामिऽह ॥ ८ ॥
 सब्बोसहीहि ण्हविओ, कय-कोउयमंगलो ।
 दिव्वजुयलपरिहिओ, आभरणेहि विभूसिओ ॥ ९ ॥
 मत्तं च गन्धहत्थि, वासुदेवस्स जेट्ठगं ।
 आरूढो सोहए अहियं, सिरे चूडामणि जहा ॥ १० ॥
 अह ऊसिएण छत्तेण, चामराहि य सोहिए ।
 दसारचक्केण य सो, सब्बओ परिवारिओ ॥ ११ ॥
 चउरंगिणीए सेणाए, रइयाए जहक्कमं ।
 तुडियाण सन्निनाएण, दिव्वेणं गगणं फुत्ते ॥ १२ ॥
 एयारिसाए इडिडए, जुत्तीए उत्तमाइ य ।
 नियगाओ भवणाओ, निज्जाओ वण्हपुंगवो ॥ १३ ॥

अह सो तत्य निज्जन्तो, दिस्स पाणे भयद्दुए ।
वाडेहि पंजरेहि च, सन्निरुद्धे सुदुक्खिए ॥१४॥

जीवियन्तं तु सम्पत्ते, मसद्धा भविस्सयव्वए ।
पासित्ता से महापन्ने, सारहि इणमच्चवी ॥१५॥

कस्स अट्टा इमे पाणा, एए सत्त्वे मुहेसिणो ।
वाडेहि पंजरेहि च, सन्निरुद्धा य अच्छहि ? ॥१६॥

अह सारही तस्रो भणइ, एए भट्टा उ पाणिणो ।
तुज्झ विवाह कज्जम्मि, भोयावेउं वहुं जण ॥१७॥

सोऊण तस्स वयणं, बहुपाणिविणासणं ।
खिन्तेइ से महापन्नो, साणुक्कोसे जिए हिओ ॥१८॥

जइ मज्झ कारणा एए, हम्मन्ति सुवहू जिया ।
न मे एयं तु निस्सेस, परलोगे भविस्सइ ॥१९॥

सो कुण्डलाण जुयलं, सुत्तग च महायसो ।
आभारणाणि य सव्वाणि, सारहिस्स पणामए ॥२०॥

मणपरिणामे य कए, देवा य जहोइय समोइण्णा ।
सव्विउट्ठीइ सपरिसा, निवस्समणं तस्स काउं जे ॥२१॥

देवमणुस्सपरिवुट्ठी, सीवारयण तस्रो ममान्हो ।
निस्सम्मिय वारणाओ, रेवयम्मि ठिओ भगवं ॥२२॥

उज्जाणं सपत्तो, ओइण्णो उत्तमाउ सीवाओ ।
साहस्सोइ परिवुट्ठी, अह निवयमइ उ वित्ताहि ॥२३॥

अह से सुगन्धगन्धीण, तुरिय मउअकुंनिए ।
सपमेव तुंचइ केमे, पंचमट्ठीहि समाहिओ ॥२४॥

वासुदेवो य ण भणइ, लुत्तकेसं जिइन्दियं ।
 इच्छियमणोरहं तुरियं, पावसु त दमीसरा ! ॥२५॥
 नाणेण दंसणेणं च, चरित्तेण तहेव य ।
 खंतीए मुत्तीए वड्डमाणो भवाहि य ॥२६॥
 एवं ते रामकेसवा, दसारा य बहू जणा ।
 अरिद्वणेमि वन्दित्ता, अभिगया वारगापुरिं ॥२७॥
 सोळण राघकन्ना, पव्वज्जं सा जिणस्स उ ।
 तीहासा य निराणन्दा, सोगेण उ समुच्छिया ॥२८॥
 राईमई विचिन्तेइ, धिरत्थु मम जीविय ।
 जाऽहं तेण परिञ्चत्ता, सेयं पव्वइउं मम ॥२९॥
 अह सा भमरसन्निभे, कुञ्जफणगप्पसाहिए ।
 सयमेव लुंचइ केसे, धिइमती ववस्सिया ॥३०॥
 वासुदेवो य णं भणइ, लुत्तकेसं जिइन्दियं ।
 ससारसागरं घोरं, तर कन्ते ! लहुं लहुं ॥३१॥
 सा पव्वइया सन्ती, पव्वावेसी तहि बहू ।
 सयण परियणं चेव, सोलवन्ता बहुस्सुया ॥३२॥
 गिरिरेवतयं जन्ती, वासेणुल्ला उ अन्तरा ।
 वासन्ते अन्धयारम्मि, अन्तो लयणस्स सा ठिया ॥३३॥
 विवराइं विसारन्ती, जहा जायत्ति पासिया ।
 रहमेमि भग्गचित्तो, पच्छा दिट्ठो य तीइ वि ॥३४॥
 भीया य सा तहिं वट्ठुं, एगन्ते संजय तय ।
 बाहाहिं काउ संगोप्फं, वेवमाणी निसीयइ ॥३५॥

अह सो वि रायपुत्तो, समुद्विजयंगमो ।
 भोयं पवेवियं ददुं, इम वक्कं उदाहरे ॥३६॥
 रहनेमी अहं भद्दे ! सुखे ! चारुभासिणी ॥
 ममं भयाहि सुयणु ! न ते पीला भविस्सइ ॥३७॥
 एहि ता भुंजिमो भोए, माणुस्सं खु सुदुल्लह ।
 भुत्तभोगी पुणो पच्छा, जिणमगं चरिस्समो ॥३८॥
 ददुण रत्तेमि तं. भग्गुजोपपराजिय ।
 रायमई असम्भन्ता, अप्पाण संवरे तहि ॥३९॥
 अह सा रायवरकन्ना, सुट्ठिया नियमव्वए ।
 जाई कुलं च सीलं च, रक्खमाणी तयं वए ॥४०॥
 जइ सि ख्वेण वेसमणो, ललिण नलकूचरो ।
 तथा वि ते न इच्छामि, जइ सि सक्खं पुरंदरो ॥४१॥
 (पक्खदे जलिअं जोइं, धूमकेउं दुरासयं ।
 नेच्छन्ति वंतयं भोत्तं, फुले जाया अगंधणे ॥)
 धिरत्तु तेऽजसोकामी, जो तं जीवियकारणा ।
 वन्त इच्छसि आवेउ, सेयं ते मरणं भवे ॥४२॥
 अहं च भोगरायस्स, तं च सि अन्धगवण्हणो ।
 मा फुले गधणा होमो, संजमं निहुओ चर ॥४३॥
 जइ तं फाहिसि भावं, जा जा दिच्छसि नाग्गो ।
 यायाविट्ठो व्व हडो, अट्ठिअप्पा भविस्ससि ॥४४॥
 गोवालो भण्डवालो चा, जहा तह्धवणिन्सरो ।
 एवं अणिस्सरो तं पि, सामण्णस्स भविस्सति ॥४५॥
 (कोहं भाणं निनिण्हत्ता, माय लोभ च सय्यतो ।
 इंदियाइं वमे फाउं, अप्पाण उदमंहरे ॥)

तोसे सो वयणं सोच्चा, संजयाए सुभासियं ।
 अक्रुसेण जहा नागो, धम्मे संपडिवाइओ ॥४६॥
 मणगुत्तो वपगुत्तो, कायगुत्तो जिइन्दिओ ।
 सामण्ण निच्चल फासे, जावज्जीवं दढव्वओ ॥४७॥
 उगं तव चरित्ताणं, जाया दुण्णि वि केवली ।
 सव्व कम्मं खवित्ताणं, सिद्धि पत्ता अणुत्तर ॥४८॥
 एवं करेन्ति सबुद्धा, पण्डिया पवियक्खणा ।
 विणियट्टन्ति भोगेसु, जहा सो पुरिसोत्तमो, त्ति बेमि ॥४९॥

॥ रहनेमिज्जं वावीसममज्भयणं समत्तं ॥

अह केसिगोयमिज्जं तेवीसइमं अज्भयण

जिणे पासित्ति नामेणं, अरहा'लोगपूइओ ।
 संबुद्धप्पा य सव्वन्नू धम्मतित्थयरे जिणे ॥ १ ॥
 तस्स लोगपईवस्स, आसि सोसे महायसे ।
 केसी कुमारसमणे, विज्जाचरणपारगे ॥ २ ॥
 ओहिनाणसुए बुद्धे, सोससंघसमाउले ।
 गामाणुगाम रीयन्ते, सार्वत्थि 'पुरमागए ॥ ३ ॥
 तिन्दुयं नाम उज्जाणं, तम्मि नगरमण्डले ।
 फासुए सिज्जसथारे, तत्थ वासमुवागए ॥ ४ ॥
 अह तेरोव कालेण धम्मतित्थयरे जिणे ।
 भगवं वद्धमाणि त्ति, सव्वलोगम्मि विस्सुए ॥ ५ ॥

१ सोयविस्सुए । सव्वन्न सव्वदंसी य, धम्मतित्थस्स देमए ।

तस्स लोगपदीवस्स, भ्रासि सीसे महायसे ।
 भगवं गोयमे नामं, विज्जाचरणपारए ॥६॥

बारसंगविऊ बुद्धे, सीससंघ-समाउले ।
 गामाणुगामं रोयन्ते, से वि सावत्थिमागए ॥७॥

कोट्टुगं नाम उज्जाणं, तम्मि नगरमण्डले ।
 फासुए सिज्जसंयारे, तत्थ वासमुवागए ॥८॥

केसी कुमारसमणे, गोयमे य महायसे ।
 उभओ वि तत्थ विहरिसु, श्रल्लीणा सुसमाहिया ॥९॥

उभओ सोससघाण, संजयाणं तवस्सिण ।
 तत्थ चिन्ता समुप्पन्ना, गुणवंताण ताइण ॥१०॥

केरिसो वा इमो धम्मो, इमो धम्मो व केरिसो ?
 भ्रायारधम्मपणिही, इमा वा सा व केरिसो ? ॥११॥

चाउज्जामो य जो धम्मो, जो इमो पच्चसिक्खिओ ।
 देसिओ वद्धमाणेण, पासेण य महामुणी ॥१२॥

अचेलओ य जो धम्मो, जो इमो सन्तरत्तरो ।
 एगकज्जपवन्नाण, विनेसे कि नु कारण ? ॥१३॥

अह ते तत्थ सीसाणं, यिन्नाय पवितद्धियं ।
 समागमे कयमई, उभओ केत्तिगोयमा १-१४॥

गोयमे पट्टिव्यन्नु, सीससंघसमाउले ।
 जेट्टु कुलमवेवायन्तो, तिन्दुय यणमागओ ॥१५॥

केसी कुमारसमणे, गोयनं वित्थिमागयं ।
 पट्टिव्य पडिवत्ति, सम्मं संपट्टियज्जइ ॥१६॥

नगरिमागए ।

पत्ताल फासु अ तत्य पचमं कुसतणाणि य ।
 गोयमस्स निसेज्जाए, खिप्प संपणामए ॥१७॥
 केसी कुमारसमणे, गोयमे य महायसे ।
 उभओ निसण्णा सोहन्ति, चन्दसूरसमप्पभा ॥१८॥
 समागया बहु तत्य, पासण्डा कोउया मिया' ।
 गिहत्थाण अण्णेगाओ, साहस्सीओ समागया ॥१९॥
 देवदाणवगन्धवा, जक्खरक्खसकिन्नरा ।
 अदिस्साणं च भूयाणं, आसी तत्य समागमो ॥२०॥
 पुच्छामि ते महाभाग ! केसी गोयममच्चवी ।
 तओ केसि वुवतं तु, गोयमो इणमच्चवी ॥२१॥
 पुच्छ भन्ते ! जहिच्छं ते, केसि' गोयमच्चवी ।
 तओ केसी अणुज्जाए, गोयम इणमच्चवी ॥२२॥
 चाउज्जामो य जो धम्मो, जो इमो पंचसिक्खिअ ।
 देसिओ वद्धमाणेण, पासेण य महामुणी ॥२३॥
 एगकज्जपवन्नानं, विसेसे किं तु कारणं ?
 धम्मे दुविहे मेहावी, कह विप्पच्चओ न ते ? ॥२४॥
 तओ केसि वुवन्तं तु, गोयमो इणमच्चवी ।
 पन्ना समिक्खए धम्मं, तत्ते, तत्तविणिच्छियं ॥२५॥
 पुरिमा उज्जुजडा उ, वंकजडा व पच्छिमा ।
 मज्झिमा उज्जुपन्ना उ, तेण धम्मे दुहा कए ॥२६॥
 पुरिमाणं दुव्विसुज्झो उ, चरिमाणं दुरणुपालओ ।
 कप्पो मज्झिमगाणं तु, सुविसुज्झो सुपालओ ॥२७॥

गासिया । २. गोयमी केसिमच्चवी ।

साहु गोयम ! पन्ना ते, छिन्नो मे संसओ इमो ।
अन्नो वि संसओ मज्झं, तं मे कहसु गोयमा ! ॥२८॥

अचेलगो य जो घम्मो, जो इमो सन्तरत्तरो ।
देसिओ वद्धमाणेण, पासेण य महाजसा ॥२९॥

एगकज्जपवञ्चाणं विसेसे कि नु कारणं ।
लिगे दुविहे मेहावी, कहं विप्पच्चओ न ते ? ॥३०॥

केसिमेवं बुवाणं तु, गोयमो इणमच्चवी ।
विन्नाणेण समागम्म, घम्मसाहणमिच्छियं ॥३१॥

पञ्चपत्यं च लोगस्स, नाणाविहविगप्पणं ।
जत्तत्यं गहगत्यं च, लोणे निगपओयणं ॥३२॥

अह भवे पइन्ना उ, मोक्खमवभूयसाहणा ।
नाणं च दसणं चैव चरित्तं चैव निच्छए ॥३३॥

साहु गोयम ! पन्ना ते, छिन्नो मे संसओ इमो ।
अन्नो वि संसओ मज्झं, तं मे कहसु गोयमा ! ॥३४॥

अणोगाणं सहम्तारणं, मज्झे चिट्ठसि गोयमा ।
ते य ते अभिगच्छन्ति, कहं ते निज्जिया तुमे ? ॥३५॥

एणे जिए जिया पच पंच जिए जिया दस ।
वसहा उ जिणित्ताणं, सरथनन् जिणामहं ॥३६॥

सत्तू य इह के बुत्ते : रेणो गोयममच्चवी ।
तथो केसि बुत्तं तु, गोयमो इणमच्चवी ॥३७॥

एगप्पा अजिए सत्तू, कमाया इंदियाणि य ।
ते जिणित्तु जहानायं, विहरामि अर मुत्तो ! ॥३८॥

साहु गोयम ! पन्ना ते, छिन्नो मे संसओ इमो ।
अन्नो वि ससओ मज्झं, त मे कहसु गोयमा ! ॥३६॥

दीसन्ति बहवे लोए, पासबद्धा सरीरिणो ।
मुक्कपासो लहुब्भूओ, कह तं विहरसि मुणी ? ॥४०॥

ते पासे सव्वओ छिता, निहन्तूण उवायओ ।
मुक्कपासो लहुब्भूओ, विहरामि अह मुणी ॥४१॥

पासा य इइ के वुत्ता ? केसो गोयममव्ववी ।
केसिमेव बुवत तु, गोयमो इणमव्ववी ॥४२॥

रागदोसादओ तिच्चा, नेहपासा भयंकरा ।
ते छिन्दिता जहानायं, विहरामि जहक्कमं ॥४३॥

साहु गोयम ! पन्ना ते, छिन्नो मे संसओ इमो ।
अन्नो वि ससओ मज्झं, तं मे कहसु गोयमा ! ॥४४॥

अन्तोहिययसभूया, लया चिट्ठइ गोयमा ! ।
फलेइ विसभक्खीणि, सा उ उद्धरिया कहं ? ॥४५॥

त लय सव्वसो छिता, उद्धरिया समूलिय ।
विहरामि जहानायं, मुक्को मि विसभक्खण ॥४६॥

लया य इइ का वुत्ता ? केसो गोयममव्ववी ।
केसिमेवं बुवतं तु, गोयमो इणमव्ववी ॥४७॥

भवतण्हा लया वुत्ता, भीमा भीमफलोदया ।
तमुच्छित्तु जहानाय, विहरामि जहामुहं ॥४८॥

साहु गोयम ! पन्ना ते, छिन्नो मे संसओ इमो ।
अन्नो वि संसओ मज्झं, तं मे क गोयमा ! ॥४९॥

सपञ्चलिया घोरा, अग्नी चिद्वीड गोयमा ! ।
 जे उहन्ति सरीरत्या, कहं विज्झाविया तुमे ? ॥५०॥
 महामेहप्पसूयाओ, गिज्झ वारि जलुत्तमं ।
 सिचामि सययं तेउ', सित्ता नो व उहन्ति मे ॥५१॥
 अग्नी य इइ के वुत्ता ? केसी गोयममच्चवी ।
 केसिमेवं वुवन्तं तु, गोयमो इणमच्चवी ॥५२॥
 कसाथा अग्निणो वुत्ता, सुयसीनतवो जलं ।
 सुयधाराभिहया सन्ता, भित्ता हु न उहन्ति मे ॥५३॥
 साहु गोयम ! पन्ना ते, छिन्नो मे ससओ इमो ।
 अन्नो वि संसओ मज्झ, तं मे कहसु गोयमा ! ॥५४॥
 अयं साहसिओ भीमो, दुट्ठस्सो परिघायइ ।
 जंसि गोयम ! आरूढो, कह तेण हीरसि ? ॥५५॥
 पधावन्तं निगिण्हामि, सुयरस्सीसमाहियं ।
 न मे गच्छइ उम्मगं, मग्ग च पटिवज्झइ ॥५६॥
 आमि य इइ के वुत्ते ? केसी गोयममच्चवी ।
 केसिमेवं वुवन्तं तु, गोयमो इणमच्चवी ॥५७॥
 मणो साहसिओ भीमो, दुट्ठस्सो परिघायइ ।
 तं सम्मं तु निगिण्हामि, घम्मसिक्खाइ कन्धगं ॥५८॥
 साहु गोयम ! पन्ना ते, छिन्नो मे ससओ इमो ।
 अन्नो वि संसओ मज्झ, तं मे कहसु गोयमा ! ॥५९॥
 पुप्पहा बह्वो सोए, जेहि नामन्ति जन्तुणो ।
 अट्ठाणं फहं घट्टन्ते, त न नायसि गोयमा ! ॥६०॥
 जे य मग्गेण गच्छन्ति, जे य उम्मग्गपट्टिया ।
 ते मग्गे वेइया मज्झं, तो न नत्तमानह मुणी ! ॥६१॥

मग्ने य इह के वृत्ते ? केसी गोयममन्त्रवी ।
 केसिमेवं वृवतं तु, गोयमो इणमन्त्रवी ॥६२॥
 कुप्पवणपासण्डी सव्वे उम्मग्गपट्टिया ।
 सम्मग्ग तु जिणक्खाय एत्त मग्गे हि उत्तमे ॥६३॥
 साहु गोयम ! पन्ना ते, छिन्नो मे ससओ इमो ।
 अन्नो वि ससओ मञ्ज, तं मे कहसु गोयमा ! ॥६४॥
 महाउदगवेगेण, बुञ्जमाण पाणिणं ।
 सरण गई पइट्ठा य, दीवं क मन्नसि सुणी ! ॥६५॥
 अत्थि एगो महादीवो, वारिमञ्जे महालओ ।
 महाउदवेगस्स, गई तत्थ न विज्जइ ॥६६॥
 दीवे य इह के वृत्ते ? केसी गोयममन्त्रवी ।
 केसिमेव वृवत तु, गोयमो इणमन्त्रवी ॥६७॥
 जरामरणवेगेण बुञ्जमाण पाणिणं ।
 धम्मो दीवो पइट्ठा य, गई सरणमुत्तमं ॥६८॥
 साहु गोयम ! पन्ना ते, छिन्नो मे ससओ इमो ।
 अन्नो वि संसओ मञ्ज, तं मे कहसु गोयमा ! ॥६९॥
 अण्णवसि महोहंसि, नावा विपरिघाइइ ।
 जंसि गोयम ! आरूढो, कहं पार गमिस्ससि ? ॥७०॥
 जा उ अस्साविणी नावा, न सा पारस्स गामिणी ।
 जा निरस्साविण नावा, सा उ पारस्स गामिणी ॥७१॥
 नावा य इह का वृत्ता ?, केसी गोयममन्त्रवी ।
 केसिमेवं वृवतं तु, गोयमो इणमन्त्रवी ॥७२॥
 सरीरमाहु नाव त्ति, जीवो बुच्चइ नाविओ ।
 ससारो अण्णवो वृत्तो, जं तरंति महेसिणो ॥७३॥

साहु गोयम ! पन्ना ते, छिन्नो मे संसओ इमो ।
अन्नो वि ससओ मज्झं, तं मे कहसु गोयमा ! ॥७४॥
अन्धयारे तमे घोरे, चिद्वन्ति पाणिणो बहू ।
को करिस्सइ उज्जीयं ? सव्वलोयम्मि पाणिण ॥७५॥
उग्गओ विमलो भाणू, सव्वलो पभं करो ।
सो करिस्सइ उज्जीय, सव्वलोयम्मि पाणिणं ॥७६॥
भाणू य इइ के वुत्ते ?, केत्ती गोयममव्ववी ।
केसिमेवं वुवंतं तु, गोयमो इणमव्ववी ॥७७॥
उग्गओ खीणसंसारो, सव्वन्नु जिणभयखरो ।
सो करिस्सइ उज्जीयं, सव्वलोयम्मि पाणिणं ॥७८॥
साहु गोयम ! पन्ना ते, छिन्नो मे संसओ इमो ।
अन्नो वि संसओ मज्झं, तं मे कहसु गोयमा ! ॥७९॥
नारीरमाणसे दुयत्ते, वज्झमाणण पाणिणं ।
सेमं सिवमणावाह, ठाणं किं मन्नसे मुणी ? ॥८०॥
अत्थि एणं घुवं ठाणं, लोगगम्मि दुराग्हं ।
जत्थ नत्थि जरा मच्चू, वाहिणो वेयणा तहा ॥८१॥
टाणे य इइ के वुत्ते ? केत्ती गोयममव्ववी ।
केसिमेव वुवंतं तु, गोयमो इणमव्ववी ॥८२॥
निव्वाण ति अग्ह ति, निव्वी लोगगमेव य ।
येम निवं अणावाहं, ज चरनि महेमिणो ॥८३॥
सं ठाण नासयं यानं, लोगगम्मि दुराग्हं ।
अं सपत्ता न गोयन्ति, भवोहन्तकरा मुणी ! ॥८४॥

साहु गोयम ! पन्ना ते, छिन्नो मे संसओ इमो ।
 नमो ते ससयातीत !, सब्वसुत्तमहोदही ॥८५॥
 एव तु संसए छिन्ने, केसी घोरपरक्कमे ।
 अभावन्दित्ता सिरसा, गोयमं तु महायसं ॥८६॥
 पचमहव्वयधम्मं, पड्डिवज्जइ भावओ ।
 पुरिमस्स पच्छिमम्मि, मग्गे तत्थ सुहावहे ॥८७॥
 केसीगोयमओ निव्वं, तम्मि आसि समागमे ।
 सुयसोलसमुक्करिसो, महत्थविणिच्छओ ॥८८॥
 तोसिया परिसा सव्वा, सम्मग्गं समुवट्टिया ।
 सथुया ते पसीयतु, भयव केसिगोयमे, त्ति वेमि ॥८९॥

॥ इय केसिगोयमिज्ज तेइसममज्जयण समत्त ॥

अह समिईओ णाम चउवोसइमं अञ्जयणं

अट्ट पवयणमायाओ, समिई गुत्ती तहेव य ।
 पंचेव य समिईओ, तओ गुत्तीउ आहिया ॥ १ ॥
 इरियाभासेसणादाणे, उज्जारे समिई इय ।
 मणगुत्ती वयगुत्ती, कायगुत्ती य अट्टमा ॥ २ ॥
 एयाओ अट्ट समिईओ, समासेण विद्याहिया ।
 दुवालसंग जिणव्खायं, मायं जत्थ उ पवयण ॥ ३ ॥
 आलम्बणेण कालेण, मग्गेण जयणाइ य ।
 चउकारणपरिसुद्ध, संजए इरिय रिए ॥ ४ ॥

तस्य आलम्बणं नाणं, दंसणं चरणं तथा ।
 काले य दिवसे वृत्ते, मग्ने उप्पहवज्जिए ॥ ५ ॥
 दव्वओ खेत्तओ चेव, कालओ भावओ तथा ।
 जयणा चउव्विहा वुत्ता, तं मे कित्तयओ सुण ॥ ६ ॥
 दव्वओ चक्खुसा पेहे, जुगमित्तं च खेत्तओ ।
 कालओ जाव रीइज्जा, उवउत्ते य भावओ ॥ ७ ॥
 इन्दियत्थे विवज्जिता, सज्जायं चेव पंचहा ।
 तम्मुत्तो तप्पुरक्कारे, उवउत्ते रिय रिए ॥ ८ ॥
 फोहे माणे य मायाए, लोमे य उवउत्तया ।
 हासे भए मोहारिए, विकहासु तहेव य ॥ ९ ॥
 एयाइं अट्टु ठाणाइ, परिवज्जितु सजाए ।
 असावज्ज मिय काले, भासं भासिज्ज पन्नवं ॥१०॥
 गवेमणाए गहणे य, परिभोगेसणा य जा ।
 आहारोवहिसेज्जाए, एए तित्ति विमोहए ॥११॥
 उग्गमुप्पायणं पटमे, योए सोहेज्ज एमणं ।
 परिभोयम्मि चउक्क, विसोहेज्ज जयं जई ॥१२॥
 ओहोवहोवग्गहियं, भण्ठा वुविहं सुणी ।
 गिण्हन्तो निक्खिण्वन्तो य, पउंजेज्ज इमं विहि ॥१३॥
 चण्णुना पडिलेहिता. पमज्जेज्ज जय जई ।
 प्रायाए नित्तिववेत्ता वा, वुहओ वि ममिए सया ॥१४॥
 उच्चारं पानउणं. रोत्तं निघाणजज्जियं ।
 आहारं उवविहं देहं, अन्नं वाचि तहाविहं ॥१५॥
 अणावायमन्तोए, अणावाए चेव होट मन्तोए ।
 प्रावायमन्तोए, प्रावाए चेव मन्तोए ॥१६॥

अणावायमसलोए, परस्साणुवघाइए ।
 समे अज्भुसिरे वावि, अचिरकलकयम्मि य ॥१७॥
 वित्थिण्णे दूरमोगाढे, नासन्ने बिलवज्जिए ।
 तसपाणवीयरहिए, उच्चाराईणि वोसिरे ॥१८॥
 एयाओ पंच समिईओ, समासेण वियाहिया ।
 इत्तो य तओ गुत्तीओ, वोच्छामि अणुपुव्वसो ॥१९॥
 सच्चा तहेव मोसा य, सच्चामोसा तहेव य ।
 चउत्थी असच्चमोसा य, मणगुत्ती चउव्विहा ॥२०॥
 संरम्भसमारम्भे, आरम्भे य तहेव य ।
 मण पवत्तमाण तु, नियत्तिज्ज जयं जई ॥२१॥
 सच्चा तहेव मोसा य, सच्चामोसा तहेव य ।
 चउत्थी असच्चमोसा य, वइगुत्ती चउव्विहा ॥२२॥
 सरम्भसमारम्भे, आरम्भे य तहेव य ।
 वय पवत्तमाणं तु, नियत्तिज्ज जयं जई ॥२३॥
 ठाण निसीयगे चेव, तहेव य तुयट्टणे ।
 उल्लंघणपल्लंघणे, इन्दियाण य जुजणे ॥२४॥
 सरम्भसमारम्भे, आरम्भम्मि तहेव य ।
 कायं पवत्तमाणं तु, नियत्तिज्ज जयं जई ॥२५॥
 एयाओ पंच समिईओ, चरणस्स य पवत्तणे ।
 गुत्ती नियत्तणे वुत्ता, असुभत्थेसु सव्वसो ॥२६॥
 एसा पवयणमाया, जे सम्मं आयरे मुणी ।
 सो खिप्पं सव्वससारा, विप्पमुच्चइ पण्डिए, त्तिवेमि ॥२७॥

॥ इय समिईओ चउवीमइमज्भयण समत्त ॥

श्रद्धा जन्मइज्ज पंचवीसइमं श्रद्धाभयणं

माहणकुलसंभूओ, आसि विष्णो महायसो ।
 जायाई जमजन्नम्मि, जयघोसि त्ति नामओ ॥ १ ॥
 इन्द्रियग्गामनिग्गाही मग्गगामी महामुणो ।
 गामाणुगाम रोयन्ते, पत्तो वाणारसि पुरि ॥ २ ॥
 वाणरसीए वहिया, उज्जाणम्मि मणोरमे ।
 फामुए मेज्जसंथारे, तत्थ वाममुवागए ॥ ३ ॥
 श्रद्ध तेणेव कालेण, पुरीए तत्थ माहणे ।
 विजयघोसि त्ति नामेण, जन्नं जयइ देयवी ॥ ४ ॥
 श्रद्ध ते तत्थ श्रदागारे, मासवत्तमणपारणे ।
 विजयघोसत्त जन्नम्मि, भिक्खमट्टा उवट्टिण ॥ ५ ॥
 समुवट्टियं त्ति सन्तं, जायतो पट्टिसेहण ।
 न ह दाहामि ते भिक्खं, भिक्खु ! जायाहि अत्तओ ॥ ६ ॥
 जे य देवविज्ज विष्णा, जन्नट्टा य जे दिव्या ।
 जोइसंगविज्ज जे य, जे य घम्माण पारगा ॥ ७ ॥
 जे समत्वा समुद्रत्तुं, परमप्पाणमेय य ।
 तैत्ति अत्तमिण देय, भो भिक्खु ! मत्थकामिय ॥ ८ ॥
 सो सत्थ एवं पट्टिमिद्धो, जायणेण महामुणो ।
 न वि रट्टो न वि वट्टो, उत्तमट्टगवेयया ॥ ९ ॥
 नत्तट्टं पाणहेड वा, नचि तिष्ठाणुपाय वा ।
 तैत्ति विमोक्खणट्टाण, इम यवणत्तवयो ॥ १० ॥

नवि जाणासि वेयमुहं, नवि चन्नाण ज मुह ।
 नक्खत्ताण मुह जं च, जं च धम्माण वा मुहं ॥११॥
 जे समत्था समुद्धत्तु, परमप्पाणमेव य ।
 न ते तुमं विद्याणसि, अह जाणासि तो भण ॥१२॥
 तस्सक्खेवपमुक्खं तु, अचयन्तो तहिं दिश्रो ।
 सपरिसो पजली होउं, पुच्छइ तं महामुणि ॥१३॥
 वेयाण च मुह बूहि, बूहि जन्नाण जं मुहं ।
 नक्खत्ताण मुह बूहि, बूहि धम्माण वा मुह ॥१४॥
 जे समत्था समुद्धत्तुं, परमप्पाणमेव य ।
 एय मे ससय सव्वं, साहू । कहसु पुच्छिओ ॥१५॥
 अग्गिहुत्तमुहा वेया, जन्नट्ठी वेयसा मुहं ।
 नक्खत्ताण मुह चन्दो, धम्मणं कासवो मुह ॥१६॥
 जहा चन्दं गहाईया, चिट्ठन्ति पजलीउडा ।
 वन्दमाणा नमंसन्ता उत्तमं मणहारिणो ॥१७॥
 अजाणगा जन्नवाई, विज्झामाहणसंपया ।
 गूढा सज्झायतवसा, भासच्छन्ना इवग्गिणो ॥१८॥
 जो लोए वम्भणो वुत्तो, अग्गी वा महिओ जहा ।
 सया कुसलसंदिट्ठं, तं वय वूम माहणं ॥१९॥
 जो न सज्जइ आगन्तु, पव्वयन्तो न सोयइ ।
 रमइ अज्जवयणम्मि, तं वयं वूम माहण ॥२०॥
 जायरूवं जहामट्ठं, निद्धन्तमलपावगं ।
 रागदोसभयाईयं, तं वयं वूम माहण ॥२१॥
 तवस्सिय किसं दन्तं, अवच्चियमससोणिय ।
 सुव्वयं पत्तनिव्वाण, तं वय वूम माहण ॥२२॥

तसपाणे वियाणेत्ता, सगहेण य थावरे ।
 जो न हिंसइ तिविहेण, त वय वूम माहण ॥२३॥
 कोहा च जइ वा हासा, लोहा वा जइ वा भया ।
 मुसं न चयइ जो उ, तं चय वूम माहणं ॥२४॥
 चित्तमन्तमचित्तं वा, अप्पं या जइ वा बहु ।
 न गिण्हइ श्रदत्त जो, तं चय वूम माहणं ॥२५॥
 दिव्वमाणुस्म-तेरिच्छ, जो न सेवइ मेहण ।
 मणसा कायवक्केणं, त चयं वूम माहणं ॥२६॥
 जहा पोम जले जाय, नीवलिप्पइ वारिणा ।
 एव श्रलित्तो कामेहि, त वय वूम माहणं ॥२७॥
 श्रलोलुयं मुहाजीवि, श्रणगार श्रकिच्चण ।
 श्रसंसत्त गिहत्थेमु, त वय वूम माहणं ॥२८॥
 जहित्ता पुव्वसंजोन, नाइसगे य वन्धवे ।
 जो नज्जइ एएमु', त वय वूम माहण ॥२९॥
 पसुवन्त्ता सव्ववेधा य, जट्ट च पायकम्मणा ।
 न तं तापन्ति दुस्सीन, कम्मणि चलवन्ति हि' ॥३०॥
 न वि मुण्डिण्ण समणो, न श्रोतारंण वम्भणो ।
 न मणी दण्णायमेण, कुत्तवीन्णेण न तावसो ॥३१॥
 समयाणु नमणो होइ, वम्भवेरेण वम्भणो ।
 नाणेण उ मणी होइ, तयेण होइ तावसो ॥३२॥
 कम्मणा वम्भणो होइ, कम्मणुणा होइ मलियो ।
 वइत्ताणो कम्मणा होइ, सुद्धो इवइ पम्मणा ॥३३॥

एए पाउकरे बुद्धे, जेहिं होइ सिणायओ ।
 सव्वकम्मविणिम्मुक्कं, त वयं बूम माहणं ॥३४॥
 एवं गुणसमाउत्ता, जे भवन्ति दिउत्तमा ।
 ते समत्था उ उद्धत्तुं, परमप्पाणमेव य ॥३५॥
 एव तु संसए छिन्ने, विजयघोसे य माहणे ।
 समुदाय तओ तं तु, जयघोसं महामुणिं ॥३६॥
 तुद्धे य विजयघोसे, इणमुदाहु कयजली ।
 माहणत्त जहाभूय, सुट्ठु मे उवदंसियं ॥३७॥
 तुब्भे जइया जन्नाणं, तुब्भे वेयविंऊ विऊ ।
 जोइसगविऊ तुब्भे, तुब्भे घम्माण पारगा ॥३८॥
 तुब्भे समत्था उद्धत्तुं, परमप्पाणमेव य ।
 तमणुग्गहं करेहइम्हं, भिक्खेणं भिक्खु उत्तमा ॥३९॥
 न कज्जं मज्झ भिक्खेण, खिप्पं निक्खमसु दिया !
 मा भमिहिसि भयावट्ठे, घोरे ससारसागरे ॥४०॥
 उवलेवो होइ भोगेसु, अबोगी नोवलिप्पइ ।
 भोगी भमइ ससारे, अबोगी विप्पमुच्चइ ॥४१॥
 उल्लो सुक्को य दो छूढा, गोलया मट्ठियामया ।
 दो वि आवडिया कुड्ढे, जो उल्लो सोऽत्थ लग्गइ ॥४२॥
 एवं लग्गन्ति दुम्मेहा, जे नरा कामलालसा ।
 विरत्ता उ न लग्गन्ति, जहा से सुक्कगोलए ॥४३॥
 एवं से विजयघोसे, जयघोसस्स अन्तिए ।
 अणगारस्स निक्खन्तो, घम्मं सोऽत्ता अणुत्तरं ॥४४॥

खवित्ता पुव्वकम्माइ, संजमेण तवेण य ।
जयघोसविजयघोसा, सिद्धि पत्ता अणुत्तरं, त्ति वेमि ॥४५॥

॥ इह जन्मउज्ज णाम पनवीनइमं अज्जवणं ममत्ता ॥

अह सामायारी णाम छव्वीसइमं अज्जभयणं

सामायारि पव्वखामि, सव्वदुक्खविमोक्खणि ।
ज चरित्ताण निग्गन्था, तिण्णा संमारत्तागर ॥ १ ॥
पढमा आवस्सिया नाम, विइया य निमीहिया ।
आपुच्छणा य तइया, चउत्थी पडिपुच्छणा ॥ २ ॥
पचमी छन्दणा नाम, इच्छाकारो य छट्ठो ।
तत्तमो मिच्छकारो य, तहकारो य अट्ठमो ॥ ३ ॥
अब्भुट्ठाणं च नयमं, दसमा उव्वसपदा ।
एसा दमगा साहण, सामायारी पवेइया ॥ ४ ॥
गमणे आवस्सिय कुञ्जा, ठाणे कुञ्जा निसीहियं ।
आपुच्छण नयकरणे, परकरणे पडिपुच्छणं ॥ ५ ॥
छन्दणा व्वयजाएणं उच्छाकारो य मारणे ।
मिच्छाकारो य निन्दाए, तहकारो पडिस्सुए ॥ ६ ॥
अब्भुट्ठाणं गुम्पूया, अचरणे उव्वसपदा ।
एय दुपच्चतजुना, नामायानी पवेइया ॥ ७ ॥
पुत्थिस्सम्मि चउव्वभाण, आहचम्मि नमुट्ठिए ।
अण्ठये पडिमेहित्ता, यन्दिना य तथो गु ॥ ८ ॥

पुच्छिञ्जा पंजलीउडो, किं कायव्व मए इह ।
 इच्छ निओइउ भन्ते ! वेयावच्चे, व सज्भाए ॥ ६ ॥
 वेयावच्चे निउत्तेणं, कायव्व अगिलायओ ।
 सज्भाए वा निउत्तेण, सव्वदुक्खविमोक्खणे ॥ १० ॥
 दिवसस्स चउरो भागे, कुञ्जा भिक्खू चियक्खणो ।
 तओ उत्तरगुणे कुञ्जा, दिणभागेसु चउसु वि ॥ ११ ॥
 पढमं पोरिसिं सज्भाय, वीयं भाण भियायई ।
 तइयाए भिक्खायरियं, पुणो चउत्थीइ सज्भाय ॥ १२ ॥
 आसाढे मासे दुपया, पोसे मासे चउप्पया ।
 चित्तासोएसु मासेसु, तिप्पया हवइ पोरिसी ॥ १३ ॥
 अगुलं सत्तरत्तेण, पक्खेण च दुअगुल ।
 वड्डुए हायए वावि, मासेण चउरगुल ॥ १४ ॥
 आसाढवहुलपक्खे, भद्दवए कत्तिए य पोसे य ।
 फग्गुणवइसाहेसु य, वोद्धव्वा' ओमरत्ताओ ॥ १५ ॥
 जेढ्ढामूले आसाढसावणे, छहिं अगुलेहिं पडिलेहा ।
 अट्ठहिं विइयतियमि, तइए दस अट्ठहिं चउत्थे ॥ १६ ॥
 रत्तिं पि चउरो भागे, भिक्खू कुञ्जा वियक्खणो ।
 तओ उत्तरगुणे कुञ्जा, राइभाएसु चउसु वि ॥ १७ ॥
 पढमं पोरिसिं सज्भाय, वीयं भाण भियायई ।
 तइयाए निद्दमोक्ख तु, चउत्थी भुञ्जो वि सज्भाय ॥ १८ ॥
 ज नेइ जया रत्तिं, नक्खत्त तम्मि नहचउढभाए ।
 सपत्ते विरमेञ्जा, सज्भाय पओसकालम्मि ॥ १९ ॥

तम्मेव य नवपत्ते, गयणचउव्भागमावनेनम्मि ।
 वेरत्तिपयं पि काल, पडिलेहिता मुणी कुञ्जा ॥२०॥
 पुव्विल्लम्मि चउव्भाए, पडिलेहिताण भण्टयं ।
 गुरुं वन्दित्तु सज्जाय कुञ्जा दुपलविमोदलणि ॥२१॥
 पोरिनोए चउव्भाए, वन्दित्ताए तयो गुरुं ।
 अपडिह्मिन्ता कालस्स, भायण पडिलेहए ॥२२॥
 मुहपोत्ति पडिलेहिता, पडिलेहिञ्च गोच्छयं ।
 गोच्छयगतइयगुलिओ, वत्थाइ पडिलेहए ॥२३॥
 उट्टुं थिरं अत्तुणिय, पुट्ट ता वत्थमेव पज्जिहे ।
 तो विइय पफोहे, तइय च पूरणी पमज्जिन्ना ॥२४॥
 अणञ्जावियं अवलिय, अण्णागुच्चण्डिमनोत्ति चैव ।
 टप्पग्गिमा नव खोडा, पाणीशण्डिविजोहणं ॥२५॥
 आरभटा सम्महा, वज्जेयट्ठा य मोननी तइया ।
 पफोहणा चउत्थी, विवित्ता वेइया छट्ठी ॥२६॥
 पसिहित्तपलम्बलोना, एगा मोना अण्णेगम्भयुणा ।
 फुण्ड पमाणिपमाय, संक्रियणराणोथण कुञ्जा ॥२७॥
 घण्णणाहरित्तवट्ठिहेहा, अविद्यञ्जाना तहेय य ।
 पटम पय पनत्थ, मेमाणि य अण्णमत्थाइ ॥२८॥
 पडिलेहणं कुणन्तो, मिहो पत्त कुण्ड जणयत्थए वा ।
 वेह व पञ्चपत्ताण, चाण्ड तयं पज्जिह्म वा ॥२९॥
 पुट्ठी आउङ्गाए, तीज-चाउ पणम्मइ नमान ।
 पडिलेहणापमतो एण्णं पि विनाह्णो तीइ ॥३०॥
 पुट्ठी आउङ्गाए, तीज-चाउ पणम्मइ-नमान ।
 पडिलेहणाआउन्तो, तण्णं मंगण्णयो तीइ ॥३१॥

तइयाए पोरिसीए, भत्त पाणं गवेसए ।
 छण्ह अन्नपरागम्मि, कारणम्मि समुट्टिए ॥३२॥
 वेयणवेयावच्चे, इरियट्टाए य सजमट्टाए ।
 तह पाणवत्तियाए, छट्ठं पुण धम्मचिन्ताए ॥३३॥
 निगन्थो धिइमन्तो निगन्थी वि न करेज्जु छहिं चेव ।
 ठाणेहिं उ इमेहिं, अणइक्कमणाइ से होइ ॥३४॥
 आर्यंके उवसग्गे, तित्तिक्खया वम्भचेरगुत्तीसु ।
 पाणिदया तवहेउं, सरीर वोच्छेयणट्टाए ॥३५॥
 अवसेस भडग गिज्झं, चक्खुसा पडिलेहए ।
 परमट्टजोयणाओ, विहार विहरए सुणी ॥३६॥
 चउत्थीए पोरिसीए, निक्खित्ताण भायण ।
 सज्झायं तओ कुज्जा, सव्वभावविभावरं ॥३७॥
 पोरिसीए चउव्भाए, वन्दित्ताण तओ गुरुं ।
 पडिक्कमित्ता कालस्स, सेज्ज तु पडिलेहए ॥३८॥
 पासवणञ्चारभूमि च, पडिलेहिज्जु जय जई ।
 काउस्सगं तओ कुज्जा, सव्वदुक्खविमोक्खण ॥३९॥
 देवसियं च अइयार, चिन्तिज्जा अणुपुव्वसो ।
 नाणे य दसणे चेव, चरित्तम्मि तहेव य ॥४०॥
 पारियकाउस्सग्गे, वन्दित्ताण तओ गुरुं ।
 देवसियं तु अइयार, आलोएज्जु जक्कम्मं ॥४१॥
 पडिक्कमित्तु निस्सल्लो, वन्दित्ताण तओ गुरुं ।
 काउस्सगं तओ कुज्जा, सव्वदुक्खविमोक्खणं ॥४२॥

पारियकाउस्सग्गो,^१ वन्दित्ताण तत्रो गुरुं ।
 थुइमगल च काऊण, कालं सपडिलेहए ॥४३॥
 पढमं पोरिसि सज्भायं, वित्थियं, भाण भियायई ।
 तइयाए निहमोक्खं तु, सज्भाय तु चउत्थिए ॥४४॥
 पोरिसीए चउत्थीए, काल तु पडिलेहिया ।
 सज्भायं तु तत्रो कुञ्जा, अवोहन्तो असंजए ॥४५॥
 पोरिसीए चउत्थाए, वन्दिऊण तत्रो गुरुं ।
 पडिक्कमित्तु कालस्स, काल तु पडिलेहए ॥४६॥
 आगए कायवुसग्गे, सव्वदुक्खविमोक्खणे ।
 काउस्सग्ग तत्रो कुञ्जा सव्वदुक्खविमोक्खणं ॥४७॥
 राइय च अइयारं, चिन्तिञ्ज अणुपुच्चसो ।
 नाणमि दंसणंमि य, चरित्तंमि तवमि य ॥४८॥
 पारियकाउस्सग्गो, वन्दित्ताण तत्रो गुरुं ।
 राइयं तु अइयारं, आतोएज्ज जहइम ॥४९॥
 पडिक्कमित्तु निस्सल्लो, वन्दित्ताण तत्रो गुरुं ।
 काउस्सग्गं तत्रो कुञ्जा, सव्वदुक्खविमोक्खण ॥५०॥
 किं तव पडिवज्जामि, एव तत्थ विचिन्तए ।
 काउस्सग्गं तु पारित्ता, वन्दएनं तत्रो गुरुं ॥५१॥
 पारियकाउस्सग्गो, वन्दित्ताण तत्रो गुरुं ।
 तव तु पडियज्जेत्था, कुञ्जा सिद्धाण समय ॥५२॥
 एसा तामाघारो, समानेण विघाहिया ।
 जं चरित्ता चह जीया, तिण्णा नंनारनानरं ॥५३॥
 ॥ ६६ मासादारे नाम पारीवइतं धर्मशास्त्रं गमन ॥

१- गित्तायं शोधकं विरुत्ता । २- इतिज्जा निरुत्तं पदं ।

अह खलुकिज्जं णाम सत्तवीसइमं अज्भयणं

थेरे गणहरे गग्गे, मुणी आसि विसारए ।
 आइप्पणे गणिभावम्मि, समाहि पडिसघए ॥ १ ॥

वहणे वहमाणस्स, कतार अइवत्तए ।
 जोगे वहमाणस्स, ससारो अइवत्तए ॥ २ ॥

खलु के जो उ जोएइ, विहम्माणो किलिस्सइ ।
 असमाहि य वेएइ, तोत्तओ से य भज्जइ ॥ ३ ॥

एगं उसइ पुच्छम्मि, एग विन्धइ ऽभिवखणं ।
 एगो भजइ समिलं, एगो उप्पहपट्ठिओ ॥ ४ ॥

एगो पडइ पासेण, निवेसइ निवज्जइ ।
 उक्कुद्दइ उप्फिउइ, सढे वालगवी वए ॥ ५ ॥

माई मुद्धेण पडइ, कुद्धे गच्छइ पडिप्पहं ।
 मयलक्खेण चिइ, वेगेण य पहावइ ॥ ६ ॥

छिन्नाले छिन्दइ सिंलि, दुद्धन्तो भंजए जुगं ।
 सेवि य सुस्सुयाइत्ता, उज्जहिता पलायए ॥ ७ ॥

खलु का जारिसा जोज्जा, दुस्सीसा वि हु तारिसा ।
 जोइया दम्मजाणम्मि, भज्जंति विइदुव्वला ॥ ८ ॥

इड्ढीगारविए एगे, एगेऽत्य रसगारवे ।
 सायागारविए एगे, एगे सुचिरकोहणे ॥ ९ ॥

भिव्खालसिए एगे, एगे ओमाणभीरुए थद्धे ।
 एग आणुत्तासम्मि, हेअहि कारणेहि य ॥ १० ॥

सो वि अन्तरभासिल्लो, दोसमेव पकुव्वइ ।
 आयरियाणं तु वग्ग, पडिकूलेइऽभिवखणं ॥ ११ ॥

न सा ममं विद्याणाइ, न य सा मज्जक दाहिड ।
 निगया होहिइ मन्ने, साहू अत्रोत्य वच्चड ॥१२॥
 पेसिया पलिउचन्ति, ते पन्थिन्ति नमस्तत्रो ।
 रायविट्टि च मन्नन्ता, करेन्ति भिउडि मूहे ॥१३॥
 वाइया संगहिया चेव, भत्तपाणेहि फोसिया ।
 जायपक्खा जहा हंसा, पक्कमति दिसो दिंसि ॥१४॥
 अह नारही विचिन्तेइ, खलु केहि नमागघो ।
 कि मज्जक दुट्ठसीनेहि, सप्पा मे अवमीयड ॥१५॥
 जारिमा मम नीत्ताओ, तारिमा गलिगद्दहा ।
 गलिगद्दहे जहिन्नाणं, दढ पणिष्ण्ड तव ॥१६॥
 मिउमह्वसंपन्नो, गम्भीरो मुत्तमाहिओ ।
 विहरइ महि महप्पा, नील्लनूएण अप्पजा ॥१७॥

॥ १८ तद्देहिज्ज पाम ननवीन इम यन्तव ममत्त ॥

अह मोवत्तमग्गगई णाम अट्टावीनइमं अज्जभयण

मोवत्तमग्गगइ नत्थ, कृपेह जिणभगिणं ।
 अउत्तारणमंजुत्तं, नाणदत्तपन्नवणं ॥१८॥
 नाण च दंनणं चेत्य, चग्गिणं च तयो नत्ता ।
 एम मग्गुत्ति पत्तणो, जिणेहि चग्गंमिहि ॥१९॥
 नाण च दत्तणं चेत्य, चग्गिणं च तयो नत्ता ।
 एम मग्गमं गुत्तत्ता, जीणं गच्छन्ति मोग्गइ नत्तय

तत् । पंचविहं नाणं, सुयं आभिनिबोहिय ।
 ओहिनाणं तु तइय, मणनाण च केवल ॥४॥
 एयं पंचविह नाण, दव्वाण य गुणाण य ।
 पज्जवाण य सव्वेसि, नाण नाणीहि देसिय ॥५॥
 गुणःगमासओ दव्वं, एगदव्वस्सिया गुणा ।
 लक्खणं पज्जवाण तु उभओ अस्सिया भवे ॥६॥
 धम्मो अहम्मो आगासं, कालो पुग्गलजन्तवो ।
 एस लो गो त्ति पन्नत्तो, जिणोहं वरदंसिंहि ॥७॥
 धम्मो अहम्मो आगासं, दव्वं इक्किक्कमाहिय ।
 अणन्ताणि य दव्वाणि, कालो पुग्गलजन्तवो ॥८॥
 गइलक्खणो उ धम्मो, अहम्मो ठाणलक्खणो ।
 भायणं सव्वदव्वाणं, नहं ओगाहलक्खण ॥९॥
 वत्तणालक्खणो कालो, जीवो उवओगलक्खणो ।
 नाणेणं दसणेण च, सुहेण य दुहेण य ॥१०॥
 नाणं च दसण चेव, चरित्तं च तवो तथा ।
 वीरिय अक्खओगो य, एय जीवस्स लक्खण ॥११॥
 सट्ठन्धयार-उज्जोओ, पहा छायातवे इ वा ।
 वण्णरसगन्धफासा, पुग्गलाणं तु लक्खणं ॥१२॥
 एगत्तं च पुहत्तं च, संखा संठाणमेव य ।
 संजोगा य विभागा य, पज्जवाणं तु लक्खणं ॥१३॥
 जीवाजीवा य बन्धो य, पुण्णं पावासवो तथा ।
 संवरो निज्जरा मोक्खो, सन्तेए तहिया नव ॥१४॥

तहियाणं तु भावाणं, सवभावे उवएसण ।
भावेणं सदहन्तस्स, सम्मत्तं त वियाहिय ॥१५॥
निसग्गुवएसरुई, आणरुई सुत्तवीयरुइमेव ।
अभिगमवित्याररुई, किरिया-सखेव-धम्मरुई ॥१६॥
भूयत्येणाहिगया, जीवाजीवा य पुण्णपावं च ।
सहसम्मइयासवसंवरो य रोएइ उ निस्सग्गी ॥१७॥
जो जिणदिट्ठे भावे, चउव्विहे सदहाइ सयमेव ।
एमेव नन्नह त्ति य, स निसग्गरुइ त्ति नायव्वो ॥१८॥
एए चेव उ भावे, उवइट्ठे जो परेण सदहइ ।
छउमत्थेण जिणेण व, उवएसरुइ त्ति नायव्वो ॥१९॥
रागो दोसो मोहो, अन्नाणंजस्स अरवगय होइ ।
आणाए रोयंतो, सो खलु आणारुई नामं ॥२०॥
जो सुत्तमहिञ्चन्तो, सुएण ओगाहइ उ सम्मत्त ।
अंगेष वाहिरेण वा, सो सुत्तरुइ त्ति नायव्वो ॥२१॥
एणेण अणेगाइं, पयाइं जो पसरइ उ सम्मत्ते ।
उदएव्व तेल्लविन्दू, सो वीयरुइ त्ति नायव्वो ॥२२॥
सो होइ अभिगमरुई, सुयनाणं जेण अत्थओ दिट्ठं ।
एक्कारस अंगाइं, पइण्णग दिट्ठिवाओ य ॥२३॥
दव्वाण सव्वभावा, सव्वप्पमाणेहि जस्म उवलद्धा ।
सव्वाहि नयविहीहि य, वित्याररुइ त्ति नायव्वो ॥२४॥
दंसणनाणत्तरित्ते, तवविणए सव्वसमिइगुत्तोसु ।
जो किरियाभावरुई, सो खलु किरियारुई नामं ॥२५॥

अणभिग्गहियकुदिट्ठी, सखेवरुइ त्ति होइ नायव्वो ।
 अविसारओ पवयणे, अणभिग्गहिओ य सेसेसु ॥२६॥
 जो अत्थिकायधम्मं, सुयधम्म खलु चरित्तधम्मं च ।
 सदहइ जिणाभिहिय, सो धम्मरुइ त्ति नायव्वो ॥२७॥

परमत्थसथवो वा, सुदिट्ठपरमत्थसेवणा वा वि ।
 वावन्नकुदंसणवज्जणा, य सम्मत्तसदहणा ॥२८॥
 नत्थि चरित्तं सम्मत्तविहण, दंसणे उ भइयव्व ।
 सम्मत्तचरित्ताइ, जुगवं पुवं च समत्तं ॥२९॥

नादसणिस्स ताण,
 नाणेण विणा न ह्वन्ति चरणगुणा ।

अगुणिस्स नत्थि भोक्खो,
 नत्थि अमोक्खस्स निव्वाणं ॥३०॥

निस्संकिय-निक्कंखिय, निव्वितिगिच्छं अमूढदिट्ठी य ।
 उववूहथिरीकरणे, वच्छल्ल-पभावणे अट्ठ ॥३१॥

सामाइयत्थ पढमं, छेओवट्ठावण भवे विइयं ।
 परिहारविसुद्धीय, सुहुम तह संपरायं च ॥३२॥

अकसायमहक्खायं, छउमत्थस्स जिणस्स वा ।
 एयं चयरित्तकर, चारित्त होइ आहियं ॥३३॥

तवो य दुविहो वुत्तो, वाहिरव्वभन्तरो तहा ।
 वाहिरो छव्विहो वुत्तो, एवमव्वभन्तरो तवो ॥३४॥

नाणेण जाणइ भावे, दसणेण य सदहे ।
 चरित्तेण निगिण्हाइ, तवेण परिसुज्झइ ॥३५॥

खवित्ता पुव्वकम्माइ, संजमेण तवेण य ।

सव्वदुक्खप्पहीणट्ठा, पक्कमन्दि महेसिणो, त्ति वेमि ॥३६॥

॥ इय मोक्खमग्गई णाम अट्ठावीसइमं अञ्जयणं समत्ता ॥

अह सम्मत्तपरक्कमं एगूणतीसइम अञ्जयणं

सुयं मे आउसं ! तेण भगवया एवमक्खायं—इह खलु सम्मत्तपरक्कमे नाम अञ्जयणो समरणेण भगवया महावीरेण कासवेण पवेइए, जं सम्मं सद्वहित्ता, पत्तइत्ता, रोयइत्ता, फासित्ता, पालइत्ता, तीरित्ता, कित्तइत्ता, सोहइत्ता, आराहित्ता, आणाए अणुपालइत्ता वहवे जीवा सिज्झन्ति, बुज्झन्ति, मुच्चन्ति, परिनिव्वायन्ति, सव्वदुक्खाणमन्त करेन्ति । तस्स णं अयमट्ठे एवमाहिज्झइ तं जहा :—

सवेगे १ निव्वेए २ धम्मसद्धा ३ गुरुसाहम्मियसुस्सूतणया ४ आलोयणया ५ निन्दणया ६ गरहणया ७ सामाइए ८ चउव्वी-सत्यवे ९ वन्दणए १० पडिक्कमणे ११ काउत्सग्गे १२ पञ्च-क्खाणे १३ थवथुईमंगले १४ कालपडिलेहणया १५ पायच्छित्त-करणे १६ खमावणया १७ सज्जाए १८ वायणया १९ पडि-पुच्छणया २० पडियट्टणया २१ अणुप्पेहा २२ धम्मकहा २३ चुयस्स आराहणया २४ एगग्गमणसनिवेशणया २५ संजमे २६ तवे २७ वोदाणे २८ मुहसाए २९ अपडिवद्धया ३० विवित्त-सयणामणसेवणया ३१ विणियट्टणया ३२ सभोगपञ्चक्खाणे ३३ उवहियच्चक्खाणे ३४ आहारपच्चक्खाणे ३५ कसायपच्चक्खाणे ३६

जोगपञ्चवखाणे ३७ सरीरपञ्चवखाणे ३८ सहायपच्चवखाणे ३९
 भक्तपच्चवखाणे ४० सवभावपञ्चवखाणे ४१ पडिरूवणया ४२
 वेयावच्चे ४३ सव्वगुणसंपण्णया ४४ वीयरारागया ४५ खन्ती ४६
 मृत्ती ४७ मद्द्वे ४८ अज्जवे ४९ भावसच्चे ५० करणसच्चे ५१
 जोगसच्चे ५२ मणगुत्तया ५३ वयगुत्तया ५४ कायगुत्तया ५५
 मणसमाधारणया ५६ वयसमाधारणया ५७ कायसमाधार-
 णया ५८ नाणसपन्नया ५९ दंसणसंपन्नया ६० चरित्तसंपन्नया ६१
 सोइदियनिग्गहे ६२ चक्खिन्दियनिग्गहे ६३ घाणिन्दिय-
 निग्गहे ६४ जिठ्ठिभन्दियनिग्गहे ६५ फासिन्दियनिग्गहे ६६ कोह-
 विजए ६७ माणविजए ६८ मायाविजए ६९ लोहविजए ७०
 पेज्जदोसमिच्छादसणविजए ७१ सेलेसी ७२ अकम्मया ॥७३॥

संवेगेण भन्ते ! जीवे किं जणयइ ? संवेगेण अणुत्तरं धम्म-
 सद्ध जणयइ । अणुत्तराए धम्मसद्धाए संवेगं हव्वमागच्छइ ।
 अणन्ताणुवन्धिकोहमाणमायालोभे खवेइ । नवं च कम्म न
 वन्धइ । तप्पञ्चइयं च णं मिच्छत्तविसोहिं काऊण दसणाराहए
 भवइ । दसणविसोहीए य णं विसुद्धाए अत्येगइए तेणेव
 भवग्गहणेणं सिज्झइ । सोहीए य णं विसुद्धाए तच्चं पुणो
 भवग्गहणं नाइक्कमइ ॥१॥

निव्वेएण भन्ते ! जीवे किं जणयइ ? निव्वेएणं दिव्वमाणुस-
 तेरिच्छएनु कामभोगेसु निव्वेय हव्वमागच्छइ, सव्वविम-
 एसु विरज्जइ । सव्वविसएसु विरज्जमाणे आरम्भपरिच्चायं
 करेइ । आरम्भपरिच्चायं करेमाणे ससारमग्गं वोच्छिन्दइ,
 सिद्धिमग्ग पडिवन्ते य भवइ ॥२॥

१ मिज्झन्ति, वृज्झन्ति, मुच्चन्ति, परिनिव्वायन्ति, सव्वदुक्खसा-
 षमत्त कन्तेति । २. आरम्भपरिग्गहपरि० ।

धम्मसद्धाए णं भन्ते । जीवे किं जणयइ ? धम्मसद्धाए णं
जायासोक्खेसु रज्जमाणे विरज्जइ । आगारधम्मं च णं चयइ ।
अणगारिए णं जीवे सारीरमाणसाणं दुक्खाणं छेयणभेयण-
सजोगाईणं वोच्छेय करेइ अच्चावाहं च ण सुहं निव्वत्तेइ ॥३॥

गुरुसाहाम्मियसुस्सूसणयाए णं भन्ते ! जीवे किं जण-
चइ ? गुरुसाहम्मियसुस्सूसणयाए विणयपडिवत्ति जणयइ ।
विणयपडिवन्ते य णं जीवे अणच्चासायणसीले नेरइयतिरि-
क्खजोणियमणुस्सदेवदुग्गईओ निरुम्भइ । वण्णसजलणभत्ति-
वहुमाणयाए मणुस्सदेवगईओ निवन्धइ, सिद्धिं सोगइ च
विसोहेइ । पसत्याइ च णं विणयमूलाइं सव्वकज्जाइं साहेइ
अन्ने य बहुवे जीवे विणिइत्ता भवइ ॥४॥

आलोयणाए णं भन्ते ! जीवे किं जणयइ ? आलोयणाए
णं मायानियाणमिच्छादसणसल्लाणं मोक्खमग्गविग्घाणं अणं-
तसंसारवन्धणाणं उद्धरण करेइ । उज्जुभावं च जणयइ ।
उज्जुभावपडिवन्ते य णं जीवे अमाई इत्थीवेयनपुंसगवेयं च
न वन्धइ । पुव्ववद्धं च णं निज्जरेइ ॥५॥

निन्दणयाए णं भन्ते ! जीवे किं जणयइ ? निन्दणयाए णं
पच्छाणुत्तावं जणयइ । पच्छाणुत्तावेणं विरज्जमाणे करणगुण-
सेट्ठि पडिवज्जइ । करणगुणसेट्ठीपडिवन्ते य ण अणगारे मोह-
णिज्जं कम्मं उग्घाएइ ॥६॥

गरहणयाए णं भन्ते ! जीवे किं जणयइ ? गरहणयाए अपुर-
क्कार जणयइ । अपुरक्कारयाए ण जीवे अप्पसत्थेहिहो जोगेहिहो
नियत्तेइ, पसत्थे य पडिवज्जइ । पसत्थजोगपडिवन्ते य णं
अणगारे अणन्तघाइपज्जवे खवेइ ॥७॥

सामाइएणं भन्ते ! जीवे किं जणयइ ? समाइएण साव-
ज्जजोगविरइं जणयइ ॥८॥

चउव्वीसत्थएणं भन्ते ! जीवे किं जणयइ । चउव्वीसत्थ-
एणं दसणविगोहिं जणयइ ॥९॥

वन्दणएणं भन्ते ! जीवे किं जणयइ ? वन्दणएणं नीया-
गोय कम्मं खवेइ । उज्जागोयं कम्म निबन्धइ । सोहग्ग च णं
अपडिहयं आणाफल निव्वत्तेइ । दाहिणभावं च णं जण-
यइ ॥१०॥

पडिक्कमणेणं भन्ते ! जीवे किं जणयइ ? पडिक्कमणेणं
वयच्छिदाणि पिहेइ । पिहियघयच्छिद्दे पुण जीवे निरुद्धासवे
असवलचरित्ते अट्टसु पवयणमायासु उवउत्ते अपुहत्ते सुप्पणि-
हिदिए' विहरइ ॥११॥

काउसग्गेणं भन्ते ! जीवे किं जणयइ ? काउसग्गेणं
तीयपडुप्पन्नं पायच्छित्तं विसोहेइ । विसुद्धपायच्छित्ते य जीवे
निव्वुयहियए ओहरियभरुव्व भारवहे पसत्थज्झाणोवगए'
सुह सुहेणं विहरइ ॥१२॥

पच्चक्खाणेणं भन्ते ! जीवे किं जणयइ ? पच्चक्खाणेणं
आसवदाराइं निरुम्भइ । पच्चक्खाणेणं इच्छानिरोह जणयइ ।
इच्छानिरोहं गए य णं जीवे सव्वदव्वेसु विणीयतण्हे सीइभूए
विहरइ ॥१३॥

थवयुइमंगलेणं भन्ते ! जीवे किं जणयइ ? थवयुइमंगलेण नाण-

दंसणचरित्तवोहिलाभं जणयइ । नाणदंसणचरित्तवोहिलाभसंपन्ने य
णं जीवे अन्तकिरिय कप्पविमाणोववत्तिगं आराहणं आरा-
हेइ ॥१४॥

कालपडिलेहणयाए णं भन्ते ! जीवे किं जणयइ ?
कालपडिलेहणेणं णाणावरणिज्ज कम्म खवेइ ॥१५॥

पायच्छित्तकरणेणं भन्ते ! जीवे किं जणयइ ? पा० पाव-
विसोहिं जणयइ, निरइयारे यावि भवइ । सम्म च णं पाय-
च्छित्त पडिवज्जमाणे मग्ग च मग्गफल च विसोहेइ, आयारं
च आयारफलं च आराहेइ ॥१६॥

खमावणयाए णं भन्ते ! जीवे किं जणयइ ? ख० पल्हा-
यणभाव जणयइ । पल्हायणभावमुवगए य सव्वपाणभूय-
जीवसत्तेसु मित्तीभावमुप्पाएइ । मित्तीभावमुवगए य जीवे
भारविसेहिं काऊण निव्वभए भवइ ॥१७॥

सज्झाएणं भन्ते ! जीवे किं जणयइ ? स० णाणावरणिज्ज
कम्म खवेइ ॥१८॥

वायणाए णं भन्ते ! जीवे किं जणयइ ? वा० निज्जर जण-
यइ । सुयस्स य अणुसज्जणाए अणासायणाए वट्टए । सुयस्स
अणुसज्जणाए अणासायणाए वट्टमाणे तित्थधम्म अवलम्बइ ।
तित्थधम्मं अवलम्बमारो महानिज्जरे महापज्जवसारो भवइ ॥१९॥

पडिपुच्छणयाए ण भन्ते ! जीवे किं जणयइ ? प० सुत्त-
त्यतट्टुमयाइं विसोहेइ । कत्तापोहणिज्ज कम्मं वोच्छिन्दइ ॥२०॥

परिवट्टणयाए णं भन्ते ! जीवे किं जणयइ ? प० वट्ट-
णायं जणयइ, दंसणलट्ठि च उप्पाएइ ॥२१॥

अणुप्पेहाए ण भन्ते ! जीवे किं जणयइ ? अ० आउय-

वज्राश्रो सत्तकम्मपगडीश्रो घणियवन्धणवद्धाश्रो सिद्धिसवन्धण-
चद्धाश्रो पकरेइ । दीहकालट्टिइयाश्रो हस्सकालठिइयाश्रो पकरेइ ।
।त्त्वाणुभावाश्रो मन्दाणुभावाश्रो पकरेइ । (बहुपएसगाश्रो अप्प-
पएसगाश्रो पकरेइ) आउय च णं कम्मं सिया वन्धइ, सिया नो
वन्धइ । असायावेयणिज्ज च णं कम्म नो भुज्जो २ उवचिणइ ।
अणाइयं च ण अणवदग्ग दीहमद्ध चाउरन्तं ससारकान्तारं खिप्पामेव
वीइवयइ ॥२२॥

धम्मकहाए ण भन्ते ! जीवे किं जणयइ ? ध० कम्मनिद्धर
जणयइ । धम्मकहाए णं पावयणं पभावेइ । पवयणपभावेणं जीवे
आगमेसस्य भट्ताए कम्मं निवन्धइ ॥२३॥

सुयस्स आराहणयाए णं भन्ते ! जीवे किं जणयइ ? सु०
अन्नाणं खवेइ न य संकिलिस्सइ ॥२४॥

एगग्गमणसनिवेसणयाए णं भन्ते ! जीवे किं जणयइ ? ए०
चित्तनिरोहं करेइ ॥२५॥

संजमएणं भन्ते ! जीवे किं जणयइ ? स० अणण्हयत्त
जणयइ ॥२६॥

तवेण भन्ते ! जीवे किं जणयइ ? तवेणं वोदाए जण-
यइ ॥२७॥

वोदाएण भन्ते ! जीवे किं जणयइ ? वो० अकिरिय जण-
यइ । अकिरियाए भवित्ता तश्रो पच्छा सिज्भइ, वुज्भइ, मुच्चइ,
परिनिव्वायइ, सव्वदुक्खागमन्तं करेइ ॥२८॥

सुहसाएण भन्ते ! जीवे किं जणयइ ? सु० अणुस्सुयत्त
जणयइ । अणुस्सुयाए ण जीवे अणुकम्पए, अणुव्भडे, विगघसोगे
चरित्तमोहणिज्ज कम्मं खवेइ ॥२९॥

अप्पडिवद्धयाए ण भन्ते ! जीवे किं जणयइ ? अ० निस्सं-
गतं जणयइ । निस्सगत्तेण जीवे एगे एगगचित्ते दिथा य, राओ
य असज्जमाणे अप्पडिवद्धे यावि विहरइ ॥३०॥

विवित्तसयणासणयाए ण भन्ते ! जीवे किं जणयइ ? वि०
चरित्तमुत्ति जणयइ । चरित्तगुत्ते य ण जीवे विवित्ताहारे दहवरित्ते
एगन्तरए सोक्खभावपडिवन्ने अट्टविहकम्मगठि निज्जरेइ ॥३१॥

विनियट्टणयाए ण भन्ते ! जीवे किं जणयइ ? वि० पाद-
कम्माण अकरणयाए अट्ठभुट्ठेइ । पुब्बवद्धाण य निज्जरणायाए
पावं नियत्तेइ । तओ पच्छा चाउरन्तं ससारकन्तार वीइ-
वयइ ॥३२॥

संभोगपञ्चक्खारोणं भन्ते ! जीवे किं जणयइ ? स० आल-
म्बणाइ सवेइ । निरालम्बणस्स य आययट्ठिया जोगा भवन्ति ।
सएण लाभेणं संतुस्सइ, परलाभ नो आसादेइ, परलाभं नो तक्केइ,
नो पीहेइ, नो पत्थेइ, नो अलिभसइ । परलाभं अणामाएमाणे
अतक्केमाणे अपीहमाणे, अपत्थेमाणे, अणभिलसमाणे दुच्च
सूहसेज्जं उवसपज्जित्ता णं विहरइ ॥३३॥

उवहिपञ्चक्खारोणं भन्ते ! जीवे किं जणयइ ? उ० अपलि-
मन्यं जणयइ । निरुवहिए ण जीवे निक्कंखी उवहिमन्तरेण य न
नकिलिस्सइ ॥३४॥

आहारपञ्चक्खारोणं भन्ते ! जीवे किं जणयइ ? धा०
जीवियासंभप्पओगं वोच्छिन्दइ । जीवियामसप्पओगं वोच्छिन्दित्ता
जीवे आहारमन्तरेणं न संकिलिस्सइ ॥३५॥

कमायपञ्चक्खारोणं भन्ते ! जीवे किं जणयइ । क० वीय-

रागभावं जणयइ । वीयरगभावपडिवन्ते वि य णं जीवे सम-
सुहदुक्खे भवइ ॥३६॥

जोगपञ्चक्खारोण भन्ते ! जीवे किं जणयइ । जो० अजोगत्त
जणयइ । अजोगी ण जीवे नवं कम्म न वन्धइ, पुव्ववद्ध
निज्जरेइ ॥३७॥

सरीरपञ्चक्खारोण भन्ते ! जीवे किं जणयइ ? सो सिद्धा-
इसयगुणकित्तए निव्वत्तेइ । सिद्धाइसयगुणसंपन्ने य ण जीवे
लोगगमुवगए परमसुही भवइ ॥३८॥

सहायपञ्चक्खारोण भन्ते ! जीवे किं जणयइ ? सो एगी-
भाव जणयइ । एगीभावभूए य ण जीवे एगत्त भावेमाणे अप्पसद्दे,
अप्पभक्के, अप्पकलहे, अप्पकसाए, अप्पतुमत्तुमे, संजमवहुले, सवर-
वहुले, समाहिए यावि भवइ ॥३९॥

भत्तपच्चक्खारोणं भन्ते ? जीवे किं जणयइ ? भ० अरोगाई
भवसयाई निरुम्भइ ॥४०॥

सदभावपञ्चक्खारोणं भन्ते ! जीवे किं जणयइ ? सो अनि-
र्याट्टि जणयइ । अनियट्टिपडिवन्ते य अणगारे चत्तारि केवली-
कम्मसे खवेइ, तं जहा—वेयणिज्जं, आउय नाम गोयं । तत्रो पच्छा
सिज्जइ, वुज्जइ, मच्चइ जाव सव्वदुक्खाणमन्तं करेइ ॥४१॥

पडिरुवयाए णं भन्ते ! जीवे किं जणयइ ? प० लाघवियं
जणयइ । लघुभूए ण जीवे अप्पमत्ते, पागडल्लिगे, पसत्थाल्लिगे,
विमुद्धत्तमत्ते सत्तसमिइसमत्ते सव्वपाणभूयजीवसत्तेसु वीससणिज्ज-
ह्वे अप्पडिलेहे जिइन्दिए, विउलतवसमिइसमत्तागए यावि
भवइ ॥४२॥

वेयावच्चेणं भन्ते ! जीवे किं जणयइ ? वे० तित्ययरनाम-
गोत्त कम्मं निबन्धइ ॥४३॥

सव्वगुणसपन्नयाए णं भन्ते ! जीवे किं जणयइ ? स०
अपुणरावत्तिं जणयइ । अपुणरावत्तिं पत्तए य णं जीवे सारीर-
माणसाणं दुक्खाणं नो भागी भवइ ॥४४॥

वीयरागयाए ण भन्ते ! जीवे किं जणयइ ? वी० नेहाणुव-
न्धणाणि नण्हाणुवन्धणाणि य वोच्छिन्दइ, मणुत्तामणुत्तेसु
सद्दफरिसरुवरसगन्धेसु' चेव विरज्जइ ॥४५॥

खन्तीए ण भन्ते ! जीवे किं जणयइ ? खन्तीए परीसहे
जिणइ ॥४६॥

मुत्तीए णं भन्ते ! जीवे किं जणयइ ? मु० अकिंचण
जणयइ । अकिंचणे य जीवे अत्यलोलाण पुत्तिसाण अपत्य-
णिज्जो भवइ ॥४७॥

अज्जवयाए णं भन्ते ! जीवे किं जणयइ ? अ० काउज्जुययं,
भावुज्जुयय, भासुज्जुययं, अविसवायणं जणयइ । अविसंवायण-
संपन्नयाए णं जीवे धम्मस्स आराहए भवइ ॥४८॥

मद्दवयाए ण भन्ते ! जीवे किं जणयइ ? म० अणुत्ति-
यत्तं जणयइ । अणुत्तिपत्तेण जीवे मिउमद्दवमपन्ने अद्द
मयद्दणाईं निद्दवेइ ॥४९॥

भावसच्चेण भन्ते ! जीवे किं जणयइ ? भा० भावविमोहि
जणयइ । भावविमोहिए वद्दमाणे जीवे अरहन्तपन्नत्तरस
धम्मस्स आराहणयाए अद्दभुद्देइ । अरहन्तपन्नत्तरस धम्मस्स
आराहणयाए अद्दभुद्दित्ता परलोगधम्मस्स आराहए भवइ ॥५०॥

? नु मच्चित्ताचित्तदोभाएनु ।

करणसञ्चेण भन्ते ! जीवे किं जणयइ । क० करणसत्तिं जणयइ । करणसञ्चे वट्टमाणे जीवे जहा वाई तहा कारी यावि भवइ ॥५१॥

जोगसञ्चेण भन्ते ! जीवे किं जणयइ । जो० जोग विसोहेइ ॥५२॥

मणुगुत्तयाए ण भन्ते ! जीवे किं जणयइ ? म० जीवे एगगं जणयइ । एगगचित्ते ण जीवे मणुगुत्ते संजमाराहए भवइ ॥५३॥

वयगुत्तयाए ण भन्ते ! जीवे किं जणयइ ? व० निव्वियारत्तं जणयइ । निव्वियारे ण जीवे वइगुत्ते अज्भयणजोगसाहणजुत्ते यावि विहरइ ॥५४॥

कायगुत्तयाए णं भन्ते ! जीवे किं जणयइ ? का० संवरं जणयइ । संवरेणं कायगुत्ते पुणो पावासवनिरोहं करेइ ॥५५॥

मणसमाहारणयाए णं भन्ते ! जीवे किं जणयइ ? म० एगगं जणयइ । एगगं जणइत्ता नाणपज्जवे जणयइ । नाणपज्जवे जणइत्ता सम्मत्त विसोहेइ, मिच्छत्तं च निज्जरेइ ॥५६॥

वयसमाहारणयाए भन्ते ! जीवे किं जणयइ ? व० वयसाहारणदंसणपज्जवे विसोहेइ । वयसाहारणदंसणपज्जवे विसोहिता सुन्नहवोहियत्तं निव्वत्तेइ, दुल्लहवोहियत्तं निज्जरेइ ॥५७॥

कायसमाहारणयाए ण भन्ते ! जीवे किं जणयइ ? का० चरित्तपज्जवे विसोहेइ । चरित्तपज्जवे विसोहिता अहक्खायचरित्तं विसोहेइ । अहक्खायचरित्तं विसोहिता चत्तारि केवलिकम्मसे खवेइ । तत्रो पच्छा सिज्भइ, वुज्भइ, मुच्चइ, परिनिव्वाइ, सव्वदुक्खाणमन्तं करेइ ॥५८॥

नाणसंपन्नयाए णं भन्ते ! जीवे किं जणयइ ? ना० जं
सव्वभावाहिगम जणयइ । नाणसपन्ने जीवे चाउरन्ते सना
कन्तारे न विणस्सइ ।

जहासूई समुत्ता पडिया न विणस्सइ ।

तहा जीवे ससुत्ते ससारे न विणस्सइ ॥

नाणविणयतवचरित्तजोगे सपाउणइ, ससमयपरसम
विसारए य असंधायणिज्जे भवइ ॥५६॥

दसणसपन्नयाए णं भन्ते ! जीवे किं जणयइ ? दं० भ
मिच्छत्तद्येयणं करेइ, परं न विज्झायइ । परं अविज्झाएमा
अणुत्तरेणं नाणदसणेणं अप्पाणं नजोएमरणे सम्मं भा
माणे विहरइ ॥६०॥

चरित्तसंपन्नयाए ण भते ! जीवे किं जणयइ ? च० सेलेनं
भाव जणयइ । सेलेसि पडिवन्ने य अणगारे चत्तारि केवलि
कम्मसे खवेइ । तथो पच्छा मिज्झइ, वुज्झइ, मुच्चइ, परि
निव्वायइ, सव्वदुक्खाणमन्त करेइ ॥६१॥

सोइन्दियनिग्गहेणं भते ! जीवे किं जणयइ ? सो० मण
न्नामणुन्नेमु महेसु रागदोसनिग्गहं जणयइ, तप्पच्चइयं कम्म
च णं न वन्धइ, पुव्ववद्धं च निज्जरेइ ॥६२॥

चरित्तसंपन्नयाए ण भते ! जीवे किं जणयइ ? च० मण
न्नामणुन्नेमु महेसु रागदोसनिग्गहं जणयइ, तप्पच्चइयं कम्म
च णं न वन्धइ, पुव्ववद्धं च निज्जरेइ ॥६३॥

घाणिन्दियनिग्गहेणं भते ! जीवे किं जणयइ ? घा० मण
न्नामणुन्नेमु महेसु रागदोसनिग्गहं जणयइ, तप्पच्चइयं कम्म
च णं न वन्धइ, पुव्ववद्धं च निज्जरेइ ॥६४॥

जिठिभन्दियनिग्गहेणं भते ! जीवे किं जणयइ ? जि० मणु-
न्नामणुन्नेसु रसेसु रागदोसनिग्गह जणयइ, तप्पञ्चइयं च ण
कम्मं न वन्धइ, पुव्ववद्धं च निज्जरेइ ॥६५॥

फासिन्दियनिग्गहेण भंते ! जीवे किं जणयइ ? फा० मणु-
न्नामणुन्नेसु फासेसु रागदोसनिग्गहं जणयइ, तप्पञ्चइयं च णं
कम्मं न वन्धइ, पुव्ववद्धं च निज्जरेइ ॥६६॥

कोहविजएणं भन्ते ! जीवे किं जणयइ ? को० खन्ति जण-
यइ, कोहवेयणिज्जं कम्मं न वन्धइ, पुव्ववद्धं च निज्जरेइ ॥६७॥

माणविजएणं भते ! जीवे किं जणयइ ? मा० मद्दवं जणयइ,
माणवेयणिज्ज कम्मं न वन्धइ, पुव्ववद्धं च निज्जरेइ ॥६८॥

मायाविजएण भन्ते ! जीवे किं जणयइ ? मा० अज्जवं जण-
यइ, मायावेयणिज्ज कम्मं न वन्धइ, पुव्ववद्ध च निज्जरेइ ॥६९॥

लोभविजएण भन्ते ! जीवे किं जणयइ ? लो० संतोसं
जणयइ, लोभवेयणिज्ज कम्मं न वन्धइ, पुव्ववद्धं च निज्जरेइ ॥७०॥

पिज्जदोसमिच्छादंसणविजएण भन्ते ! जीवे किं जणयइ ?
पि० नाणदसणचरित्ताराहणयाए अब्भुट्ठेइ । अट्ठविहस्स
कम्मस्स कम्मगण्ठविमोयणयाए तप्पढमयाए जहाणुपुव्वीए
अट्ठावीसइविहं मोहणिज्जं कम्म उग्घाएइ, पञ्चविहं नाणावर-
णिज्जं, नवविहं दंसणावरणिज्ज, पंचविहं अन्तराइयं, एए
तिन्नि वि कम्मसे जुगवं खवेइ । तद्यो पच्छा अणुत्तर, कसिणं,
पटिपुण्ण, निरावरण, वित्तिमिरं, विसुद्धं, लोगालोगप्पभाव, केवल-
वरनाणदंसणं समुप्पाडेइ । जाव सजोगी भवइ, ताव ईरिया-
वहियं कम्म निवन्धइ, सुहफरिस दुसमयठिइयं । तं पढस-
समए वद्ध, विइयसमए वेइयं, तइयसमए निज्जिणं, तं वद्ध,

पुट्ट उदीरियं वेइय निज्जिण्ण सेयाले य अकम्म यावि भवइ ॥७१॥

अहाउय पालइत्ता अन्तोमुहुत्तद्वावसेसाए जोगनिरोहं
करेमाणे सुहुमकिरियं अप्पडिवाइ सुक्कज्जाण भायमाणे
तप्पढमयाए मणजोग निरुंभइ, वयजोगं निरुंभइ, कायजोग
निरुंभइ आणपाणनिरोहं करेइ, ईसि पचहस्सक्खरुच्चारणद्धाए
य णं अणगारे समुच्छिन्नकिरियं अनियट्टिसुक्कज्जाणं भियाय-
माणे वेयणिज्ज आउय नाम गोत्तं च एए चत्तारि कम्मंसे
जुगवं खवेइ ॥७२॥

तओ ओरालियतेयकम्माइ सव्वाहिं विप्पजहणाहिं विप्प-
जहिता उज्जुसेडिपत्ते, अफुसमाणगई उड्ढं एगसमएणं
अविग्गहेणं तत्थ गन्ता सागारोवउत्ते सिज्जइ, बुज्जइ,
जाव अत करेइ ॥७३॥

एस खलु सम्मत्तपरक्कम्मस्स अञ्जयणस्स अट्टे समणेणं
भगवया महावीरेणं आघविए, पन्नविए, परुविए, दसिए,
निदसिए, उवदंसिए, ति वेमि ॥७४॥

॥ इय सम्मत्तपरक्कमे णाम एगूणतीसइमं अञ्जयणं ममत्तं ॥

ग्रह तवमग्गं तीसइमं अञ्जयणं

जहा उ पावग कम्म, रागदोससमज्जियं ।
खवेइ तवसा भिक्खू, तमेगगमणो सुण ॥१॥

पाणिवहमुसावाया अदत्तमेहुणपरिग्गहा विरओ ।
राईभोयणविरओ, जीवो भवइ अणासवो ॥२॥

पचसमिश्रो तिगुत्तो, अकसाओ जिइन्दिओ ।
 अगारवो य निस्सल्लो, जीवो होइ अणासवो ॥३॥
 एएंसि तु विवञ्जासे, रागदोससमञ्जिय ।
 खवेइ उ जहा भिक्खू, तमेगग्गमणो सुण ॥४॥
 जहा महातलायस्स, संनिरुद्धे जलागमे ।
 उस्सिचणाए तवणाए, कमेणं सोसणा भवे ॥५॥
 एवं तु सजयस्सावि, पावकम्मनिरासवे ।
 भवकोडीसंचियं कम्म, तवसा निज्जरिज्जइ ॥६॥
 सो तवो दुविहो वुत्तो, वाहिरव्वभन्तरो तथा ।
 वाहिरो छव्विहो वुत्तो, एवमव्वभन्तरो तवो ॥७॥
 अणसणमूणोयरिया, भिक्खायरिया य रसपरिञ्चाओ ।
 कायकिलेसो संलीणया य वज्झो तवो होइ ॥८॥
 इत्तरियमरणकाला य, अणसणा दुविहा भवे ।
 इत्तरिया सावकंखा, निरवकखा उ विइज्जिया ॥९॥
 ओ सो इत्तरियतवो, सो समासेण छव्विहो ।
 सेढित्तवो पयरतवो, घणो य तह होइ वग्गो य ॥१०॥
 तत्तो य वग्गवग्गो, पचमो छदुओ पइण्णतवो ।
 मणइच्छियचित्तत्थो, नायव्वो होइ इत्तरिओ ॥११॥
 जा सा अणलणा मरणे, दुविहा सा वियाहिया ।
 सवियारमवियारा, कायचिट्ठ पई भवे ॥१२॥
 अहवा सपरिकम्मा, अपरिकम्मा य आहिया ।
 नोहारिमतीहारी, आहारच्छेओ दोसु वि ॥१३॥

श्रोमोयरणं पंचहा, समासेण विद्याहियं ।
 दव्वओ खेत्तकालेण, भावेण पज्जवेहि य ॥१४॥
 जो जस्स उ आहारो, तत्तो श्रोमं तु जो करे ।
 जहन्नेणंग-सित्थाई, एवं दव्वेण उ भवे ॥१५॥
 गामे नगरे तह रायहाणि-निगमे य आगरे पल्ली ।
 खेडे कव्वड दोगमुह-पट्टण-मडम्ब-सबाहे ॥१६॥
 आसमपए विहारे, सन्निवेसे समाय-घोसे य ।
 थलिसेणाखन्धारे, सत्थे सवट्ट-कोट्टे य ॥१७॥
 वाडेसु य रत्थासु व, घरेसु वा एवमित्थिय खेत्तं ।
 कप्पइ उ एवमाइ, एव खेत्तेण उ भवे ॥१८॥
 पेडा य अद्धपेडा, गोमुत्ति पयगवीहिया चेव ।
 सम्बुक्कावट्टाययगन्तुं पच्चागया, छट्टा ॥१९॥
 दिवसस्स पोरुसीणं, चउण्हपि उ जत्तिओ भवे कालो ।
 एव चरमाणो खलु, कालोमाण मुण्येव्व ॥२०॥
 अहवा तइयाए पोरिसीए, ऊणाइ घासमेसन्तो ।
 चउभागूणाए वा, एवं कालेण उ भवे ॥२१॥
 इत्थी वा पुरिसो वा, अलक्किओ वाऽनलंक्किओ वात्ति ।
 अन्नयरवयत्थो वा, अन्नघरेणं व वत्थेणं ॥२२॥
 अन्नेण विसेसेण, वण्णेणं भावमणुमुयन्ते उ ।
 एव चरमाणो खलु, भावोमाण मुण्येव्वं ॥२३॥
 दव्वे खेत्ते काले भावस्मि य, आहिया उ जे भावा ।
 एएहि श्रोमचरओ, पज्जवचरओ भवे भिक्खू ॥२४॥

श्रुद्विहगोयरग तु, तथा सत्तेव एसणा ।
 श्रभिग्गहा य जे अन्ते, भिक्खायरियमाहिया ॥२५॥
 खीरदहिसप्पिमाई, पणीय पाणभोयण ।
 परिवज्जणं रसाण तु, भणिय रसविवज्जणं ॥२६॥
 ठाणा वीरासणाईया, जीवस्स उ सुहावहा ।
 उग्गा जहा धरिज्जन्ति, कायकिलेस तमाहियं ॥२७॥
 एगन्तमणावाए, इत्थी-पसु-विवज्जिए ।
 सयणासणसेवणया, विवित्तसयणासण ॥२८॥
 एसो वाहिरंगतवो, समासेण वियाहिओ ।
 श्रद्विभन्तर तव एत्तो, बुच्छामि श्रणपुच्चसो ॥२९॥
 पायच्छित्तं विणओ, वेयावच्च तहेव सज्झाओ ।
 भाणं च विउरुग्गो, एसो श्रद्विभन्तरो तवो ॥३०॥
 श्रालोयणारिहाइय. पायच्छित्त तु दसविहं ।
 जं भिक्खु वहइ सम्म, प्पायच्छित्तं तमाहिय ॥३१॥
 श्रद्वभुट्टाणं अजलिकरणं, तहेवासणदायणं ।
 गुरुभत्तिभावसुस्ससा, विणओ एस वियाहिओ ॥३२॥
 श्रायरियमाईए, वेयावच्चम्मि दसविहे ।
 श्रासेवणं जहायाम, वेयावच्चं तमाहियं ॥३३॥
 वायणा पुच्छणा चेव, तहेव परियट्टणा ।
 श्रणुप्पेहा धम्मकहा, सज्झाओ पच्चहा भवे ॥३४॥
 श्रद्वरुद्धाणि वज्जित्ता, भाएज्जा सुसमाहिए ।
 धम्मसूक्काइ ऋणाइं, भाणं तं तु बुहा वए ॥३५॥

सयणासणठाणे वा, जे उ भिक्खू न वावरे ।
 कायस्स विउस्सग्गे, छट्ठो सो परिकित्तिओ ॥३६॥
 एवं तवं तु दुविहं, जे सम्मं आयरे मुणी ।
 सो खिप्पं सव्वसंसारा, विप्पमुच्चइ पण्डओ, त्ति वेमि ॥३७॥

॥ इय तवमग्ग नाम तीसइम अज्झयणं समत्तं ॥

अह चरणविही नामं एगतीसइमं अज्झयणं

चरणविहि पवक्खामि, जीवस्स उ सुहावह ।
 जं चरित्ता बहू जीवा, तिण्णा ससारसागर ॥१॥
 एगओ विरइ कुज्जा, एगओ य पवत्तणं ।
 असजमे निर्यत्ति च, संजमे य पवत्तणं ॥२॥
 रागदोसे य दो पावे, पावकम्मप्पवत्तणे ।
 जे भिक्खू रु भइ निच्चं, से न अच्चइ मण्डले ॥३॥
 दण्डाणं गारवाणं च, सल्लाणं च तियं तिय ।
 जे भिक्खू चयइ निच्चं, से न अच्चइ मण्डले ॥४॥
 दिव्वे य जे उवसग्गे, तहा तेरिच्छ-माणुसे ।
 जे भिक्खू सहइ निच्चं, से न अच्चइ मण्डले ॥५॥
 विगहा-कसाय-सन्नाणं, भाणाणं च दुय तहा ।
 जे भिक्खू वज्जइ निच्चं, से न अच्चइ मण्डले ॥६॥
 वएसु इन्दियत्थेसु, समिईसु किरियासु य ।
 जे भिक्खू जयइ निच्चं, से न अच्चइ मण्डले ॥ ८ ॥

लेमासु छसु काएसु, छक्के आहार-कारण ।
 जे भिक्खू जयइ निच्चं, से न अच्छइ मण्डले ॥ ८ ॥
 पिण्डोग्गह-पडिमासु, भयट्टाणेषु सत्तमु ।
 जे भिक्खू जयइ निच्च, से न अच्छइ मण्डले ॥ ९ ॥
 मदेसु वम्भगत्तीसु, भिक्खूधम्मम्मि दसविहे ।
 जे भिक्खू जयइ निच्चं, से न अच्छइ मण्डले ॥ १० ॥
 उवामगाणां पडिमासु, भिक्खूण पडिमासु य ।
 जे भिक्खू जयइ निच्च, से न अच्छइ मण्डले ॥ ११ ॥
 किरियामु भूयगामेषु परमाहम्मिएसु य ।
 जे भिक्खू जयइ निच्च, से न अच्छइ मण्डले ॥ १२ ॥
 गाहासोलसएहि, तथा असजमम्मि य ।
 जे भिक्खू जयइ निच्च, से न अच्छइ मण्डले ॥ १३ ॥
 वम्भम्मि नायज्जत्रणेषु, ठाणेषु यऽममाहिए ।
 जे भिक्खू जयइ निच्च, से न अच्छइ मण्डले ॥ १४ ॥
 एगवीनाए सवले, वावीसाए परीसहे ।
 जे भिक्खू जयइ निच्च, से न अच्छइ मण्डले ॥ १५ ॥
 तेवीसाइ सूयगडे, रुवाहिएसु सुरेसु ।
 जे भिक्खू जयइ निच्च, से न अच्छइ मण्डले ॥ १६ ॥
 पणवीमभादणासु, उट्ठेसेसु दसाईणं ।
 जे भिक्खू जयइ निच्च, से न अच्छइ मण्डले ॥ १७ ॥
 अणगारगुणेहि च, पगप्पम्मि तहेव व ।
 जे भिक्खू जयइ निच्च, से न अच्छइ मण्डले ॥ १८ ॥

पावसुयपसगेसु, मोहट्टाणेसु चैव य ।
 जे भिक्खू जयइ निच्चं, से न अच्छइ मण्डले ॥१९॥
 सिद्धाइगुणजोगेसु, तेत्तीसासायणासु य ।
 जे भिक्खू जयइ निच्च, से न अच्छइ मण्डले ॥२०॥
 इय एएसु ठाणेसु, जे भिक्खू जयइ सया ।
 खिप्प सो सव्वससारा, विप्पमुच्चइ पण्डओ, त्ति वेमि ॥२१॥
 ॥ इय चरणविही नाम एगतीसइम अज्भयणं समत्त ॥

अह पमायट्टाणं वत्तीसइम अज्भयण

अच्चन्तकालस्स समूलगत्स,
 सव्वस्स दुक्खस्स उ जो पमोक्खो ।
 तं भासओ मे पडिपुण्णचित्ता,
 सुणह एगन्तहिय हियत्थं ॥१॥
 नाणस्स सव्वस्स पगासणाए,
 अन्नाणमोहस्स विवज्जणाए ।
 रागस्स दोसस्स य सखाएणं,
 एगन्तसोक्खं समुवेइ मोक्ख ॥२॥
 तस्सेस मग्गो गुरुविद्धसेवा,
 विवज्जणा बालजणस्स दूरा ।
 सज्भाय-एगन्तनिसेवणा य,
 सुत्तत्थसचिन्तणया धिई य ॥३॥
 आहारमिच्छे मियमेसणिज्ज,
 सहायमिच्छे निज्जणत्थवुद्धि ।

निकेयमिच्छेज्ज विवेगजोगं,
 समाहिकामे समणे तवस्सी ॥४॥
 न वा लभेज्जा निउणं सहायं
 गुणाहिय वा गुणओ सम वा ।
 एगो वि पावाइं विवज्जयतो',
 विहरेज्ज कामेसु असज्जमाणो ॥५॥
 जहा य अण्डप्पभवा वलागा,
 अण्डं वलागप्पभव जहा य ।
 एमेव मोहाययणं खु तण्हा,
 मोहं च तण्हाययणं वयन्ति ॥६॥
 रागो य दोसो वि य कम्मवीयं,
 कम्म च मोहप्पभवं वयन्ति ।
 कम्मं च जाइमरणस्स मूलं,
 दुक्ख च जाइमरणं वयन्ति ॥७॥
 दुक्ख हयं जस्स न होइ मोहो,
 मोहो हओ जस्स न होइ तण्हा ।
 तण्हा हया जस्स न होइ लोहो,
 लोहो हओ जस्स न किचणाइ ॥८॥
 राग च दोसं च तहेव मोहं,
 उद्धत्तुकामेण समूलजालं ।
 जे जे उवाया पड्विज्जियच्चा,
 ते कित्तइस्सामि अहाणुपुंवि ॥९॥
 रसा पगामं न निसेवियच्चा,
 पायं रसा दित्तिकरा नराणं ।

दित्तं च कामा समभिद्वन्ति,
दुम जहा साउफल व पक्खी ॥१०॥

जहा दवग्गी पउरिन्धणे वणे,
समारुओ नोवसमं उवेइ ।

एविन्दिअग्गी वि पगामभोइणो,
न बम्भयारिस्स हियाय कस्सइ ॥११॥

विवित्तसेज्जासणजन्तियाणं,
ओमासणाणं दमिइन्दिआण ।

न रागसत्तु धरिसेइ चित्तं,
पराइओ वाहिरिवोसहेहि ॥१२॥

जहा विरालावसहस्स मूले,
न मूसगाणं वसही पसत्था ।

एमेव इत्थीविलयस्स मज्झे,
न बम्भयारिस्स खमो निवासो ॥१३॥

न रुवत्तावण्ण विलासहासं,
न जपिय इंगियपेहिय वा ।

इत्थीण चित्तसि निवेसइत्ता,
दट्ठु ववस्से समणे तवस्सो ॥१४॥

अदंसणं चेव अपत्थणं च,
अचिन्तणं चेव अकित्तणं च १

इत्थीजणस्सारियज्झाणजुग्गं,
हियं सया बम्भवए रयाणं ॥१५॥

काम तु देवीहि विभूसियाहि,
 न चाइया खोभइउ तिगुत्ता ।
 तथा वि एगन्तहियं ति नच्चा,
 विवित्तवासो मुणीणं पसत्थो ॥१६॥
 मोक्खाभिकंखिस्स उ माणवस्स,
 ससारभीरुस्स ठियस्स घम्मे ।
 नेयारिसं दुत्तरमत्थि लोए,
 जहित्थिओ बालमणोहराओ ॥१७॥
 एए य सगे समइक्कमित्ता,
 सुहुत्तरा चेव भवन्ति सेसा ।
 जहा महासागरमुत्तरित्ता,
 नई भवे अवि गङ्गासमाणा ॥१८॥
 कामाणुगिद्विप्पभवं खु दुक्ख,
 सव्वस्स लोगस्स सदेवगस्स ।
 जं काइयं माणसिय च किञ्चि,
 तस्सन्तग गच्छइ वीयरगो ॥१९॥
 जहा य किम्पागफला मणोरमा,
 रसेण वण्णेण य भुञ्जमाणा ।
 ते खुहुए जीविए पच्चमाणा,
 एओवमा कामगुणा विवागे ॥२०॥
 जे इंदियाणं विसया मणुन्ना,
 न तेसु भावं निसिरे कयाइ ।
 न यामणुन्नेसु मणं पि कुञ्जा,
 तनाहिकामे समणे तवस्सी ॥२१॥

चक्खस्स रूवं गहणं वयन्ति,
 त रागहेउ तु मणुन्नमाहु ।
 त दोसहेउं अमणुन्नमाहु,
 समो य जो तेसु स वीयरगो ॥२२॥

रूवस्स चक्खु गहणं वयन्ति,
 चक्खुस्स रूव गहणं वयन्ति ।
 रागस्स हेउं समणुन्नमाहु,
 दोसस्स हेउ अमणुन्नमाहु ॥२३॥

रूवेसु जो गिद्धिमुवेइ तिव्वं,
 अकालिय पावइ से विणास ।
 रागाउरे से जह वा पयंगे,
 आलोयलोले समुवेइ मच्चुं ॥२४॥

जे यावि दोस समुवेइ तिव्व,
 तंसि खणे से उ उवेइ दुक्खं ।
 दुद्धन्तदोसेण सएण जन्तू,
 न किञ्चि रूव अवरज्झइ से ॥२५॥

एगन्तरत्ते रुइरसि रूवे,
 अतालसे से कुणइ पओसं ।
 दुक्खस्स सम्पीलमुवेइ वाले,
 न लिप्पइ तेण मुणी विरागो ॥२६॥

रूवाणुगासाणुगए य जीवे,
 चराचरे हिंसइणेरूवे ।
 चित्तेहि ते परितावेइ वाले,
 पीलेइ अत्तट्टुगुरु किलिट्ठे ॥२७॥

रुवाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुह से,
 सम्भोगकाले य अतित्तलाभे ॥२८॥
 रुवे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अत्तुट्ठिदोसेण दुही परस्स,
 लोभाविले आययइ अदत्त ॥२९॥
 तण्हाभिभूयस्स अदत्तहारिणो,
 रुवे अतित्तस्स परिग्गहे य ।
 मायामुसं वड्ढइ लोभदोसा,
 तत्थावि दुक्खा न विमुच्चइ से ॥३०॥
 मोमस्स पच्छा य पुरत्थओ य,
 पयोगकाले य दुही दुरन्ते ।
 एवं अदत्ताणि समाययन्तो,
 रुवे अतित्तो दुहिओ अणिस्सो ॥३१॥
 रुवाणुरत्तस्स नरस्स एवं,
 कत्तो सुहं होज्ज कयाइ किञ्चि ।
 तत्थोवभोगे वि किलेसदुक्खं,
 निव्वत्तइ जस्स कएण दुक्ख ॥३२॥
 एमेव रुवम्मि गओ पओसं,
 उवेइ दुक्खोहपरपराओ ।
 पदुट्ठित्तो य चिणाइ कम्म,
 जं से पुणो होइ दुहं विवागे ॥३३॥

रूवे विरत्तो मणुओ विसोगो,
 एएण दुक्खोहपरपरेण ।
 न लिप्पए भवमज्झे वि सन्तो,
 जलेण वा पोक्खरिणी पलासं ॥३४॥
 सोयस्स सद्द गहणं वयन्ति,
 त रागहेउं तु मणुन्नमाहु ।
 त दोसहेउं अमणुन्नमाहु,
 समो य जो तेसु स वीयरगो ॥३५॥
 सद्दस्स सोयं गहणं वयन्ति,
 सोयस्स सद्द गहणं वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥३६॥
 सद्देसु जो गिद्धिमुवेइ तिव्व,
 अकालिय पावइ से विणासं ।
 रागाउरे हरिणमिगे व मुद्धे,
 सद्दे अतित्ते समुवेइ मच्चुं ॥३७॥
 जे यावि दोसं समुवेइ तिव्वं,
 तंसि क्खणे से उ उवेइ दुक्खं ।
 दुद्धन्तदोसेण सएण जन्तू,
 न किञ्चि सद्दो अवरज्झइ से ॥३८॥
 एगन्तरत्ते रुइरंसि सद्दे,
 अतालिसे से कुणइ पओसं ।
 दुक्खस्स सम्पीलमुवेइ वाले,
 न लिप्पइ तेण मुणी विरागो ॥३९॥

सद्गुणगासाणुगए य जीवे,
 चराचरे हिंसइऽणोगह्वे
 चित्तहि ते परितावेइ बाले,
 पीलेइ अत्तदुगुरु किलिद्वे ॥४०॥
 सद्गुणवाएण परिग्गहेण,
 उप्पायणे रक्खणसन्निओगे ।
 वए विओगे य फह सुह से,
 सभागकाले य अतित्तलाभे ॥४१॥
 सद्दे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अत्तुट्ठिदोसेण दुही परस्स,
 लोभाविले आययइ अदत्त ॥४२॥
 तण्हाभिभूयस्स अदत्तहारिणो,
 सद्दे अतित्तस्स परिग्गहे य ।
 मायामुसं वड्डइ लोभदोसा,
 तत्थावि दुक्खा न विमुच्चइ से ॥४३॥
 मोसस्स पच्छा य पुरत्थओ य,
 पओगकाले य दुही दुरन्ते ।
 एव अदत्ताणि समाययन्तो,
 सद्दे अतित्तो दुहिओ अणिस्सो ॥४४॥
 सद्गुणुरत्तस्स नरस्स एव,
 कत्तो सुहं होज्ज कयाइ किंचि ?
 तत्थोवभोगे वि किलेसदुक्ख,
 निद्वत्तइ जस्स कएण दुक्ख ॥४५॥

एमेव सदृम्मि गओ पओस,
 उवेइ दुक्खोहपरंपराओ ।
 पटुट्टचित्तो य चिणाइ कम्म,
 ज से पुणो होइ दुह विवागे ॥४६॥
 सद्दे विरत्तो मणुओ विसोगो,
 एएण दुक्खोहपरंपरेण ।
 न लिप्पए भवमज्जे वि सन्तो,
 जलेण वा पोक्खरिणीपलास ॥४७॥
 घाणस्स गन्ध गहण वयन्ति,
 तं रागहेउं तु मणुन्नमाहु ।
 त दोसहेउ अमणुन्नमाहु,
 समो य जो तेसु स वीयरगो ॥४८॥
 गन्धस्स घाणं गहणं वयन्ति
 घाणस्स गध गहण वयन्ति ।
 रागस्स हेउ समणुन्नमाहु,
 दोसस्स हेउं अमणुन्नमाहु ॥४९॥
 गन्धेसु जो गिट्ठिमुवेइ तिव्व,
 अकालियं पावइ से विणास ।
 रागाउरे ओसहगन्धगिट्ठे,
 सप्पे विलाओ विव निक्खमते ॥५०॥
 जे यावि दास समुवेइ तिव्व,
 तसि क्खणे से उ उवेइ दुक्खं ।
 दुट्ठन्तदोसेण सएण जन्तू,
 न किञ्चि गन्धं अवरज्जइ से ॥५१॥

एगन्तरत्ते रुइरसि गन्धे,
 अतालसे से कुणइ पओसं ।
 दुक्खस्स संपीलमुवेइ वाले,
 न लिप्पइ तेण मुणी विरागो ॥५२॥

गन्धाणुगासाणुगए य जीवे,
 चराचरे हिसइणगेरूवे ।
 चित्तेहि ते परित्तावेइ वाले,
 पीलेइ अत्तट्टुगुरू किलिट्ठे ॥५३॥

गन्धाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुह से,
 संभोगकाले य अत्तित्ताभे ? ॥५४॥

गन्धे अत्तित्ते य परिग्गहम्मि,
 सत्तोवसत्तो न उवेइ तुट्ठि ।
 अत्तुट्ठिदोसेण दुही परस्स,
 लोभाविले आययइ अदत्तं ॥५५॥

तण्हाभिभूयस्स अदत्तहारिणो,
 गन्धे अत्तित्तस्स परिग्गहे य ।
 मायामुसं वड्डइ लोभदोसा,
 तत्यावि दुक्खा न विमुञ्चइ से ॥५६॥

मोसस्स पच्छा य पुरत्त्यओ य,
 पओगकाले य दुही कुरन्ते ।
 एवं अदत्ताणि समाययन्तो,
 गन्धे अत्तित्तो दुहिओ अणिस्सो ॥५७॥

गन्धाणुरत्तस्स नरस्स एवं,
 कत्तो सुह होञ्ज कयाइ किच्चि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्खं ॥५८॥

एमेव गन्धम्मि गश्चो पश्चोस,
 उवेइ दुक्खोहपरंपराश्चो ।
 पट्टुट्टिच्चित्तो य चिणाइ कम्मं,
 जं से पुणो होइ दुहं विवागे ॥५९॥

गन्धे विरत्तो मणुश्चो विसोगो,
 एएण दुक्खोहपरंपरेण ।
 न लिप्पइ भवमज्जे वि सन्तो,
 जलेण वा पोक्खरिणीपलास ॥६०॥

जिब्भाए रस गहणं वयन्ति,
 तं रागहेउ तु मणुन्नमाहु ।
 तं दोसहेउ अमणुन्नमाहु,
 समो य जो तेसु स वीयरगो ॥६१॥

रसस्स जिब्भ गहण वयन्ति,
 जिब्भाए रसं गहणं वयन्ति ।
 रागस्स हेउ समणुन्नमाहु,
 दोसस्स हेउ अमणुन्नमाहु ॥६२॥

रसेसु जो गिट्ठिमुवेइ तिब्बं,
 अकालिय पावइ से विणासं ।
 रागाउरे वडिसविभिन्नकाए,
 मच्छे जहा आमिसभोगिट्ठे ॥६३॥

दीप्तस्य हेतुं समर्पन्ममहि ॥७५॥
 रागात्स्य हेतुं समर्पन्ममहि,
 कायत्स्य फासं गहणं वयन्ति ।
 फासत्स्य कायं गहणं वयन्ति,
 सती य जां तेषु स वीपरागा ॥७६॥
 न दीप्तहेतुं समर्पन्ममहि,
 न रागाहेतुं वुं मर्पन्ममहि ।
 कायत्स्य फासं गहणं वयन्ति,
 जलेण वा पौषलरिणीपनास ॥७७॥
 न लिप्यद् भवमदर्थं वि सन्ती,
 एतन्म दुर्बलाहेतुपरंपरेण ।
 रसे विरती मर्पन्म विरती,
 जं से पूजा हेतुं दुहे विवती ॥७८॥
 पदद्विविती य विनाह कायं,
 उदकं दुर्बलाहेतुपरंपरी ।
 एतेव रसेत्सि मर्पन्म पशसि,
 निव्वत्तदं जत्स कएण दुर्बलं ॥७९॥
 तथोवयोमि वि किलेषदुर्बलं,
 कती सुहे हेतुं कयाह किंचि ?
 रसाणुरत्सस्य मत्सस एव,
 रसे अतिनी दुहिन्मि अणित्सी ॥८०॥
 एव अदत्तानि ममाययन्ती,
 पशोकाकाले य दुहे विरती ।
 मीत्सस पदद्वि य पुत्स्यन्मि य,

तण्हाभिभूयस्स अदत्तहारिणो,
 फासे अतित्तस्स परिग्गहे य ।
 मायामुसं वड्डइ लोभदोसा,
 तत्थावि दुक्खा न विमुञ्चइ से ॥८२॥
 मोसस्स पच्छा य पुरत्थओ य,
 पन्नोगकाले य दुही दुरते ।
 एवं अदत्ताणि समाययन्तो,
 फासे अलित्तो दुहिओ अणित्तो ॥८३॥
 फासाणुरत्तस्स नरस्स एवं,
 कत्तो सुह होज्ज क्याइ किञ्चि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्ख ॥८४॥
 एमेव फासम्मि गओ पओस,
 उवेइ दुक्खोहपरंपराओ ।
 पदुट्ठचित्तो य चिणाइ कम्मं,
 ज से पुणो होइ दुह विवागे ॥८५॥
 फासे विरत्तो मणुओ विसोगो,
 एएण दुक्खोहपरपरेण ।
 न लिप्पइ भवमज्झे वि सन्तो,
 जलेण वा पोक्खरिणीपलासं ॥८६॥
 मणस्स भावं गहणं वयन्ति,
 तं रागहेउं तु मणुन्नमाहु ।
 त दोसहेउं अमणुन्नमाहु,
 समो य जो तेसु स वीयरगो ॥८७॥

भावस्स मण गहणं वयन्ति,
 मणस्स भाव गहण वयन्ति ।
 रागस्स हेउ समणुन्नमाहु,
 दोसस्स हेउं अमणुन्नमाहु ॥८८॥
 भावेसु जो गिद्धिमुवेइ तिव्वं,
 अकालिय पावइ से विणास ।
 रागाउरे कामगुणोसु गिद्धे,
 करेणुमग्गावहिण्ण गजे वा ॥८९॥
 जे यावि दोसं समुवेइ तिव्वं,
 तंसि खणे से उ उवेइ दुक्ख ।
 द्दहन्तदोसेण सएण जन्तू,
 न किञ्चि भाव अवरुज्झइ से ॥९०॥
 एगन्तरत्ते रुइरंसि भावे,
 अतालसे से कुणइ पओसं ।
 दुक्खस्स संपीलमुवेइ वाले,
 न लिप्पइ तेण मुणी विरागो ॥९१॥
 भावाणुगासाणुगए य जीवे,
 चराचरे हिसइण्णेगरूवे ।
 चित्तेहि ते परितावेइ वाले,
 पीलेइ अत्तट्टगुरु किलिट्ठे ॥९२॥
 भावाणुवाएण परिग्गहेण,
 उप्पायणे रक्खणसन्निओगे ।
 वए विओगे य कहं सुहं से,
 सभोगकाले य अतित्ताभे ? ॥९३॥

भावे अतित्ते य परिग्गहम्मि,
 सत्तोवसत्तो न उवेइ तुट्ठि ।
 अतुट्ठिदोसेण दुही परस्स,
 लोभाविले आययइ अदत्तं ॥६४॥
 तण्हाभिभूयस्स अदत्तहारिणो,
 भावे अतित्तस्स परिग्गहे य ।
 मायामुस वड्डइ लोभदोसा,
 तत्थावि दुक्खा न विमुच्चइ से ॥६५॥
 मोसस्स पच्छा य पुरत्थओ य,
 पओगकाले य दुही दुरन्ते ।
 एव अदत्ताणि समाययन्तो,
 भावे अतित्तो दुहिओ अग्गिस्सो ॥६६॥
 भावाणुरत्तस्स नरस्स एवं,
 कत्तो सुहं होञ्ज कयाइ किञ्चि ?
 तत्थोवभोगे वि किलेसदुक्खं,
 निव्वत्तइ जस्स कएण दुक्खं ॥६७॥
 एमेव भावम्मि गओ पओसं,
 उवेइ दुक्खोहपरं पराओ ।
 पदुट्ठचित्तो य चिणाइ कम्म,
 जं से पुराणे होइ द्हं विवागे ॥६८॥
 भावे विरत्तो मणुओ विसोगो,
 एएण दुक्खोहपरपरेण ।
 न लिप्पइ भवमज्जे वि सन्तो,
 जलेण वा पोक्खरिणीपलासं ॥६९॥

एविन्दियत्या य मणस्स अत्था,
 दुक्खस्स हेउ मणुयस्स रागिणो ।
 ते चेव थोव पि कयाइ दुक्खं,
 न वीयरगस्स करेन्ति किंचि ॥१००॥

न कामभोगा समयं उवेन्ति,
 न याचि भोगा विगइ उवेन्ति ।
 जे तप्पओसी य परिग्गही य,
 सो तेसु मोहा विगइं उवेइ ॥१०१॥

कोहं च माण च तहेव माय,
 लोहं दुगुच्छ अरइं रइं च ।
 हासं भयं सोगपुमित्थिवेयं,
 नपु सवेय विविहे य भावे ॥१०२॥

आवज्जइ एवमणेरूवे,
 एवविहे कामगुणेषु सत्तो ।
 अन्ने य एयप्पभवे विसेसे,
 कारुण्णदीणे हिरिमे वइस्से ॥१०३॥

कप्पं न इच्छिज्ज सहायत्तिच्छू,
 पच्छाणुत्तावेण तवप्पभावं ।
 एव वियारे अमियप्पयारे,
 आवज्जइ इन्दियचोरवस्से ॥१०४॥

तओ से जायन्ति पओयणाइ,
 निमज्जिउ मोहमहणवम्मि ।
 सुहेसिणो दुक्खविणोयणट्ठा,
 तप्पच्चयं उज्जमए य रागी ॥१०५॥

विरज्जमाणस्स य इन्द्रियत्था,
 सद्दाइया तावइयप्पगारा ।
 न तस्स सव्वे वि मणुन्तय वा,
 निव्वत्तयंती अमणुन्तय वा ॥१०६॥
 एवं ससंकप्पविकप्पणासुं,
 सजायइ समयमुवट्ठियस्स ।
 अत्थे य सकप्पयओ तओ से,
 पहीयए कामगुरोसु तण्हा ॥१०७॥
 स वीयरगो कयसव्वकिञ्चो,
 खवेइ नाणावरणं खणेणं ।
 तहेव ज दसणमावरेइ,
 ज चन्तराय पकरेइ कम्म ॥१०८॥
 सव्व तओ जाणइ पासए य,
 अमोहणे होइ निरन्तराए ।
 अणासवे भाणसमाहिजुत्ते,
 आउक्खए मोक्खमुवेइ सुद्धे ॥१०९॥
 सो तस्स सव्वस्स दुहस्स मुक्को,
 ज चाहइ सयय जन्तुमेयं ।
 दीहामयं विप्पमुक्को पसत्थो,
 तो होइ अच्चन्तसुहो कयत्थो ॥११०॥
 अणाइकालप्पभवस्स एत्तो,
 सव्वस्स दुक्खस्स पमोक्खमग्गो ।
 विधाहिओ जं समुविच्च सत्ता,
 कमेण अच्चन्तसुहो भवन्ति. त्ति वेमि ॥१११॥
 १ इय पमायट्ठाण णाम वत्तीसइमं अज्भयणं समत्तं ॥

अह कम्मप्पयडी णाम तेत्तीसइमं अज्भयणं

अट्टं कम्माइं वोच्छामि, आणुपुंवि जहक्कम ।
 जेहिं वट्ठो अयं जीवो, संसारे परिवट्ठइ' ॥१॥
 नाणस्सावरणिज्जं, दंसणावरणं तथा ।
 वेयणिज्ज तथा मोह, आउकम्मं तहेव य ॥२॥
 नामकम्म च गोयं च, अन्तरायं तहेव य ।
 एवमेयाइं कम्माइ, अट्ठेव उ समासओ ॥३॥
 नाणावरणं पञ्चविह, सुय आभिणिबोहिय ।
 ओहिनाणं च तइय, मणनाणं च केवल ॥४॥
 निट्ठा तहेव पयला, निट्ठानिट्ठा पयलपयला य ।
 तत्तो य थोणगिद्धी उ, पंचमा होइ नायव्वा । ५॥
 चक्कुमचक्खु ओहिस्स, दसणे केवले य आवरणे ।
 एवं तु नवविगप्पं, नायव्वं दंसणावरण ॥६॥
 वेयणीयंपि य दुविहं, सायमसाय च आहियं ।
 सायस्स उ वहु भेया, एमेव असायस्स वि ॥७॥
 मोहणिज्जपि च दुविहं, दसणे चरणे तथा ।
 दंसणे तिविह वुत्तं, चरणे दुविहं भवे ॥८॥
 सम्मत्त चेव मिच्छत्तं, सम्मामिच्छत्तमेव य ।
 एयाओ तिन्नि पयडीओ, मोहणिज्जस्स दसणे ॥९॥
 चरित्तमोहणं कम्म, दुविहं तु वियाहियं ।
 कसायमोहणिज्जं तु, नोकसायं तहेव य ॥१०॥

सोलसविहभेएणं, कम्म तु कसायजं ।
 सत्तविहं नवविह वा, कम्म च नोकसायजं ॥११॥
 नेरइय-तिरिक्खाउ, मणुस्साउ तहेव य ।
 देवाउय चउत्थ तु, आउकम्म चउव्विह ॥१२॥
 नामकम्मं तु दुविह, सुहमसुद् च आहिय ।
 सुभस्स उ व्हू भेया, एमेव असुहस्स वि ॥१३॥
 गोयं कम्मं दुविहं, उच्चं नीयं च आहियं ।
 उच्चं अट्ठविह होइ, एवं नीयं पि आहिय ॥१४॥
 दाणे लाभे य भोगे ए, उवभोगे वीरिए तहा ।
 पञ्चविहमन्तरायं, समासेण वियाहिय ॥१५॥
 एयाओ मूलपयडीओ, उत्तराओ य आहिया ।
 पएसग्ग खेतकाले य, भावं च उत्तर मुण ॥१६॥
 सव्वेसिं चैव कम्माण, पएसग्गमणन्तग ।
 गंठियसत्ताईयं, अन्तो सिद्धाण आहियं ॥१७॥
 सव्वजीवाण कम्म तु, संगहे छद्दिसागयं ।
 सव्वेसु वि पएसेसु, सव्वं सव्वेण वद्धगं ॥१८॥
 उदहोसरिसनामाणं, तीसई कोडिकोडिओ ।
 उक्कोसिया ठिई होइ, अन्तोमुहुत्तं जहन्निया ॥१९॥
 आवरणिज्जाण दुण्हंपि, वेयणिज्जे तहेव य ।
 अन्तराए य कम्मम्मि, ठिइ एसा वियाहिया ॥२०॥
 उदहोसरिसनामाण, सत्तरि कोडिकोडिओ ।
 मोहणिज्जस्स उक्कोसा, अन्तोमुहुत्तं जहन्निया ॥२१॥

तेत्तीस सागरोवमा, उक्कोसेण वियाहिया ।
 ठिइ उ आउकम्मत्स, अन्तोमुहुत्त जहन्निया ॥२२॥
 उदहीसरिसनामाणं, वीसई कोडिकोडिओ ।
 नामगोत्तार्णं उक्कोसा, अट्टुमुहुत्ता जहन्निया ॥२३॥
 सिद्धाणणन्तभागो य, अणुभागा हवन्ति उ ।
 सव्वेसु वि पएसग्ग, सव्वजीवेसु इच्छिय ॥२४॥
 तन्हा एएसि कम्माणं, अणुभागः विद्याणिया ।
 एएसि सवरे चेव, खवणे य जए बुहो, त्ति वेमि ॥२५॥
 ॥ इय कम्मप्पयडी नाम तेतीसइम अज्भयणं समत्त ॥३३॥

अह लेसज्भयणं णाम चोत्तीसइमं अज्भयणं

लेसज्भयणं पवक्खामि, आणुपुत्वि जहक्कमं ।
 छण्हपि कम्मलेसाणं, अणुभावे सुणेह मे ॥१॥
 नामाई वण्णरसगन्धकासपरिणामलक्खणं ।
 ठाण ठिइं गइ चाउ, लेसाणं तु सुणेह मे ॥२॥
 किण्हा नीला य काऊ य, तेऊ पम्हा लहेव य ।
 सुक्कलेसा य छट्ठा य, नामाई तु जहक्कमं ॥३॥
 जीमूयनिद्धसंकासा, गवलरिट्ठगसन्निभा ।
 रजणनयणनिभा, किण्हलेसा उ वण्णओ ॥४॥
 नीलासोगसकासा, चासपिच्छसमप्पभा ।
 वेरुलियनिद्धसंकासा, नीललेसा उ वण्णओ ॥५॥
 अयमीपुप्फसंकासा, कोइलच्छदसन्निभा ।
 पारेवयगीवनिभा, काऊलेसा उ वण्णओ ॥६॥

हिगुलयधाउसकासा, तरुणाइच्चसन्निभा ।
 सुयतुण्डपईवनिभा, तेउलेसा उ वण्णओ ॥७॥
 हरियालभेय सकासा, हलिद्दाभेयसमप्पभा' ।
 सणासणकुसुमनिभा, पम्हलेसा उ वण्णओ ॥८॥
 संखककुन्दसङ्कासा, खीरपूरसमप्पभा ।
 रययहारसंकासा, सुक्कलेसा उ वण्णओ ॥९॥

जह कडुयतुम्बगरसो,
 निम्बरसो कडुयरोहिणिरसो वा ।
 एत्तो वि अणन्तगुणो,
 रसो य किण्हाए नायव्वो ॥१०॥

जह तिकडुयस्स य रसो,
 तिवखो जह हत्थिपिप्पलीए वा ।
 एत्तो वि अणन्तगुणो,
 रसो उ नीलाए नायव्वो ॥११॥

जह तरुणअम्बगरसो,
 तुवरकविट्ठस्स वावि जारिसओ ।
 एत्तो वि अणन्तगुणो,
 रसो उ काऊण नायव्वो ॥१२॥

जह परिणयम्बगरसो,
 पक्कविट्ठस्स वावि जारिसओ ।
 एत्तो वि अणन्तगुणो,
 रसो उ तेऊण नायव्वो ॥१३॥

वरवारणीए व रसो,
 विविहाण व आसवाण जारिसओ ।
 महुमेरयस्स व रसो,
 एत्तो पम्हाए परएणं ॥१४॥

खज्जूरमुट्टियरसो, खीररसो खंडसक्कररसो वा ।
 एत्तो वि अणतगुणो, रसो उ सुक्काए ना यव्वो ॥१५॥
 जह गोमडस्स गंधो, सृणगमडस्स व जहा अहिमडस्स ।
 एत्तो वि अणंतगुणो, लेसाणं अप्पसत्थाण ॥१६॥
 जह सुरहिकुमुमगंधो गववासाण पिस्समाणाणं ।
 एत्तो वि अणतगुणो, पसत्थलेसाण तिण्हं पि ॥१७॥
 जह करगयस्स फासो, गोजिब्भाए य सागपत्ताण ।
 एत्तो वि अणंतगुणो, लेसाण अप्पसत्थाणं ॥१८॥
 जह बूरस्स व फासो, नवणीयस्स व सिरीसकुसुमाण ।
 एत्तो वि अणतगुणो, पसत्थलेसाण तिण्हपि ॥१९॥
 तिविहो व नत्रविहो वा, सत्तावीसइविहेक्कसीओ वा ।
 दुसओ तेयालो वा, लेसाणं होइ परिणामो ॥२०॥
 पचासवप्पवत्तो, तीहि अगूत्तो छसुं अविरओ य ।
 तिव्वारभपरिणओ, खुट्ठो साहसिओ नरो ॥२१॥
 निद्वन्धसपरिणामो, निस्ससो अजिइन्दिओ ।
 एयजोगसमाउत्तो, किण्हलेस तु परिणमे ॥२२॥
 इस्साअमरिसअतवो, अविज्जमाया अहीरिया ।
 गिद्धी पओत्ते य सढे, पमत्ते रसलोलुए ॥२३॥

(सायगवेसए य) आरम्भाओ अविरओ, खुदो साहस्सिओ नरो
एयजोगसमाउत्तो, नील्लेसं तु परिणमे ॥२४॥

वंके वंससमायारे, नियड्डिले अणुज्जुए ।
पलिउचगओवाहिए, मिच्छदिट्ठी अणारिए ॥२५॥

उप्फालगदुट्ठुवाई य, तेणे यावि य मच्छरी ।
एयजोगसमाउत्तो, काऊलेस तु परिणमे ॥२६॥

नीयावित्ती अचवले, अमाई अकुऊहले ।
विणीयविणए दन्ते, जोगव उवहाणवं ॥२७॥

पियधम्मे दढधम्मेऽवज्जभीरु हिएसए ।
एयजोगसमाउत्तो, तेउलेस तु परिणमे ॥२८॥

पयणुकोहमाणे य, मायालोभे य पयणुए ।
पसन्तचित्ते दन्तप्पा, जोगवं उवहाणव ॥२९॥

तहा पयणुवाई य, उवसन्ते जिइन्दिए ।
एयजोगसमाउत्तो, पम्हलेस तु परिणमे ॥३०॥

अट्टरुहाणि वज्जित्ता, धम्मसुक्काणि भायए ।
पसन्तचित्ते दन्तप्पा, समिए गुत्ते य गुत्तिसु ॥३१॥

सराने वीयराने वा, उवसन्ते जिइन्दिए ।
एयजोगसमाउत्तो, सुकूलेस तु परिणमे ॥३२॥

असखिज्जाणोत्तप्पिणीण, उस्सप्पिणीण जे समया ।
सखाईया लोगा, लेसाण हवन्ति ठाणाइ ॥३३॥

मुहुत्तद्वं तु जहन्ता, तेत्तीसा सागरा मुहुत्तहिया ।
उक्कोसा होइ ठिइ, नायच्चा किण्हनेसाए ॥३४॥

मुहुत्तद्वं तु जहन्ना, दस उदही पलियमसंखभागमव्भहिया ।
उक्कोसा होई ठिइ, नायव्वा नीललेसाए ॥३५॥

मुहुत्तद्वं तु जहन्ना, तिण्णुदही पलियमसंखभागमव्भहिया ।
उक्कोसा होइ ठिइ, नायव्वा काउलेसाए ॥३६॥

मुहुत्तद्व तु जहन्ना, दोण्णुदही पलियमसंखभागमव्भहिया ।
उक्कोसा होइ ठिइ, नायव्वा तेउलेसाए ॥३७॥

मूहुत्तद्व तु जहन्ना दस होन्ति य सागरा मुहुत्तहिया ।
उक्कोसा होइ ठिइ, नायव्वा पम्हलेसाए ॥३८॥

मूहुत्तद्व तु जहन्ना, तेत्तीस सागरा मुहुत्तहिया ।
उक्कोसा होइ ठिइ, नायव्वा सुक्कलेसाए ॥३९॥

एसा खलु लेसाणं, ओहेण ठिइ उ वण्णिया होइ ।
चउसु वि गइसु एत्तो, लेसाण ठिइ तु वोच्छामि ॥४०॥

दस वाससहस्साइं, काऊए ठिइ जहन्निया होइ ।
तिण्णुदही पलिओवम, असखभागं च उक्कोसा ॥४१॥

तिण्णुदही पलिओवमसंखभागो जहन्नेण नीलठिइ ।
दम उदही पलिओवम-असंखभागं च उक्कोसा ॥४२॥

दमउदही पलिओवम, असखभाग जहन्निया होइ ।
तेत्तीससागराइ उक्कोसा, होइ किण्हाए लेसाए ॥४३॥

एसा नेरइयाण लेसाण, ठिइ उ वण्णिया होइ ।
तेण पर वोच्छामि, तिरियमणुस्साण देवाणं ॥४४॥

अन्तोमुहुत्तमद्वं, लेसाण ठिइ जहिं जहिं जाउ ।
तिरियाण नराण वा, वज्जिता केवल लेसं ॥४५॥

संखभागमव्वहिया ।

नेसाए ॥३५॥

व्रभागमव्वहिया ।

एए ॥३६॥

भागमव्वहिया ।

॥३७॥

हिया ।

॥३८॥

॥

॥

ठिइ ।

४२॥

इ ।

॥

मुहुत्तद्धं तु जहन्ना, उक्कोसा होइ पुव्वको
 नवहि वरिसेहि ऊणा, नायच्चा सुक्को
 एसा तिरियनराणं,
 लेसाण ठिइ उ वणिया
 तेण पर वोच्छामि,
 लेसाण ठिइ उ देवा
 वस वाससहस्साइं,
 किण्हाए ठिइ जहन्निया हाइ
 पलियमसंखिज्जइमो,
 उक्कोसो होइ किण्हाए
 जा किण्हाए ठिइ खलु,
 उक्कोसा सा उ समयमव्वहिया
 जहन्नेण नीलाए,
 पलियमसख च उक्कोसा ॥३९॥
 जा नीलाए ठिइ खलु,
 उक्कोसा सा उ समयमव्वहिया ।
 जहन्नेण काज्जए,
 पलियमसंखं च उक्कोसा ॥४०॥
 तेण परं वोच्छामि, तेअलेसा जहा सुरंगणाणं ।
 भवणवइ-वाणमन्तर-जोइस-वेमाणियाणं च ॥४१॥
 पलिओवम जहन्ना, उक्कोसा सागरा उ दुन्नहिआ ।
 पलियमसखेज्जेणं, होइ भागेण ते
 वसवाससहस्साइं, ते

जा तेऊए ठिइ खलु,

उक्कोसा सा उ समयमव्वहिया ।

जहन्नेण पम्हाए,

दस उ मुहुत्ताहियाइ उक्कोसा ॥५४॥

जा पम्हाए ठिइ खलु, उक्कोसा सा उ समयमव्वहिया ।

जहन्नेण सुक्काए, तेत्तीसमुहुत्तमव्वहिया ॥५५॥

किण्हा नीला काऊ, तिन्नि वि एयाओ अहम्मलेसाओ ।

एयाहि तिहि वि जीवो, दुग्गइ उववज्जइ ॥५६॥

तेऊ पम्हा सुक्का, तिन्नि वि एयाओ घम्मलेसाओ ।

एयाहि तिहि वि जीवो, सुग्गइ उववज्जइ ॥५७॥

लेसाहि सव्वाहि, पढमे समयम्मि परिणयाहि तु ।

न हु वस्सइ उववाओ, परे भवे अत्थि जीवस्स ॥५८॥

लेसाहि सव्वाहि, चरिमे समयंमि परिणयाहि तु ।

न हु कस्सइ उववाओ, परे भवे होइ जीवस्स ॥५९॥

अन्तमुहुत्तम्मि गए, अन्तमुहुत्तम्मि सेसए चेव ।

लेसाहि परिणयाहि, जीवा गच्छन्ति परलोयं ॥६०॥

तम्हा एयासि लेसाण, अणुभावं वियाणिया ।

अप्पसत्त्याओ वज्जित्ता, पसत्त्याओऽहिट्ठिए मुणी, त्ति वेमि ॥६१॥

॥ इय लेमज्जयण णाम चउत्तीसम अञ्जयणं समत्तं ॥

अह अणगारिज्जं णाम पंचतीसइमं अञ्जयणं

सुणेह मे एगगमणा, मग्ग बुद्धेहि देसियं ।

जमायरन्तो भिवलू, दुक्खाणन्तकरे भवे ॥१॥

गिहवासं परिच्चञ्ज, पवज्जामस्सिए मुणी ।
 इमे सगे वियाणिज्ज, जेहिं सज्जन्ति माणवा ॥२॥
 तहेव हिंस अलियं, चोज्जं श्रवम्भसेवणं ।
 इच्छाकाम च लोभ च, संजओ परिवज्जए ॥३॥
 मणोहर चित्तघरं, मल्लघूवेण वासियं ।
 सकवाड पण्डुस्ल्लोयं, मणसावि न पत्थए ॥४॥
 इन्दियाणि उ भिक्खुस्स, तारिसम्मि उवस्सए ।
 दुक्कराइ निवारेउ, कामरागविवड्डणे ॥५॥
 सुसाणे सुन्नगारे वा, ख्खमूले व इक्कओ ।
 पइरिक्के परकडे वा, वासं तत्थाभिरोयए ॥६॥
 फासुयम्मि अणावाहे, इत्थीहि अणभिद्दुए ।
 तत्थ सकप्पए वासं, भिक्खू परमसंजए ॥७॥
 न सयं गिहाइ कुव्विज्जा, णेव अन्नेहिं कारणे ।
 गिहकम्मसमारम्भे, भूयाणं दिस्सए व्हो ॥८॥
 तसाण थावराणं च, सुट्टमाण वादराण य ।
 तम्हा गिहसमारम्भ, संजओ परिवज्जए ॥९॥
 तहेव भत्तपाणेसु, पयणे पयावणेसु य ।
 पाणन्नूयदयट्ठाए, न पए न पयावए ॥१०॥
 जलघन्ननिस्सिया जीवा, पुढवोकट्टनिस्सिया ।
 हम्मन्ति भत्तपाणेसु, तम्हा भिक्खू न पयावए ॥११॥
 विसप्पे सव्वओ धारे, बहुपाणिविणासणे ।
 नत्थि जोइसमे सत्थे, तम्हा जोइं न दीवए ॥१२॥

हिरण्णं, जायख्व च, मणसा वि न पत्थए ।
 समलेट्ठुकचणे भिक्खू, विरए कयविककए ॥१३॥
 क्रिणन्तो कइओ होइ, विक्किणन्तो य वाणिओ ।
 कयविककयम्मि वट्टन्तो, भिक्खू न भवइ तारिसो ॥१४॥
 भिक्खियच्च न केयच्चं, भिक्खुणा भिद्ववत्तिणा ।
 कयविककओ महादोसो, भिक्खावित्ति सुहावहा ॥१५॥
 समुयाण उच्छमेसिज्जा, जहा-सुत्तमणिन्दियं ।
 लाभालाभम्मि संतुट्ठे, पिण्डवाय चरे मुणी ॥१६॥
 अलोले न रसे गिद्धे. जिब्भादन्ते अमुच्छिए ।
 न रसट्ठाए भु जिज्जा, जवणट्ठाए महामुणी ॥१७॥
 अञ्चण रयणं चेव, वन्दण पूयण तथा ।
 इड्ढीसक्कारसम्माण, मणसा वि न पत्थए ॥१८॥
 सुक्कज्झाण भियाएज्जा, अणियाणे अकिचणे ।
 वोसट्ठकाए विहरेज्जा, जाव कात्तस्स पज्जओ ॥१९॥
 निज्जूहिऊण आहारं, कालघम्मे उवट्ठिए ।
 जहिऊण' माणुस वोन्दि, पहू दुक्खा विमुच्चइ ॥२०॥
 निम्ममे निरहंकारे. वीयरगो अणासवो ।
 सपत्तो केवल नाणं, सासय परिणिव्वुए, त्ति वेमि ॥

॥ इय अणगार नाम पचतीमइमअज्जयण समत्तं ॥३५॥

अह जीवाजीवविभत्ती णाम छत्तीसइम अज्ज

जीवाजीवविभत्ति सुणेह मे, एगमणा इओ ।
जं जाणिऊण भिक्खू, सम्मं जयइ संजमे ॥१॥

जीवा चेव अजीवा य, एस लोए वियाहिए ।
अजीवदेसमागासे, अलोगे से वियाहिए ॥२॥

दव्वओ खेत्तओ चेव, कालओ भावओ तहा ।
परुवणा तेसिं भवे, जीवाणमजीवाण य ॥३॥

रुविणो चेव रुवी य, अजीवा दुविहा भवे ।
अरुवी दसहा वुत्ता, रुविणो य चउव्विहा ॥४॥

धम्मत्थिकाए तद्देसे, तप्पएसे य आहिए ।
अहम्मे तस्स देसे य, तप्पएसे य आहिए ॥५॥

आगासे तस्स देसे य, तप्पएसे य आहिए ।
अद्धासमए चेव, अरुवी दसहा भवे ॥६॥

धम्माधम्मे य दो चेव, लोगमिक्का वियाहिया ।
लोगालोगे य आगासे, समए समयत्तेत्तिए ॥७॥

धम्माधम्मागासा, तिन्निवि एए अणाइया ।
अपज्जवसिया चेव, सव्वद्धं तु वियाहिए ॥८॥

समएवि तन्तइ पप्प, एवमेव चियाहिए ।
आएसं पप्प सार्इए, सपज्जवसिएवि य ॥९॥

खन्धा य खन्धदेसा य, तप्पएसा तहेव य ।

-एगत्तेण पुहत्तेण, खत्वा य परमाणु य ।
 लोएगदेसे लोए य, भइयच्चा ते उ खेत्तओ ॥११॥
 सुहुमा सव्वलोगम्मि, लोगदेसे य वायरा ।
 इत्तो कालविभाग तु, तेसिं वुच्छं चउव्विह ॥१२॥
 संतइ पप्प तेऽणार्ई, अण्पज्जवसियावि य ।
 ठिईं पडुच्च साईया, मपज्जवसिया वि य ॥१३॥
 असंखकालमुक्कोसं, एक्को समओ जहन्नयं ।
 अजीवाण य रूचीण, ठिईं एसा वियाहिया ॥१४॥
 अणन्तकालमुक्कोस, एक्को समओ जहन्नयं ।
 अजीवाण य रूचीण, अन्तरेयं वियाहियं ॥१५॥
 वण्णओ गन्धओ चैव, रसओ फासओ तथा ।
 सठाणओ य विन्नेओ, परिणामो तेसिं पंचहा ॥१६॥
 वण्णओ परिणया जे उ, पञ्चहा ते पकित्तिया ।
 किण्हा नीला य लोहिया, हलिद्दा सुक्किला तथा ॥१७॥
 गन्धओ परिणया जे उ, दुविहा ते वियाहिया ।
 सुविभगन्धपरिणामा, दुविभगन्धा तहेव य ॥१८॥
 रसओ परिणया जे उ, पञ्चहा ते पकित्तिया ।
 तित्तकडुयकसाया, अम्बिला महुरा तथा ॥१९॥
 फासओ परिणया जे उ, अट्टहा ते पकित्तिया ।
 कक्खडा मउआ चैव, गह्या लहुआ तथा ॥२०॥
 सोया उण्हा य निद्धा य, तथा लुक्खा य आहिया ।
 इउ फासपरिणया एए, पुग्गला समुदाहिया ॥२१॥

संठाणओ परिणया जे उ, पञ्चहा ते पकित्तिया ।
 परिमंडला य वट्टा य, तंसा चउरसमायया ॥२२॥
 वण्णओ जे भवे किण्हे, भइए से उ गन्धओ ।
 रसओ फासओ चेव, भइए संठाणओवि य ॥२३॥
 वण्णओ जे भवे नीले, भइए से उ गन्धओ ।
 रसओ फासओ चेव, भइए सठाणओवि य ॥२४॥
 वण्णओ लोहिए जे उ, भइए से उ गन्धओ ।
 रसओ फासओ चेव, भइए सठाणओवि य ॥२५॥
 वण्णओ पीए जे उ, भइए से उ गन्धओ ।
 रसओ फासओ चेव, भइए सठाणओवि य ॥२६॥
 वण्णओ सुक्किले जे उ, भइए से उ गन्धओ ।
 रसओ फासओ चेव, भइए संठाणओवि य ॥२७॥
 गन्धओ जे भवे सुव्भी, भइए से उ वण्णओ ।
 रसओ फासओ चेव, भइए सठाणओवि य ॥२८॥
 गन्धओ जे भवे दुव्भी, भइए से उ वण्णओ ।
 रसओ फासओ चेव, भइए सठाणओवि य ॥२९॥
 रसओ तित्तए जे उ, भइए से उ वण्णओ ।
 गन्धओ रसओ चेव, भइए सठाणओवि य ॥३०॥
 रसओ कडुए जे उ, भइए से उ वण्णओ ।
 गन्धओ फासओ चेव, भइए सठाणओवि य ॥३१॥
 रसओ कसाए जे उ, भइए से उ वण्णओ ।
 गन्धओ फासओ चेव, भइए सठाणओवि य ॥३२॥

रसओ अम्बिले जे उ, भइए से उ वण्णओ ।
 गन्धओ फासओ चैव, भइए संठाणओवि य ॥३३॥
 रसओ महुरए जे उ भइए से उ वण्णओ ।
 गन्धओ फासओ चैव, भइए सठाणओवि य ॥३४॥
 फासओ कक्खडे जे उ, भइए से उ वण्णओ ।
 गन्धओ रसओ चैव, भइए सठाणओवि य ॥३५॥
 फासओ मउए जे उ, भइए से उ वण्णओ ।
 गन्धओ रसओ चैव, भइए संठाणओवि य ॥३६॥
 फासओ गुरुए जे उ, भइए से उ वण्णओ ।
 गन्धओ रसओ चैव, भइए सठाणओवि य ॥३७॥
 फासओ लहुए जे उ, भइए से उ वण्णओ ।
 गन्धओ रसओ चैव, भइए संठाणओवि य ॥३८॥
 फासए सीयए जे उ, भइए से उ वण्णओ ।
 गन्धओ रसओ चैव, भइए संठाणओवि य ॥३९॥
 फासओ उण्हए जे उ, भइए से उ वण्णओ ।
 गन्धओ रसओ चैव, भइए संठाणओवि य ॥४०॥
 फासओ निद्धए जे उ, भइए से उ वण्णओ ।
 गन्धओ रसओ चैव, भइए सठाणओवि य ॥४१॥
 फासओ लुक्खए जे उ, भइए से उ वण्णओ ।
 गन्धओ रसओ चैव, भइए संठाणओवि य ॥४२॥
 परिमण्डलमठाणे, भइए से उ वण्णओ ।
 गन्धओ रसओ चैव, भइए फासओवि य ॥४३॥

संठाणओ भवे ष्टे, भइए मे उ वण्णओ ।
गन्धओ रसओ चेव, भइए फासओवि य ॥४४॥

संठाणओ भवे संसे, भइए से उ वण्णओ ।
गन्धओ रसओ चेव, भइए फासओवि य ॥४५॥

सठाणओ य चउरंसे, भइए से उ वण्णओ ।
गन्धओ रसओ चेव, भइए फासओवि य ॥४६॥

जे आययसठाणे, भइए से उ वण्णओ ।
गन्धओ रसओ चेव, भइए फासओवि य ॥४७॥

एसा अजीवविभत्ती, समासेण वियाहिया ।
इत्तो जीवविभत्ति. वुच्छामि अणुपुच्चसो ॥४८॥

संसारत्या य सिद्धा य, दुविहा जीवा वियाहिया ।
सिद्धा णेगविहा वत्ता, त मे कित्तयओ सुण ॥४९॥

इत्थीपुरिसंसिद्धा य, तहेव य नपुसगा ।
सल्लिगे अन्नल्लिगे य, गिहिल्लिगे तहेव य ॥५०॥

उक्कोत्तोगाहणाए य, जहन्नमज्झिमाइ य ।
उड्ढं अहे य तिरियं च, समुद्धम्मि जलम्मि य ॥५१॥

दस य नपुंसएसु, वीसं इत्थियासु य ।
पुरिसेसु य अट्ठसयं, समएणेणेण सिज्झइ ॥५२॥

चत्तारि य गिहिल्लिगे, अन्नल्लिगे दसेट्ठे .
सल्लिगेण अट्ठसयं, समएणेणेण सिज्झइ ॥५३॥

उक्कोत्तोगाहणाए य, सिज्झन्ते जुगवं दूवे ।
चत्तारि जहन्नाए, मज्झे अट्ठुत्तरं सयं ॥५४॥

चउरुडूलोए य दुवे समुद्दे,
तओ जले वीसमहे तहेव य ।

सयं च अट्टुत्तरं तिरियनोए,
समएणेगेण सिज्झइ घुवं ॥५५॥

कहिं पडिहया सिद्धा ?, कहिं सिद्धा पइट्टिया ?
कहिं वोन्दि, चइत्ताण?, कत्थ गन्तूण सिज्झइ ? ॥५६॥

अलोए पडिहया सिद्धा, लोयग्गे य पइट्टिया ।
इह वोन्दि चइत्ताणं, तत्थ गन्तूण सिज्झइ ॥५७॥

वारसाहिं जोयणेहिं, सव्वट्टुस्सुवरिं भवे ।
ईसिपव्वभारनामा उ, पुढवी छत्तसंठिया ॥५८॥
पणयालसयसहस्सा, जोयणाणं तु आयया ।
तावइय चेव वित्थिण्णा, तिगुणो साहिय परिरओ ॥५९॥

अट्टुजोयणवाहल्ला, सा मज्झम्मि वियाहिया ।
परिहायन्ती चरिमन्ते, मच्छिपत्ताउ तणुययरी ॥६०॥

अज्जुणसुवण्णगमई,
सा पुढवी निम्मला सहावेण ।

उत्ताणगच्छत्तगसंठिया य,
भणिया जिणवरेहिं ॥६१॥

ससककु दसकाया, पण्डुरा निम्मला सुहा ।
मीयाए जोयणे तत्तो. लोयन्तो उ वियाहिओ ॥६२॥
जोयणन्स उ जो तत्थ, कोसो उवरिमो भवे ।
तम्म कोसन्न छवभाए, सिद्धाणोगाहणा भवे ॥६३॥

तत्य सिद्धा महाभागा, लोगगम्मि पइट्टिया ।
 भवप्पवंचओ मुक्का, सिद्धि वरगइं गया ॥६४॥
 उस्सेहो जस्स जो होइ, भवम्मि चरिमम्मि उ ।
 तिभागहीणो तत्तो य, सिद्धाणोगाहणा भवे ॥६५॥
 एगत्तेण साईया, अपज्जवसियावि य ।
 पुहत्तेण अणाइया, अपज्जवसियावि य ॥६६॥
 अरुविणो जीवघणा, नाणदसणसन्निया ।
 अउलं सुह संपन्ना, उवमा जस्स नत्थि उ ॥६७॥
 लोगेगदेसे ते सव्वे, नाणदंसणसन्निया ।
 ससारपारनित्थिण्णा, सिद्धि वरगइं गया ॥६८॥
 संसारत्था उ जे जीवा, दुविहा ते वियाहिया ।
 तसा य थावरा चेव, थावरा तिविहा त्तिहि ॥६९॥
 पुढवी आउजीवा य, तहेव य वणस्सई ।
 इच्चेए थावरा तिविहा. तेसि मेए सुणेह मे ॥७०॥
 दुविहा उ पुढवीजीवा, सुहुमा वायरा तहा ।
 पज्जत्तमपज्जत्ता, एवमेए दुहा पुणो ॥७१॥
 वायरा जे उ पज्जत्ता, दुविहा ते वियाहिया ।
 सण्हा सरा य बोधच्चा, सण्हा नत्तविहा त्तिहि ॥७२॥
 किण्हा नीला य रहिरा य, हनिद्धा सुक्किला तहा ।
 पण्डुपणगनट्टिया, सरा द्दत्तीसइविहा ॥७३॥
 पुढवी य नयकरा वालुया य,
 उवसे मिला य लोणूने ।

अय-तम्ब तउय-सीसग,
रूप-सुवर्णे य वइरे य ॥७४॥

हरियाले हिगुलए,
मणोसिला सासगजण-पवाले ।

अवभपडलवभवालय,
वायरकाए मणिविहाणे ॥७५॥

गोमेज्जए य रयगे, अंके पलिहे य लोहियक्खे य ।
मरगय-मसारगल्ले, भुयमोयग-इन्दनीले य ॥७६॥

चन्दण गेरुय हंसगव्भे, पुलए सोगन्धिए य बोधव्वे ।
चन्दप्पह-वेरुलिए, जलकन्ते सूरकते य ॥७७॥

एए खरपुढवीए, भेया छत्तीसमाहिया ।
एगविहमनाणत्ता, सुहुमा तत्थ वियाहिया ॥७८॥

सुहुमा य सव्वलोगम्मि, लोगदेसे य वायरा ।
इत्तो कालविभागं तु, वुच्छ तेसि चउव्विह ॥७९॥

संतइं पप्पणाईया, अपज्जवसियावि य ।
ठिइं पडुच्च साईया, सपज्जवसियावि य ॥८०॥

वावीससहस्ताइं, वासाणुक्कोसिया भवे ।
आउठिईं पुढवीणं, अन्तोमुहुत्तं जहन्निया ॥८१॥

असंखकालमुक्कोत्तं, अन्तोमुहुत्तं जहन्नय ।
कायठिईं पुढवीणं, त कायं तु अमुचओ ॥८२॥

अणन्तकालमुक्कोत्तं, अन्तोमुहुत्तं जहन्नयं ।
विजडम्मि सए काए, पुढविजीवाण अन्तरं ॥८३॥

एर्णसि वण्णग्रो चेव, गन्धग्रो रसफासग्रो ।
संठाणादेसग्रो वावि, विहाणाइ' सहस्ततो ॥८४॥

दुविहा आउजांवा उ, सुहुमा वायरा तथा ।
पञ्जत्तमपञ्जत्ता, एवमेव दुहा पुणो ॥८५॥

वायरा जे उ पञ्जत्ता, पचहा ते पकित्तिया ।
सुद्धोदए य उस्से य, हरतणू सहिया हिमे ॥८६॥

एगविहमणाणत्ता, सुहुमा तत्य वियाहिया ।
सुहुमा सव्वलोगम्मि, लोगदेसे य वायरा ॥८७॥

संतइ' पप्पञ्जाईया, अपञ्जवसियावि ।
ठिइं पडुच्चसाईया, सपञ्जवसियावि य ॥८८॥

सत्तेव सहस्साइ', वासाणुक्कोसिया भवे ।
आउठिई आऊणं, अन्तोमुहुत्तं जहन्निया ॥८९॥

असंखकालमुक्कोसं, अन्तोमुहुत्तं जहन्नय ।
कायठिई आऊणं, तं कायं तु अमुच्चग्रो ॥९०॥

अणन्तकालमुक्कोसं, अन्तो मुहुत्तं जहन्नयं ।
विजढम्मि सए काए, आऊजीवाण अन्तर ॥९१॥

एर्णसि वण्णग्रो चेव गन्धग्रो रसफामग्रो ।
संठाणादेसग्रो वावि, विहाणाइ सहस्मसो ॥९२॥

दुविहा वणस्सईजीवा, सुहुमा वायरा तथा ।
पञ्जत्तमपञ्जत्ता, एवमेव दुहा पुणो ॥९३॥

वायरा जे उ पञ्जत्ता, दुविहा ते वियाहिया ।
साहारणसरीरा य, पत्तेना य तहेव य ॥९४॥

पत्तेगसरीराश्रोऽण्गेगहा, ते पकित्तिया ।
 रुक्खा गुच्छा य गुम्मा य, लया वल्ली तणा तथा ॥६५॥
 वलया पव्वगा' कुहुणा जलरुहा ओसही तथा ।
 हरियकाया बोधव्वा, पत्तेगा इह आहिया ॥६६॥
 माहारणसरीराश्रोऽण्गेगहा, ते पकित्तिया ।
 आलुए मूलए चेव, सिंगवेरे तहेव य ॥६७॥
 हिरिली सिरिली सस्सरिली, जावई केयकन्दली ।
 पलण्डुलसणकन्दे य, कन्दली य कहुव्वए ॥६८॥
 लोहिणी हूयत्थी हूय, कुहगा य तहेव य ।
 कण्हे य वज्जकन्दे य, कन्दे सूरणए तथा ॥६९॥
 अस्सकण्णी य बोधव्वा, सोहकण्णी तहेव य ।
 मुमुण्डी य हलिद्दा य, ण्गेगहा एवमायओ ॥१००॥
 एगविहमणाणत्ता, मुहुमा तत्थ वियाहिया ।
 सुहुमा सव्वलोगम्मि, लोगदेत्ते य वायरा ॥१०१॥
 संतइं पप्पणाईया, अप्पुवत्तियावि य ।
 ठिइ पडुच्च साईया, मपप्पुवत्तियावि य ॥१०२॥
 दस चेव महस्साइं, वासाणुक्कोसिया भवे ।
 वणप्फट्ठिण आउ तु अन्तोमुहुत्तं जहन्निया ॥१०३॥
 अणन्तकालमुक्कोस, अन्तोमुहुत्तं जहन्नयं ।
 कायठिई पणणाण, त काय तु अमुच्चओ ॥१०४॥
 असंखञ्जालनुक्कोमं, अन्तोमुहुत्तं जहन्न ।
 चिजटम्मि नए काए, पणगजीवाण अन्तर ॥१०५॥

एएसि वण्णओ चेव, गन्धओ रसफासओ ।
 सठाणादेसओ वावि, विहाणाइं सहस्ससो ॥१०६॥
 इच्चेए थावरा तिविहा, समासेण वियाहिया ।
 इत्तो उ तसे तिविहे, वुच्छामि अणुपुव्वसो ॥१०७॥
 तेऊ वाऊ य वोधव्वा, उराला य तसा तथा ।
 इच्चेए तसा तिविहा, तेसिं भेए सुणेह मे ॥१०८॥
 दुविहा तेउजीवा उ, सुहुमा वायरा तथा ।
 पज्जत्तमपज्जत्ता, एवमेए दुहा पुणो ॥१०९॥
 वायरा जे उ पज्जत्ताऽणेगहा ते वियाहिया ।
 इगाले मुम्मुरे अगणी, अञ्चिजाला तहेव य ॥११०॥
 उक्का विज्जू य वोधव्वा णेगहा एवमायओ ।
 एगविहमणाणत्ता, सुहुमा ते वियाहिया ॥१११॥
 सुहुमा सव्वलोगम्मि, लोगदेसे य वायरा ।
 इत्तो कालविभागं तु, तेसिं वुच्छं चउव्विहं ॥ ११२ ॥
 सतइं पप्पणाइया, अपज्जवसियावि य ।
 ठिइ पडुच्च साइया सपज्जवसियावि य ॥११३॥
 तिण्णेव अहोरत्ता, उक्कोसेण वियाहिया ।
 आउठिई तेऊणं, अन्तोमूहुत्तं जहन्निया ॥११४॥
 असंखकालमुक्कोमं, अन्तोमूहुत्तं जहन्नयं ।
 कायठिई तेऊणं, तं कायं तु अमच्चओ ॥११५॥
 अणन्तकालमुक्कोस, अन्तोमूहुत्तं जहन्नयं ।
 विज्जदम्मि सए काए, तेऊजीवाण अन्तरं ॥११६॥

एर्णस वण्णओ च्चेव, गन्धओ रसफासओ ।
 सठाणदेसओ वावि, विहाणाइं सहस्ससो ॥११७॥
 दुविहा वाउजीवा उ, सुहुमा वायरा तथा ।
 पज्जत्तमपज्जत्ता, एवमेए दुहा पुणो ॥११८॥
 वायरा जे उ पज्जत्ता, पच्चहा ते पकित्तिया ।
 उक्कलिया मण्डलिया, घणगुंज्जा सुद्धवाया य ॥११९॥
 सवट्टगवाये य, णोगहा एवमायओ ।
 एगविहमणाणत्ता, सुहुमा तत्थ वियाहिया ॥१२०॥
 सुहुमा सव्वलोगम्मि, लोगदेसे य वायरा ।
 इत्तो कालविभाग तु, तेसि वुच्छं चउव्विहं ॥१२१॥
 सन्तइ पप्पणाईया, अपज्जवसियावि य ।
 ठिं पडुच्च साईया, सपज्जवसियावि य ॥१२२॥
 तिण्णेव सहस्साइ, वासाणुक्कोसिया भवे ।
 आउठिं वाऊण, अन्तोमुहुत्तं जहन्निया ॥१२३॥
 असखकालमुक्कोस, अन्तोमुहुत्तं जहन्नयं ।
 कायठिं वाऊण, त काय तु अमुंचओ ॥१२४॥
 अणन्तकालमुक्कोस, अन्तोमुहुत्तं जहन्नय ।
 विजढम्मि सए काए, वाऊजीवाण अन्तरं ॥१२५॥
 एर्णस वण्णओ च्चेव, गन्धओ रसफासओ ।
 सठाणदेसओ वावि, विहाणाइं सहस्ससो ॥१२६॥
 उराला तसा जे उ, चउहा ते पकित्तिया ।
 वेइन्दिया-तेइन्दिया-चउरो पचिन्दिया तथा ॥१२७॥

वेइन्दिया उ जे जीवा, दुविहा ते पकित्तिया ।
 पञ्जत्तपमञ्जत्ता, तेसि भेए सुणेह मे ॥१२८॥
 किमिणो सोमङ्गला चेव, अलसा माइवाहया ।
 वासीनुहा य सिप्पिया, सखा संखणगा तथा ॥१२९॥
 पल्लोयाणुल्लया चेव, तहेव य वराडगा ।
 जलुगा जालगा चेव, चन्दणा य तहेव य ॥१३०॥
 इह वेइन्दिया, एएण्णेगहा एवमायओ ।
 लोभेगदेसे ते सव्वे, न सव्वत्य वियाहिया ॥१३१॥
 सतइ पप्पणाईया अपञ्जवसियावि य ।
 ठिइ पडुच्च नाईया, सपज्जवसियावि य ॥१३२॥
 वासाइं वारसा चेव, उक्कोसेण वियाहिया ।
 वेइन्दिय आउठिई अन्तोमुहुत्तं जहन्निया ॥१३३॥
 सखिज्जकालमुक्कोस, अन्तोमुहुत्तं जहन्नय ।
 वेइन्दियकायठिई, तं कायं तु अमु चओ ॥१३४॥
 अणन्तकालमुक्कोसं, अन्तोमुहुत्तं जहन्नयं ।
 वेइन्दियजीवाणं, अन्तरं च वियाहियं ॥१३५॥
 एएसि वण्णओ चेव, गन्धओ रसफासओ ।
 सठाणादेमओ वावि, विहाणाइ सहम्मनो ॥१३६॥
 तेइन्दिया उ जे जीवा, दुविहा ते पकित्तिया ।
 पज्जत्तमपञ्जत्ता, तेसि भेए सुणेह मे ॥१३७॥
 कुन्युपिचीनिउड्डंणा, उक्कलुहेहिया तथा ।
 तणहारक्कट्टहारा य, मानुगा पत्तहारगा ॥१३८॥

कप्पासट्टिमिजा य, तिडुगा तउसामजगा ।
 सदावरी य गुम्मी य, वोधव्वा इन्दगाइया ॥१३६॥
 इन्दगोवनमाईया णेगहा एधमायओ ।
 लोगेगदेसे ते सव्वे, न सव्वत्थ वियाहिया ॥१४०॥
 सतइं पप्पऽणाईया, अपज्जवसियावि य ।
 ठिइं पडुच्च साईया, सपज्जवसियावि य ॥१४१॥
 एगूणपण्णहोरत्ता, उक्कोसेण वियाहिया ।
 तेइन्दियआउठिई, अन्तोमुहुत्तं जहन्निया ॥१४२॥
 संतिज्जकालमुक्कोसं, अन्तोमुहुत्तं जहन्नयं ।
 तेइन्दियकायठिई, त कायं तु अमुंचओ ॥१४३॥
 अणन्तकालमुक्कोसं, अन्तोमुहुत्तं जहन्नयं ।
 तेइन्दियजीवाण, अतरं तु वियाहियं ॥१४४॥
 एएसि वण्णओ चेव, गन्धओ रसफासओ ।
 संठाणादेसओ वावि, विहाणाइं सहस्ससो ॥१४५॥
 चउरिन्दिया उ जे जीवा, दुविहा ते पकित्तिया ।
 पज्जत्तमपज्जत्ता, तेसि भेए सुण्णेह मे ॥१४६॥
 अन्विया पोत्तिया चेव, मच्छिया मसगा तथा ।
 भमरे कीडपयगे य, ढिकुणे ककणे तथा ॥१४७॥
 कुक्कुडे सिगिरीडी य, नन्वावत्ते य विच्छुए ।
 डोले भिगीरीडी य, विरिली अच्छिवेहए ॥१४८॥

अच्छित्ते माहए अच्छिरोडए,
 विचित्ते चित्तपत्तए ।

रहिजलिया जलकारी य,

नीया तन्तवयाइया ॥१४६॥

इय चउरिन्दिया एए, ऽणगहा एवमायओ ।

लोगेमदेसे ते सब्बे, न सब्बत्य वियाहिया ॥१५०॥

सतइ षप्पऽणईया, अपज्जवसिया वि य ।

ठिइ पडुच्च साईया, सपज्जवसिया वि य ॥१५१॥

छच्चेव मासाउ, उक्कोसेण वियाहिया ।

चउरिन्दिय आउठिई, अन्तोमुहुत्तं जहन्निया ॥१५२॥

संखिज्जकालमुक्कोस, अन्तोमुहुत्तं जहन्नयं ।

चउरिन्दियकायठिई, तं कायं तु अमु चओ ॥१५३॥

अणन्तकालमुक्कोसं, अन्तोमुहुत्तं जहन्नय ।

चउरिन्दियजीवाणं, अन्तरं च वियाहिय ॥१५४॥

एएसि वणणओ चेव, गन्धओ रसफामओ ।

संठाणा देसओ वावि, विहाणाइं सहस्समो ॥१५५॥

पंचिन्दिया उ जे जीवा, चउच्चिहा ते वियाहिया ।

नेरइयतिरिक्खा य, मणुया देवा य आहिया ॥१५६॥

नेरइया मत्तविहा, पुढवीसु सत्तसु नवे ।

रयणाभ-सक्काराभा, वालुयाभा य आहिया ॥१५७॥

पंकाभा धूमाभा, तमा तमतमा तथा ।

इइ नेरइया एए, सत्तहा परिकित्तिया ॥१५८॥

लोगस्स एगदेसम्मि, ते सव्वे उ वियाहिया ।
 एत्तो कालविभाग तु, वोच्छ तेसि जउव्विह ॥१५६॥
 संतइ पप्पाऽणाईया, अपज्जवसियावि य ।
 ठिइ पडुच्च साइया, सपज्जवसियावि य ॥१६०॥
 सागरोवममेग तु उक्कोसेण वियाहिया ।
 पढमाए जहन्नेण, दनवाससहस्सिया ॥१६१॥
 तिण्णेव सागरा उ, उक्कोसेण वियाहिया ।
 दोच्चाए जहन्नेणं, एग तु सागरोवम ॥१६२॥
 सत्तेव सागरा उ, उक्कोसेण वियाहिया ।
 तइयाए जहन्नेणं, तिण्णेव सागरोवमा ॥१६३॥
 दस सागरोवमा उ, उक्कोसेण वियाहिया ।
 चउत्थीए जहन्नेणं, सत्तेव सागरोवमा ॥१६४॥
 सत्तरस सागरा उ, उक्कोसेण वियाहिया ।
 पचमाए जहन्नेण, दस चैव सागरोवमा ॥१६५॥
 द्वावीस सागरा उ, उक्कोसेण वियाहिया ।
 छट्ठीए जहन्नेण सत्तरस सागरोवमा ॥१६६॥
 तेत्तीम सागरा उ, उक्कोसेण वियाहिया ।
 सत्तमाए जहन्नेण, द्वावीसं सागरोवमा ॥१६७॥
 जा चैव य आउठिई, नेरइयाण वियाहिया ।
 मा तेमि कायठिई, जहन्नुक्कोसिया भवे ॥१६८॥
 अणन्तकालनुक्कोस, अन्तोमुहुत्त जहन्नयं ।
 विजटम्मि सए काए, नेरइयाणं तु अन्तरं ॥१६९॥

एएसि वण्णओ चेव, गन्धओ रसफासओ ।
संठाणा देसओ वावि, विहाणाइ सहस्समो ॥१७०॥

पंचिन्दियतिरिक्खाओ,
दुविहा ते वियाहिया ।

समुच्छिमतिरिक्खाओ,
गम्भवक्कन्तिया तथा ॥१७१॥

दुविहा ते भवे तिविहा, जलयरा थलयरा तथा ।
नहयराय वोधव्वा, तेसि भेए सुणेह मे ॥१७२॥

मच्छा य कच्छभा य, गाहा मगरा तथा ।
सुसुमारा य वोधव्वा, पंचहा जलयराहिया ॥१७३॥

लोगेगदेसे ते सञ्चे, न सव्वत्थ वियाहिया ।
एत्तो काल विभाग तु, वोच्छ तेसि चउव्विह ॥१७४॥

सतइ पप्पणाईया, अपज्जवनिया वि य ।
ठिइं पडुच्च नाईया, सपज्जवसिया वि य ॥१७५॥

एगा य पुव्वकोडी, उक्कोसेण वियाहिया ।
आउठिई जलयराण, अन्तोमुहत्तं जहन्नयं ॥१७६॥

पुव्वकोडिपुहत्त तु, उक्कोसेण वियाहिया ।
कायठिई जलयराणं अन्तोमुहत्तं जहन्नयं ॥१७७॥

अणन्तकालमुद्धोसं, अन्तोमुहत्तं जहन्नयं ।
विजठम्मि सए काए, जलयराणं तु अन्तर ॥१७८॥

(एएसि वण्णओ चेव, गन्धओ रसफासओ ।
संठाणादेसओ वावि, विहाणाइ सहस्समो ॥)

चउप्पया य परिसप्पा, दुविहा थलयरा भवे ।
 चउप्पया चउविहा उ, ते मे कित्तयओ सुण ॥१७६॥
 एगखुरा दुखुरा चैव, नण्डीपय सणहप्पया ।
 हयमाइ - गोणमाइ - गयमाइ - सीहमाइणो ॥१८०॥
 भुओरगपरिसप्पा य, परिसप्पा दुविहा भवे ।
 गोहाई अहिमाई य, एक्केक्काणगहा भवे ॥१८१॥
 लोगेगदेमे ते सव्वे, न सव्वत्थ वियाहिया ।
 एत्तो कालविभागं तु, वोच्छं तेसि चउव्विह ॥१८२॥
 संतइं पप्पणाईया, अपज्जवसिया वि य ।
 ठिइ पडुच्च साईया, सपज्जवसिया वि य ॥१८३॥
 पलिओवमाइ तिण्णि उ, उक्कोसेण वियाहिया ।
 आउठिई थलयराण, अन्तोमुहुत्तं जहन्निया ॥१८४॥
 पलिओवमाई तिण्णि उ, उक्कोसेण वियाहिया ।
 कायठिई थलयराण अन्तो मुहुत्तं जहन्निया ॥१८५॥
 कालमणन्तमुक्कोस, अन्तोमुहुत्तं जहन्नयं ।
 विजडम्मि सए काए, थलयराणं तु अन्तर ॥१८६॥

चस्मे उ लोमपक्खी य,

तइया

समुग्गपक्खिया ।

विययपक्खी य वोघव्वा,

पक्खिणो य

चउव्विहा ॥१८७॥

लोगेगदेमे ते सव्वे, सव्वत्थ वियाहिया ।

इत्तो कालविभागं तु, वोच्छं तेसि चउव्विहं ॥१८८॥

संतइं पप्पणाईया, अपज्जवसिया वि य ।

ठिइ पडुच्च साईया, सपज्जवसिया वि य ॥१८९॥

पलिओवमस्स भागो, असखेज्जइमो भवे ।
 आउठिई खहयराणं, अन्तोमुहुत्तं जहन्निया ॥१६०॥
 असखभाग पलियस्स, उक्कोसेण उ साहिया ।
 पुव्वकोडिपुहुत्त, अन्तोमुहुत्तं जहन्निया ॥१६१॥
 कायठिई खहयराण, अन्तरं तेसिम भवे ।
 अणन्तकालमुक्कोस, अन्तोमुहुत्तं जहन्नय ॥१६२॥
 एएसि वण्णओ चेव, गन्धओ रसफासओ ।
 संठाणादेमओ वावि, विहाणाइ सहस्ससो ॥१६३॥
 मणुया दुविहभेया उ, ते मे कित्तयओ सुण ।
 समुच्छिमा य मणुया, गढभवक्कन्तिया तथा ॥१६४॥
 गढभवक्कन्तिया जे उ, तिविहा ते वियाहिया ।
 कम्मअकम्मभूमा य, अन्तरदीवया तथा ॥१६५॥
 पन्नरस तीसविहा, भेया अटुवोसइ ।
 सत्था उ कमनो तेसि, इइ एसा वियाहिया ॥१६६॥
 संमुच्छिमाण एसेव, भेओ होइ वियाहिओ ।
 लोगन्स एगदेसम्मि, ते ख्वे वि वियाहिया ॥१६७॥
 सतइ पप्पणाईया, अपज्जवनियावि य ।
 ठिइ पडुच्च साईया, सपज्जवनियावि य ॥१६८॥
 पलिओवमाइ तिण्णिवि, उक्कोसेण वियाहिया ।
 आउठिई मणुयाणं, अन्तोमुहुत्तं जहन्निया ॥१६९॥
 पलिओवमाइ तिण्णि उ, उक्कोसेण वियाहिया ।
 पुव्वकोडिपुहुत्तेणं, अन्तोमुहुत्तं जहन्नयं ॥२००॥

कायठिई मणुयाणं, अन्तर तेसिमं भवे ।
 अणन्तकालमृक्कोसं, अन्तोमृहुत्तं जहन्नयं ॥२०१॥
 एएंसि वण्णओ चेव, गन्धओ रसंफासओ ।
 सठाणादेसओ वावि विहाणाइ सहस्ससो ॥२०२॥
 देवा चउव्विहा वुत्ता, ते मे कित्तयओ सुण ।
 भोमिञ्ज वाणमन्तर-जोइस-वेमाणिया तथा ॥२०३॥
 दसहा उ भवणवासी, अट्टहा वणचारिणो ।
 पंचविहा जोइसिया, दुविहा वेमाणिया तथा ॥२०४॥

असुरा नागसुवण्णा,
 विज्जू अग्गी वियाहिया ।
 दीवोदहिदिसा वाया,
 थणिया भवणवासिणो ॥२०५॥
 पिसायभूया जवखा य,
 रक्खसा किन्नरा किंपुरिसा ।
 महोरगा य गन्धव्वा,
 अट्टविहा वाणमन्तरा ॥२०६॥
 चन्दा सूरा य नक्खत्ता,
 गहा तारागणा तथा ।
 ठिया' विचारिणो चेव,
 पचहा जोइसालया ॥२०७॥

वेमाणिया उ जे देवा, दुविहा ते वियाहिया ।
 कप्पोवगा य वोधव्वा, कप्पाईया तहेव य ॥२०८॥
 कप्पोवगा वारसहा, सोहम्मोसाणगा तथा ।
 मणंकुमारमाहिन्दा, वम्भलोणा य लन्तगा ॥२०९॥

महासुक्ता सहस्रारा, आणया पाणया तथा,
आरणा अच्युया चैव, इइ कप्पोवगा सुरा ॥२१०॥

कप्पाईया उ जे देवा, दुविहा ते वियाहिया ।
गेविज्जाणुत्तरा चैव, गेविज्जा नवविहा तहिं ॥२११॥

हेट्टिमाहेट्टिमा चैव, हेट्टिमा मज्झिमा तथा ।
हेट्टिमाउवरिमा चैव, मज्झिमाहेट्टिमा तथा ॥२१२॥

मज्झिमामज्झिमा चैव,
मज्झिमाउवरिमा तथा ।

उवरिमाहेट्टिमा चैव,
उवरिमामज्झिमा तथा ॥२१३॥

उवरिमाउवरिमा चैव, इय गेविज्जा सुरा ।
विजया वेजयन्ता य, जयन्ता अपराजिया ॥२१४॥

सव्वत्थसिद्धगा चैव, पंचहाणुत्तरा सुरा ।
इय वेमाणिया एएण्णेगहा एवमायओ ॥२१५॥

लोगस्स एगदेसम्मि, ते सव्वेवि वियाहिया ।
इत्तो कालविभाग तु, वुच्छं तेसि चउव्विहं ॥२१६॥

संतइं पप्पणाईया, अपज्जवसियावि य ।
ठिइं पडुच्च माइया, नपज्जवसियावि य ॥२१७॥

माहिय सागरं एवक उल्लोसेण ठिई भवे ।
भोमेज्जाणं जहन्नेण, दमवाससहम्मिया ॥२१८॥

(पनिओवम दो ऊणा, उल्लोसेण वियाहिया ।
अनुरिन्दवज्जेताणं, जहन्ना दममम्मिया ॥)

पलिश्रोवममेग तु, उक्कोसेण ठिई भवे ।
वन्तराण जहन्नेण, दसवाससहस्सिया ॥२१६॥

पलिश्रोवममेग तु, वासलवखेण साहियं ।
पलिश्रोवमदुभागो, जोइसेसु जहन्निया ॥२२०॥

दो चेव सागराइं, उक्कोसेण वियाहिया ।
सोहम्मम्मि जहन्नेणं, एगं च पलिश्रोवम ॥२२१॥

सागरा माहिया दुन्नि, उक्कोसेण वियाहिया ।
ईसाणम्मि जहन्नेणं, साहियं पलिश्रोवम ॥२२२॥

सागराणि य सत्तेव, उक्कोसेण ठिई भवे ।
सणकुमारे जहन्नेण, दुन्नि उ सागरोवमा ॥२२३॥

साहिया सागरा नत्त, उक्कोसेण ठिई भवे ।
माहिन्दम्मि जहन्नेण, साहिया दुन्नि सागरा ॥२२४॥

दम चेव सागराइं, उक्कोसेण ठिई भवे ।
वम्भलोग्ग जहन्नेण सत्त उ सागरोवमा ॥२२५॥

चउद्वनमागराइं, उक्कोसेण ठिई भवे ।
लन्तगम्मि जहन्नेणं, दस उ सागरोवमा ॥२२६॥

सत्तरममागराइ, उक्कोसेण ठिई भवे ।
महानुत्ते जहन्नेण, चोदस सागरोवमा ॥२२७॥

अद्वारम मागराइ, उक्कोसेण ठिई भवे ।
सहम्मारम्मि जहन्नेणं, सत्तरस सागरोवमा ॥२२८॥

नागरा अउणवीसं तु, उक्कोसेण ठिई भवे ।
आणर्याम्मि जहन्नेणं, अद्वारम सागरोवमा ॥२२९॥

वीसं तु सागराइ, उक्कोसेण ठिई भवे ।
 पाणयम्मि जहन्नेणं, सागरा अउणवीसई ॥२३०॥
 सागरा इक्कवीसं तु, उक्कोसेण ठिई भवे ।
 आरणम्मि जहन्नेण, वीसई सागरोवमा ॥२३१॥
 बावीसं सागराइ, उक्कोसेण ठिई भवे ।
 अच्चुयम्मि जहन्नेण, सागरा इक्कवीसई ॥२३२॥
 तेवीससागराइ . उक्कोसेण ठिई भवे ।
 पढमम्मि जहन्नेण, बावीस सागरोवमा ॥२३३॥
 चउवीसं सागराइं, उक्कोसेण ठिई भवे ।
 विइयम्मि जहन्नेणं, तेवीस सागरोवमा । २३४॥
 पणवीस सागराइ, उक्कोसेण ठिई भवे ।
 तइयमि जहन्नेण, चउवीस सागरोवमा ॥२३५॥
 छवीसं सागराइ, उक्कोसेण ठिई भवे ।
 चउत्थम्मि जहन्नेणं, सागरा पणवीसई ॥२३६॥
 सागरा सत्तवीसं तु, उक्कोसेण ठिई भवे ।
 पच्चमम्मि जहन्नेण, सागरा उ छवीसई ॥२३७॥
 सागरा अट्टवीस तु, उक्कोसेण ठिई भवे ।
 छट्टम्मि जहन्नेण, सागरा सत्तवीसई ॥२३८॥
 सागरा अउणतीस तु, उक्कोसेण ठिइ भवे ।
 सत्तमम्मि जहन्नेणं, सागरा अट्टवीसई ॥२३९॥
 तीसं तु सागराइ, उक्कोसेण ठिई भवे ।
 अट्टमम्मि जहन्नेणं, सागरा अउणतीसई ॥२४०॥

सागरा इवकतीसं
 नवमम्मि जहन्नेण
 तेत्तीना सागराइ
 चउमु पि विजयाः
 अजहन्नमणुवकोस,
 महाविमाणे सव्वट्टे
 जा चेव उ आउठि
 ता तेसि कायठिई,
 अणन्तकालमुदकोस
 विजडम्मि सए का।
 एणंसि वण्णओ चे
 सठाणादेसओ चा
 (अणन्तकालमुवकं
 आणयाई कप्पाण
 संखिज्जसागरुवको
 अणुत्तराण य देव
 म्सारत्था य सिद्ध
 रुविणो चेवऽहवी
 न्ना जीवपत्तीने

पढमे वासचउक्कम्मि, विगई-निज्जूहणं करे ।
 बिईए वासचउक्कम्मि, विवित्तं तु तव चरे ॥२५१॥
 एगन्तरमायामं कट्ठु, सवच्छरे दुवे ।
 तओ संवच्छरद्ध तु, नाइविगिट्ठं तवं चरे ॥२५२॥
 तओ सवच्छरद्ध तु, विगिट्ठु तु तव चरे ।
 परिमिय चेव आयामं, तम्मि संवच्छरे करे ॥२५३॥
 कोडी सहियमायास, कट्ठु सवच्छरे सुणी ।
 मासद्धमासिएणं तु, आहारेण तव चरे ॥२५४॥

कन्दप्पमाभिओग च,
 किव्विसिय मोहमासुरत्तं च ।

एयाउ दुग्गईओ,
 मरणम्मि विराहिया हुन्ति ॥२५५॥

मिच्छादंसणरत्ता, सनियाणा उ हिंसगा ।
 इय जे मरन्ति जीवा, तेसिं पुण दुल्लहा बोही ॥२५६॥
 सम्महंसणरत्ता, अनियाणा सुक्कलेसंमोगाढा ।
 इय जे मरन्ति जीवा, तेसिं सुलहा भवे बोही ॥२५७॥

मिच्छादसणरत्ता,
 सनियाणा कण्हलेसमोगाढा ।

इय जे मरन्ति जीवा,
 तेसिं पुण दुल्लहा बोही ॥२५८॥

जिणवयणे अणुरत्ता, जिणवयण जे करेन्ति भावेण ।
 अमला असंकलिट्ठा, ते हुन्ति परित्तसंसारी ॥२५९॥

बालमरणाणि बहुसो,
 अक्राममरणाणि चैव य बहूणि ।
 मश्निहन्ति ते वराया,
 जिणवयणं जे न जाणन्ति ॥२६०॥

बहुआगमविज्ञाना, समाहिउप्पायगा य गुणग्गाही ।
 एएण कारणेण, अरिहा आलोयण सोउं ॥२६१॥
 कन्दप्पकुक्कुयाइ, तह सीलसहाव-हसणविगहाइ ।
 विम्हावेन्तोवि पर, कन्दप्प भावणं कुणइ ॥२६२॥
 मन्ताजोग काउं, भूइकम्मं च जे पउजन्ति ।
 माय-रस-इड्डिहेउं. अभिओगं भावण कुणइ ॥२६३॥
 नाणस्म केवलीणं, धम्मायरियस्स मघसाहूणं ।
 माई अवणवाई, किव्विसिय भावणं कुणइ ॥२६४॥
 अणुवद्धरोसपनरो, तह य निमित्तम्मि होइ पडिसेवी ।
 एएहि कारणेहि, आसुरियं भावणं कुणइ ॥२६५॥

सत्यगहण विसभक्खणं च,
 जलण च जलपवेसो य ।

अणायान-भण्डसेवी,

जम्मणमरणाणि वधन्ति ॥२६६॥


इय पाउकरे वुट्ठे, नायए परिनिव्वुए ।

छत्तीस उत्तरज्जाए, भवसिद्धियसंवुडे' ति वेमि ॥ २६७॥

॥ इय गोवाजीवविमन्ती नाम छत्तीसइम अर्जुनसमत्त ॥३६॥

॥ उत्तरज्जुणसुत्तं समत्तं ॥

सिरी नंदीसुतं



जयइ जगजीवजोणी-वियाणओ, जगगुरू जगाणदो ।
जगणाहो जगबधू, जयइ जगप्पियामहो भयवं ॥१॥
जयइ सुआणं पभवो, तित्थयरारणं अपच्छिमो जयइ ।
जयइ गुरू लोगाण, जयइ महप्पा महावीरो ॥२॥
भद्दं सव्वजगुल्लोयगस्स, भद्दं जिणस्स वीरस्स ।
भद्दं सुरासुरनमसियस्स, भद्दं धुयरघस्स ॥३॥
गुणभवणगहण सुयरयण-भरिय दंसणविसुद्धरत्थागा ।
सघनगर । भद्दं ते, अखडचारित्तपागारा ॥४॥
सजम-तव-तु वारयस्स, नमो सम्मत्तपारियल्लस्स ।
अप्पडिचक्कस्स जओ, होउ सया सघचक्कस्स ॥५॥
भद्दं सीलपडागूसियस्स, तवनियमतुरयजुत्तस्स ।
सघरहस्स भगवओ, सज्झायसुनन्दिघोसस्स ॥६॥
कम्मरयजलोहविणिग्गयस्स, सुयरयणदोहनालस्स ।
पच महव्वयथिरकन्नियस्स, गुणकेसरालस्स ॥७॥
सावगजणमहुअर'-परिवुडस्स, जिणसूरतेयबुद्धस्स ।
सघपउमस्स भद्दं, समणगणसहस्सपत्तस्स ॥८॥
तवसंजममयलच्छण, अकिरियराहुमुहडुद्धरिस निच्च
जय सघचद निम्मलसम्मत्तविसुद्धजोणहागा ॥९॥

परतित्वियगहपहनासगस्स, तवतेयदित्तलेसस्स ।
 नाणुज्जोपस्स जए ! भद्द दमसघसूरस्स ॥१०॥
 भद्द धिड्वेलापरिगयस्स, सज्जायजोगमगरस्स ।
 अक्खलोहस्स भगवओ, संघसमुद्दस्स रुदस्स ॥११॥
 सम्मदसण-वरवइर-दढरूढगाढा-वगाढ-पेढस्स ।
 धम्मवर-रयणमडिय-चामीयर-मेहलागस्स ॥१२॥
 नियमूसियकणयमिलाउलुज्जल-जलतचित्तकूडस्स ।
 नदणवणमणहर-सुरभिसील गधुद्धुमायस्स ॥१३॥
 जीवदयासुंदरकदरुद्धरियमुणिवरमइंदइत्तस्स ।
 हेउसय-घाउ-पगलंत-रयणदित्तोसहि-गुहस्स ॥१४॥
 संवरवरजलपगनियउज्झरपविरायमाणहारस्स ।
 सावगजण-पउररवत-मीरनच्चत-कुहरस्स ॥१५॥
 विणयनयपवरमुणिवरफुरतविज्जुज्जलतसिहरस्स ।
 विविहगुणरूपरुक्खगफलनरकुसुमाउलवणस्स ॥१६॥
 नाणवररयणदिप्पंत-रुत्तवेरुलिय-विमलच्चूलस्स ।
 वंदामि विणयपणओ, सधम्महामंदरगिरिस्स ॥१७॥
 उगुणरयणुज्जलकउयं, सीलसुगंधि-तवमंडिउद्देसं ।
 सुवधारमगसिहर संघम्महामंदरं वदे ! ॥१८॥
 उ नगररहचक्रुपउमे, चदे सूरे समुद्दमेरुम्मि ।
 लो उवमिज्जइ सयय, त सधगुणायरं वदे ॥१९॥
 [वदे] उत्तम अजियं, सभवमभिनदणसुमइसुप्पभसुपासं ।
 नमिपुप्फदतनीवलसिज्जसं वानुपुज्ज च ॥२०॥

विमलमणतं य धम्म, सन्ति कु थुं अरं च मल्लि च ।
 मुनिसुव्वयनमिनेमि, पास तह वद्धमाण च ॥२१॥
 पढमित्थ डदभूई, दीए पुण होइ अग्गिभूइत्ति ।
 तइए य वाउभूई, तओ वियत्ते सुहम्मे य ॥२२॥
 मंडिअ-मोरियपुत्ते, अकपिए चेव अयलभाया य ।
 मेअज्जे य पहासे, गणहरा हुंति वीरस्स ॥२३॥
 निव्वुइपहसासणयं, जयइ सया सव्वभावदेसणयं ।
 कुसमयमयनासणय, जिणंदवरवीरसासणय ॥२४॥
 सुहम्मं अग्गिवेसाण, जंबुनामं च कासव ।
 पभवं कच्चायणं वन्दे! वच्छं सिज्ज भव तथा ॥२५॥
 जसभद्द तु गियं वन्दे, समूय चेव माढर ।
 भद्दबाहुं च पाइन्त, थूलभद्दं च गोयमं ॥२६॥
 एलावच्चसगोत्त, वन्दामि महागिरिं सुहत्थि च ।
 तत्तो कोसियगोत्त, बहुलस्स सरिव्वय वन्दे ॥२७॥
 हारियगुत्त साइ च, वन्दिमो हारिय च सामज्ज ।
 वन्दे कोसियगोत्त, सडिल्ल अज्जजीयधरं ॥२८॥
 तिसमुद्दखायकित्ति, दीवसमुद्देसु गहियपेयाल ।
 वन्दे अज्जसमुद्द, अव्वुभियसमुद्दगंभीर ॥२९॥
 भणगं कस्सां भरग, पभावग णाण-दसणगुणाण ।
 वन्दामि अज्जमगुं, सुयसागरपारगं धीर ॥३०॥
 ॐ वन्दामि अज्जधम्मं, तत्तो वन्दे य भद्दगुत्त च ।
 तत्तो य अज्जवइरं तवनियमगुणेहि वइरसम ॥३१॥

ॐ एतच्चिन्हितास्तु टीकाया न वर्तन्ते ।

ॐ वन्दामि अञ्जरदिलखमणे, रविलय चरित्तसव्वस्से ।
 रयणकरडंगभूओ, अणुओगो रविलओ जेहिं ॥३२॥
 नाणम्मि दत्तणम्मि य, तवविणए णिच्चकालमुज्जुत्तं ।
 अज्जं नंदिलखमणं, सिरसा वन्दे पसन्नमणं ॥३३॥
 वड्डुड वायगवंसो जसवंसो अञ्जनागहस्थीण ।
 वागरणकरणभंगिय, कम्मप्पयडीपहाणाण ॥३४॥
 जच्चजणथाउ-समप्पहाणमुद्दिय-कुवलयनिहाण ।
 वड्डुड वाययवंसो - रेवइनक्खत्तनामाण ॥३५॥
 अयलपुरा णिक्खते, कालियसुयअणुओगिए धीरे ।
 वभट्ठीवगसीहे, वायगपयमुत्तमं पत्ते ॥३६॥
 जेत्ति इमो अणुओगो, पयरइ अञ्जावि अड्डुभरहम्मि ।
 बहुनयरनिग्गयजसे, से वंदे खदिलायरिए ॥३७॥
 ततो हिमवंतमहतविक्रमे, धिइपरक्कममणंते ।
 सज्झायमणतधरे, हिमवते वदिमो सिरसा ॥३८॥
 कालियनुय-अणुओगस्स धारए, धारए य पुव्वाणं ।
 हिमवतखमासमणे, वंदे णागज्जुणायरिये ॥३९॥
 मिउमद्दवसंपन्ने, अणुपुव्वि^१ वायगतण पत्ते ।
 ओहसुय समायारे, नागज्जुणवायए वदे ॥४०॥
 * गोविवाणं पि नमो, अणुओगविउलधारिणिदाणं ।
 णिच्च खंतिदयाण, पच्चवणे डुल्लभिदाण ॥४१॥
 * ततो य भूयदिन्न निच्चं, तव सजमे अनिच्चिण्णं ।
 पटियजण सामण्णं, वंदामि सजमविहिण्णुं ॥४२॥

वरकणगतविय-चंपगविमउलवरकमल-गढभसरिवन्ने ।
भवियजणहिययदइह, दयागुणविसारए धीरे ॥४३॥

अडुभरहप्पहाणे, बहुविहसज्झायसुमुणिय पहाणे ।
अणुओगियवरवसभे, नाइलकुलवंस-नंदिकरे ॥४४॥

जगभूयहियपगब्भे^१, वदेऽहं भूयदिन्नमायरिए ।
भव-भयवुच्छेयकरे, सीसे नागज्जुणरिसीणं ॥४५॥

सुमुणियनिच्चानिच्चं, सुमुणिय सुत्तत्थधारयं वन्दे ।
सब्भावुब्भावणया^२, तत्थ लोहिच्चणामाणं ॥४६॥

अत्थमहत्थक्खाणि, सुसमणबक्खाणकहणनिच्चाणि ।
पयईए महुरवाणि पयओ पणमामि दूसगणि ॥४७॥

तवनियम-सच्च-संजम-विणयज्जव-खंतिमद्व-रयाणं ।
सीलं गुणगद्वियाणं, अणुओगजुगप्पहाणाणं ॥४८॥

सुकुमालकोमलतले, तेसि पणमामि लक्खणपसत्थे ।
पाए पावयणीण, पडिच्छयसएहि पणिवइए ॥४९॥

जे अन्ने भगवंते कालियसुय-आणुओगिए धीरे ।
ते पणमिऊण सिरसा, नाणस्स पळुवण वोच्छं ॥५०॥

सेल-घण^१, कुडग^२, चालणि^३, परिपूणग^४, हस^५, महिस^६ मेसेय^७ ।
मसग^८, जलूग^९, विराली^{१०}, जाहग^{११}, गो^{१२}, भेरी^{१३}, आभीरी^{१४} ॥१॥

सा समासओ निविहा पन्नत्ता, तं जहा—जाणिया, अजाणिया,
दुव्वियड्ढा जाणिया जहा, गाहा ।

खीरमिव जहा हंसा, जे घुट्टन्ति इह गुरुगुणसमिद्धा ।
दोसे य विवज्जति त, जाणसु जाणियं परिसं ॥२॥

१. भूयहियअप्पगब्भे । २. वदेऽह लेहिच्च सद्भावुब्भावणा णिच्चं ।

अजाणिया जहा—

जा होइ पगइमहुरा, मियछावयसीह कुक्कुडयभूआ ।
रयणमिव अरसंठविया अजाणिया सा भवे परिसा ॥३॥

दुव्वियड्डा जहा—

न य णत्यइ निम्माओ, न य पुच्छइ परिभवस्सदोसेणं ।

वत्यिच्च वायपुण्णो फुट्टइ गामिल्लयवियड्डो ॥४॥

सूत्रं नाणं पचविहं पणत्त, तं जहा—आभिणिबोहियनाणं,
सुयनाणं, ओहिनाणं, मणपञ्जवनाणं, केवलनाणं ॥सू० १॥

तं समासओ दुविह पणत्त, तं जहा—पञ्चकखं च परोक्ख
च ॥सू० २॥

से किं तं पच्चकखं ? पञ्चकखं दुविहं पणत्त, तं जहा—
इदियपञ्चकखं, नोइन्दियपञ्चकखं च ॥सू० ३॥

से किं तं इन्दियपञ्चकखं ? इन्दियपच्चकखं पंचविह पणत्तं
त जहा—सोइन्दियपच्चकखं, चिक्खदियपच्चकखं, घाण्णियपच्चकखं,
जिठ्ठिभदियपच्चकखं, फासिदिपच्चकखं, से तं इदियपच्चकखं
॥सू० ४॥

से किं तं नोइन्दियपञ्चकखं ? नोइन्दियपञ्चकखं त्रिविहं
पणत्तं तं जहा—ओहिनाणपञ्चकखं, मणपञ्जवनाणपञ्चकखं,
केवलनाणपञ्चकखं ॥सू० ५॥

से किं तं ओहिनाणपच्चकखं ? ओहिनाणपच्चकखं दुविहं
पणत्त, तं जहा—भवपक्कइयं च खाओवसमियं च ॥सू० ६॥

से किं तं भदपच्चइयं ? भवपच्चइयं दुण्हं, तं जहा—देवाण य
नेरइयाण य ॥सू० ७॥

से किं तं खओवनमियं ? खओवसमियं दुण्हं, तं जहा—
मणमाण य पंचेदियतिरिक्खजोणियाण य । को हेऊ खओवसमियं ?
ओवनमियं तथावरणिज्जाणं कम्माण उदिण्णाण खएणं, अण-

दिण्णाग उवसमेणं ओहिनाणं समुप्पज्झइ ॥सू० ८॥

अहवा गुणपडिवत्तस्स अणगारस्स ओहिनाणं समुप्पज्झइ, तं समासओ-छ्विव्ह पण्णत्तं, त जहा—आणुगामियं^१, अणाणुगामियं^२, वड्डमाणयं^३, हीयमाणयं^४, पडिवाइयं^५, अप्पडिवाइयं^६ ॥सू० ९॥

से किं त आणुगामिय ओहिनाण ? आणुगामियं ओहिनाणं दुविह पण्णत्त, त जहा—अंतगय च मज्झगयं च । से किं तं अंतगय ? अंतगयं तिविहं पण्णत्त त जहा—पुरओ अंतगयं, मग्गओ अंतगय, पासओ अंतगयं । से किं तं पुरओ अंतगयं ? पुरओ अंतगयं—से जहानामए केई पुरिसे उक्कं वा चड्डुलिय वा अलायं वा मणि वा पईव वा जोइ वा पुरओ काउ पणुल्लेमाणे २ गच्छेज्जा, से तं पुरओ अंतगयं । से किं तं मग्गओ अंतगयं ? मग्गओ अंतगयं—से जहानामए केइ पुरिसे उक्कं वा चड्डुलियं वा अलायं वा मणि वा पईवं वा जोइ वा मग्गओ काउ अणुकड्डेमाणे २ गच्छिज्जा, से तं मग्गओ अंतगयं । से किं तं पासओ अंतगय ? पासओ अंतगय—से जहानामए केइ पुरिसे उक्कं वा चड्डुलिय वा अलायं वा मणि वा पईवं वा जोइ वा पासओ काउ परिकड्डेमाणे २ गच्छिज्जा, से तं पासओ अंतगय, से तं अंतगय । से किं तं मज्झगय ? मज्झगयं से जहानामए केई पुरिसे उक्कं वा चड्डुलिय वा अलायं वा मणि वा पईवं वा जोइ वा मत्थए काउं समुव्वहमाणे २ गच्छिज्जा से तं मज्झगयं । अंतगयस्स मज्झगयस्स य को पइविसेसो ? पुरओ अंतगएण ओहिनाणेणं पुरओ चैव सखिज्जाणि वा असंखेज्जाणि वा जोयणाइं जाणइ पासइ, मग्गओ अंतगएणं ओहिनाणेणं मग्गओ चैव संखिज्जाणि वा असखिज्जाणि वा जोयणाइं जाणइ पासइ । पासओ अंतगएणं ओहिनाणेणं पासओ चैव संखिज्जाणि वा असंखिज्जाणि वा जोयणाइ जाणइ पासइ । मज्झगएण ओहिनाणेणं सव्वओ समता सखिज्जाणि वा असंखिज्जाणि वा जोयणाइं जाणइ

पासइ । से तं अणुगामियं ओहिनाण ॥सू० १०॥

से कि त अणुगामियं ओहिनाण ? अणुगामियं ओहिनाणं से जहानामए केइ पुरिसे एगं महत जोइट्टाणं काउं तस्सेव जोइट्टाणस्त परिपेरंतेहि परिपेरंतेहि परिघोलेमाणे परिघोलेमाणे तमेव जोइट्टाण पासइ, अन्नत्थगए न पासइ, एवामेव अणुगामियं ओहिनाण जत्थेव समुप्पज्जइ तत्थेव संलेज्जाणि वा असलेज्जाणि वा सबद्धाणि वा असबद्धाणि वा जोयणाइं जाणइ पासइ, अन्नत्थगए ण पासइ, से तं अणुगामियं ओहिनाण ॥सू० ११॥

से कि तं वड्डमाणयं ओहिनाण ? वड्डमाणयं ओहिनाण पसत्थेमु अज्झवसायट्टाणेसु वट्टमाणस्त वड्डमाणचरित्तस्त विसुज्झमाणस्त विसुज्झमाणचरित्तस्त सब्वओ समंता ओही वट्टइ, गाह—

जावइया तिसमयाहारगस्त सुहुमस्त पणगजीवस्त ।

ओगाहणा जहन्ना ओहीखित्त जहन्नं तु ॥१॥

नव्ववहुअगणिजीवा निरतरं जत्तियं भरिज्जंसु ।

खित्त सब्वदिसागं परमोहीखित्त निद्धिट्ठो ॥२॥

अंगुलमावलियाणं भागमसखिज्ज दोसु संखिज्जा ।

अंगुलमावलिअतो आवलिया अंगुलपुहुत्त ॥३॥

हत्यम्मि मुहुत्तंतो, दिवसन्तो गाउयम्मि वोद्धव्वो ।

जोयण दिवसपृहुत्तं, पक्खंतो पन्नवीसाओ ॥४॥

भरहम्मि अट्ठमासो, जम्बुद्वीवम्मि साहिओ मासो ।

वासं च मणुयत्तोए, वासपुहुत्तं च रुयगम्मि ॥५॥

राखिज्जम्मि उ काले, दीवसमुद्दावि हुंति संखिज्जा ।

कालम्मि अत्तत्तिज्जे दीवसमुद्दा उ भइयव्वा ॥६॥

काले चउणहवुड्डी, कालो भइयव्वु खित्तवुड्डीए ।
वुड्डीए दव्वपञ्जव, भइयव्वा खित्तकालो उ ॥७॥
सुहुमो य होइ कालो, तत्तो सुहुमयर हवइ खित्त ।
अगुलसेढीमित्ते, ओसप्पिणीओ असंखिज्जा ॥८॥

से त्तं वड्डमाणय ओहिनाण ॥सू० १२॥

से किं त हीयमाणय ओहिनाणं ?

हीयमाण ओहिनाण अप्पसत्थेहि अज्झवसायट्टाणेहि वट्ट-
माणस्स वट्टमाणचरित्तस्स सकिलिस्समाणस्स सकिलिस्स-
माणचरित्तस्स सव्वओ समन्ता ओही परिहायइ से त हीयमाण
ओहिनाण ॥१३॥

से किं त पडिवाइओहिनाण ?

पडिवाइओहिनाण जहण्णेण अगुलस्स असखिज्जयभाग
वा सखिज्जयभागं वा वालगं वा वालगपुहुत्त वा लिक्ख वा
लिक्खपुहुत्त वा, जूय वा जूयपुहुत्त वा, जवं वा जवपुहुत्तं वा,
अंगुलं वा अंगुलपुहुत्त वा, पायं वा पायपुहुत्त वा, विहत्थि वा
विहत्थिपुहुत्त वा, रयणि वा रयणिपुहुत्त वा, कुच्छि वा कुच्छि-
पुहुत्त वा, धणुं वा धणुपुहुत्त वा, गाउअ वा गाउयपुहुत्त वा
जोयण वा जोयणपुहुत्त वा, जोयणसय वा जोयणसयपुहुत्त वा,
जोयणसहस्स वा जोयणसहस्सपुहुत्त वा, जोयणलक्ख वा
जोयणलक्खपुहुत्तं वा जोयणकोडि वा जोयणकोडिपुहुत्तं वा
जोयणकोडाकोडि वा जोयणकोडाकोडिपुहुत्त, वा जोयणस-
खिज्ज वा जोयणसखिज्जपुहुत्तं वा, जोयणअसखेज्जं वा जोय-
णअसखेज्जपुहुत्त वा उक्कोसेणं लोग वा पासित्ताणं पडिवाइज्जा ।
से तं पडिवाइओहिनाणं ॥१४॥

से किं त अपडिवाइ-ओहिनाणं ?

अपडिवाइ-ओहिनाणं-जेण ,अलोगस्स एगमवि आगा-
सपएस जाणइ पासइ तेण पर अपडिवाइओहिनाण । से
त अपडिवाइ ओहिनाण ॥१५॥

त समासओ चउव्विहं पणत्त, तजहा-दव्वओ, खित्तओ,
कालओ, भावओ । तत्थ दव्वओ णं ओहिनाणी जहन्नेणं
अणताइ र्विदव्वाइ जाणइ पासइ, उक्कोसेण असंखिज्जाइं अलोगे
लोगप्पमाण-मित्ताइ खडाइ जाणइ पासइ । कालओ णं ओहि-
नाणी जहन्नेण आवलियाए असखिज्जयभाग जाणइ पासइ,
उक्कोसेणं असंखिज्जाओ उस्सप्पिणीओ अवसप्पिणीओ अईय-
मणागयं च कालं जाणइ पासइ । भावओ ण ओहिनाणी
जहन्नेण अणते भावे जाणइ पासइ, उक्कोसेण वि अणते भावे
जाणइ पासइ । सव्वभावाणमणंतभाग जाणइ पासइ ॥१६॥

ओही भवपच्चइओ गुणपच्चइओ य वणिणओ डुविहो ।

तस्स य दहू विगप्पा दव्वे खित्ते य काले य ॥१६॥

नेइयदेवतित्थकरा य ओहिस्सव्वाहिरा हुंति ।

पासति सव्वओ खलु सेसा देसेण पासंति ॥१७॥

से त्त ओहिनाणत्तुक्ख ।

से किं त मणपज्जवणाणे ? मणपज्जवणाणे णं भन्ते ! किं
मणुस्साणं उप्पज्जइ अमणुस्साणं ?

गोयमा ! मणुस्साण, नो अमणुस्साणं ?

जइ मणुस्साण किं समुच्छिममणुस्साणं, गट्भवक्कंतिय-
मणुस्साण ?

गोयमा ! नो समुच्छिममणुस्साणं उप्पज्जइ, गट्भवक्कंतिय-
मणुरमाणं ।

जइ गढभवक्कतियमणुस्साणं किं कम्मभूमियगढभवक्कंतिय-
मणुस्साण, अकम्मभूमियगढभवक्कंतियमणुस्साणं, अन्तरदीवग-
गढभवक्कतिय मणुस्साणं ?

गोयमा ! कम्मभूमियगढभवक्कंतियमणुस्साण, नो अकम्म-
भूमियगढभवक्कतियमणुस्साण, नो अन्तरदीवगगढभवक्कतिय-
मणुस्साणं ।

जइ कम्मभूमियगढभवक्कतिय मणुस्साणं, किं सखिज्ज-
वासाउयकम्मभूमियगढभवक्कंतियमणुस्साणं असखिज्जवासाउय-
कम्मभूमियगढभवक्कतियमणुस्साण ?

गोयमा ! सखिज्जवासाउयकम्मभूमियगढभवक्कतियमणु-
स्साणं, नो असंखेज्जवासाउयकम्मभूमियगढभवक्कतियमणुस्साणं ।

जइ संखेज्जवासाउयकम्मभूमियगढभवक्कंतियमणुस्साण किं
पज्जत्तगसंखेज्जवासाउयकम्मभूमियगढभवक्कंतियमणुस्साणं, अप-
ज्जत्तगसंखेज्जवासाउयकम्मभूमियगढभवक्कतियमणुस्साणं ?

गोयमा ! पज्जत्तगसंखेज्जवासाउयकम्मभूमियगढभवक्कं
तियमणुस्साण, नो अपज्जत्तगसंखेज्जवासाउयकम्मभूमियगढभ-
वक्कंतियमणुस्साणं ।

जइ पज्जत्तगसंखेज्जवासाउयकम्मभूमियगढभवक्कंतिय-
मणुस्साण, किं सम्मद्दिट्ठिपज्जत्तगसंखेज्जवासाउयकम्म-
भूमियगढभवक्कतियमणुस्साणं, मिच्छदिट्ठिपज्जत्तगसंखेज्ज-
वासाउयकम्मभूमियगढभवक्कंतियमणुस्साण, सम्ममिच्छदिट्ठि-
पज्जत्तगसंखेज्जवासाउयकम्मभूमियगढभवक्कतियमणुस्साणं ?

गोयमा ! सम्मद्दिट्ठिपज्जत्तगसंखेज्जवासाउयकम्मभूमिय-
गढभवक्कंतियमणुस्साण, नो मिच्छदिट्ठिपज्जत्तगसंखेज्जवासा-

उयकम्मभूमियगढभवक्कतियमणुस्साणं, नो सम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं ।

जइ सम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं किं सजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, असजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, सजयासजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं ?

गोयमा ! संजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, नो असंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, नो संजयासंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं ।

जइ सजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, किं अप्पमत्तसंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, अप्पमत्तसंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं ?

गोयमा ! अप्पमत्त-सजय-सम्मदिट्ठि-पज्जत्तग-सखेज्जवासाउय-कम्मभूमिय-गढभवक्कतियमणुसाणं, नो अप्पमत्तसंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं ।

जइ अप्पमत्तसंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, किं इड्ढीपत्तअप्पमत्तसंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं, अण्णिड्ढीपत्तअप्पमत्तसंजयसम्मदिट्ठिपज्जत्तगसखेज्जवासाउयकम्मभूमियगढभवक्कतियमणुसाणं ?

यगवभवक्कं तियमणुसाणं ?

गोयमा ! इड्ढीपत्त-अप्पमत्त-सजय-सम्मद्विट्ठि-पज्जत्तग-सखेज्जवासा-
उय-कम्मभूमिय-गवभवक्कं तियमसाणुणं, तो अणिड्ढीपत्त-अप्पमत्त-संजय
सम्मद्विट्ठि-पज्जत्तग-संखेज्जवासाउय-कम्मभूमिय-गवभवक्कं तियमणुस्स
णं मणपज्जवनाणं समुप्पज्जइ ॥सू० १७॥

तं च दुविहं उप्पज्जइ, तं जहा—उज्जुमई य विउलमई य ।
तं समासओ चउद्विहं पन्नत्त, तं जहा—दव्वओ, खित्तओ, कालओ,
भावओ ।

तत्थ दव्वओ णं उज्जुमई अणते अणतपएसिए खंधे जाणइ,
पासइ, ते चेव विउलमई अब्भहियतराए, विउलतराए, विसुद्धतराए,
वित्तिमिरतराए जाणइ, पासइ ।

खित्तओ णं उज्जुमई जहन्नेणं अगुलस्स असखेज्जयभागं
उक्कोसेणं अहे जाव इमीसे रयणप्पभाए पुढवीए उवरिमहे-
द्विट्ठिल्ले खुड्डुगपयरे, उड्ढ जाव जोइसस्स उवरिमतले, तिरियं
जाव अंतोमणुस्सखित्ते अड्ढाइज्जेसु दीवसमुद्देसु, पन्नरससु
कम्मभूमिसु, तीसाए अकम्मभूमिसु, छप्पन्नाए अन्तरदीवगेसु
सन्निपंचेदियाणं पज्जत्तयाण मणोगए भावे जाणइ, पासइ ।
तं चेव विउलमई अड्ढाइज्जेहिमंगुलेहिं अब्भहियतरं, विउलतरं
विसुद्धतरं, वित्तिमिरतराग खेत्तं जाणइ, पासइ ।

कालओ णं उज्जुमई जहन्नेणं पलिओवमस्स असखिज्जय-
भागं, उक्कोसेणवि पलिओवमस्स असंखिज्जयभागं अतीयमणा-
गयं वा कालं जाणइ, पासइ । तं चेव विउलमई अब्भहियतराणं,
विउलतराणं, विसुद्धतराणं, वित्तिमिरतराणं जाणइ पासइ ।

भावओ णं उज्जुमई अणते भावे जाणइ, पासइ, सव्व-

भावाण अणंतभागं जाणइ, पासइ । तं चेव विउलमई अरुभहिय-तराग, विउलतराग, विसुद्धतराग, वितिमिरतरागं जाणइ, पासइ ।

मणपञ्जवनाणं पुण, जणमणपरिचित्तियत्थ-पागडणं ।

माणुसखित्तनिवद्ध, गुणपञ्चइय चरित्तवओ ॥ ११ ॥

मे त्तं, मणपञ्जवनाणं ॥सू० १८॥

से किं तं केवलनाणं ? केवलनाणं दुविहं पन्नत्तं, तं जहा—भवत्थकेवलनाणं च, सिद्धकेवलनाणं च । से किं तं भवत्थकेवलनाणं ? भवत्थकेवलनाणं दुविहं पणत्तं, तं जहा—सजोगि-भवत्थकेवलनाणं च, अजोगि-भवत्थकेवलनाणं च ।

मे किं तं सजोगि-भवत्थकेवलनाणं ?

सजोगि-भवत्थकेवलनाणं दुविहं पणत्तं, तं जहा—पढमसमय-अजोगि-भवत्थकेवलनाणं च, अपढमसमय-सजोगि-भवत्थकेवलनाणं च, । अहवा चरमममय-सजोगि-भवत्थकेवलनाणं च, अचरमसमय-सजोगि-भवत्थकेवलनाणं च । से त्तं सजोगि-भवत्थकेवलनाणं ।

मे किं तं अजोगि-भवत्थकेवलनाणं ?

अजोगि-भवत्थकेवलनाणं दुविहं पन्नत्तं, तं जहा—पढमसमय-अजोगि-भवत्थकेवलनाणं च, अपढमसमय-अजोगि-भवत्थकेवलनाणं च । अहवा चरमसमय-अजोगि-भवत्थकेवलनाणं च, अचरमसमय-अजोगि-भवत्थकेवलनाणं च । से त्तं अजोगि-भवत्थकेवलनाणं । से त्तं-भवत्थकेवलनाणं ॥सू० १९॥

से किं तं सिद्धकेवलनाणं ? सिद्धकेवलनाणं दुविहं पणत्तं, तं जहा—अणंतरसिद्धकेवलनाणं च, परंपरसिद्धकेवलनाणं च ॥सू० २०॥

मे किं तं अणंतरसिद्धकेवलनाणं ? अणंतरसिद्धकेवलनाणं

पन्नरसविहं पणत्तं, तं जहा—तित्थसिद्धा १, अतित्थसिद्धा २, तित्थयरसिद्धा ३, अतित्थयरसिद्धा ४, सयंबुद्धसिद्धा ५, पत्तेयबुद्धसिद्धा ६, बुद्धबोहियसिद्धा ७, इत्थिलिगसिद्धा ८, पुरिसलिगसिद्धा ९, नपुंसगलिगसिद्धा १०, सलिगसिद्धा ११, अत्तलिगसिद्धा १२, गिहिलिगसिद्धा १३, एगसिद्धा १४, अरणेगसिद्धा १५, से तं अणंतरसिद्धकेवलनाणं ॥सू० २१॥

से किं तं परंपरसिद्धकेवलनाणं ? परंपरसिद्धकेवलनाणं अरणेगविहं पणत्तं, तं जहा—अपढमसमयसिद्धा, दुसमयसिद्धा, तिसमयसिद्धा, चउसमयसिद्धा, जाव दससमयसिद्धा, सखिज्जसमयसिद्धा, असखिज्जसमयसिद्धा, अणंतसमयसिद्धा, से तं परंपरसिद्धकेवलनाणं ।

तं समासओ चउव्विहं पणत्तं, तं जहा—दव्वओ, खित्तओ, कालओ, भावओ । तत्थ दव्वओ ण केवलनाणी सव्वदव्वाइ जाणइ, पासइ । खित्तओ णं केवलनाणी सव्वं खित्त जाणइ, पासइ । काल ओ णं केवलनाणी सव्वं कालं जाणइ, पासइ । भावओ णं केवलनाणी सव्वे भावे जाणइ, पासइ ।

अह सव्व दव्वपरिणामभाव-विण्णत्तिकारणमणत्त ।

सासयमप्पडिवाइ, एगविहं केवलं नाण ॥१२॥ सू० २२ ॥

केवलनाणेणत्थे, नाउ जे तत्थ पणवणजोगे ।

ते भासइ तित्थयरो, वईजोगसुयं हवइ सेसं ॥ १३ ॥

से त्त केवलनाणं । से त्तं नोइंदियपञ्चक्खं । से त्तं पञ्चक्खनाण ॥ सू० ॥ २३ ॥

से किं त परोक्खनाणं ? परोक्खनाणं दुविहं पणत्तं, तं जहा—आभिणिबोहियनाणपरोक्खं च, सुयनाणपरोक्खं च । जत्थ आभिणिबोहियानाणं तत्थ सुयनाणं, जत्थ सुयनाणं तत्थ आभिणिबोहियनाण

दोऽपि एयाडं अणमणमणुगयाइं । तहवि पुण इत्य आयरिया नाणत्तं
पणवयंति—अभिनितुज्झइति आभिणिबोहियनाण, सुणेइत्ति सुयं;
सइत्तं जेण सुय. न मई नुयपुत्तिया ॥ सू० २४ ॥

अविसेतिया मई, मइनाणं च मइअन्नाणं च । विसेतिया
सम्मद्विट्ठिस्स मई मइनाणं, मिच्छद्विट्ठिस्स मई मइअण्णाणं । अवि-
सेतियं सुयं, सुयनाण च सुयअन्नाणं च । विसेतियं सुयं, सम्मद्विट्ठिस्स
नुयं सुयनाणं, मिच्छद्विट्ठिस्स सुय सुयअन्नाणं ॥ सू० २५ ॥

से किं तं आभिणिबोहियनाणं ? आभिणिबोहियनाणं दुविहं
पणत्तं, तं जहा—सुयनिस्सियं च, असुनिस्सियं च । स किं त
प्रसुयनिस्सियं ? असुयनिस्सियं चउत्विह पणत्त, त जहा—
उत्पत्तिया १, वेणइया २, कम्मिया ३, परिणामिया ४ ।

बुद्धी च चउत्विहा वुत्ता, पंचमा नोवलम्भइ ॥१४॥ सू० २६॥

पुव्वमद्विट्ठिस्सुयमवेइय-तक्खणविसुद्धगहियत्था ।

अव्वाहयफलजोगा, बुद्धी उत्पत्तिया नाम ॥१५॥

भरह-तिल-मिठ-कुक्कुड-तिल-वालुय-हत्यो-अगड-वणसंडे ।

पायस-अइया-पत्ते-खाडहिला-पंच पिअरो य ॥१६॥

भरहतिल-पणिय-त्तखे-खुडुग-पड-सरड-काय-उच्चारे ।

गघघण-गोल-खंभे-खुडुग-मणि-त्थि-पइ-पुत्ते ॥१७॥

महुत्तिथ-मुट्ठि-अंके-नाणए-भिकखु-चेडगनिहाणे ।

सियत्ता य अत्यसत्थे-इच्छां य, गहं-सयसहस्से ॥१८॥

भरन्तियरणसमत्था, तिवग्गसुत्तत्यगहियपेयाला ।

उभओलोगफलवई, विणयससुत्था हवइ बुद्धी ॥१९॥

निमित्ते अत्यसत्थे य, लेहे गणिए य कूव-अस्से य ।

गदभ-त्तक्खण-गठी, अगए-रहिए य गणिया य ॥२०॥

सीया साडी दीहं च, तणं अवसव्वयं च कुं चस्स ।
निव्वोदए य गोणे, घोडगपडणं च ख्खाओ ॥२१॥

उवओगदिट्ठसारा, कम्मपसंगपरिघोलणविसाला ।
साहुक्कारफलवई, कम्मसमुत्था हवइ बुद्धी ॥२२॥

हेरणिणए-करिसए, कोलिय-डोवे य, मुत्ति, घय-पवए ।
तुन्नाए - वड्ढई य - पूयइ - घड - चित्तकारे य ॥२३॥

अणुमाणहेउदिट्ठंतसाहिंया, वयविवागपरिणामा ।
हियनिस्सेयस-फलवई, बुद्धी परिणामिया नाम ॥२४॥

अभए-सिद्धि-कुमारे, देवी-उदिओदए हवइ राया ।
साहू य नंदिसेणे, धणदत्ते-सावग-अमच्चे ॥२५॥

खमए-अमच्चपुत्ते, चाणक्के च्चेव थूलभद्दे य ।
नासिकसु दरिनदे, वयरे-परिणामबुद्धीए ॥२६॥

चलणाहणं-आमडे-मणी य सप्ये य, खग्गि-थूर्भिदे ।
परिणामियबुद्धीए, एवमाई उदाहरणा ॥२७॥

से त्तं अस्सुयनिस्सिय ।

से किं तं सुयनिस्सियं ?

सुयनिस्सियं चउच्चिह पणत्ते, तंजहा—उग्गहे, ईहा, अवाओ,
धारणा ॥सू० २७॥

से किं तं उग्गहे ?

उग्गहे उच्चिहे पणत्ते, तं जहा—अथुग्गहे य, वजणुग्गहे य
सू० ॥ २८ ॥

से किं तं वजणुग्गहे

वजणुग्गहे चउच्चिहे पणत्ते, तं जहा—सोइदिद्यवजणुग्गहे,

घाणिदियवंजणुग्गहे, जिन्धिदियवंजणुग्गहे, फांसिदियवंजणुग्गहे
॥सू० २६॥

से किं तं अत्थुग्गहे ?

अत्थुग्गहे छ्विहे पणत्ते, तं जहा—सोइदियअत्थुग्गहे,
चक्खिदियअत्थुग्गहे, घाणिदियअत्थुग्गहे, जिन्धिदियअत्थुग्गहे,
फांसिदियअत्थुग्गहे, नोइंदियअत्थुग्गहे ॥सू० ३०॥

तस्स णं इमे एगट्ठिया नाणाघोसा, नाणावंजणा पच्च नाम-
धिज्जा भवति, तं जहा—अग्गेण्हणया, उवधारणया, सवणया,
अवलवणया, मेहा । से त्त उग्गहे ॥सू० ३१॥

से किं तं ईहा ? ईहा छ्विहा पणत्ता, तं जहा—सोइंदियईहा,
चक्खिदियईहा, घाणिदियईहा, जिन्धिदियईहा, फांसिदिय-
ईहा, नोइंदियईहा । तीसे णं इमे एगट्ठिया नाणाघोसा, नाणा
वज्जणा पंच नामधिज्जा भवंति, तं जहा—आभोगणया, मग्गणया,
गवेसणया, चिता, वीमंसा । से त्तं ईहा ॥सू० ३२॥

से किं तं अवाए ? अवाए छ्विहे पणत्ते, तं जहा—सोइंदि-
यअवाए, चक्खिदियअवाए, घाणिदियअवाए, जिन्धिदिय-
अवाए, फांसिदियअवाए, नोइंदियअवाए । तस्स णं इमे एग-
ट्ठिया नाणाघोसा, नाणावज्जणा पच्च नामधिज्जा भवन्ति, तं जहा—
आउट्टणया, पच्चाउट्टणया. अवाए, बुद्धी, विण्णाणे, से त्तं
अवाए ॥सू० ३३॥

से किं तं धारणा ?

धारणा छ्विहा पणत्ता, तं जहा—सोइदियधारणा, चक्खि-
दियधारणा, घाणिदियधारणा, जिन्धिदियधारणा, फांसिदिय-
धारणा, नोइंदियधारणा । तीसे णं इमे एगट्ठिया नाणाघोसा,

नाणावञ्जणा पञ्च नामधिज्ञा भवन्ति, तं जहा—धरणा, धारणा, ठवणा, पइट्टा, कोट्टे । से त्त धारणा ॥ सू० ३४॥

उग्गहे इक्कसमइए, अंतोमुहुत्तिया ईहा, अंतोमुहुत्तिए
अवाए, धारणा सखेज्ज वा काल, असखेज्ज वा कालं ॥सू० ३५॥

एवं अट्टावीसइविहस्स आभिणिबोहियनाणस्स वञ्जणु-
ग्गहस्स परूवणं करिस्सामि पडिबोहगदिट्ठतेण, मल्लगदिट्ठतेण य ।

से किं तं पडिबोहगदिट्ठतेणं ?

पडिबोहगदिट्ठतेणं—से जहानामए केइ पुरिसे कच्चि पुरिसं
सुत्तं पडिबोहिज्ञा, अमुगा । अमुगत्ति !! तत्थ चोयगे पन्नवय एवं
वयासी—किं एगसमयपविट्ठा पुग्गला गहणमागच्छति ? दुस-
मयपविट्ठा पुग्गला गहणमागच्छंति ? जाव दससमयपविट्ठा
पुग्गला गहणमागच्छंति ?, संखिज्जसमयपविट्ठा पुग्गला
गहणमागच्छंति ?, असखिज्जसमयपविट्ठा पुग्गला गहणमा-
गच्छति ?, एवं वयत चोयग पण्णवए एवं वयासी—नो एग-
समयपविट्ठा पुग्गला गहणमागच्छंति, नो दुसमयपविट्ठा पुग्गला
गहणमागच्छंति, जाव नो दससमयपविट्ठा पुग्गला -गहणमा-
गच्छति, नो संखिज्जसमयपविट्ठा पुग्गला गहणमागच्छति;
असखिज्जसमयपविट्ठा पुग्गला गहणमागच्छति । से त्तं पडिबोह-
गदिट्ठतेणं ।

से किं तं मल्लगदिट्ठतेणं ?

मल्लगदिट्ठतेणं—से जहानामए केइ पुरिसे आवागसीसाओ मल्लग
गहाय तत्थेगं उदगविट्ठ पक्खविज्ञा, से नट्ठे. अण्णेऽवि पक्खत्ते,
सेऽवि नट्ठे, एवं पक्खप्पमाणेसु-पक्खप्पमाणेसु होही से उदगविट्ठ
जे णं तं मल्लग रावेहिइत्ति, होही से उदगविट्ठ जे ए तसि
मल्लगसि ठाहित्ति; होही से उदगविट्ठ जेण त मल्लगं

भरिहिति; होही से उदगविद् जेणं तं मल्लगं पवाहेहिति । एवामेव पक्वत्पमाणोहि-पक्वत्पमाणोहि-अणंतेहि पुग्गलेहि जाहे त वंजणं पूरियं होइ; ताहे हुंति करेइ, नो चेव ण जाणइ के वि एस सद्दाइ ? तओ ईह पविसइ, तओ जाणइ अमुगे एस सद्दाइ ? तओ अवायं पविसइ, तओ से उवगयं हवइ, तओ णं धारणं पविसइ, तओ ण धारेइ सखिज्ज वा काल, असंखिज्जं वा कालं ।

से जहानामए केइ पुरिसे अक्वत्तं सद्दं सुणिज्जा, तेणं सद्दोत्ति उग्गहिए, नो चेव ण जाणइ, के वेस सद्दाइ ? तओ ईह पविसइ, तओ जाणइ अमुगे एस सद्दे, तओ णं अवायं पविसइ, तओ णं धारेइ, संखेज्जं वा कालं, असंखेज्जं वा कालं ।

से जहानामए केइ पुरिसे अक्वत्तं रूवं पासिज्जा, तेणं रूवत्ति उग्गहिए, नो चेव णं जाणइ, के वेस रूवत्ति ? तओ ईह पविसइ, तओ जाणइ, अमुगे एस रूवे, तओ अवायं पविसइ, तओ से उवगयं हवइ, तओ धारणं पविसइ, तओ णं धारेइ संखेज्जं वा कालं, असंखेज्जं वा कालं ।

से जहानामए केइ पुरिसे अक्वत्तं गंधं अग्घाइज्जा, तेणं गंधत्ति उग्गहिए, नो चेव णं जाणइ, के वेस गंधेत्ति; तओ ईह पविसइ, तओ जाणइ अमुगे एस गंधे; तओ अवायं पविसइ, तओ से उवगयं हवइ; तओ धारणं पविसइ, तओ णं धारेइ, संखेज्जं वा कालं, असंखेज्जं वा कालं ।

से जहानामए केइ पुरिसे अक्वत्तं रसं आसाइज्जा, तेणं रसोत्ति उग्गहिए, नो चेव णं जाणइ, के वेस रसेत्ति ? तओ ईह पविसइ, तओ जाणइ, अमुगे एस रसे, तओ अवायं पविसइ, तओ से उवगयं हवइ, तओ धारणं पविसइ, तओ णं धारेइ, संखिज्जं वा कालं, असंखिज्जं वा कालं ।

से जहानामए केइ पुरिसे अक्वत्त फास पडिसंवेइज्जा, तेण फासेत्ति उग्गहिए, नो चेव ण जाणइ, के वेस फासओत्ति ? तओ ईह पविसइ, तओ जाणइ अमुगे एस फासे, तओ अवायं पविसइ, तओ से उवगय हवइ, तओ धारणं पविसइ, तओ ण धारेइ संखेज्ज वा कालं, असखेज्ज वा कालं ।

से जहानामए केइ पुरिसे अक्वत्त फासं पडिसंवेइज्जा, तेण फासेत्ति उग्गहिए, नो चेव ण जाणइ, के वेस फासओत्ति ? तओ ईह पविसइ, तओ जाणइ, अमुगे एस फासे, तओ अवाय पविसइ, तओ से उवगयं हवइ, तओ धारण पविसइ, तओ णं धारेइ संखेज्जं वा काल, असंखेज्ज वा कालं ।

से जहानामए केइ पुरिसे अक्वत्तं सुमिणं पासिज्जा, तेणं सुमिणेत्ति उग्गहिए, नो चेव णं जाणइ, के वेस सुमिणेत्ति ? तओ ईह पविसइ, तओ जाणइ अमुगे एस सुमिणे, तओ अवायं पविसइ, तओ से उवगयं हवइ, तओ धारणं पविसइ, तओ णं धारेइ सखेज्ज का काल, असखेज्ज वा काल । से तं मल्लगदिट्ठतेण ॥सू० ३६॥

तं समासओ चउव्विहं पणत्तं, त जहा—दक्वओ, खित्तओ, कालओ, भावओ । तत्थ दक्वओ णं आभिणिबोहियनाणी आएसेणं सक्वाइं दक्वाइ जाणइ, न पासइ । खित्तओ णं आभिणिबोहियनाणी आएसेण सक्वं खित्त जाणइ न पासइ । कालओ णं आभिणिबोहियनाणी आएसेणं सक्व कालं जाणइ, न पासइ । भावओ ण आभिणिबोहियनाणी आएसेणं सक्वे भावे जाणइ, न पासइ ।

उग्गह ईहाऽवाओ य, धारणा एव हुंति चत्तारि ।

आभिणिबोहियनाणत्स, भेयवत्थू समासेणं ॥ २८॥

अत्याणं उगहणम्मि, उगहो तह वियालणे ईहा ।
 ववसायम्मि अवाओ, धरणं पुण धारणं विन्ति ॥२६॥
 उगह इवकं समय, ईहा-वाया मुहुत्तमद्धं तु ।
 कालमसख संखं च, धारणा होइ नायव्वा ॥३०॥
 पृढु नुणेइ मद्, ह्वं पुण पासइ अपुढु तु ।
 गधं रसं च फास च, वद्धपुढु वियागरे ॥३१॥
 भासा समसेढीओ. सद्दं जं सुणइ मीसिय मुणइ ।
 बीमेढी पुण सद्द, सुणेइ तियमा पराघाए ॥३२॥
 ईहा अपोह बीमसा, मग्गणा य गवेसणा ।
 मन्ना सई मई पन्ना, सव्वं आभिणिवोहिय ॥३३॥
 मे त्त आभिणिवोहियनाणपरोक्खं । से त्तं मइनाण ॥सू०३७॥
 से कि तं सुयनाणपरोक्खं ?

सुयनाणपरोक्ख चोद्दसविहं पणत्तं तं जहा—अक्खर-
 सुयं १, अणक्खरसुयं २, सणिसुयं ३, असणिसुयं ४, सम्मसुयं
 ५, मिच्छसुयं ६, साइय ७, अणाइयं ८, सपज्जवसियं ९, अपज्ज-
 वसियं १०, गमियं ११, अगमियं १२, अगपविट्ठं १३, अणगपविट्ठं
 १४ ॥सू० ३८॥

से कि त अक्खरसुयं ?

अक्खरसुयं तिविहं पणत्तं, तं जहा—सन्नक्खरं, वंजणक्खरं
 लद्धि-अक्खरं ।

मे कि त सन्नक्खरं ?

१. अत्याण उगहण, च उगहो तह वियालणे ईहा ।

ववसाय च अवाओ धरणं पुण धारणं विन्ति ॥२६॥

सन्नक्खर अक्खरस्स संठाणागिई । से तं सन्नक्खरं ।

से किं तं वंजणक्खर ?

वजणक्खरं अक्खरस्स वंजणाभिलावो । से तं वंजणक्खरं ।

से किं तं लद्धिअक्खरं ?

लद्धि-अक्खरं अक्खरलद्धियस्स लद्धिअक्खरं समुप्पज्जइ, तं जहा—सोइदियलद्धि-अक्खर, चक्खिदिय-लद्धिअक्खर, घाणिदियलद्धि-अक्खर, रसणिदियलद्धि-अक्खर, फासिदियलद्धि-अक्खरं, नोइदियलद्धि-अक्खरं, । से तं लद्धिअक्खरं । से त अक्खरसुयं ॥

से किं तं अणक्खरसुय ?

अणक्खरसुयं अण्जेगविहं पणत्त, तजहा—

ऊससिय नीससिय, निच्छूढं खासियं च छीयं च ।

निस्सिधियमणुसारं, अणक्खरं छेलियाईय ॥३४॥

से तं अणक्खरसुयं ॥सू० ३६॥

से किं तं सणिसुय ?

सणिसुयं तिविहं पणत्त, तं जहा—कालिओवएसेण, हेऊवएसेणं, दिट्ठिवाओवएसेण ।

से किं तं कालिओवएसेणं ?

कालिओवएसेण—जस्स णं अत्थि ईहा, अवोहो, मग्गणा, गवेसणा, चिन्ता, वीमसा, से ण सण्णीत्ति लब्भइ । जस्स ण नत्थि ईहा, अवोहो, मग्गणा, गवेसणा, चिन्ता, वीमसा, से णं असण्णीत्ति लब्भइ । से तं कालिओवएसेणं ।

से कि त हेऊवएसेण ?

हेऊवएसेणं जस्स णं अत्थि अभिसंधारणपुट्ठिया करणसत्ती, से णं सण्णीत्ति लवभइ । जस्स णं नत्थि अभिसंधारणपुट्ठिया करणसत्ती, ने णं असण्णीत्ति लवभइ । से त्तं हेऊवएसेण ।

से कि त दिट्ठिवाओवएसेणं ?

दिट्ठिवाओवएसेण—सण्णिमुयस्स खओवसमेण सण्णी लवभइ, असण्णिमुयस्स खओवसमेणं असण्णी लवभइ । से त्त दिट्ठिवाओवएसेणं । से त्त सण्णिमुयं । से त्तं असण्णिमुय ॥सू० ४० ॥

से कि त सम्ममुय ?

सम्ममुय ज इम अरहंतेहि, भगवतेहि, उप्पण्णनाणदसणधरेहि, तेलुङ्गनिरिक्खिय-महिय-पूइएहि, तीय-पडुप्पण-मणागय-जाणएहि, सव्वण्णहि सव्वदरिसीहि पणीयं दुवालसगं गणिपिडग, तं जहा—आधारो १, सूयगडो २, ठाण ३, समवाओ ४, विवाहपण्णत्ती ५, नायाधम्मकहाओ ६, उवासगदसाओ ७, अतगडदसाओ ८, अणुत्तरोववाइयदसाओ ९, पण्हावागरणाइ १०, विवागमुय ११, दिट्ठिवाओ १२ । इच्चेय दुवालमग गणिपिडगं चोदसपुट्ठिस्स सम्ममुय, अभिण्णदसपुट्ठिस्स नम्ममुयं, तेण परं भिण्णेसु भयणा । से त्त सम्ममुय ॥सू० ४१ ॥

से कि तं मिच्छामुय ?

मिच्छामुयं ज इमं अण्णाणिएहि मिच्छादिट्ठिएहि, सच्छदवुट्ठिमइविगप्पिय, तं जहा—भारह, रामायणं, भोमासुख्ख, कोडिल्लयं, सगडभट्ठियाओ, घोउमुह', कप्पासियं नागसुहुमं, कणगसत्तरी, वरुत्तेसियं, वुट्ठवयणं, तेरासियं, काविलियं, लोगायय, सट्ठितंतं, माडर, पुराणं, वागरणं, भागवयं, पायजली, पुस्सदेवयं, लेहं, गनिय, सउपत्तयं, नाज्याइ । अहया—वावत्तरिकलाओ, चत्तारिय

वेद्या संगोवंगा । एयाइ मिच्छदिट्ठिस्स मिच्छत्तपरिग्गहियाइ
मिच्छासुयं, एयाइं चेव सम्मदिट्ठिस्स सम्मत्तपरिग्गहियाइ सम्मसुयं,
अहवा—मिच्छदिट्ठिस्स वि एयाइं चेव सम्मसुय, कम्हा ? सम्मत्तहे-
उत्तणओ, जम्हा ते मिच्छदिट्ठिया तेहिं चेव समएहिं चोइया
समाणा केइ सपखदिट्ठीओ चयंति । से त्त मिच्छासुयं ॥ सू० ४२ ॥

से किं त साइयं-सपज्जवसियं, अणाइयं-अपज्जवसिय च ?

इच्चेइयं दुवालसंग गणिपिडगं वुच्छित्तिनयट्ठयाए साइयं-
सपज्जवसियं, अवुच्छित्तिनयट्ठयाए अणाइयं-अपज्जवसिय ।
तं समासओ चउव्विह पण्णत्तं, त जहा—दव्वओ, खित्तओ,
कालओ, भावओ । तत्थ दव्वओ णं सम्मसुयं एगं पुरिसं
पडुच्च साइय-सपज्जवसिय, बहवे पुरिसे य पडुच्च अणाइयं-
अपज्जवसियं । खेत्तओ ण पच भरहाइ, पचेरवयाइं पडुच्च
साइयं, पचमहाविदेहाइं पडुच्च अणाइय-अपज्जवसिय । कालओ
णं उस्सप्पिणि ओसप्पिणि च पडुच्च साइयं-सपज्जवसियं, नो-
उस्सप्पिणि नोओसप्पिणि च पडुच्च अणाइयं अपज्जवसियं ।
भावओ णं जे जया जिणपन्नत्ता भावा आघविज्जंति, पण्णवि-
ज्जंति, परूविज्जंति, दंसिज्जंति, निदंसिज्जंति, उवदसिज्जंति, ते
तया भावे पडुच्च साइय सपज्जवसियं । खाओवसमियं पुण भावं
पडुच्च अणाइयं अपज्जवसियं । अहवा भवसिद्धियस्स सुयं
साइय सपज्जवसियं च, अभावसिद्धियस्स सुयं अणाइयं अप-
ज्जवसिय च, सव्वागासपएसग्गं सव्वागासपएसेहिं अणतगुणियं-
पज्जवक्खर निप्फज्जइ, सव्वजीवाणंपि य णं अक्खरस्स अणंत-
भागो निच्चुग्घाडियो, जइ पुण सोऽवि आवरिज्जा तेणं जीवो
अजीवत्त पाविज्जा,—“सुट्ठुवि मेहसमुदए, होइ पभा चंद-

सूराणा” । से तं साइयं सपञ्जवसिय । से तं अणाइयं अपञ्जव-
सियं ॥सू० ४३॥

से किं तं गमियं ?

गमियं दिष्टिवाश्रो ।

से किं त अगमियं ?

अगमिय कालियं सुयं । से तं गमियं, से त अगमियं ॥

अह्वा तं समासश्रो दुविह पणत्त, तं जहा—अंगपविट्टं
अगवाहिरं च । से किं तं अगवाहिरं ? अंगवाहिरं दुविहं पणत्तं,
तं जहा—आवस्सयं च, आवस्सयवइरित्तं च । से किं तं आव-
स्सयं ? आवस्सय द्द्विह पणत्तं, तंजहा—सामाइयं, चउवी-
न्त्यश्रो, वंदणय, पडिक्कमणं, काउस्सगो, पच्चक्खाण, से तं
आवस्सय ।

ने किं तं आवस्सयवइरित्तं ? आवस्सयवइरित्तं दुविहं पणत्तं,
तंजहा—कालिय च, उक्कालिय च ॥

से किं त उक्कालियं अणेगविहं पणत्तं, तंजहा—दसवेया-
लिय, कप्पियाकप्पियं, चुल्लकप्पसुयं, महाकप्पसुय, उववाइयं, राय-
पमेणिय, जीवाभिगमो, पणवणा, महापणवणा, पमायप्पमाय,
नंदी, अणुश्रोगदाराइ, देविदत्यश्रो, तदुलवेयालियं, चन्दाविज्भयं,
सूरपणत्ती, पोरिसिमण्डलं, मण्डलपवेत्तो, विज्जाचरणविणिच्छश्रो,
गणिविज्जा, भाणविभत्ती, मरणविभत्ती, आयविसोही, वीयरानसुयं,
नलेहणामुयं, विहारकप्पो, चरणविही, आउरपच्चक्खाण, महा-
पच्चक्खाणं, एवमाइ; से तं उक्कालियं ।

ने किं तं कालियं ?

कालियं अणेगविहं पणत्त, तंजहा—उत्तरज्भयणाइ;

दसाश्रो, कप्पो, ववहारो, निसीह, महानिसीह, इसिभासियाइ
जम्बूदीवपन्नत्ती, दीवसागरपन्नत्ती, चन्दपन्नत्ती, खुड्डिया विमाण-
पविभत्ती, महल्लिया विमाणपविभत्ती, अगचूलिया, वग्गचूलिया
विवाहचूलिया, अरुणोववाए, वरुणोववाए, गरुलोववाए, धरणो-
ववाए, वेसमणोववाए, वेलंधरोववाए, देविंदोववाए, उट्टाणसुए
समुट्टाणसुए, नागपरियावगियाश्रो, निरयावलियाश्रो कप्पियाश्रो
कप्पवडिसियाश्रो, पुप्फियाश्रो, पुप्फचूलियाश्रो, वण्हीदसाश्रो
(आसीविसभावणाणं, दिट्ठिविसभावणाण, सुमिणभावणाणं, महा-
सुमिणभावणाण, तेयगिगनिसग्गाण,) एवमाइयाइ चउरासीइं पइन्न-
गसहस्साइं भगवश्रो अरहश्रो उसहसामिस्स आइतित्थयरस्स, तह
सखिज्जाइ पइन्नगसहस्साइ मज्झिमगाण जिणवरणां, चोदस पइन्नग-
सहस्साइ भगवश्रो वद्धमाणसामिस्स । अहवा जस्स जत्तिया सीस
उप्पत्तियाए, वेणइयाए, कम्मयाए, परिणामियाए चउव्विहाए
बुद्धीए उववेया तस्स तत्तियाइ पइण्णगसहस्साइ, पत्तेयबुद्धावि-
तत्तिया चेव । से त्त कालिय । से त्त आवस्सयवइरित्त । से त्त अणं
गपविट्ठ ॥सू०४४॥

से किं त अगपविट्ठं ?

अगपविट्ठं दुवालसविहं पणत्तं, तं जहा—आयारो १, सूय-
गडो २, ठाण ३, समवाश्रो ४, विवाहपन्नत्ती ५, नायाधम्मकहाश्रो ६
उवासगदसाश्रो ७, अतगडदसाश्रो ८, अणुत्तरोववाइयदसाश्रो ९
पण्हावागरणाइं १०, विवागसुयं ११, दिट्ठिवाश्रो १२ ॥सू० ४५॥

से किं तं आयारे ? आयारे णं समणाण निगंयाण आया-
रगोयरविणयवेइयसिक्खाभासाअभासाचरणकरणजायामायावित्तीअं
आघविज्जति । से समासश्रो पंचविहे पणत्ते, तं जहा—नाणायारे
दंसणायारे, चरित्तायारे, तवायरे, वीरियायारे । आयारे णं परित्त

दायणा, संखेज्जा अणुश्रोगदारा, सखिज्जा वेढा, संखिज्जा सिलोगा, नखिज्जाओ विज्जुत्तीओ, (सखिज्जाओ संगहणीओ) सखिज्जाओ पडिवत्तीओ पडिवत्तीओ । से णं अंगट्टयाए पढसे अंगे, दो सुयक्खंधा, पण्ठीस अज्झयणा, पचासीइ उट्टेसणकाला, पचासीइ समुट्टेसणकाला, अट्टारस पयसहस्ताइं पयग्गेणं, संखिज्जा अक्खरा, अणता गमा, अणता पज्जवा, परित्ता तसा, अणता थावरा, सासयकडनिवट्टनिकाइया जिणपण्णत्ता भावा आघविज्जति, पन्नविज्जति, पट्टविज्जति, दसिज्जति, निदंसिज्जति, उवदसिज्जति । से एवं आया, एव नाया, एव विण्णाया, एवं चरणकरणपरुवणा आघविज्जइ । से तं आयारे १ ॥ सू० ४६ ॥

से किं त सूयगडे ? सूयगडे णं लोए सूइज्जइ, अलोए सूइज्जइ, लोयालोए सूइज्जइ, जीवा सूइज्जति, अजीवा सूइज्जति, ससमए सूइज्जइ, परसमए सूइज्जइ, ससमयपरसमए सूइज्जइ, सूयगडे णं असोयस्स किरियावाइसयस्स, चउरासीइए अकिरियावाइणं, सत्तट्टीए अण्णणीयवाइणं, वत्तीसाए वेणइयवाइणं, तिण्हं तेसट्टाणं पासडियसयाणं वूहं किञ्चा ससमए ठाविज्जइ । सूयगडे णं परित्ता दायणा, संखिज्जा अणुश्रोगदारा, संखेज्जा वेढा, संखिज्जा सिलोगा, संखिज्जाओ निज्जुत्तीओ, (सखिज्जाओ संगहणीओ) सखिज्जाओ पडिवत्तीओ, से णं अंगट्टयाए विइए अंगे, दो सुयक्खंधा, तेवीसं अज्झयणा, तित्तीस उट्टेसणकाला, तित्तीसं समुट्टेसणकाला, छत्तीसं पयसहस्ताइं पयग्गेणं । संखिज्जा, अक्खरा, अणता गमा, अणत्ता पज्जवा, परित्ता तसा, अणता थावरा, सासयकडनिवट्टनिकाइया जिणपण्णत्ता भावा आघविज्जति पण्णविज्जति, पट्टविज्जति, दसिज्जति, निदंसिज्जति, उवदंसिज्जति । से एव आया, एव नाया, एवं विण्णाया, एवं चरणकरणपरुवणा आघविज्जइ, से तं सूयगडे २ ॥ सू० ४७ ॥

से किं तं ठाणे ? ठाणे षं जीवा ठाविज्जंति, अजीवा ठाविज्जंति, जीवाजीवा ठाविज्जंति, ससमए ठाविज्जइ, परसमए ठाविज्जइ, ससमयपरसमए ठाविज्जइ, लोए ठाविज्जइ, अलोए ठाविज्जइ । लोयालोए ठाविज्जइ । ठाणे षं टका, कूडा, सेला, सिंहरिणो, पढभारा, कुंडाईं गुहाओ, आगरा, दहा, नईओ, आघविज्जंति । ठाणे षं एगाइयाए एगुत्तरियाए वुड्डीए दसदुवाणगविवड्डियाण भावाणं परूवणा आघविज्जइ । ठाणे षं परित्ता वायणा, सखेज्जा अणुओगदारा, सखेज्जा वेढा, संखेज्जा सिलोगा, सखेज्जाओ निज्जुत्तीओ, संखेज्जाओ संगहणीओ; सखेज्जाओ पडिवत्तीओ । से षं अगदुयाए तइए अगे, एगे सुयक्खंधे, दस अज्जभयणा एगवीस उद्देसणकाला, एगवीसं समुद्देसणकाला, बावत्तरि पयसहस्सा पयग्गेणं, सखेज्जा अक्खरा, अणंता गमा, अणंता पल्लवा, परित्ता तसा, अणता थावरा, सासयकडनिबद्धनिकाइया जिणपन्नत्ता भावा आघविज्जंति, पन्नविज्जंति, परूविज्जंति दंसिज्जंति, निदसिज्जंति, उवदसिज्जंति । से एव आया, एवं नाया, एवं विण्णाया, एव चरणकरणपरूवणा आघविज्जइ । से तं ठाणे ३ ॥ सू० ४८ ॥

से किं तं समवाए ? समवाए षं जीवा समासिज्जंति, अजीवा समासिज्जंति, जीवाजीवा समासिज्जंति, ससमए समासिज्जइ, परसमए समासिज्जइ, ससमयपरसमए समासिज्जइ, लोए समासिज्जइ, अलोए समासिज्जइ, लोयालोए समासिज्जइ । समवाए षं एगाइयाण एगुत्तरियाण ठाणसयविवड्डियाण भावाणं परूवणा आघविज्जइ; दुवालसविहस्स य गणिपिडगस्स पल्लवग्गे समासिज्जइ । समवायस्स षं परित्ता वायणा, संखिज्जा अणुओगदारा, संखिज्जा वेढा, संखिज्जा सिलोगा, संखिज्जाओ निज्जुत्तीओ, संखिज्जाओ संगहणीओ । संखिज्जाओ पडिवत्तीओ ।

ने ण अगट्टयाए चउत्थे अगे, एगे सुयक्खवे, एगे उट्ठेनएकाले, एगे नमुट्ठेनणकाले एगे चोयाले सयसहस्से पयग्गेण । सत्तेज्जा प्रक्खरा, अणता गमा, अणंता पञ्जवा, परिता तमा, अणता थावरा, सासयकडनिवद्धनिकाइया जिणपण्णत्ता भावा प्राघविज्जति, पण्णविज्जति, पहरुविज्जति, दसिज्जति, निदनिज्ज ति. उवदसिज्ज ति ।

ने एव आया. एव नाया, एव विण्णाया, एव चरणकरणम्बणा प्राघविज्जड । से त्त समवाए ४ ॥ सू० ४६ ॥

ने किं त विवाहे ? विवाहे णं जीवा विश्राहिज्जति, अजीवा विश्राहिज्ज ति, जीवाजीवा विश्राहिज्ज ति, ससमए विश्राहिज्जति, परसमए विश्राहिज्जति, नममयपरसमए विश्राहिज्जति, लोए विश्राहिज्जति, अणोए विश्राहिज्जति, लोयालोए विश्राहिज्जति । विवाहस्स ण परिता वायणा, सतिज्जा अणुअणोदारा, सखिज्जा वेढा, नदिज्जा मन्नेणा नविज्जाओ निज्जुत्तीओ, सखिज्जाओ सगहणीओ सनिज्जाओ पडिवत्तीओ । ने ण अगट्टयाए पच्चमे अगे, एगे सुयक्खवे, एगे नाइरेगे अञ्जपणसए, दस उट्ठेसगसहस्साइं, दस समुट्ठेनगमहस्साइ, छत्तीम वागरणनहस्साइ, दो लक्खा अट्ठासीइं पयसहस्साइ पयग्गेण. नदिज्जा अक्खरा, अणंता गमा, अणंता पञ्जवा, परिता तमा. अणता थावरा, सासयकड निवद्ध निकाइया जिणपण्णत्ता भावा प्राघविज्जति, पण्णविज्जति, पहरुविज्जति, दसिज्जति, निदनिज्ज ति. उवदनिज्जति । से एव आया, एव विण्णाया, एव चरणकरणम्बणा प्राघविज्जड । ने त्त विवाहे ॥ ५ सू० ५० ॥

ने किं त नायावम्मकहाओ ? नायावम्मकहाओ ण नायाण नगणइ, उज्जायणाइ, चेडत्राइ, वएणडाइं, नमोनरणाइं, रायाणी, यम्माणिवरो, धम्माधारिया, धम्मकहाओ. इहलोडयपरलोइया इट्ठियिसेमा, भोगपरिज्जाया, पच्चज्जाओ, परिआया, सुयपरिगहा,

तवोवहाराण्डं, सलेहणाओ, भक्तपञ्चवखाणाइं, पाओवगमणाइ, देवलोग-
गमणाइ, सुकुलपञ्चायाइओ, पुणवोहिलाभा, अतकिरियाओ य
आघविज्जति । दस धम्मकहाण वग्गा, तत्थ ण एगमेगाए धम्म-
कहाए पच्च पच्च अक्खाइया सयाइ, एगमेगाए अक्खाइयाए पंच
पंच उवक्खाइया सयाइ । एगमेगाए उवक्खाइयाए पच्च
पच्च अक्खाइय-उवक्खाइयासयाइ । एवमेव सपुन्वावरेणं अद्दुद्दुओ
कहाणगकोडीओ हवंतित्ति समक्खायं । नायाधम्मकहाणं परित्ता
वायणा, संखिज्जा अणुओगदारा, सखिज्जा वेढा, सखिज्जा सिलोगा,
सखिज्जाओ निज्जुत्तीओ, संखिज्जाओ सगहणीओ, सखिज्जाओ पडिव-
त्तीओ । से णं अगट्ठयाए छट्ठे अंगे, दो सुयक्खधा, एगूणवीसं
अञ्जयणा, एगूणवीस उद्देसणकाला एगूणवीस तामुद्देसणकाला,
संखेज्जा पयलहस्सा पयग्गेण । संखेज्जा अक्खरा, अणता गमा, अणता
पञ्जवा, परित्ता तसा, अणता थावरा, सासयऽडनिवद्धनिकाइया
जिणपण्णत्ता आजा आघविज्ज ति, पण्णविज्ज ति, पळविज्ज ति,
दसिज्जति, निदसिज्ज ति उवदंसिज्ज ति । एवं आया, एव नाया, एव
विण्णाया । एव चरणकरणपळवणा आघविज्जइ । से तं
नायाधम्मकहाओ ६ । सू० ५१॥

से किं त उवासगदसाओ ? उवासगदसासु ण समणो-
वासयाणं नगराइ, उज्जाणाइं, चेइयाइ, वणसंडाइं, सनोसर-
णाइ, रायाणो, अम्मापियरो, धम्मायरिया, धम्मकहाओ. इह-
लोइयपरलोइया इड्ढिविसेसा, भोगपरिज्जाया, पच्चज्जाओ, परिआगा.
सुयपरिग्गहा, तवोवहाणाइ, लीलव्वयगुण-वेरमणपञ्चवखाण-पोस-
होववास-पडिवज्जणया, पडिमाओ, उवसग्गा, सलेहणाओ, भक्त-
पञ्चवखाणाइं, पाओवगमणाइं, देवलोगगमणाइं, सुकुलपञ्चायाइओ,
पुणवोहिलाभा, अतकिरियाओ य आघविज्ज ति । उवासगदसाणं
परित्ता वायणा, संखेज्जा अणुओगदारा, संखेज्जा वेढा, संखेज्जासिलोगा,

संखेज्जाओ निज्जुत्तीओ, संखेज्जाओ संगहणीओ, संखेज्जाओ पडिबत्ती-
ओ । से ण अंगद्वयाए सत्तमे अगे, एगे सुयवखधे, दस अज्झयणा,
दस उद्देसणकाला, दस समुद्देसणकाला, संखेज्जा पयसहस्सा पयग्गेण ।
संखेज्जा अक्खरा, अणंता गमा, अणता पज्जवा, परित्ता तसा
अणता थावरा, सासयकडनिवद्धनिकाइया जिणपण्णत्ता भावा
आघविज्जंति, पन्नविज्जंति, पुरुविज्जंति, दसिज्जंति, निदंसिज्जंति,
उवदंसिज्जंति । से एव आया, एवं नाया, एवं विघ्नाया, एवं चरणकरण-
पह्वणा आघविज्जइ । से त्त उवासगदसाओ ७ ॥सू० ५२॥

से किं त अंतगडदसाओ ? अंतगडदसासु णं अंतगडाणं
नगराइं, उज्जाणाइं, चेइयाइ, वणसंडाइ, समोसरणाइं, रायाणो,
अम्मापियरो, घम्मायरिया, घम्मकहाओ इहलोइयपरलोइया
इट्टिविसेसा, भोगपरिज्जागा, पव्वज्जाओ, परिआगा, सुयप-
त्तिगहा, तवोवहाणाइ, सलेहणाओ, भत्तपञ्चखाणाइं, पाओ-
वगमणाइ, अतकिरियाओ, आघविज्जंति । अंतगडदसासु णं
परित्ता वाक्खणा, संखिज्जा अणुओगदारा, संखेज्जा वेढा, संखेज्जा
सिलोगा, संखेज्जाओ निज्जुत्तीओ, संखेज्जाओ संगहणीओ, संखेज्जाओ
पडिबत्तीओ । से ण अंगद्वयार अट्टमे अगे, एगे सुयवखधे, अट्ट
चरगा, अट्ट उद्देसणकाला, अट्ट ममुद्देसणकाला, संखेज्जा पयसहस्सा
पयग्गेण । संखेज्जा अक्खरा, अणता गमा, अणता पज्जवा, परित्ता
तना, अणता थावरा, सासयकडनिवद्धनिकाइया जिणपण्णत्ता
भावा आघविज्जंति, पन्नविज्जंति, पुरुविज्जंति, दसिज्जंति, निद-
मिज्जंति; उवदंसिज्जंति से एवं आया एव नाया, एव विघ्नाया । एव
चरणकरणपह्वणा आघविज्जइ । से त्त अंतगडदसाओ ८ ॥सू० ५३॥

से किं त अणुत्तरोववाइयदसाओ ? अणुत्तरोववाइयद-
सासु णं अणुत्तरोववाइयाणं नगराइं, उज्जाणाइं, चेइयाइं,
अणसंडाइं, समोसरणाइं, रायाणो, अम्मापियरो, घम्मायरिया,

धम्मकहाओ, इहलोइयपरलोइया इड्ढिविसेसा, भोगपरि-
 चागा, पव्वञ्जाओ, परिआगा, सुयपरिग्गहा, तवोवहाणाइं,
 पडिमाओ, उवसगा, सलेहणाओ, भत्तपच्चक्खाणाइं, पाओव-
 गमणाइं, अणुत्तरोववाइयत्ते उववत्ती, सुकुलपच्चायाईओ,
 पुणवोहिलाभा, अतकरियाओ, आघविज्जति । अणुत्तरोववा-
 इयदसासु णं परित्ता वायणा, संखेज्जा अणुओगदारा, संखेज्जा
 वेढा, संखेज्जा सिलोगा, संखेज्जाओ निज्जुत्तीओ, संखेज्जाओ
 संगहणीओ, संखेज्जाओ पडिवत्तीओ । से णं अंगदुयाए नवमे अंगे,
 एगे सुयक्खंधे, तिन्नि वग्गा, तिन्नि उद्देसणकाला, तिन्नि समुद्देसण-
 काला । संखेज्जाइं पयसहस्साइं पयग्गेण । संखेज्जा अक्खरा,
 अणंता गमा, अणंता पञ्जवा, परित्ता तसा अणता
 थावरा, सासयकडनिवद्धनिकाइया जिणपण्णत्ता भावा आघविज्जंति,
 पण्णविज्जति, परुविज्जंति, दसिज्जति, निदंसिज्जंति, उवदंसि-
 ज्जंति । से एवं आया, एव नाया, एवं विण्णयाया, एवं चरणकरण-
 परुवणा आघविज्जइ । से तं अणुत्तरोववाइयदसाओ ६ ॥सू०५४ ॥

से किं तं पण्हावागरणाइं ? पण्हावागरणेषु णं अट्ठुत्तरं
 पसिणसयं, अट्ठुत्तरं अपसिणसयं, अट्ठुत्तर पसिणापसिणसयं
 तंजहा—अंगुदुपसिणाइं, वाहुपसिणाइं, अद्दागपसिणाइं, अन्ने
 वि विचित्ता विज्जाइसया, नागसुवण्णेहिं सद्धि दिव्वा सवाया
 आघविज्जति । पण्हावागरणाणं परित्ता वायणा, संखेज्जा अणु-
 ओगदारा, संखेज्जा वेढा, संखेज्जा सिलोगा, संखेज्जाओ निज्जु-
 त्तीओ, संखेज्जाओ संगहणीओ, संखेज्जाओ पडिवत्तीओ । से णं
 अंगदुयाए दसमे अंगे; एगे सुयक्खंधे, पणयालीसं अज्भयणा,
 पणयालीस उद्देसणकाला, पणयालीसं समुद्देसणकाला । संखेज्जाइं
 पयसहस्साइ पयग्गेणं । संखेज्जा अक्खरा, अणंता गमा, अणंता
 पज्जवा, परित्ता तसा, अणता थावरा, सासयकडनिवद्धनिकाया

जिणपणत्ता भावा आघविज्जति, पणविज्जति, परुविज्जति, दसिज्जति, निदसिज्जति, उवदंसिज्जति । से एवं आया, एवं नाया, एवं विण्णाया, एव चरणकरणपरुवणा आघविज्जइ । से तं पण्हावागरणाइं १० ॥ सू० ५५ ॥

से किं त विवागसुय ? विवागसुए ण सुकडुडुङ्गडानं कम्मण फलविवागे आघविज्जइ । तत्य णं दस दुह विवागा, दस नुहविवागा ।

ने किं त दुहविवागा ? दुहविवागेषु ण दुहविवागाण नगराइ, उज्जाणइं, वणसंडाइ, चेइयाइ, समोसरणाइ, रायाणो प्रम्मापियरो, धम्मायरिया, धम्मकहाओ, इहलोइयपरलोइया इड्ढिविसेता । निग्गयगमणाइं, संसारभवपवचा, दुहपरंपराओ, दुकुलपच्चायाईओ, दुल्लहवोहियत्त आघविज्जइ । से त्त दुहविवागा ।

से किं त सुहविवागा ? सुहविवागेषु ण सुहविवागाण नगराइं, उज्जाणाइं, वणनडाइ, चेइयाइं; समोसरणाइ, रायाणो, प्रम्मापियरो, धम्मायरिया, धम्मकहाओ, इहलोइयपरलोइया इड्ढिविसेता, भोगपरिच्चागा, पव्वज्जाओ, परियागा, सुष्ठपरिग्गहा, तलोवहाणाइं, सलेहणाओ, भत्तपच्चक्खाणाइ, पाओवगमणाइ, देवलोगगमणाइ, नुहपरपराओ, सुकुलपच्चायाईओ, पुणवोहिलाभा, अंतदिरियाओ, आघविज्जति । विवागसुयस्स णं परित्ता वायणा, सखेज्जा अणुओगदारा, सखेज्जा वेढा, संखेज्जा सिलोगा, संखेज्जाओ निज्जत्तीओ, सरिज्जाओ पटिवत्तीओ । से ण अगट्टयाए इट्टारनमे प्रगे, दो नुयवखधा, वीसं अज्झयणा, वीसं उट्टेणकाला, वीसं समट्टेणकाला. संखिज्जाइं पयसहस्साइं पयग्गेणं । संखेज्जा अज्जवरा. अणता गमा, अणता पज्जवा, परित्ता तसा अणता वादना, नामयकडनिवद्धनिकाइया जिणपणत्ता भावा आघविज्जति परविज्जति. परुविज्जति, दंसिज्जति निदसिज्जति, उवदसिज्जति । से एवं आया, एवं नाया, एव विन्नाया, एवं

करणपरुवणा आघविज्जड । से त्त त्रिवागसुयं ११ ॥ सू० ५ : ॥

ते किं त दिट्टिवाए ? दिट्टिवाए ण सव्वभावपरुवणा आघ-
विज्जड, से समासओ पंचविहे पणत्ते, तं जहा—१ परिकम्मे,
२ नुत्ताइ, ३ पुव्वगए ४ अणुओगे ५ चूलिया ।

से किं तं परिकम्मे ? परिकम्मे सत्तविहे पणत्ते, त जहा—
१ सिद्धसेणियापरिकम्मे, २ मणुस्ससेणियापरिकम्मे, ३ पुट्टसेणिया-
परिकम्मे, ४ ओगाढसेणियापरिकम्मे, ५ उवमपज्जणसेणियापरि-
कम्मे । ६ विप्पजहणसेणियापरिकम्मे, ७ चुयाचुयसेणियापरि-
कम्मे ।

से किं त सिद्धसेणियापरिकम्मे ? सिद्धसेणियापरिकम्मे
चउट्टसविहे पणत्ते, त जहा—१ माउगापयाइ, २ एगट्टियपयाइ,
३ अट्टपयाइ, ४ पाढोआगासपयाइ, ५ केउभूय, ६ रासिबद्ध, ७ एग-
गुणं, ८ दुगुणं, ९ तिगुण, १० केउभूयं, ११ पडिग्गहो, १२ ससारपडि-
ग्गहो, १३ नदावत्त, १४ सिद्धावत्त । से त्त १ सिद्धसेणियापरिकम्मे ।

से किं त मणुस्ससेणियापरिकम्मे ? मणुस्ससेणियापरिकम्मे चउट्ट-
सविहे पणत्ते, तं जहा—१ माउगापयाइ, २ एगट्टियपयाइ, ३ अट्ट-
पयाइ, ४ पाढोआगासपयाइ, ५ केउभूय, ६ रासिबद्ध ७ एगगुण,
८ दुगुण, ९ तिगुण, १० केउभूय, ११ पडिग्गहो, १२ ससारपडिग्गहो,
१३ नदावत्त, १४ मणुस्सावत्त । से त्त मणुस्ससेणियापरिकम्मे २ ।

से किं त पुट्टसेणियापरिकम्मे ? पुट्टसेणियापरिकम्मे इक्कारसविहे
पणत्ते, त जहा—१ पाढोआगासपयाइ, २ केउभूय, ३ रासिबद्ध,
४ एगगुण, ५ दुगुण, ६ तिगुण, ७ केउभूय, ८ पडिग्गहो, ९ ससारपडि-
ग्गहो, १० नदावत्त, ११ पुट्टावत्त । से त्त पुट्टसेणियापरिकम्मे ३ ।

से किं त ओगाढसेणियापरिकम्मे ? ओगाढसेणियापरिकम्मे इक्कार-
सविहे पणत्ते, त जहा—१ पाढोआगासपयाइ, २ केउभूय, ३ रासि-

वद्ध, ४ एगगुण, ५ दुगुण, ६ तिगुणं, ७ केउभूय, ८ पडिग्गहो, ९ ससार-
पडिग्गहो, १० नंदावत्त, ११ श्रोगाढावत्तं । से तं श्रोगाढसेणियापरि-
कम्मे ४ ।

से किं त उवसपज्जणसेणियापरिकम्मे ? उवसंपज्जण-
सेणियापरिकम्मे इक्कारसविहे पण्णत्ते, त जहा—१ पाढोआगासपयाइ, २
केउभूय, ३ रासिवद्ध, ४ एगगुण, ५ दुगुण, ६ तिगुण, ७ केउभूय,
८ पडिग्गहो, ९ ससारपडिग्गहो, १० नदावत्तं, ११ उवसपज्जणा-
वत्त । से त उवसंपज्जणसेणियापरिकम्मे ५ ।

से किं त विप्पजहणसेणियापरिकम्मे ? विप्पजहणसेणिया-
परिकम्मे इक्कारसविहे पण्णत्ते, त जहा—१ पाढोआगासपयाइं, २
केउभूय, ३ रासिवद्ध, ४ एगगुणं, ५ दुगुणं, ६ तिगुण, ७ केउभूय,
८ पडिग्गहो, ९ संसारपडिग्गहो, १० नदावत्तं ११, विप्पजहणावत्तं ।
से तं विप्पजहणसेणियापरिकम्मे ६ ।

से किं तं चुयाचुयसेणियापरिकम्मे ? चुयाचुयसेणियापरिकम्मे
इक्कारसविहे पन्नत्ते, त जहा—१ पाढोआगासपयाइ, २ केउभूयं, ३
रामिवद्ध, ४ एगगुणं, ५ दुगुणं, ६ तिगुणं, ७ केउभूयं, ८ पडिग्गहो,
९ ससारपडिग्गहो, १० नदावत्तं, ११ चुयाचुयावत्तं । से त चुयाचुय-
सेणियापरिकम्मे ७ । छ चउक्कनइयाइ, सत्त तेरासियाइं । से त परि-
कम्मे १ ।

से किं तं सुत्ताइ ? सुत्ताइ वावीस पन्नत्ताइ, तं जहा—
१ उज्जुमुय, २ परिणयापरिणयं, ३ बहुभगियं, ४ विजयचारियं,
५ अणंतर, ६ परंयर, ७ मासाणं, ८ सजूह, ९ सभिण्णं, १० आहव्वायं,
११ नोवत्तियावत्त, १२ नंदावत्त, १३ बहुल, १४ पट्ठापट्ठं, १५ विया-
वत्तं, १६ एवंभूय, १७ दुयावत्त, १८ वत्तमाणपयं, १९ समभिरुढं,

१ म माण । २-त्त्वाय ।

२० सव्वश्रोभद्दं, २१ पस्सास, २२ दुप्पडिग्गहं, इच्चेइयाइं
 बावीस सुत्ताइं छिन्नच्छेयनइयाणि ससमयसुत्तपरिवाडीए;
 इच्चेइयाइं बावीसं सुत्ताइं अछिन्नच्छेयनइयाणि आजीविय-
 सुत्तपरिवाडीए; इच्चेइयाइं बावीस सुत्ताइं तिगणइयाणि तेरा-
 सिय सुत्तपरिवाडिए; इच्चेइयाइं बावीसं सुत्ताइं चउक्कनइयाणि
 ससमयसुत्तपरिवाडीए । एवामेव सपुव्वावरेणं अट्टासीईं सुत्ताइं
 भवंति मक्खाय । से तं सुत्ताइं २ ॥

से किं तं पुव्वगए ? पुव्वगए चउद्दसविहे पणत्ते, त जहा—
 १ उप्पायपुव्वं, २ अग्गाणीयं, ३ वीरिय, ४ अत्थिनत्थिप्पवाय,
 ५ नाणप्पवायं, ६ सच्चप्पवायं, ७ आयप्पवायं, ८ कम्मप्पवायं,
 ९ पच्चक्खाणप्पवायं, १० विज्जाणुप्पवायं, ११ अवभ, १२ पाणाऊ,
 १३ किरियाविसालं, १४ लोकविदुसारं । उप्पायपुव्वस्स णं दस
 वत्थू, चत्तारि चूलियावत्थू पणत्ता । अग्गाणोयपुव्वस्स णं
 चोद्दस वत्थू; दुवालस चूलियावत्थू पणत्ता । वीरियपुव्वस्स
 ण अट्ट वत्थू अट्ट चूलियावत्थू पणत्ता । अत्थिनत्थिप्पवाय-
 पुव्वस्स ण अट्टारस वत्थू दस चूलियावत्थू पणत्ता । नाण-
 प्पवायपुव्वस्स णं वारस वत्थू पणत्ता । सच्चप्पवायपुव्वस्स
 ण दोण्णि वत्थू पणत्ता । आयप्पवायपुव्वस्स णं सोलस वत्थू
 पणत्ता । कम्मप्पवायपुव्वस्स णं तीसं वत्थू पणत्ता । पच्च-
 क्खाणपुव्वस्स ण वीसं वत्थू पणत्ता । विज्जाणुप्पवायपुव्वस्स
 णं पन्नरस वत्थू पणत्ता । अवभपुव्वस्स ण वारस वत्थू पणत्ता ।
 पाणाउपुव्वस्स णं तेरस वत्थू पणत्ता । किरियाविसाल पुव्वस्स
 णं तीसं वत्थू पणत्ता । लोकविदुसारपुव्वस्स णं पणुवीस वत्थू
 पणत्ता, गाहा—

१ दस २ चोदस ३ अष्ट ४ ऽष्टारसेव ५ वारस ६ दुवे य वत्युणि ।
७ नोनन ८ तीस ९ बीसा १० पन्नरस अणुण्वार्याम्मि ॥३५॥

वारस इकारसमे. वारसमे तेरसेव वत्युणि ।

तीसा पुण तेरसमे, चोदसमे पणविसाओ ॥३६॥

१ चत्तारि २ दुवालस ३ अष्ट ४ चैव दस चैव चूलवत्युणि ।

आइल्लाण चउण्ह, तेसाण चूलिया नत्थि ॥३७॥

से त पुव्वगए ।

से कि त अणुओगे ? अणुओगे दुविहे पणत्ते, तं जहा—मूलपढ-
माणुओगे; गडियाणुओगे य ।

से कि त मूलपढमाणुओगे ? मूल पढमाणुओगे ण
अरहताण भगवंताण. पुव्वभवा, देवलोगगल णाई,
घाड, चवणाइ, जन्मणाणि, अभिसेया, रागवरनिरोओ.
पञ्जजाओ, तवा य उग्गा, केवलनाणुप्पयाओ, तित्थपवत्तणाणि
य, तीसा, गणा, गणहरा, अज्ज, पवत्तिणीओ । सघस्त चउद्वि-
हरस जं च परिमाणं । जिणमणपञ्जवओहिनाणी, सम्मत्तमुय-
नाणणो य, वाई । अणुत्तरगई य, उत्तरवेउद्विणो य मुणिणो ।
जत्तिया मिद्धा, सिद्धिपहो जह देत्तिओ, जच्चिर च कालं,
पाओयगग । जे जाह जत्तियाइ भत्ताइ (अणत्तणाए) छेइत्ता
अत्तगडे, मुणिवदत्तमे. तिमिरओघविप्पमुक्के, मुक्खसुहमणुत्तर
च पत्ते । एवमन्ने य एवमाइ भावा मूलपढमाणुओगे कहिया ।
से त मूलपढमाणुओगे ।

से कि त गडियाणुओगे ? गडियाणुओगे—
दुग्गरगट्टियाओ, तित्थघरगट्टियाओ, चक्कवट्टिगडि-
याओ, इमारगडियाओ, वत्तदेयगडियाओ, वासुदेवगडियाओ,
गणधम्मगडियाओ, भट्टवाहूगडियाओ, तत्रोकम्मगडियाओ, हारवंत-
गडियाओ, उस्सप्विणीगट्टियाओ, ओसप्विणीगट्टियाओ, चित्तंतर-

गडियाओ, अमर-नर-तिरिय-निरयगइगमणविविहपरियट्टणेसु एव-
माइयाओ गडियाओ आघविज्जति पणविज्जति । से त्त
गडियाणुओगे । से त्त शणुओगे ४ ॥

से किं त्त चूलियाओ ? आइल्लाण चउण्ह पुव्वाण चूलिया,
सेसाइं पुव्वाइ । अचूलियाइ, से त्त चूलियाओ ।

विट्ठिवायस्स ण परित्ता वायणा, सखेज्जा अणुओगदारा,
संखेज्जा वेढा, संखेज्जा सिलोणा, सखेज्जाओ पडिवत्तीओ, सखि-
ज्जाओ निज्जुत्तीओ, सखेज्जाओ सगहणीओ । से ण अगट्टयाए
बारसमे अगे, एगे सुयक्खंधे, चोदस पुव्वाइ, सखेज्जा वत्थू,
संखेज्जा चूलवत्थू, सखेज्जा पाहुडा, सखेज्जापाहुडपाहुडा, संखे-
ज्जाओ पाहुडियाओ, सखेज्जाओ पाहुडपाहुडियाओ, सखेज्जाइ
पयसहस्साइ पयगेणं । संखेज्जा अक्खरा, अणता गमा, अणता
पज्जवा, परित्ता तसा, अणता थावरा, सासयकडनि-वट्टनिका-
इया जिणपत्तता भावा आघविज्जति, पणविज्जति, परुवि-
ज्जति वंसिज्जति, निदंसिज्जति, उवदसिज्जति । से एवं आया,
एव नाया, एवं विण्णाया । एव चरणकरणपरूवणा आघविज्जति
से त्त विट्ठिवाए १२ ॥सू० ५७॥

इच्चेइयंमि दुवालसंगे गणिपिडगे अणता भावा, अणता
अभावा, अणता हेऊ, अणता अहेऊ, अणता कारणा, अणता
अकारण, अणता जीवा, अणता अजीवा, अणता भवसिद्धिया,
अणता अभवसिद्धिया, अणता सिद्धा, अणता असिद्धा पणत्ता—

भावमभावा वेऊमहेऊ, कारणमकारणे चेव ।

जीवाजीवा भविषमभविया, तिद्धा अमिद्धा य ॥३८॥

इच्चेइयं दुवालसंगं गणिपिडगं तीए काले अणता जीवा
आणाए विराहित्ता चाउरतं संसारकंतारं अणुपरियट्टिमु ।

इच्छेइयं दुवालसगं गणिपिडगं पडुपण्णकाले परिता जीवा आणाए विराहिता चाउरतं ससारकंतारं अणुपरियट्टं ति ।

इच्छेइयं दुवालसगं गणिपिडगं अणागए काले अणता जीवा आणाए विराहिता चाउरतं संसारकंतारं अणुपरियट्टंस्संति ।

इच्छेइयं दुवालसगं गणिपिडगं तीए काले अणता जीवा आणाए आराहिता चाउरंतं ससारकंतारं वीईवइंसु । इच्छेइयं दुवालसगं गणिपिडगं पडुपण्णकाले परिता जीवा आणाए आराहिता चाउरंतं ससारकंतारं वीईवयंति । इच्छेइयं दुवालसगं गणिपिडगं अणागए काले अणता जीवा आणाए आराहिता चाउरतं संसारकंतारं वीईवइंस्संति ।


इच्छेइयं दुवालसगं गणिपिडगं न कयाइ नासी, न कयाइ न भवइ, न कयाइ न भविस्सइ, भुवि च, भवइ य, भविस्सइ य, धवे, नियए, मासए, अखए, अक्खए, अवट्टिए, निच्चे । ये जहानामए पंचत्थिकाए न कयाइ नासी न कयाइ नत्थि, न कयाइ न भविस्सइ, भुवि च, भवइ य, भविस्सइ य, धुवे, नियए सामए, अखए, अक्खए, अवट्टिए, निच्चे । एवामेव दुवालसगं गणिपिडगं न कयाइ नासी, न कयाइ नत्थि, न कयाइ न भविस्सइ, भुवि च, भवइ य, भविस्सइ य, धुवे, नियए, सामए, अखए, अक्खए, अवट्टिए, निच्चे ।

मे समासओ चउत्विहे पणत्ते, त जहा—द्वओ, खित्तओ, कालओ, भावओ, । तत्थे द्वओ णं सुयनाणी उवउत्ते सव्वद्ववाइं साणइ पासइ, खित्तओ णं सुयनाणी उवउत्ते सव्वं खेत जाणइ पासइ, कालओ ण सुयनाणी उवउत्ते मव्वं कालं जाणइ पासइ, भावओ ण सुयनाणी उवउत्ते सव्वे भावे जाणइ पासइ ॥ सू० ५५॥

श्रक्खर सन्नी सम्म, साइय खलु सपज्जवसिय च ।
 गमियं श्रंगपविट्ठ, सत्तवि एए सपडिवक्खा ॥३९॥
 आगमसत्थग्गहण, ज बुद्धिगुणेहि अट्ठहि विट्ठं ।
 वित्ति सुयनाणलभं, तं पुव्वविसारया धीरा ॥ ४०॥
 सुत्सुसइ पडिपुच्छइ, सुणेइ गिण्हइ य ईहए यावि ।
 तत्तो अपीहए वा धारेइ, करेइ वा सम्मं ॥ ४१॥
 मूअं हुंकारं वा, वाढक्का पडिपुच्छावीमंसा ।
 तत्तो पसंगपारायणं च, परिणिट्ठ सत्तमए ॥ ४२॥
 सुत्तत्थो खलु पढमो, वीओ निज्जुत्ति-मीसिओ भणिओ ।
 तइओ य निरवसेसो, एस विही होह अणुओगे ॥ ४३॥
 से त्त अंगपविट्ठं । से त्तं सुयनाणं । से त्त परोक्खनाण । से त्तं

नंदो ॥

नंदी समत्ता ॥



श्री अनुत्तरोपशातिकदशांग सूत्रम्



तेण कालेण, तेण समएणं, रायगिहे णामं णयरे होत्था ।
सेणियनाम दाया होत्था । चेलणा देवीए । गुणसिलए चेइए ।
वण्णओ । १ ॥

तेणं कालेण तेण समएण रायगिहे नयरे, अज्ज-सुहम्मस्स
नवोनरण । परिसा णिदगया । थम्मकहिओ । परिसा पडिगया ॥ २ ॥

जवू जाव पञ्जुवासइ, एव वयामी—जइ णं भन्ते ! समणेणं
जाव सपत्तेण तद्धमस्स अंगस्स अतगडदसाण चयमट्टे पण्णत्ते;
नवमस्स ण भन्ते ! अगस्स अणुत्तरोवदाइयदसाण समणेणं
जाव सपत्तेणं के अट्टे पण्णत्ते ? ॥ ३ ॥

तएण मे सुहम्मे अणगारे, जम्बू अणगार एव वयासी—एवं
णनु जम्बू ! समणेणं जाव सपत्तेणं नवमस्स अंगस्स अणु-
त्तरोवदाइयदसाणं तिण्णि वग्गा पण्णत्ता ॥ ४ ॥

जइ ण भन्ते ! समणेण जाव सपत्तेणं नवमस्स अंगस्स
अणुत्तरोवदाइयदसाण तपो वग्गा पण्णत्ता, पढमस्स ण
भन्ते ! वग्गस्स अणुत्तरोवदाइयदसाण समणेणं जाव सपत्तेणं कइ
अज्जकयणा पण्णत्ता ? ॥ ५ ॥

एव णनु जम्बू ! समणेण जाव सपत्तेण अणुत्तरोवदाइय-
दसाणं पढमस्स वग्गस्स दन अज्जकयणा पण्णत्ता, त जहा—
जाति, मयानि, उवयालि, पुरिसत्तेणे य, वारिसत्तेणे य ।
दीहवत्ते य, लट्टवत्ते य, वेहल्ले, वेहायमे, अभये—ति कुमारे ॥ १ ॥ ६ ॥

जइ ण भन्ते । समणेणं जाव सपत्तेण अणुत्तरोववाइय-
दसाणं पढमस्स वग्गस्स दस अज्झयणा पण्णत्ता, पढमस्स णं
भन्ते । अज्झयणस्स समणेणं जाव सपत्तेण के अट्ठे पण्णत्ते ? ॥७॥

एव खलु जम्बू । तेण कालेणं तेण समएण रायगिहे नयरे
रिद्धित्थिमिय-समिद्धे, गुणसिलए चेइए, सेणिए राया । धारिणी
देवी । सीहसुमिणं पासित्ताण पडिबुद्धा जाव जालि कुमारे जाए ।
जहा मेहो जाव अट्ठुओ दाओ, जाव उप्पि पासाय जाव
विहरइ ॥८॥

तेण कालेण तेण समएण समणे भगवं महावीरे जाव
सवोसढे । सेणिओ णिग्गओ । जहा मेहो तहा जाली वि णिग्गओ ।
तहेव णिववन्तो, जहा मेहो । एक्कारस अंगाइ अहिज्जइ ॥९॥

तएण मे जाली अणगारे जेणेव समणे भगवं महावीरे
तेणेव उवागच्छइ २ ता नमण भगव महावीर वंदइ नमसइ २
ता एवं वयामी—इच्छामि णं भंते ! तुव्भेहि अट्ठभणुणाय
समाणे गुण-रयण संवच्छरं तवोकम्म उवसंपज्जित्ताणं विहरित्तए ?
अहामुहं देवाणुप्पिया । मा पडिबध करेह ॥१०॥

तएण से जाली अणगारे समणेणं भगवया महावीरेण
अट्ठभुणाय समाणे समणं भगवं महावीर वदइ नमसइ २ ता
गुणरयण संवच्छर तवोकम्म उवसंपज्जित्ताण विहरइ । तं जहा—

१ पढम माम चउत्थ चउत्थेणं अणिकित्तेणं तवोकम्मेण
दियट्ठाणुक्कडुए सुराभिमुहे आयावणसूमिए आयावेमाणे, रत्ति
वीरसणेण अवाडडेण य ।

२ दोच्च.मासं छट्ठं छट्ठेणं अणिकित्तेणं तवोकम्मेणं दिय-
ट्ठाणुक्कडुए सुराभिमुहे आयावणसूमिए आयावेमाणे, रत्ति

वीरासणेणं अवाउडेण य ।

३ तच्चं मासं अट्टमं अट्टमेणं अणिक्वित्तेणं तवो कम्मेणं दिवट्ठाणुक्कट्टुए सूराम्भिमुहे, आयावणभूमिए आयावेमाणे, रत्ति वीरासणेणं अवाउडेण य ।

४ चउत्तयं मासं दसमं दसमेणं अनिक्वित्तेणं तवोकम्मेणं दिवट्ठाणुक्कट्टुए सूराम्भिमुहे आयावणभूमिए आयावेमाणे, रत्तिवीरासणेणं अवाउडेण य ।

५ पंचम मासं वारसमं वारसमेणं अनिक्वित्तेणं तवोकम्मेणं दिवट्ठाणुक्कट्टुए सूराम्भिमुहे, आयावणभूमिए आयावेमाणे, रत्ति वीरासणेणं अवाउडेण य ।

६ छट्ठ मासं चउदस-चउदसमेणं अणिक्वित्तेणं तवोकम्मेणं दिवट्ठाणुक्कट्टुए सूराम्भिमुहे आयावणभूमिए आयावेमाणे, रत्ति वीरासणेणं अवाउडेण य ।

७ सत्तमं मासं सोलसमं सोलसमेणं अनिक्वित्तेणं तवोकम्मेणं दिवट्ठाणुक्कट्टुए सूराम्भिमुहे आयावणभूमिए आयावेमाणे, रत्ति वीरासणेणं अवाउडेण य ।

८ अट्टम मासं अट्टारममं अट्टारसमेणं अनिक्वित्तेणं तवोकम्मेणं दिवट्ठाणुक्कट्टुए सूराम्भिमुहे आयावणभूमिए आयावेमाणे, रत्ति वीरासणेणं अवाउडेण य ।

९ णवम मासं विसइम वीसइमेणं अनिक्वित्तेणं तवोकम्मेणं दिवट्ठाणुक्कट्टुए सूराम्भिमुहे आयावणभूमिए आयावेमाणे, रत्ति वीरासणेणं अवाउडेण य ।

१० दसमं मासं वावीसाए वावीसइमेणं अनिक्वित्तेणं दिवट्ठाणुक्कट्टुए सूराम्भिमुहे आयावणभूमिए आयावेमाणे, रत्ति वीरासणेणं अवाउडेण य ।

११ एकारसमं मासं चउवीसाए चउवीसइमेण अनिक्खित्तेण तवोकम्मेण दियट्ठाणुक्कड्डुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१२ बारसम मासं छव्वीसाए छव्वीसइमेणं अनिक्खित्तेणं तवोकम्मेणं दियट्ठाणुक्कड्डुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१३ तेरसम मासं अट्ठावीसाए अट्ठावीसइमेणं अनिक्खित्तेणं तवोकम्मेणं दियट्ठाणुक्कड्डुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१४ चउदसमं मासं तीसइम तीसइमेणं अनिक्खित्तेणं तवोकम्मेणं दियट्ठाणुक्कड्डुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१५ पन्नरसम मासं वत्तीसइमं वत्तीसइमेण अनिक्खित्तेणं तवोकम्मेणं दियट्ठाणुक्कड्डुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ।

१६ सोलमं मास चोत्तीसइम चोत्तीसइमेणं तवोकम्मेणं दियट्ठाणुक्कड्डुए सूराभिमुहे आयावणभूमिए आयावेमाणे रत्ति वीरासणेणं अवाउडेणय ॥११॥

तए णं से जालि अणगारे मुणरयणं संवच्छरं तवोकम्मं आहामुत्त अहाकप्पं अहामगं अहातच्च समकाएणं फासित्ता पालित्ता सोहित्ता तोरित्ता किट्ठित्ता आणाए आराहित्ता जेणेव समणे भगव महावीरे तेणेव खवागच्छइ २ त्ता समणं भगवं महावीरं वंदइ नमंसइ, वंदइत्ता नमंसइत्ता वहीहि चउत्थय्यट्ठु अट्टमदसमदुवालसेहि मासेहि अट्टमासलमणेहि विचित्तेहि तवोकम्मेहि अप्पाणं भावेमाणे विहरइ ॥१२॥

तए णं से जाली अणगारे तेणं उरालेणं विउलेणं पयत्तेणं पग्गहिणं एवं जा चेव जहा खंदगस्स वत्ताव्वया सा चेव चिन्तणा, आपुच्छणा थेरेहिं सद्धिं विपुलं तहेव दुरुहति, णवरं सोलस वासाइ सामण्णपरियागं पाउणिता कालमासे कालं किञ्चा उड्ढं चदिमसोहम्मीसाण जाव आरणच्चुए कप्पे नव य गेवज्जे विमाणपत्थडे उड्ढं दूरं वीतीवत्तिता विजयविमाणे देवत्ताए उववण्णे ॥१३॥

तए णं ते थेरा भगवंतो जातिं अणगारं कालगयं जाणिता परिनिव्वाणवत्तियं काउसग्गं करेति, पत्ताचीवराइं गिण्हंति, तहेव उत्तारंति जाव इमे से आयारभंडए ॥१४॥

भतेत्ति ! भगवं गोयमे जाव एव वयासी—एवं खलु देवा-
पुप्पियाणं अत्तेवासी जाली नाम अणगारे पगइभट्टए, से णं
जाली अणगारे कालगए कहिं गए, कहिं उववण्णे ? एवं खलु
गोयमा ! मम अत्तेवासी तहेव जहा खंदयस्स जाव कालगए
उड्ढं चदिमाइ जाव विजयविमाणे देवत्ताए उववण्णे ॥१५॥

जालिस्स णं भन्ते ! देवस्स कैवइयं कालं ठिई पण्णत्ता ?
गोयमा ! वत्तीसं सागरोवमाइं ठिई पण्णत्ता ॥१६॥

से णं भंते ! ताओ देवलोगाओ आउक्खएणं भवक्खएणं
ठिइक्खएणं कहिं गच्छिहिइ कहिं उववज्झहिइ ? । गोयमा !
महाविदेहे वामे सिज्झिहिइ जाव सव्वदुक्खाणमंतं करि-
स्सइ ॥१७॥

एवं एतु जम्ह ! समणेणं जाव संपत्तेणं, अनुत्तरोववाइय-
दसाणं पढमस्स वग्गस्स पढमस्स अज्झयणस्स अयमट्ठे पण्णत्ते ।

एवं सेसाणवि अट्ठण्ह भाणियत्वं । नवरं छ धारिणि-

सुआ, वेह्लवेहायसा चेल्णाए । अभयस्स नाणत्तं—रायगिहे नगरे, सेरिए राया, नदा देवी माया, सेसे तहेव । आइल्लाणं पंचण्ह सोलस वासाइं सामण्णपरियाओ, तिण्ह वारसवासाइं, दोण्ह पच वासाइ । आइल्लाण पचण्हं अणुपुव्वीए उववाओ, विजय विजयते जयंते अपराजिए सच्चट्टसिद्धे । दीहदते सच्चट्टसिद्धे, अणुक्कमेणं सेसा । अभओ विजये । सेसं जहा पढमे ।

एवं खलु जम्बू ! समणेण जाव संपत्तेणं अणुत्तरोववाइय-दसाणं पढमस्स वग्गस्स अयमट्टे पण्णत्ते ।

॥ इय पढमस्स वग्गस्स दस अज्झयणा समत्ता ॥

॥ द्वितीय-वर्ग ॥

जइ ण भन्ते ! समणेणं जाव सपत्तेण अणुत्तरोववाइय-दसाण पढमस्स वग्गस्स अयमट्टे पण्णत्ते, दोच्चस्स णं भते ! वग्गस्स अणुत्तरोववाइयदसाणं समणेणं जाव संपत्तेणं के अट्टे पण्णत्ते ? ॥१॥

एव खलु जम्बू ! समणेणं जाव संपत्तेणं अणुत्तरोववाइय-दसाणं दोच्चस्स वग्गस्स तेरस अज्झयणा पण्णत्ता ? त जहा-दीहसेणे, महासेणे, लट्टदते य, गुट्टदते य । सुद्धदंते य, हल्ले, दुमे, दुमसेणे, महादुमसेणे य आहिए ॥ १ ॥ सीहे य, सीहसेणे य, महासीहसेणे य आहिए । पुत्तसेणे य बोधव्वे, तेरसमे होति अज्झयणे ॥ २ ॥ जइ णं भन्ते ! समणेणं जाव सपत्तेणं अणुत्तरोववाइय-दसाणं दोच्चस्स वग्गस्स तेरस अज्झयणा पण्णत्ता, दोच्चस्स

ण भते ! वग्गस्स पढमस्स अज्झयणत्तस्स समणेण जाव सपत्तेणं के अट्ठे पण्णत्ते ?

एव खलु जम्बू ! तेण कालेण तेणं समएण रायगिहे नयरे, गुणत्तिए चेइए, सेणिए राया, धारिणी देवी, सीहो सुमिणे जहा जाली तथा जम्म, बालत्तणं कलाम्भो, णवर दीहसेणे कुमारे सव्वे वत्तव्वया, जहा-जालिस्स जाव अतं काहिति ॥१॥

एवं तेरसवि. रायगिहे नयरे, सेणिओ पिया, धारिणी माया तेरसण्हवि सोलसवासाए परियाय मासियाए संलेहणाए आणु पुव्वीए उव्वाम्भो विजए दोन्नि, विजयंते दोन्नि, जयंते दोन्नि, अपराजिते दोन्नि, सेसा महाडुमसेणमाइए पंच सव्वट्ठत्तिद्धे ॥२॥

एव खलु जम्बू ! समणेण जाव सपत्तेण अणुत्तरोववाइय-दसाणं दोञ्जस्स वग्गस्स अयमट्ठे पण्णत्ते, मासियाए संलेहणाए दोसुवि वग्गेसु ॥ त्ति वेमि ॥

॥ वीओ वग्गो समत्तो ॥

॥ तृतीय-वर्ग ॥

जइ ण भन्ते ! समणेण जाव सपत्तेण अणुत्तरोववाइय-दसाण दोञ्जस्स वग्गस्स अयमट्ठे पण्णत्ते, तच्चस्स णं भन्ते ! वग्गस्स अणुत्तरोववाइयदसाणं समणेणं जाव सपत्तेण के अट्ठे पण्णत्ते ? ॥ १ ॥

एव खलु जम्बू ! नमणेण जाव सपत्तेणं अणुत्तरोववाइय-दसाणं तच्चस्स वग्गस्स दन अज्झयणा पण्णत्ता त जहा—

घण्णे य, मुनउत्तत्ते य, इनिदासे य, अहिते ।

पेत्तए. रामपुत्ते य, चन्दिमा, विट्ठिमाइय ॥ १ ॥

पेडालपुत्ते ऋणगारे, नवमे पोद्विले इ य ।
वेहल्ले, वसमे वुत्ते, इमे य दस आहिया ॥ २ ॥

जइ ण भन्ते । समणेणं जाव सपत्तेण अणुत्तरोदवाइय-
दसाण तच्चस्स वगस्स दस अज्झयणा पणत्ता, पढमस्स
ण भन्ते । अज्झयणस्स समणेण जाव संपत्तेणं के अट्ठे
पणत्ते ? ॥ ३ ॥

एव खलु जम्बू ! तेणं कालेणं तेणं समएण काकन्दी नामं
नयरी होत्था, रिद्धितियमियसमिद्धा, सहस्संबवरो उज्जाणे
सव्वोउयपुप्फफलसमिद्धे जाव पासाइए, जियसत्तू राया ॥ ४ ॥
तत्थ ण काकन्दीए नयरीए भद्दा णाम सत्थवाही परिवसइ,
अड्ढा जाव अपरिभूया ॥ ५ ॥

त्तेसे ण भद्दए सत्थवाहीए पुत्ते घन्ने नामं दारए होत्था
अहीण जाव सुख्खे, पच्चघाई—परिग्गहिए, तजहा—खीरघाइए
जहा महव्वलो जाव वावत्तरि कलाओ अहिए जाव अलं भोग-
समत्थे जाए यावि होत्था ॥ ६ ॥

तए णं सा भद्दा सत्थवाही घण्णदारयं उम्मुक्कवालभावं
जाव भोगसमत्थं जाणित्ता, वत्तीस पासायवडिसए कारेइ
अब्भुग्गयमूसिए जाव तेसि मज्जे अणेग-भवण-खंभ-सय-
सन्निविट्ठं जाव वत्तीसाए इव्ववरकन्नगणं एगदिवसे णं पाणि-
गिण्हावेइ २ त्ता वत्तीसाओ दाओ जाव उप्पि पासायवडिसए
फुट्ट तेहि मुइंगमत्थएहि जाव विहरइ ॥ ७ ॥

तेण कालेण तेण समएण समणे भगव महावीरे समो-
सडे, परित्ता निग्गया, जहा कोणिओ तहा जियनत्तू
णिग्गओ ॥ ८ ॥

तए णं तत्स घण्णस्स तं महया जणसद् जहा जमाली
 तथा णिग्गओ, णवरं पायचारेण जाव जं णवरं अम्मयं भद्दं
 सत्यवाहिं आपुच्छामि, तए ण अहं देवाणुण्णियाण अतिए
 जाव पव्वयामि, जाव जहा जमाली तथा आपुच्छइ, मुच्छिया,
 वुत्तपडिवुत्तया, जहा महाव्वले जाव जाहे नो सचाडेया,
 जहा थावच्चापुत्ते तथा जियसत्तू आपुच्छइ, छत-चामराओ,
 सयमेव जियसत्तू निक्खमए करेइ, जहा थावच्चापुत्तस्स
 फण्हो, जाव पव्वइए, अणगारे जाए, ईरियासमिए जावगुत्त-
 वंभयारी ॥ ६ ॥

तएणं से घण्णे अणगारे, ज चेव दिवसं मुडे भवित्ता
 जाव पव्वइए त चेव दिवस समणं भगव महावीर वंदइ
 नमसइ वदित्ता नमसित्ता एवं वयासी—एवं खलु इच्छामि ण
 भन्ते ! तुव्वेहिं अट्ठभणुण्णाए समणे जावज्जीवाए छट्ठ-
 छट्ठेणं अणिक्वित्तेण आयविल-परिग्गहिण्ण तवोकम्मेणं अप्पा-
 णं भावेमाणे विहरित्तए, छट्ठस्सवि य णं पारणगंसि कप्पइ मे
 आयंविण पडिग्गहित्तए, णो चेव णं अणायंविण, तपि य संसट्ठे-
 ण णो चेव ण अससट्ठेण, त पि य ण उज्झियधम्मयं णो चेव ण
 अणुज्झियधम्मिय, तपि य ण ज अन्ने वहवे समणमाहण-अतिहि-
 क्रियण-वणिमगा णावकखति । अहासुहं देवाणुण्णिया ! मा पडिवंधं
 करेह ॥१०॥

तएण से घण्णे अणगारे समणेण भगवया महावीरेण अट्ठ-
 णुण्णायसमाणे हट्ठ-तुट्ठ जावज्जीवाए छट्ठं-छट्ठेणं अणिक्वित्तेण तवो-
 कम्मेणं अप्पाणं भावेमाणे विहरइ ॥११॥

तएणं से घण्णे अणगारे पढम-छट्ठखमण-पारणयत्ति पढमाए
 पोण्णिसीए सउभ्भाणं करेति, जहा गोयममामी तद्देव आपुच्छति जाव

जेणेव काकंदी णयरी तेणेव उवागच्छइ २ ता काकदीए नयरीए उच्चनीय जाव अडमाणे आयविलं जाव नावकंखंति ॥१२॥

तए ण से धण्णे अणगारे ताए आभुज्जताए पयत्ताए पग्ग-
हियाए एसणाए एसमाणे जइ भत्त लभइ तो पाण ण लभइ, अह
पाणं लभइ तो भत्त ण लभइ ॥१३॥

तए णं धन्ते अणगारे अदीणे अविमणे अकलुसे अविसादी
अपरितंतजोगो जयणघडण-जोग-चरित्ते अहापज्जत्त समुदाण पडि-
गाहेइ २ ता काकदीओ णयरीओ पडिनिक्खमइ २ ता जहा गोयमे
तहा पडिदंसेइ ॥१४॥

तए णं से धण्णे अणगारे, समणेणं भगवया महावीरेण अठ्ठ-
णुण्णाए समाणे अमुच्छिए जाव अणज्झोववन्ते विलमिव पण्णग-
भूएणं अप्पाणेण आहार आहारेइ २ ता, संजमेणं तवसा अप्पाणं-
भावेमाणे विहरइ ॥१५॥

तए णं समणे भगवं महावीरे अण्णया कयाइ काकदीओ
णयरीओ सहस्सववणाओ उज्जाणाओ पडिणिक्खमइ २ ता वहिया
जणवयविहार विहरइ ॥१६॥

तए णं से धण्णे अणगारे समणस्स भगवओ महावीरस्स
तहारूवाण थेराणं अतिए सामाड्यमाड्याइ एककारस अगाइ अहि-
ज्जइ २ ता सजमेण तवसा अप्पाण भावेमाणे विहरइ ॥१७॥

तए ण से धण्णे अणगारे तेणं ओरालेण जहा खदओ जाव
सुहुयहुयासणे इव तेयसा जलंते उवसोभेमाणे चिट्ठति ॥१८॥

धन्नस्स णं अणगारस्स पायाणं अयमेयाह्वे तवह्वला-
वण्णे होत्या से जहानामए सुवखच्छल्लीइ वा, कट्टपाउयाइ वा,
जरग्गओवाहणाइ वा, एवामेव धन्नस्स अणगारस्स पाया गुक्का

भुङ्क्ता सुब्द्धा निमत्ता अट्टिचम्मच्चिरत्ताए पन्नायति, नो-देव णं
मत्तसोणियत्ताए ॥१६॥

घन्नस्स णं अणगरस्स पायंगुलियाणं अयमेयारूवे तव-
त्त्वनावणे होत्था से जहानामए कलसगलियाइ वा सुग्गमास-
सगलियाइ वा, तरुणिया छिण्णा उण्हे दिण्णा सुक्का समाणी
मिलायमाणी मिलायमाणी चिट्ठंति, एवामेव घन्नस्स पायगुलियाओ
सुक्काओ जाव णो मत्तसोणियत्ताए ॥२०॥

घन्नस्स अणगरस्स जंघाण अयमेयारूवे—से जहानामए
ककजंघाइ वा, काकजघाइ वा, डेणियालियाजघाइ वा, एवं जाव
सोणियत्ताए ॥२१॥

घन्नस्स ण जाणूण अयमेयारूवे से जहानामए-कालि-पोरेइ
वा, मयूरपोरेइ वा, डेणियालियापोरेइ वा, एव जाव सोणिय-
त्ताए ॥२२॥

घन्नस्सणं उरुणं—जहा नामए सामकरिल्लेइ वा, वोरिक-
रिल्लेइ वा, सत्तलइयकरिल्लेइ वा, सामलिकरिल्लेइ वा, तरुणिया
छिण्णा उण्हे दिण्णा जाव चिट्ठइ, एवामेव घन्नस्स उरुणं जाव
सोणियत्ताए ॥२३॥

घन्नस्स णं कटिपत्तस्स इमेयारूवे, से जहा नामए उट्टपाएइ,
वा जरग्गपाएइ वा, महिमपाएइ वा जाव णो सोणियत्ताए ॥२४॥

घन्नस्स णं उदरभायणस्स अयमेयारूवे से जहा नामए-
सुग्गिए इवा, भज्जणय कन्नल्ल इवा, कट्टकोलवएइवा, एवामेव
उदरसुग्ग ॥२५॥

घन्नस्स ण पांमुलियाकट्टियाणं अयमेयारूवे से जहा नामए-
थानयावलीइ वा, पाणावलीइ वा, मुंडावलीइ वा, एवामेव ० ॥२६॥

धन्तस्स पिट्टकरंडगाणं अयमेयारूवेमे जहा नामए-कन्ता-
वल्लीइ वा, गोलादलीइ वा, वट्टावलीइ वा, एवामेव० ॥२७॥

धण्णस्स उरकडयस्स अयमेयारूवे मे जहा नामए-चित्त-
कट्टरेइ वा, विषणपत्तेइ वा, तालियटपत्तेइ वा, एवामेव० ॥२८॥

धन्तस्स बाहाण से जहा नामए-लमित्तगलियाइ वा पहाया
संगलियाइ वा, अगतियसगलियाइ वा, एवामेव० ॥२९॥

धण्णस्स हत्थाण अयमेयारूवे से जहा नामए-सुक्क-छग-
णियाइ वा; वडपत्तेइ वा, पलासपत्तेइ वा एवामेव० ॥३०॥

धण्णस्स हत्थगुलियाण से जहा नामए-कलसगलियाइ वा,
मुग्ग-माससंगलियाइ वा, तरुणिया छिन्ना आयवे दिण्णा सुक्का
समाणी एवामेव० ॥३१॥

धन्तस्स गोवाए से जहा नामए—करगगीवाइ वा, कुंडिया-
गोवाइ वा, [कोत्थवणाइ वा] उच्चट्टवणएइ वा एवामेव० ॥३२॥

धन्तस्स णं हणुयाए से जहा नामए—लाउफलेइ वा, हकु-
वफलेइ वा अंबगट्टियाइ वा एवामेव० ॥३३॥

धन्तस्स णं उट्टाणं से जहा नामए—मुक्कजलोयाइ वा, सिले-
सगुलियाइ वा, अलसगुलियाइ वा, [अंबाडगपेत्तीयाइ वा] एवा-
मेव० ॥३४॥

धन्तस्स जिब्भाए से जहा नामए वडपत्तेइ वा, पलास-
पत्तेइ वा [उवरपत्तेइ वा] सात्तपत्तेइ वा एवामेव० ॥३५॥

धन्तस्स नामाए से जहा नामए—अंबग-पेत्तियाइ वा, अंबा-
डगपेत्तियाइ वा, माडलिंगपेत्तियाइ वा, तरुणियाइ वा, एवामेव०
॥३६॥

घण्णस्स अच्चीण से जहा नामए—वीणाछिड्डेइ वा वद्धी-
सगछिड्डेइ वा, पाभाइयतारगाइ वा, एवामेव० ॥३७॥

घन्नस्स कन्नाणं, से जहा नामए मूलाछल्लियाइ वा, वालुं-
कछल्लियाइ वा, कारेतलयल्लिवाइ वा, एवामेव० ॥३८॥

घन्नस्स णं अणगारस्स सीसस्स अयमेयारूवे से जहानामए
तरुणगलाउएइ वा, तरुणगएलालुएइ वा, सिण्हालए वा,
तरुणए जाव चिट्ठति एवामेव घन्नस्स अणगारस्स सीस सुक्क-
भुक्क-लुक्क-निम्मस अट्ठिचम्मछिरत्ताए पन्नायइ नो चेव णं
मंस-मोणियत्ताए ॥ ३९ ॥

एवं सत्त्वत्यमेव नवरं उदर-भायण, कन्ना, जोहा, उट्टा,
एएसि अट्टी न भण्णइ, चम्मछिरत्ताए पन्नायंति इति
भणंति ॥ ४० ॥

घन्ने णं अणगारे सुक्केण भुक्केणं पायजंघोरुणा विगत-
तट्टिकरालेण कडिकडाहेणं पिट्टमवस्सिएण उदरभायणेणं
जोइज्जमाणेहिं पामुलियकडाएहिं अक्खसुत्तमाला वा गणिज्जमाणेहिं
पिट्टिकरंउगसंघीहिं गगातरग-भूएण, उरकडागदेसभाएण सुक्क-
सप्पसमाणेहिं वाहाहिं सिट्ठिल-कडाली विव तवतेहिं ष अग्ग-
हत्थेहिं कपणवाइए विव वेवमाणोए सीसघडोए पट्वादवदन-कमले
उच्चउच्चमुहे उच्चुहुत्तयणकोसे ॥ ४१ ॥

जीव जीवेणं गच्छइ, जीव जीवेणं चिट्ठइ भासं भासिस्सा-
मिस्सि गिलायइ से जहा नामए इंगालसगडियाइ वा, जहा
संदयो तहा हुयासणे इव भास-रासिपलिच्छन्ने, तवेणं तेएण
तवतेयसिरोए उवसोभेमाणे चिट्ठइ ॥ ४२ ॥

तेणं कालेणं तेणं समएणं रायगिहे णयरे, गुणसिलए चेइए,
मेणिए राया । समणे भगव महावीरे समोसडे, परिसा णिग्गया,
मेणिओ णिग्गयो, घम्मरुहा, परिमा पट्टिग्गया ॥ ४३ ॥

तए णं से सेणिए राया समणस्स भगवओ महावीरस्स
 अंतिए धम्मं सोच्चा निसम्म समण भगवं महावीरं वंदइ नमसइ
 वंदइत्ता नमंसित्ता एव वयासी—इमेसि णं भते ! इंदभूइपा-
 मोक्खाणं चउदइसण्हं समणसाहस्सीणं कयरे अणगारे महा-
 दुक्करकारए चेव महाणिज्जरतराए ? ॥ ४४ ॥

एवं खलु सेणिया ! इमेसि इंद भूइपामोक्खाण चउदइसण्हं
 समणसाहस्सीण धन्ने अणगारे महादुक्करकारए चेव, महा-
 निज्जरतराए चेव ॥ ४५ ॥

से केणट्टेण भंते ! एव वुच्चइ इमेसि चउदइसण्हं समणसा-
 हस्सीण धन्ने अणगारे महादुक्करकारए चेव महानिज्जरतराए
 चेव ॥ ४६ ॥

एवं खलु सेणिया ! तेण कालेण तेणं समएणं काकंदी
 नामं नयरी होत्था, जाव उप्पि पासायवाडिसए । तए णं
 अहं अण्णया कयाइ पुव्वाणुपुव्वोए चरमाणे गामाणुगामं दुइ-
 ज्जमाणे जेणेव काकंदी नयरी जेणेव सहस्संबवणे उज्जाणे तेणेव
 उवागए २ ता अहापडिह्वं उग्गहं उग्गिण्हित्ता संजमेण तवसा
 जाव विहरामि । परिसा णिग्गया, तं चेव जाव पध्वइए जाव
 विलमिव जाव आहारेति, धन्नस्स ण अणगारस्स पादाण सरीर-
 वन्नओ सव्वो जाव उवसोभेमाणे २ चिदुइ । से तेणट्टेण
 सेणिया ! एवं वुच्चइ इमेसि चउदइसण्हं समणसाहस्सीणं धन्ने
 अणगारे महादुक्करकारए चेव महानिज्जरतराए चेव ॥ ४७ ॥

तते ण से सेणिए राया समणस्स भगवओ महावीरस्स
 अंतिए एवमट्ठं सोच्चा निसम्म हट्ठटुट्ठे समण भगव महावीरं
 तिकखुत्तो आयाहिणं पयाहिणं करेइ, वंदइ नमंसइ २ ता

जेणेव धन्ने अणगारे तेणेव उवागच्छइ, उवागच्छिता धन्न अणगारं
तिरुत्तो आवाहिण पवाहिण करेइ, वदइ नमसइ, वदइत्ता
नमंनइत्ता एवं वयासी—धण्णे सि ण तुमं देवाणुप्पिया ! सुपुण्णे
सुककल्ले कयन्दवखणे सुलद्धे ण देवाणुप्पिया ! तव माणुस्सए
जम्मजीविगफलेत्ति कट्टु वंदइ नमसइ, नमसित्ता जेणेव समणे भगव
सहावीरे तेणेव उवागच्छइ २ ता समणं भगवं महावीरं तिववुत्तो
जाव वदइ २ ता जामेव विसि पाउवभूए तामेव विसि
पडिगए ॥४८॥

तए ण तस्स धन्नस्स अणगारस्स अन्नया कयाइ पुव्व-
रत्तावरत्तकालसमयंसि धम्मजागरिय, जागरमाणस्स इमेयारूवे
अज्झत्थिए चित्थिए मणोगए संकप्पे समुपज्झित्था, एवं खलु अहं
इमेण ओरालेणं जहा खंदओ तहेव चित्ता, आपुच्छण, थेरोहं सद्धि
विपुल इत्तहइ । मात्थिए सलेहणाए नवमासा परियाओ जाव
कान्मसे काल किञ्चा उड्डं चदिम जाव नवयगेविज्जविजय-
विमाणपत्थडे उड्डं दुर वीइवइत्ता सव्वट्टुसिट्ठे विमाणे देवत्ताए
उववन्ने ॥४९॥

धेरा तहेव उत्तरति जाव इमे से आवारभडए ॥५०॥

भते त्ति, भगवं गोयमे तहेव पुच्छइ जहा खदयस्स भगवं
वागरेत्ति जाव नव्वट्टुसिट्ठे विमाणे उववन्ने ॥५१॥

धन्नस्स णं भन्ते ! देवस्स केवइयं काल ठिई पन्नत्ता ?
गोयमा ! तेत्तीसं सागरोवमाइ ठिई पन्नत्ता ॥५२॥

ने ण भते ! ताओ देवलोगाओ आउवखएण भवखएणं
ठित्थिगएण कहि गच्छिहिति कहि उववज्जेहिति ? गोयमा !
महाविदेहवाने सिज्झिहइ वुज्झिहइ मुच्चिहइ परिणिव्वाहिइ
सव्वदुष्कणमंतं करेहिइ ॥५३॥

एव खलु जम्बू ! समणेण भगवया महावीरेण जाव संपत्तेणं पढमस्स अज्झयणस्स अयमट्ठे पण्णत्ते ॥५४॥

॥ पढम अज्झयण ममत्त ॥

जइ ण भन्ते ! उवखेवओ एव खलु जम्बू ! तेण कालेण तेणं समएण काकदो नयरो होत्था, भद्दा सत्थवाही परिवसइ ॥१॥

तीसे ण भद्दाए सत्थवाहीए पुत्ते सुनक्खत्ते नाम दारए होत्था, अहीण० जाव सुह्वे, पचधाइ—परिक्खत्ते जहा धन्तो—तहेव वत्तोसओ दाओ जाव उप्पि पासायवाडिसए विहरइ ॥२॥

तेण कालेण तेण समएणं सामो समोसडे जहा धन्नो तथा सुनक्खत्ते वि निग्गओ जहा थावञ्जापुत्तस्स तथा निक्खमण जाव अणगारे जाए ईरियासमिए जाव गुत्तवभयारिए ॥३॥

तए ण से सुनक्खत्ते अणगारे जं चैव दिवस ममणस्स भगवओ महावीरस्स अंतिए मुडे जाव पच्चइए त चैव दिवस अभिग्गह तहेव विलमिव पण्णगभूएण आहार आहारेइ, सजमेणं जाव विहरइ ॥४॥

समण जाव बहिया जणवयावहार विहरइ । एक्कारस्स अगाइ अहिज्जइ, सजमेण तवसा अप्पाण भावेमाण विहरइ ॥५॥

तएण त सुनक्खत्ते अणगारे तेण उरालेण जहा खदओ ॥ ६ ॥

तेण कालेण तेण समएण, रायगिहे णयरे गुणमित्तए चेइए, सेणिए राया सामो समोसडे, परिक्खा निग्गया, राया निग्गओ, धम्मकहा राया पडिगओ, परिक्खा पडिगया ॥ ७ ॥

तए ण तस्स सुनक्खत्तस्स अन्नया कयाइ पुव्वरत्ता जाव पम्मजागरियं जहा तंदयस्स बह्वात्ताओ परियाओ ॥ ८ ॥

गोयमपुच्छा जाव सव्वट्टुसिद्धे विमाणे देवत्ताए उववण्णे ।
जाव महाविदेहवासे सिज्झिभ्हिति ॥ ६ ॥

॥ इय वीय अज्झयण समत्तां ॥

एव खलु जम्बू ! सुनक्खत्तगमेणं सेसावि अट्ट भाणियव्वा,
णवरं अणुपुव्वीए-दोन्नि रायगिहे, दोन्नि साइए, दोन्नि वाणि-
यगामे, नवमो हत्थिणापुरे, दसमो रायगिहे ॥१॥

नवण्हं भद्दाओ जणणीओ, नवण्हवि वत्तीसओ दाओ
नवण्हं निव्वखमणं थावच्चापुत्तस्स सरिसं, वेहल्लप्पिया करेइ,
नवमाम धण्णे वेहल्ल छमासापरियाओ, सेसाणं बहुवासाहं,
माऱ सलेहणा सव्वे महाविदेहवासे सिज्झिभ्हिति । एवं दस
अज्झयणाणि ।

एव खलु जम्बू ! समणेणं भगवया महावीरेण
अणुत्तरोववाइयदसाणं तच्चस्स वग्गस्स अयमट्टे पणत्ते । अणुत्त-
रोववाइयदसाओ सम्मत्ताओ । अणुत्तरोववाइयदसाणं एगो सुय्खंधो
तिन्नि वग्गा तिसु दिवसेसु उट्टिसिज्जति, पढमे वग्गे दस उट्टेसगा
वीए वग्गे तेरस्स उट्टेसगा, तइये वग्गे दस उट्टेसगा, सेसं जहा धम्म-
फहा नायव्वा ॥ इति ॥



❀ श्री दशाश्रुतस्कंध ❀

चित्त-समाधि पंचमी दशा

नमो सुयदेवयाए भगवतीए । सुय मे श्राउसं ! तेणं भगवया एवमक्खायं, इह खलु थेरेहि भगवतेहि दस चित्त-समाहि-ठाणा पन्नत्ता । कयरा खलु ते थेरेहि भगवतेहि दस चित्त-समाहिठाणा-पणत्ता ? इमे खलु थेरेहि भगवतेहि दसचित्तसमाहिठाणा-पणत्ता त जहा—तेणं कालेणं तेणं समएणं वाणियग्गाये नगरे होत्या, नगर-वण्णओ भाणियव्वो ॥१॥

तस्स णं वाणियग्गामस्स नगरस्स वहिया उत्तरपुरच्छिमे दिसिभाए दूतिपलासए नामं चेइए होत्या, चेइए वण्णओ भाणियव्वो ॥२॥

जियसत्तू राया, तस्स धारिणी नामं देवी, एवं सव्व समोस-रणं भाणियव्व जाव पुढवीत्तिलापट्टए, सामी समोसढे परिसा निग्गया, धम्मो कहिओ, परिसा पडिगया ॥३॥

अज्जो ! इति समणे भगव महावीरे समणाय समणोओ य निग्गंथा य निग्गंथोओ य श्रामंतित्ता एवं वयासी—इह खलु अज्जो ! निग्गयाणं वा, निग्गंथीणं वा इरियासमियाणं, भासासमियाणं, एसणासमियाणं, आयाणभंड-मत्त-निक्खेवणा-समियाणं, उच्चार-पासवण-खेल-जल्लत्तिघाण-पारिट्टावणिया-समियाणं, मण समियाणं, वय-समियाणं, काय-समियाणं, मण-गुत्ति-याणं, वय-गुत्तियाणं, काय-गुत्तियाणं, गुत्ति-दियाणं गुत्त-अभयारीणं, आयट्ठीणं, आय-

हिष्ण, आय-जोधणं. आय-परिक्लमाणं पक्विए-पोसहिएसु समाहि-
पत्ताणं भियायनाणाणं इमाइ दसचित्तसमाहि-ट्टाणाइं असमुप्पण-
पुव्वाइ समुप्पज्जित्था तं जहा—धम्मचित्ता वा से असमुप्पण-पुव्वाइ
समुप्पज्जेज्जा सच्चं धम्मं जाणित्तए ॥१॥

सुमिण-दंसिण वा से असमुप्पण-पुव्वे समुप्पज्जेज्जा, अहा-
तच्चं सुमिणं पासित्तए, सण्णि-जाइ-सरणेणं सण्णि-णाणं वा से
असमुप्पण-पुव्वे समुप्पज्जेज्जा अप्पणो पोरानियं जाइ समरित्तए
॥३॥

देव-दसणे वा से असमुप्पण-पुव्वे समुप्पज्जेज्जा दिव्वं
देवदिद्व दिव्व देव-जुइ दिव्वं देवाणभाव पासित्तए ॥४॥

ओहिणाणे वा से असमुप्पण-पुव्वे समुप्पज्जेज्जा, ओहिणा
लोग जाणित्तए ॥५॥

ओहि-दंसणे वा से असमुप्पण-पुव्वे समुप्पज्जेज्जा-अट्टा-
इज्जेसु दोव-समुद्देनु सण्णीणं-पंचिदियाणं पज्जत्तगाणं मणोगएभावे
जाणित्तए ॥७॥

केवलनाणे वा से असमुप्पण-पुव्वे समुप्पज्जेज्जा केवलकप्पं
लोया-लोय जाणित्तए ॥८॥

केवल-दसणे वा से असमुप्पण-पुव्वे समुप्पज्जेज्जा केवलकप्पं
लोयालोयं पासित्तए ॥९॥

केवल-मरणे वा से असमुप्पण-पुव्वे समुप्पज्जेज्जा सच्च-
सुखत्तप्पहाणाए ॥१०॥

श्रीय चित्तं समादाय, ज्झाण समुप्पज्जइ ।

धम्मे ट्टिओ अविमणो, निव्वानमभिगच्छइ ॥१॥

य इम वित्त समादाय, भुज्जो लोयंसि जायइ ।

अप्पणो इत्तमं टाणं, सण्णी णाणेण जाणइ ॥२॥

अहातच्चं तु सुमिणं, खिप्प पासेति सवुडे ।
 सव्वं वा ओह तरति, दुक्खओ य विमुच्चइ ॥३॥
 पताइं भयमाणस्स, विवित्तं सयणासणं ।
 अग्पाहारस्स दंतस्स, देवा दंसेति ताइणो ॥४॥
 सव्व-काम-विरतस्स, खमणा भय-भेरवं ।
 तओ से ओही भवइ, संजयस्स तवस्सिणो ॥५॥
 तवसा अरुहट्टु लेस्सस्स, दंसणं परिसुज्झइ ।
 उड्ढ अहे तिरियं च, सव्वमणुपस्सति ॥६॥
 सुसमाहिय-लेस्सस्स, अवितक्कस्स भिवखुणो ।
 सव्वओ विप्पमुक्कस्स, आया जाणाइ पज्जवे ॥७॥
 जया से नाणावरणं, सव्वं होइ खयं गय ।
 तओ लोगमलोग च, जिणो जाणाति केवली ॥८॥
 जया से दरसणावरणं, सव्वं होइ खय गय ।
 तओ लोगमलोग च, जिणो पासति केवली ॥९॥
 पडिमाए विसुद्धाए, मोहणिज्जं खयं गयं ।
 असेसं लोगमलोग च पासेति सुसमाहिए ॥१०॥
 जहा मत्थए सूइए, हंताए हम्मइ तले ।
 एवं कम्माणि हम्मंति, मोहणिज्जे खयं गए ॥११॥
 सेणावहम्मि निहते, जहा सेणा पणस्सइ ।
 एवं कम्माणि णस्संति, मोहणिज्जे खय गए ॥१२॥
 घूम-हीणो जहा अग्गी, खीयति से निरिघणे ।
 एघं कम्माणि खीयंति, मोहणिज्जे खय गए ॥१३॥

मुक्क-मूले जहा स्वखे, सिचमाणे ण रोहति ।
 एव कम्मा ण रोहंति, मोहणिज्जे खय गए ॥१४॥
 जहा दड्डाण वीयाणं, न जायति पुणअकुरा ।
 कम्म-वीएसु दड्ढेसु, न जायति भवंकुरा ॥१५॥
 चिन्ना ओरालियं वोदि, नाम-गोयं च केवली ।
 आउयं वेयणिज्जं च, छित्ता भवति णीरए ॥१६॥
 एव अभिसमागम्म, चित्तमादाय आउसो ।
 सेणिसुद्धिमुवागम्म, आया सुद्धिमुवागइ ॥ त्ति बेमि ॥१७॥

॥ इति दशाश्रुतस्कन्ध-चित्तसमाधि-नाम-पंचमी दशा ॥

॥ चउसरण पइण्णा ॥

सावज्जजोगविरई', उक्कित्तण' गुणवओ अ पडिवत्ती' ।
 पलिअस्स निदणा', वणतिगिच्छ' गुणधारणा' चैव ॥१॥
 चारित्तस्स विसोही कीरइ, सामाइएण किल इहयं ।
 नावज्जेअरजोगाण वज्जणा सेवणत्तणओ ॥२॥
 दंसणाधारविसोही, चउवीसत्थएण किच्चइ य' ।
 अच्चवभुअगुणकित्तणहवेण जिणवरिदाणं ॥३॥
 नाणाईआ उं गुणा तस्सपन्नपडिवत्तिकरणाओ ।
 वंदणाएण विहिणा, कीरइ सोही उं तेसि तुं ॥४॥
 पानिअस्स यं तेसि पुणो, विहिणा ज निदणाइ पडिक्कमणं ।
 तेण पडिक्कमणेण, तेसिपि अ कीरए सोही ॥५॥

चरणाईयारा णं जहक्कम्म वणतिगिच्छइवेणं ।
 पडिक्कमणासुद्धाणं, सोही तह काउसग्गेणं ॥६॥
 गुणधारणरूवेणं पच्चक्खाणेण तवइआरस्स ।
 विरिआयारस्स पुणो, सव्वेहि वि कोरए सोही ॥७॥

गय' वसह' सोह' अभिसेअ', दाम' ससि' दिणयर' भयं कुभं' ।
 पउमसर' सागर' विमाण, भवण' रयणुञ्ज य' सिहि' च ॥८॥

अमरिद-नरिद-मुणिदवंदिअं, वंदिउं महावीरं ।
 कुसलाणुवधि, बंधुरमज्जयणं कित्तइस्सामि ॥९॥
 चउसरणगमण, दुक्कडगरिहा सुकडाणुमोअणा चेव ।
 एस गणो अणवरय, कायव्वो कुसलहेउत्ति ॥१०॥
 अरहंत-सिद्ध-साह, केवलिकहिओ सुहावहो धम्मो ।
 एए चउरो चउगइहरणा, सरणं लहइ घन्तो ॥११॥
 अह सो जिणभत्ति-भत्तयरंत-रोमच्च-कनुअ-करालो ।
 पहरिसण उम्मीसं, सीसंमि कयंजलि भणइ ॥१२॥

रागद्वोसारीण हता, कम्मदुगाइ-अरिहता ।
 विसय-कसायारीण, अरिहंता हुंतु मे सरणं ॥१३॥

रायसिरिमुवक्कमि (सि) ता, तवचरण दुच्चरं अणुचरित्ता ।
 केवलसिरिमरिहता, अरिहता हुंतु मे सरणं ॥१४॥
 थुइ-वंदणमरिहंता, अमरिद-नरिदपूअमरिहंता ।
 सासयसुहमरहंता, अरिहंता हुंतु मे सरणं ॥१५॥
 परमणगयं मुणंता, जोइंद-महिदभाणमरहता ।
 धम्मकहं अरहंता, अरिहंता हुंतु मे सरणं ॥१६॥

सर्वजिज्ञानसहिम्, अरहंता सञ्चयणमरहंता ।
 बन्धव्यमरहता अरिहता हुंतु मे सरण ॥१७॥
 ओसरणमवसरिता चउतीसं अइसए निसेवित्ता ।
 धम्मकह च कहंता अरिहता हुंतु मे सरणं ॥१८॥
 एणाइ गिराऽणेगे, सदेहे देहिणं सम छित्ता ।
 तिहुयणमणुसासता, अरिहंता हुंतु मे सरणं ॥१९॥

वयणामण भुवण, निव्वाविता गुणेषु ठावंता ।
 जिअलोअमुद्धरता, अरिहंता हुंतु मे सरणं ॥२०॥
 अञ्चभुयणवते, नियजससइरपसाहिअदिअते ।
 निअयमणाइ अणंते, पडिवत्तो सरणमरिहते ॥२१॥
 उज्झिअप्रजरमरणणं, समत्तदुक्खत्तसत्त-सरणाण ।
 तिहुअण-जणसुहयाण, अरिहंताण नमो ताग ॥२२॥

अरिहंत-मरण-मल-सुद्धिलद्ध सुविसुद्ध-सिद्धवहुमाणो ।
 पणअ-निर-रइय-कर-कमल-सेहरो-सहरिसं भणइ ॥२३॥

कम्मदुक्खयनिद्धा, नाहाविअनाणदंसणसमिद्धा ।
 सर्वदुक्खनिद्धा ते, सिद्धा हुंतु मे सरण ॥२४॥

निअलोअ-मत्तयपत्त्या, परमपत्त्या अचित्तसामन्या ।
 मगलसिद्धयपत्त्या, सिद्धा सरण सुहपत्त्या ॥२५॥

मूदुक्खयपडिवक्ता, अमूदुक्खता सजोगिपच्चक्खता ।
 साहाविअत्तमुक्खा, सिद्धा सरणं परममुक्खा ॥२६॥

पावियपरमाणदा, गुणनीसंदा विभिन्न भवकदा ।
 लहुईकय-रविचंदा, सिद्धा सरणं खविअददा ॥२८॥
 उवलद्धपरमबभा, दुल्लहलंभा विमुक्कसंरभा ।
 भुवणघरघरणखभा, सिद्धा सरण निरारंभा ॥२९॥
 सिद्धसरणेण, नववंभहेउसाहुगुणजणिअ-बहुमाणो ।
 मेइणिमित्त-सुपसत्थमत्थओ, तत्थिमं भणइ ॥३०॥
 जिअलोअबंधुणो, कुगइसिंधुणो पारगा महाभागा ।
 नाणाइएहिं सिवसुक्खसाहगा, साहुणो सरणं ॥३१॥
 केवलिणो परमोही, विउलमई सुअहरा जिणमयमि ।
 आयरिअ उवज्झाया, ते सव्वे साहुणो सरणं ॥३२॥
 चउदस-दस-नवपुव्वी, दुव.लसिक्कारसंगिणो जे अ ।
 जिणकप्पाहालदि, अपरिहार-विसुद्धि-साहू अ ॥३३॥
 खीरासवमहु-आसवसभिन्नस्सोअ कुट्टुबुद्धी अ ।
 चारणवेउन्वि पयाणुसारिणो साहुणो सरणं ॥३४॥
 उज्झियवइर-विरोहा, निच्चमदोहा पसत्तमुहसोहा ।
 अभिमयगुणसदोहा, हयमोहा साहुणो सरणं ॥३५॥
 खडिअसिणेहदामा, अकामधामा निकामसुहकामा ।
 सुपुरिसमणाभिरामा, आयारामा मुणी सरणं ॥३६॥
 मिल्हिअविसयकसाया, उज्झियघरघरणिगसुहसाया ।
 अकनिअहरिसविसाया, साहू सरण गयपमाया ॥३७॥
 हिंसाइ-दोसमुत्ता, कयकारुत्ता सयभुरूप्पत्ता—(पुण्णा) ।
 अजरामरपहखुत्ता, साहू सरण सुकयपुत्ता ॥ ३८ ॥

कामवित्त्वणचुक्का, कलिमलमुक्का विवि [मु] क्कचोरिक्का ।
 पावरय-सुर्यरिक्का, साहू गुणरयणचच्चिक्का ॥३९॥
 साहुत्तसुद्धिया जं, आयरिआई तओ य ते साहू ।
 साहुभणिण गहिया, तम्हा ते साहुणो सरण ॥४०॥
 पडिवन्नसाहुसरणो, सरण काउ पुणोवि जिणधम्म ।
 पहरिसरोमच्चपवच्च-कंजुअंचिअतणू भणइ ॥४१॥
 पवरसुकएहि पत्त, पत्तेहि वि नवरि केहि वि न पत्तं ।
 त केवलपन्नत्त, धम्म सरणं पवन्नोऽह ॥४२॥
 पत्तेण अपत्तेण य पत्ताणि अ जेण नरसुरसुहाइं ।
 मुखसुहं पुण पत्तेण, नवरि धम्मो स मे सरण ॥४३॥
 निहृत्तिअकलुत्तकम्मो, कयसुहजम्मो खलीकय-अहम्मो ।
 पमुहपरिणामरम्मो, सरणं मे होउ जिणधम्मो ॥४४॥
 कालत्तएवि न मय, जम्मण-जरमरणवाहिसय-समयं ।
 अमयं व वहुमयं जिणमयं च सरणं पवन्नोऽह ॥४५॥
 पसमिअकामपमोह, दिट्ठादिट्ठेसु नकलिअविरोह ।
 सिवमुट्ठफलयममोहं, धम्मं सरणं पवन्नोऽहं ॥ ४६ ॥
 नरय-गइ गमणरोहं, गुणसंदोहं पवाइनिवखोह ।
 निहृत्तिअधम्महजोह, धम्मं सरण पवन्नोऽह ॥ ४७ ॥
 भासु - सुवन्न - सुंदर-रयणालंकार-गारव-महग्घं ।
 निहृत्तिव दोगच्चहर, धम्म जिणदेसिअं वंदे ॥ ४८ ॥
 चउगरणगमणसच्चियसुच्चरिअरोमच्चअचियसरीरो ।
 पवहुत्तअरिहो, अमुहकम्मवत्तयकत्तिरो भणइ ॥ ४९ ॥
 अहंभविअमत्तविअं, मिच्छत्तपवत्तणं जमहिगरण ।
 त्रिणत्तयपपडिडुट्ठं, इट्ठ गरिहामि तं पावं ॥ ५० ॥

मिच्छत्तत्तमंघेणं, अरिहंताइसु अवन्नवयणं ज ।
अन्ताणेण विरइय, इण्ह गरिहामि तं पाव ॥ ५१ ॥
सुअधम्म-संघसाहुसु, पाव पडिणीअयाइ ज रइय ।
अन्नेसु अ पावेसु, इण्ह गरिहामि त पाव ॥ ५२ ॥
अन्नेसु अ जीवेसु, मित्ती-करुणाइ-गोयरेसु कयं ।
परिआवणाइ दुक्खं, इण्ह गरिहामि त पावं ॥ ५३ ॥
जं मणवयकाएहि, कयकारिअ-अणुमईहि आयरियं ।
धम्मविरुद्धमसुद्धं, सब्व गरिहामि त पाव ॥ ५४ ॥
अह सो दुक्कडगरिहा-दलिउक्कडदुक्कडो फुड भणइ ।
सुकडाणुरायसमुइन्नपुत्तपुलयं - कुरकरालो ॥ ५५ ॥
अरिहत्त अरिहंतेसु, जं च सिद्धत्तणं च सिद्धेसु ।
आयारं आयरिए, उज्झायत्तं उवज्झाए ॥ ५६ ॥
साहूण साहुचरिअ च, देसविरइ च सावय-जणाणं ।
अणुमन्ते सब्वेसि, सम्मत्त सम्मदिट्ठीण ॥ ५७ ॥
अहवा सब्वं चिअ वीयरायवयणाणुसारि ज सुकयं ।
कालत्तएचि तिविहं, अणुमोएमो तयं सब्व ॥ ५८ ॥
सुहपरिणामो निच्चं, चउसरणगमाइ आयारं जीवो ।
कुसलययडीउ बधइ, बद्धाउ सुहाणुबंधाउ ॥ ५९ ॥
मदाणुभावा बद्धा, तिक्वाणुभावाउ कुणइ ता चेव ।
असुहाउ निरणुबधाउ, कुणइ तिक्वाउ मदाउ ॥ ६० ॥
ता एयं कायव्व, दुहेहि निच्चं पि सकिलेसम्मि ।
होइ तिकालं तम्म, असकिलेसंमि सुकयफलं ॥ ६१ ॥

घउरंगो जिणधम्मो, न कश्चो चउरंगसरणमवि न कयं ।
 चउरंगभवुच्छेओ, न कश्चो हा ! हारिओ जम्मो ॥ ६२ ॥
 द्वय-जीवपमायमहारिवीर-भद्दं तमे-अमज्झयण ।
 भाएसु तिसंभमवक्क-कारणं निव्वुहसुहाणं ॥ ६३ ॥

॥ चउसरणं समत्तं ॥



॥ सुभाषित ॥



पंच-महव्वय-सुव्वय-मूल, समण-मणाइल-साहू सुचिन्तं ।
 वेरविरमणपज्जवन्नाणं, सव्वसमुद्दमहोदधी नित्थं ॥ १ ॥
 नित्थरुरेहि सुदेसियमग्ग, नरग-तिरिय विवज्जिय-मग्ग ।
 सव्व-पयित्त सुनिम्मियसार, सिद्धिविमाणं अवंगुय-वारं ॥ २ ॥
 देव नरिद-नमसिय-पूइयं, सव्वजगुत्तम-मंगल-मग्गं ।
 उद्धरित्त गुण-नायगमेग, मोक्खपहस्स-वडिसगभूयं ॥ ३ ॥
 धम्मारामे चरे भिक्खू, धिइमं धम्म-सारही ।
 धम्मारामे रए दते, वभचेर - समाहिए ॥४॥
 देव-दाणव-गघव्वा, जयख-रएखस्स-किन्नरा ।
 वभयारि नमसति दुक्करं जे करन्ति तं ॥५॥
 एम धम्मे धूवे निच्चे, सासए जिणदेसिए ।
 सिद्धा सिज्झन्ति चाणेणं, सिज्झस्सन्ति तहावरे ॥६॥

अरहंत-सिद्ध-पवयण-गुरु-धेर - बहुस्सुय - तवस्तीसु ।
 वच्छल्लया य तेसि, अभिक्खनाणोवओगे य ॥७॥
 दंसण-विणय-आवस्सए य, सीलव्वए निरइयारे ।
 खणलव-तव-च्चियाए, वेयावच्चे समाहीए ॥८॥

अपुव्वनाणग्गहणे सुयभत्ती, पव्वयणे पभावणया ।
 एएहि कारणेहि तित्थयरत्तं लहइ जीवो ॥९॥
 जिणवयणे अणुरत्ता. जिणवयण जे करंति भावेणं ।
 अमला असकिलिट्ठा, ते ह्वंति य परित्तससारि ॥१०॥
 एवं खु नाणिणो सार, जं न हिंसइ किच्चणं ।
 अहिंसा समयं चेव, एत्तावत वियाणिया ॥११॥
 जाइं च बुद्धिं च इहेज्जपास, भूतेहि जाण पडिलेह सायं ।
 तम्हा तिविज्जो-परमति णञ्जा,सम्मत्तदसी न करेइ पावं ॥१२॥
 उम्मुच्च पासं इह मच्चिएहि, आरंभजीवोउभयाणुपस्सी ।
 कामेसु गिद्धा णिचय करंति,संसिचमाणा पुणरेति गब्भं ॥१३॥
 सवणे नाणे विघ्नाणे, पञ्चक्खाणे य संजमो ।
 अण्हए तवे चेव, वोदाणे अकिरिया सिद्धि ॥१४॥
 एगोह नत्थि मे कोई, नाहमन्नस्स कस्सई ।
 एव अदीणमणसा, अप्पाणमणुसासई ॥१५॥
 एगो मे सासओ अप्पा, नाणदंसणसंजओ ।
 सेसा मे बाहिरा भावा, सव्व सजोगलक्खणा ॥१६॥
 जीवियं नाभिगच्छेज्जा, मरणं नोवि पत्थए ।
 दुहउवि न इच्छेज्जा, जीविय मरणं तथा ॥१७॥
 सार दंसणनाण, सार-तव-नियम-संजम-सीलं ।
 सारं जिणवरधम्म, सार संलेहणा पंडियमरणं ॥१८॥

कल्लाणकोटिकारिणी, दुग्गइद्दुहनिट्ठवणी ।
 नसारजलतारिणी, एगत होइ जीवदया ॥१६॥
 प्रारभे नत्थि दया, महिलाए सगं नासइ वंभं ।
 संकाए नासइ सम्मत्तं, पवज्जा अत्यग्गहण च ॥२०॥
 मज्जं विसयक्कमाया, निट्ठा विकहा य पचमी भणिया ।
 एए पंच पमाया, जीवा पाडति संसारे ॥२३॥
 लब्धंति विमला भोए, लब्धति सुरसपया ।
 लब्धति पुत्तसित्त च, एगो धम्मो न लब्धइ ॥२२॥
 न वि सही देवता देवलोए, न वि सुही पुढवीपहराया ।
 न वि सुही सेट्ठिसेणावइ य, एगंत सुद्धो मुणो वीयरगी ॥२३॥
 नगरी सोहती जलमूलवागे, नारी सोहति परपुहवत्यागे ।
 राजा सोहत्त सभा पुराणी, साधु सोहता अमृतवाणी ॥२४॥
 चलति मेर चलति मंदिर, चलति तारा रविचन्द्रमडल ।
 कदापि काले पृथ्वी चलति, साहसपुरुषवाक्यो न चलति धर्म ॥२५॥
 अशोकवृक्षः सुरपुष्पवृष्टिदिव्यध्वनिश्चामरमासन च ।
 भामण्डल दुंदुभिरात्तपत्रं, सत्प्रातिहार्याणि जिनेश्वराणाम् ॥२६॥
 अग्गा नई वेयरणी, अग्गा मे कूडसामली ।
 अग्गा कामडुहा घेणू, अग्गा मे तदणं वणं ॥२७॥
 अग्गा कत्ता विकत्ता य, दुहाण य सुहाण य ।
 अग्गा मित्तममित्त च, दुप्पट्ठियसुपट्ठियो ॥२८॥
 जो सहस्स सहस्साण, संगामे दुज्जए जए ।
 एगं जिणेंज्ज अग्गाणं, एत्त से परमो जग्गो ॥२९॥
 नाभात्ताभे नुत्ते-डुवणे, जीविए मरणे तथा ।
 नमो निन्दापसत्तायु, तथा माणावमाणयो ॥३०॥

भक्तामर-स्तोत्रम्

भक्तामर-प्रणत-मौलि-मणिप्रभाणा-
मुद्योतक दलितपापतमोवितानम् ।
सम्यक् प्रणम्य जिनपादयुग युगादा-
वालम्बन भवजले पततां जनानाम् ॥१॥

यः संस्तुतः सकलबाह्यस्यतस्त्वबोधा-
दुद्भुतबुद्धिपटुभिः सुरलोकनाथैः ।
स्तोत्रं जगत्त्रितयचित्त-हरैरुदारैः,
स्तोष्ये किलाहमपि तं प्रथमं जिनेन्द्रम् ॥२॥

बुध्या विनाऽपि विबुधाच्चितपादपीठ !,
स्तोत्रं समुद्यतमतिविगतत्रपोऽहम् ।
बाल विहाय जलसस्थितमिन्दुविम्ब-
मन्यः क इच्छति जनः सहसा प्रहीतुम् ॥३॥

वक्तुं गुणान् गुणसमुद्र ! शशाङ्ककान्तान्,
कस्ते क्षमः सुरगुरो प्रतिमोऽपि बुद्ध्या ।
कल्पांतकाल-पवनोद्धत-नक्रचक्रं,
को वा तरीतुमलमम्बुनिधिं भुजाभ्याम् ॥४॥

सोऽहं तथापि तव भक्तिवशान्मुनीश !,
कर्तुं स्तवं विगतशवितरपि प्रवृत्त ।
प्रीत्यात्मवीर्यमदिचार्यं मृगी मृगेन्द्रं,
नास्येति किं निजशिशो परिपालनार्थम् ॥५॥

अल्पश्रुतं श्रुतवतां परिहासघाम,
 त्यद्भूषितरेव मुखरी कुरुते बलान्माम् ।
 यत्कोविलः किल मधौ मधुरं विरीति,
 तच्चारुचात्रकलिका-निकरैकहेतुः ॥६॥

त्वत्संस्तवेन भवसन्ततिसन्निबद्धं,
 पाप क्षणात्क्षयमुपैति शरीरभाजाम् ।
 श्राक्रान्तलोक-मलिनील-मशेषमाशु,
 सूर्या शुभिन्नमिव शार्वरमन्धकारम् ॥७॥

मत्वेति नाथ । तव सस्तवनं मयेद-
 मारन्यते तनुधियाऽपि तव प्रभावात् ।
 चेतो हरिष्यति सतां नलिनीदलेषु,
 मुक्ताफलद्युतिमुपैति ननूदविन्दु ॥८॥

श्रास्तां तव स्तवनमस्तसमस्तदोषं,
 त्वत्संकयाऽपि जगतां दुरितानि हन्ति ।
 दूरे सहस्ररिणः कुरुते प्रभैव,
 पद्याकरेषु जलजानि विकाशभाञ्जि ॥९॥

नात्यद्भुत भुवनभूषण ! भूतनाथ !
 भूतगुणैर्भुवि भवन्तमभिन्दुवन्तः !
 तुल्या भवन्ति भवतो ननु तेन किं वा,
 भूत्याश्रित य इह नात्मसम करोति ॥१०॥

दृष्ट्वा भवन्तमनिमेषविलोकनीयं,
 नान्यत्र तोषमुपयाति जनस्य चक्षुः ।
 पीत्वा पयः शशिकरद्युतिदुग्धसिन्धोः,
 शारं जनं जलनिधेरशितु क इच्छेत् ॥११॥

यैः शान्तरागरुचिभिः परमाणुभिस्त्व,
निर्मापितस्त्रिभुवनकललामभूत !
तावन्त एव खलु तेऽप्यणवः पृथिव्यां,
यत्ते समानमपर न हि रूपमस्ति ॥१२॥

ववत्र वव ते सुरनरोरगनेत्रहारि,
नि शेषनिजित-जगत्त्रितयोपमानम् ।
बिम्बं कलङ्कमलिन वव निशाकरस्य,
यद्दासरे भवति पाण्डुपलाशकल्पम् ॥१३॥

सम्पूर्णमण्डलशशाङ्ककला-कलाप !
शुभ्रा गुणास्त्रिभुवन तव लङ्घयन्ति ।
ये संश्रितास्त्रिजगदीश्वर ! नाथमेक,
कस्तान्निवारयति सञ्चरतो यथेष्टम् ॥१४॥

चित्र किमत्र यदि ते त्रिदशाङ्गनाभि-
नीतिं मनागपि मनो न विकारमार्गम् ।
कल्पान्तकालमरुता चलिताचलेन,
कि मन्दराद्रिशिखर चलित कदाचित् ॥१५॥

निधू मवर्ति-रपवर्जित-तैलपूरः,
कृत्स्नं जगत्त्रयमिद प्रकटी-करोषि ।
गम्यो न जातु मरुतां चलिताचलानां,
दीपोऽपरस्त्वमसि नाथ ! जगत्प्रकाशः ॥१६॥

नास्तं कदाचिदुपयासि न राहुगम्यः,
स्पष्टीकरोषि सहसा युगपज्जगन्ति ।
नाम्भोधरोद्दरे-निरुद्ध-महाप्रभावः,
सूर्यातिशायिमहिमाऽसि मुनीन्द्र ! लोके ॥ १७ ॥

नित्योदयं दलितमोहमहान्वकारं,
 गम्यं न राहुवदनस्य न वारिदानाम् ।
 विभ्राजते तव मुखाब्जमनल्पकान्ति-
 विद्योतयज्ञगदपूर्व-शशाङ्कविम्बम् ॥१८॥

किं शर्वरोषु शशिनाऽह्नि विवस्वता वा,
 युष्मन्मुखेन्दुदलितेषु तमस्सु नाथ ! ।
 निष्पन्नशालिवनशालिनि जीवलोके,
 कार्यं कियञ्जलघरंजलभारनम् ॥१९॥

ज्ञानं यथा त्वयि विभाति कृतावकाशं,
 नैव तथा हरिहरादिषु नायकेषु ।
 तेजःस्फुरन्मणिषु याति यथा महत्त्वं,
 नैव तु काचशकले किरणाकुलेऽपि ॥२०॥

मन्ये वरं हरिहरादय एव दृष्टाः
 दृष्टेषु येषु हृदयं त्वयि तोषमेति ।
 किं वीक्षितेन भवता भुवि येन नान्य,
 कश्चिन्मनो हरति नाथ भवान्तरेऽपि ॥२१॥

योणां शतानि शतशो जनयन्ति पुत्रान्,
 नान्या तु त्वद्गुणं जननी प्रसूता ।
 गर्भा दिवो दद्यति भानि-नहम्परिभम्,
 प्राच्येव दिग् जनयति स्फुरदंशुजालम् ॥२२॥

त्वामामनन्ति मुनयः परम पुमांस-
 मादित्यवर्णममल तमसःपरस्तात् ।
 त्वामेव नान्यगुणनन्य जयन्ति मृत्युं,
 नान्यः शिष्यः शिष्यपदस्य मुनीन्द्र ! पन्थाः ॥२३॥

त्वामव्ययं विभुमचिन्त्यमसङ्ख्यमाद्यम्,
 ब्रह्माण - मीश्वर - मनन्त - मनङ्गकेतुम् ।
 योगीश्वरं विदितयोगमनेकमेकं ,
 ज्ञानस्वरूपममलं प्रवदन्ति सन्तः ॥२४॥

दुद्धस्त्वमेव विबुधाचितबुद्धिबोधम् ,
 त्वं शङ्करोऽसिभुवनत्रयशङ्करत्वात् ।
 घाताऽसि धीर ! शिवमार्गविधेर्विधानात् ,
 व्यक्तं त्वमेव भगवन् ! पुरुषोत्तमोऽसि ॥२५॥

तुभ्यं नमस्त्रिभुवनात्तिहराय नाथ !
 तुभ्य नमः क्षितितलामलभूषणाय ।
 तुभ्यं नमस्त्रिजगतः परमेश्वराय ,
 तुभ्य नमो जिन ! भवोदधिशोषणाय ॥२६॥

को विस्मयोऽत्र यदि नाम गुणैरशेषै-
 स्त्वं सश्रितो निरवकाशतया मनीश ! ।
 दोषै-रुपात्त-विविधाश्रयजातगर्वैः ,
 स्वप्नांतरेऽपि न कदाचिदपीक्षितोऽसि ॥२७॥

उच्चैरशोक-तरुसश्रित-मुन्मयूख-
 माभाति रूपममलं भवतो नितान्तम् ।
 स्पष्टोल्लसत्किरण-मस्ततमो-वितानं,
 बिम्ब रवेरिव पयोधरपार्श्ववर्ति ॥२८॥

सिंहासने मणिमयूखशिखाविचित्रे ,
 विभ्राजते तव वपुः कनकावदातम् ।
 बिम्बं वियद्विलसदशुलतावितानं ,
 तुङ्गोदयाद्रिशिरसीव सहस्ररश्मेः ॥२९॥

कुन्दावदातचल-चामर-चारुशोभ,
 विभ्राजते तव वपु कलधौतकान्तम् ।
 उद्यच्छशाङ्क-शुचिनिर्जर-वारि-धार—
 मुच्चंस्तद सुगिरेरिव शातकौम्भम् ॥३०॥
 छत्रत्रयं तव विभाति शशाङ्ककान्त-
 मुच्चं. स्थितं स्थगितभानुकरप्रतापम् ।
 मुदताफल-प्रकरजाल-विवृद्धशोभ-
 प्रत्यापयत्त्रिजगत. परमेश्वरत्वम् ॥३१॥

गम्भीरतार-रवपूरित-दिग्विभाग-
 स्त्रैलपय-लोकशुभसङ्गम-भूतिदक्षः ।
 नद्धमंराजजधघोषणघोषकः सन् ,
 ते कुन्दुभिर्ध्वनति ते यशसः प्रवादी ॥३२॥
 मन्दार-मुन्दर-नमेरु-मुपारिजात-
 ततानकादि-कुमुमोत्कर-वृष्टिरुद्धा ।
 गन्धोदबिन्दुशुभमन्दमत्प्रपाताः,
 दिव्या दिवः पतति ते वचसां ततिर्वा ॥३३॥
 शुभ्रप्रभावगयनूरिचिभा विभोस्ते,
 लोफत्रयद्युतिगतां द्युतिमाक्षिपन्ती ।
 प्रोद्यद्द्विवाकरनिरन्तरभूरिसंत्या,
 दीप्त्या जपत्यपि निशामपि सोमसौम्याम् ॥३४॥
 स्वर्गापवगंगमनागंविमाणंणट्टः—
 सप्तमंतत्त्यकथनंकपटुखिलोक्वया ।
 निर्यद्यनिर्भवति ते विशदार्यंसर्वं—
 शापास्त्रभावपरिणामगुणैः प्रयोज्यः ॥३५॥

उन्निद्र - हेमनवपङ्कज - पुञ्जकांति-
पर्युल्लसन्नखमयूख - शिखाऽभिरामौ ।
पादौ पदानि तव यत्र जिनेन्द्र ! घत्तः ,
पद्मानि तत्र विबुधाः परिकल्पयन्ति ॥३६॥

इत्थं यथा तव - विभूति-रभूज्जिनेन्द्र !
धर्मोपदेशनविधौ न तथा परस्य ।
यादृक् प्रभा दिनकृतः प्रहतान्धकारा ,
तादृक् कुतो ग्रहगणस्य विकासिनोऽपि ॥३७॥

इच्योतन्मदाविल - विलोल - कपोल-मूल-
मत्तभ्रमद् - भ्रमरनाद - विवृद्धकोपम् ।
ऐरावताभमिभ-मुद्धतमापतन्त,
दृष्ट्वा भयं भवति नो भवदाश्रितानाम् ॥३८॥

भिन्नेभकुम्भ - गलदुज्ज्वल - शोणिताक्त-
मुक्ताफल - प्रकरभूषित - भूमिभागः ।
बद्धक्रमः - क्रमगत हरिणाधिपोऽपि ,
नाक्रामति क्रमयुगाचलसश्रितं ते ॥३९॥

कल्पान्तकाल - पवनोद्धत - वह्निकल्प ,
दावानल ज्वलितमुज्ज्वलमुत्स्फुलिङ्गम् ।
विश्वं जिघत्सुमिव सन्मुखमापतन्तं,
त्वन्नामकीर्तनजलं श्रमयत्यशेषम् ॥४०॥

रक्षतेक्षणं समदकोकिलकण्ठनीलं ,
क्रोधोद्धत फणिनमुत्फणमापतन्तम् ।
आक्रामति क्रमयुगेन निरस्तशङ्क-
स्त्वन्नामनागदमनी हृदि यस्य पु सः ॥४१॥

वल्गत्तुरङ्ग - गजगजित - भीमनाद-
 मार्जो बलं बलवतामपि भूपतीनाम् ।
 उद्यद्विवाकर - मयूख - शिखापविद्धं,
 त्वत्कीर्तनात्तम इवाशु भिदामुपैति ॥४२॥

कुन्ताग्रभिन्न - गजशोणित - वारिवाह-
 वेगावतार - तरणानुर - योधभीमे ।
 युद्धे जय विजित - दुर्जय - जेयपक्षा-
 स्त्वत्पाद-पङ्कजवनाश्रयिणो लभन्ते ॥४३॥

ग्रम्भोनिघौ क्षुभितभीषणनक्रचक्र-
 पाठीन-पीठ-भयदोत्वण-वाडवाग्नी ।
 रङ्गत्तरग-शिलर-स्थितयान-पात्रा-
 स्नामं विहाय भवतः स्मरणाद् व्रजन्ति ॥४४॥

उद्भूत-भीषण - जलोदर - भार - भुग्नाः,
 शोच्यां दवानुपगताश्च्युतजीविताशा ।
 त्वत्पाद - पङ्कज - रजोऽमृत - दिग्ध-देहा ,
 मर्त्या भवन्ति मकरध्वजतुल्यरूपाः ॥४५॥

आपाद - कण्ठमुत्शृङ्खल - वेष्टिताङ्गा ,
 गाढं बृहन्निगटकोटिनिवृष्टजङ्घः ।
 तन्नाममत्रमनिश मनुजाः स्मरन्तः,
 नद्यः स्वयं विगतबधभया भवन्ति ॥४६॥

मत्तद्विप्रेन्द्र नृगराज - दवानलाहि-
 नट्ग्राम - वारिधिमहोदर - वन्धनोत्थम् ।
 तस्यागुनात्तमुपयाति भयं भियेय ,
 यस्नायफं स्तत्रमिमं मतिमानधीते ॥४७॥

स्तोत्रस्रजं तव जिनेन्द्र ! गुणैर्निबद्धां,
भक्त्या मया रुचिरवर्णविचित्रपुष्पाम् ।
घत्ते जनो य इह कण्ठगतामजस्रं,
तं मानतुङ्गमवशा समुपैति लक्ष्मीः ॥४८॥

॥ इति श्री मानतुङ्गाचार्यविरचितं स्तोत्रम् ॥



श्रीसिद्धसेनदिवाकरप्रणीतम्

श्रीकल्याण-मन्दिर-स्तोत्रम्

कल्याणमन्दिरमुदारमवद्यमेदि,
भीता भयप्रदमनिन्दितमध्रिपद्मम् ।
ससारसागर - निमज्जदशेषजंतु-
पोतायमानमभिनम्य जितेश्वरस्य ॥१॥

यस्य स्वयं सुरगुरुर्गिरिमाम्बुराशेः,
स्तोत्रं सुविस्तृतमतिर्न विभुर्विधातुम् ।
तीर्थेश्वरस्य कमठस्मयधूमकेतो-
स्तस्याहमेष किल् सस्तवनं करिष्ये ॥२॥

सामान्यतोऽपि तव वर्णयितुं स्वरूप-
मस्माद्दृशाः कथमधीश ! भवंत्यधीशाः ।
घृष्टोऽपि कौशिकशिशुर्यदि वा दिवान्धो,
रूपं प्ररूपयति किं किल् घर्मरश्मेः ॥३॥

मोहक्षयादनुभवन्नपि नाथ ! मर्त्यो,
 नूनं गुणान् गणयितुं न तव क्षमेत् ।
 कल्पान्तवान्तपयसः प्रकटोऽपि यस्मान्-
 मीयेत केन जलधेर्ननु रत्नराशिः ॥४॥

अन्युद्यतोऽस्मि तव नाथ ! जडाशयोऽपि,
 कर्तुं स्तवं लमदसङ्ख्यगुणाकरस्य ।
 बालोऽपि किं न निजबाहुयुगं वितत्य,
 विस्तीर्णता कथयति स्वधियाऽम्बुराशे. ? ॥५॥

ये योगिनामपि न यान्ति गुणास्तवेश !
 चवतुं कथं भवति तेषु ममावकाशः ।
 जाता तदेवमसमीक्षितकारितेयं,
 जल्पन्ति वा निजगिरा ननु पक्षिणोऽपि ॥६॥

आस्तामचिन्त्यमहिमा जिन ! सस्तवस्ते,
 नामाऽपि पाति भवतो भवतो जगन्ति ।
 तीक्ष्णतपोप्रहृत-पान्यजनान्निदाघे,
 प्रीणाति पत्रसन्मः सरसोऽनिलोऽपि ॥७॥

दृष्टानि त्वयि विभो ! शिथिलो भवन्ति,
 जन्तो. क्षणेन निचिडा अपि कर्मबन्धा ।
 मद्यो भुङ्क्तेऽगममया इव मध्यभाग-
 मन्धागते वनशिण्डिनि चन्दनस्य ॥८॥

मुष्यते एष मनुजा सहसा जिनेन्द्र !
 रोद्रेत्प्रद्वजर्तस्त्वयि वीक्षितेऽपि ।
 गोत्वामिनि स्फुरिततेजसि दृष्टमात्रे,
 चोरेरिवानु पशवः प्रपलायमानैः ॥९॥

त्वं तारको जिन ! कथ ? भविनां त एव,
 त्वामुद्धहन्ति हृदयेन यदुत्तरन्तः ।
 यद्वा वृत्तिस्तरति यञ्जलमेष नून-
 मन्तर्गतस्य मरुतः स किलानुभावः ॥१०॥
 यस्मिन् हरप्रमृतयोऽपि हतप्रभावोः,
 सोऽपि त्वया रतिपतिः क्षपितः क्षणेन ।
 विध्यापिता हुतभुज पयसाऽथ येन,
 पीत न किं तदपि दुर्धरवाडवेन ? ॥११॥
 स्वामिन्ननल्पगरिमाणमपि प्रपन्ना-
 स्त्वां जन्तवः कथमहो हृदये दधानाः ।
 जन्मोदधि लघु तरन्त्यतिलाघवेन,
 चिन्त्यो न हन्त ! महतां यदि वा प्रभावः ॥१२॥
 क्रोधस्त्वया यदि विभो ! प्रथमं निरस्तो,
 ध्वस्तास्तदा वत् कथं किल कर्मचौराः ?
 प्लोषत्यमुत्र यदि वा शिशिरोऽपि लोके,
 नीलद्रुमाणि विपिनानि न किं हिमानी ॥१३॥
 त्वां योगिनो जिन ! सदा परमात्मरूपे-
 मन्वेषयन्ति हृदयाम्बुजकोशदेशे ।
 पूतस्य निर्मलरुचेर्यदि वा किमन्य-
 दक्षस्य सम्भवि पदं ननु कणिकायाः ? ॥१४॥
 ध्यानाङ्गिनेश ! भवतो भविनः क्षणेन,
 देह विहाय परमात्मदशां व्रजन्ति ।
 तीव्रानलादुपलभावमपास्य लोके,
 चामीकरत्वमचिरादिव धातुभेदाः ॥१५॥

अन्तः सदैव जिन ! यस्य विभाव्यसे त्वं,
 भव्यैः कथं तदपि नाशयसे शरीरम् ।
 एतत्स्वरूपमथ मध्यविवर्त्तिनो हि,
 यद्विग्रहं प्रशमयन्ति महानुभावाः ॥१६॥
 आत्मा मनोपिभिरयं त्वदभेदबुद्ध्या,
 घ्यातो जिनेन्द्र ! भवतीह भवत्प्रभावः ।
 पानीयमध्यमृतमित्यनुचिन्त्यमानं,
 किं नाम नो विषविकारमपाकरोति ॥१७॥
 त्वामेव वीततमसं परवादिनोऽपि,
 नून विभो ! हरिहरादिधिया प्रपन्नाः ।
 किं वाचकामलिभिरीश ! सितोऽपिशङ्खो,
 नो गृह्यते विविधवर्णविपर्ययेण ॥१८॥
 धर्मोपदेशसमये सविधानुभावा-
 दास्तां जनो भवति ते तरुरप्यशोकः ।
 अन्पुद्गते दिनपती स महीरुहोऽपि,
 किं वा विवोधमुपयाति न जीवलोकः ॥१९॥
 चित्र विभो ! कथमवाङ्मुखवृन्तमेव,
 विष्वक् पतत्यविरला सुरपृष्पवृष्टिः ?
 त्वद्गोचरे छन्ननसां यदि वा मुनीश !,
 गच्छन्ति नूनमथ एव हि वन्धनानि ॥२०॥
 स्थाने गर्भोरहृदयोदधिसभवायाः ,
 पीयूषतां तव गिरः समुदीरयन्ति ।
 पीत्या यत परमसम्मदसद्गभाजो ,
 भग्या व्रजन्ति तरसाऽप्यजरामरत्वम् ॥२१॥

स्वामिन् ! सुदूरमवनम्य समुत्पतन्तो,
मन्ये वदन्ति शुच्रय सुरचामरौघाः ।
येऽस्मै नर्ति विदधते मुनिपुङ्गवाय,
ते नूनमूर्ध्वगतयः खलु शुद्धभावाः ॥२२॥

श्यामं गभीरगिरमुज्ज्वलहेमरत्न-
सिंहासनस्थमिह भव्यशिखण्डिनस्त्वाम् ।
आत्लोकयन्ति रभसेन नदन्तमुच्चै-
श्चामीकराद्रिशिरसीव नवाम्बुवाहम् ॥२३॥

उद्गच्छता तव शितिद्युतिमडलेन,
लुप्तच्छदच्छविरशोकतरुर्बभूव ।
सान्निध्यतोऽपि यदि वा तव वीतराग !
नीरागतां व्रजति को न सचेतनोऽपि ॥२४॥

भो भो ! प्रमादमवधूय भजध्वमेन-
मागत्य निर्वृतिपुरीं प्रति सार्थवाहम् ।
एतन्निवेदयति देव ! जगत्त्रयाय,
मन्ये नदन्नभिनभः सुरदुन्दुभिस्ते ॥२५॥

उद्योतितेषु भवता भुवनेषु चाथ ।
तारान्वितो विधुरय विहताधिकारः ।
मुक्त्वाकलापकलितोच्छ्वसितातपत्र-
व्याजात्त्रिधा धृततनुध्रुवमभ्युपेतः ॥२६॥

स्वेन प्रपूरितजगत्त्रयपिण्डितेन,
कान्तिप्रतापयशसामिव सञ्चयेन !
माणिक्यहेमरजतप्रविनिर्मितेन,
सालत्रयेण भगवन्नभितो विभासि ॥२७॥

दिव्यत्वजो जिन ! नमस्त्रिदशाधिपाना—
 मुत्सृज्य रत्नरचितानपि मौलिबन्धान् !
 पादौ श्रयन्ति भवतो यदि वा परत्र,
 त्वत्सङ्गमे सुमनसो न रमन्त एव ॥२८॥

त्व नाय ! जन्मजलधेविपराङ्मुखोऽपि,
 यत्तारयस्यमुमतो निजपृष्ठलग्नान् ।
 युषतं हि पार्थिवनिपस्य सतस्तवैव,
 चित्रं विभो ! यदसि कर्मविपाकशून्यः ॥२९॥

विश्वेश्वरोऽपि जनपालक ! दुर्गतस्त्वं,
 किं वाक्षरप्रकृतिरप्यलिपिस्त्वमोश !
 अज्ञानप्रत्यपि तदेव कथञ्चिदेव,
 ज्ञानं त्वयि स्फुरति विश्वविकासहेतुः ॥३०॥

प्राग्भारमभृतनभांसि रजांसि ुरोपा-
 दुत्थापितानि कमठेन शठेन यानि ।
 द्रायापि तैरुत्तव न नाय ! हता हताशो,
 ग्रन्तन्त्वमीभिर्यमेव परं दुरात्मा ॥३१॥

यद् गर्जद्गुजितघनोघमदभ्रभीमं-
 भ्रष्टयत्तडिन्मुलमाणनघोरधारम् ।
 दैत्येन मूकतमय दुस्तरवारि दध्ने,
 तेनैव नन्य जिन ! दुस्तरवारिकृत्यम् ॥३२॥

प्यस्तनोर्ध्वकेयविकृताकृतिमर्त्यमुण्ड-
 प्रातन्वभृद्भूयद्द्वक्रुचिनिर्यदग्निः ।
 प्रेतप्रज. प्रतिभवन्तुमुपोरितो यः,
 नांशुवाग्जन्वप्रतिभुवं भवदु.सहेतुः ॥३३॥

घन्यास्त एव भुवनाधिप ! ये त्रिसन्ध्य-
माराधयन्ति विधिवद्विधुतान्यकृत्याः ।
भक्त्योल्लसत्पुलक - पक्ष्मल - देहदेशाः,
पादद्वयं तव विभो ! भुवि जन्मभाजः ॥३४॥

अस्मिन्तपारभववारिन्धिौ मुनीश !,
मन्ये न मे श्रवणगोचरतां गतोऽसि ।
आकर्णिते तु तव गोत्रपवित्रमन्त्रे,
किं वा विपद्विषधरी सविधं समेति ? ॥३५॥

जन्मान्तरेऽपि तव पादयुगं न देव !,
मन्ये मया महितमोहितदानदक्षम् ।
तेनेह जन्मनि मुनीश ! पराभवानां,
जातो निकेतनमहं मथिताशयानाम् ॥३६॥

नून न मोहेतिमिरावृतलोचनेन-
पूर्वं विभो ! सकृदपि प्रविलोकितोऽसि ।
मर्माविधो विधुरयन्ति हि मामनर्थाः,
प्रोद्यत्प्रबन्धगतयः कथमन्यथैते ? ॥३७॥

आकर्णितोऽपि महितोऽपि निरीक्षितोऽपि,
नून न चेत्सि मया विधृतोऽसि भक्त्या ।
जातोऽस्मि - तेन जनबान्धव ! दुःखपात्र,
यस्मात्क्रियाः प्रतिफलन्ति न भावशून्याः ॥३८॥

त्व नाथ ! दुःखिजनवत्सल ! हे शरण्य !,
कारुण्यपुण्यवसते ! वशिनां वरेण्य ! ।
भक्त्या न ते मयि महेश ! दयां विधाय,
दुःखांकुरोद्दलनतत्परतां विधेहि ॥३९॥

निःसत्यसारशरणं शरणं शरण्य-
 मासाद्य सादित्तिरिपु प्रथितावदातम् ।
 त्वत्पादपङ्कजमपि प्रणिधानवन्ध्यो,
 वध्योऽस्मि चेद् भुवनपावन ! हा हतोऽस्मि ॥४०॥

देवेन्द्रवन्द्य ! विदिताखिलवस्तुसार !,
 ससारतारक ! विभो ! भुवनाधिनाथ ! ।
 शायन्व देव ! करुणाह्लाद ! मां पुनीहि,
 सोदन्तमद्य भयदव्यसनाम्बुराशोः ॥४१॥

यद्यस्ति नाथ ! भवर्दाघ्रसरोरुहाणां,
 भयतेः फलं किमपि सन्ततिसञ्चितायाः ।
 तन्मे त्वदेकशरणस्य शरण्य ! भूयाः,
 स्वामी त्वमेव भुवनेऽत्र भवान्दरेऽपि ॥४२॥

इत्थं ममाहितधियो विधिवद्भिनेन्द्र !
 नान्द्रोल्लसत्पुनककञ्चुकिताङ्गभागाः ।

त्वद्विन्द्य - निर्मल - सुखाम्बुज - वद्वलक्ष्या,
 ये संस्तव तव विभो ! रचयन्ति भव्याः ॥४३॥

जननघनदुमुदचद्र ! प्रभास्वरा स्वर्गसपदो भुक्त्वा ।

ते विगलितमलनिचया, श्चिरान्मोक्षं प्रपद्यन्ते ॥४४॥



श्री रत्नाकरपंचविंशतिः

श्रेयः श्रियां मंगलकेलिसद्य !, नरेन्द्रदेवेन्द्रनतांघ्रिपद्य ! ।
सर्वज्ञ ! सर्वातिशयप्रधान !, चिरञ्जयज्ञानकलानिधान ! ॥१॥
जगत्त्रयाधार ! कृपावतार ! दुर्वारसंसारविकारवेद्य !
श्रीवीतराग ! त्वयिमुग्धभावा-द्विज्ञप्रभो विज्ञपयामि किञ्चित् ॥२॥
किं बाललीलाकलितो न बालः, पित्रोः पुरो जल्पति निर्विकल्पः ।
तथा यथार्थं कथयामि नाथ !, निजाशयं सानुशयस्तवाग्रे ॥३॥
दत्तं न दानं परिशीलितं च, न शालि शीलं न तपोऽभितप्तम् ।
शुभो न भावोऽप्यभवद् भवेऽस्मिन्, विभो! मया भ्रांतमहोमुर्ध्वम् ॥४॥
दग्धोऽग्निना क्रोधमयेन दष्टो, दुष्टेन लोभाख्यमहोरगेण ।
प्रस्तोऽभिमानाजगरेण माया-जालेन बद्धोऽस्मि कथं भजे त्वां ॥५॥
कृतं मयाऽमुत्र हितं न चेह, लोकेऽपि लोकेश ! सुखं न मेऽभूत् ।
अस्माद्दृशां केवलमेव जन्म, जिनेश ! जज्ञे भवपूरणाय ॥६॥
मन्ये मनो यन्नमनोजवृत्त !, त्वदास्यपीयूषमयूखलाभात् ।
द्रुतं महानन्दरस कठोर-मस्माद्दृशां देव ! तदश्मतोऽपि ॥७॥
त्वत्तः सुदुःप्रापमिदं मयाऽऽप्त, रत्नत्रय भूरिभवभ्रमेण ।
प्रमादनिद्रावशतो गतं तत्, कस्याऽग्रतो नायक ! पूत्करोमि ॥८॥
वैराग्यरङ्गः परवञ्चनाय, धर्मोपदेशो जनरञ्जनाय ।
वादाय विद्याऽध्ययनं च मेऽभूत्, कियद् ब्रुवे हास्यकर स्वमीश ॥९॥
परापवादेन मुखं सदोषं, नेत्रं परस्त्रीजनवीक्षणेन ।
चेतः पराप्रायविचिन्तनेन, कृतं भविष्यामि कथं विभोऽहं ॥१०॥

विडम्बित यत्स्मरघस्मरान्ति—दशावशात्स्व विषयांघलेन ।
 प्रकाशितं तद्भवतो ह्यियं, सर्वज्ञ ! सर्व स्वयमेव वेत्सि ॥११॥
 ध्वस्तोऽन्यमन्त्रं. परमेष्ठिमन्त्रं कुशास्त्रवाक्यैर्निहतागमोक्तिः ।
 कर्तुं वृथाकर्मकुदेवसंगादवाच्छि ह्यि नाथ ! मतिभ्रमो मे ॥१२॥
 विमूच्य दृगलक्ष्यगतं भवन्तं, ध्याता मया मूढधिया हृदन्तः ।
 कटाक्षवक्षोजगभीरनाभी, कटीतटीयाः सुदृशां विलासाः ॥१३॥
 लोलेक्षणावक्त्रनिरीक्षणेन यो मानसे रागलवो विलग्नः ।
 न शुद्धमिद्धांतपयोधिमध्ये, धौतोप्यगात्तारक कारणं किं ॥१४॥
 अग न चग न गणो गुणानां, न निर्मल. कोऽपि कलाविलासः ।
 न्कुरन्प्रधानप्रभुता च काऽपि, तथाप्यहकारकदयितोऽह ॥१५॥
 प्रायुर्नन्याशु न पापबुद्धिर्गत वयो नो विषयाभिलाषः ।
 यत्नश्च भंग्रज्यविधौ न धर्मं, स्वामिन्महामोहविडम्बना मे ॥१६॥
 नात्मा न पुण्यं न भवो न पाप, मया विटानां कटुगीरपीय ।
 श्रधार् नर्णे त्वयि केवलार्कं, परिस्फुटे सत्यपि देव ! धिग्माम् ॥१७॥
 न देवपूजा न च पात्रपूजा, न श्राद्धधर्मश्च न साधुधमः ।
 नदध्वापि मानुष्यमिदं नमस्त, कृतं मयाऽरण्यविलापतुल्यं ॥१८॥
 चरे मया नन्ध्वपि कामधेनु—कृतपद्रुचिन्तामणिषु स्पृहार्तिः ।
 न जेनधर्मे स्फटगर्मदेऽपि, जिनेश ! मे पश्य विमूढभाव ॥१९॥
 नद्भोगलीला न च रोगलीला, घनागमो नो निवनागमश्च ।
 दाग न कारा नरकरय चित्ते, व्यचिन्ति नित्यं मयकाऽधमेन ॥२०॥
 स्थितं न साधोर्हृदि साधुवृत्तात्, परोपकारात्त यशोर्जितं च ।
 कृतं न तीर्थोदरनादिहृत्पथं, मया मुधा हारितमेव जन्म ॥२१॥
 यंगपरगो न गुणदितेषु, न हुर्जनानां वचनेषु शान्तिः ।
 नाध्याः नमदेशो नमकोऽपि देव, तार्थं कथञ्कारमयम्भवादिषः ॥२२॥

पूर्वे भवेऽकारि मया न पुण्य-मागामिजन्मन्यपि नो करिष्ये ।
यदीदृशोऽहं मम ते न नष्टा, भूतोद्भवाद्भ्राविभवत्रयोश ! ॥२३॥
किंवा मुधाहं बहुधा सुधाभुक्, पूज्य ! त्वदग्रे चरित स्वकीय ।
जल्पामि यस्मात्, त्रिजगत्स्वरूप ! निरूपकस्त्व कियदेतदत्र ॥२४॥
दीनोद्धारधुरन्धरस्त्वदपरो नास्ते. मदन्यः कृपा ।
पात्रं नात्र जने जिनेश्वर ! तथाऽप्येतां न याचे श्रिय ॥
किं त्वर्हन्निदमेव केवलमहो सद्बोधिरत्न शिव ।
श्रीरत्नाकरमंगलैकनिलय ! श्रेयस्कर प्रार्थये ॥२५॥



श्री अमितगतिसूरिविरचिता

प्रार्थना-पञ्चविंशतिः

उपजातिवृत्तम्

सत्त्वेषु मैत्रीं गुणिषु प्रमोद, क्लिष्टेषु जीवेषु कृपापरत्वम् ।
माध्यस्थ्यभाव विपरीतवृत्तौ, सदा समात्मा विदधातु देव ! ॥१॥
शरीरतः कर्तुं मनन्तशक्ति, विभिन्नमात्मानमपास्तदोषम् ।
जिनेन्द्र ! कोषादिव खड्गयष्टि, तव प्रसादेन ममास्तु शक्तिः ॥२॥
दुःखे सुखे वरिणि बन्धुवर्गे, योगे वियोगे भवने वने वा ।
निराकृताऽशेषममत्वबुद्धेः, समं मनो मेऽस्तु सदाऽपि नाथ ! ॥३॥
यः स्मर्यते सर्वमुनीन्द्रवृन्दैः, यः स्तूयते सर्वनरामरेन्द्रैः ।
यो गीयते वेदपुराणशास्त्रैः, स देवदेवो हृदये ममास्ताम् ॥४॥

यो दर्शनज्ञानसुखस्वभावः समस्तसंसारविकारवाह्यः ।
 समाधिगम्यः परमात्मसंज्ञः, स देवदेवो हृदये ममास्ताम् ॥५॥
 निषूदते यो भवदुःखजालम्, निरीक्षते यो जगदन्तरालम् ।
 योऽन्तर्गतो योगिनिरीक्षणीयः, स देवदेवो हृदये ममास्ताम् ॥६॥
 विमुक्तिमार्गप्रतिपादको यो, यो जन्ममृत्युव्यसनाद्ध्यतीतः ।
 त्रिलोकलोकी विकलोऽकलंकः, स देवदेवो हृदये ममास्ताम् ॥७॥
 क्रोडीकृताशेषशरीरिवर्गा, रागादयो यस्य न सति दोषाः ।
 निरिन्द्रियो ज्ञानमयोऽनपायः, स देवदेवो हृदये ममास्ताम् ॥८॥
 यो व्यापको विश्वजनीनवृत्तिः, सिद्धो विबुद्धोद्धतकर्मबन्धः ।
 ध्यातो धुनीते सकलं विकारं, स देवदेवो हृदये ममास्ताम् ॥९॥
 न स्पृश्यते कर्मकलकदोषैः, यो ध्वान्तसंघैरिव तिग्मरश्मिः ।
 निरञ्जन नित्यमनेकमेक, तं देवमाप्तं शरणं प्रपद्ये ॥१०॥
 विभासते यत्र मरीचिमालिन्यविद्यमाने भुवनावभासि ।
 स्वात्मस्थित बोधमयप्रकाश, तं देवमाप्तं शरणं प्रपद्ये ॥११॥
 विलोक्यमाने सति यत्र विश्व, विलोक्यते स्पष्टमिदं विविक्तम् ।
 शुद्धं शिवं शान्तमनाद्यन्तं, तं देवमाप्तं शरणं प्रपद्ये ॥१२॥
 येन क्षता मन्मथमानमूर्च्छा—विषादनिद्राभयशोकचिन्ताः ।
 क्षय्योऽनलेनेव तरप्रपञ्चस्तं देवमाप्तं शरणं प्रपद्ये ॥१३॥

प्रतिक्रमण प्रभुसमीपे स्वात्मचिन्तनं

वनिन्दनालोचनगर्हणं रह, मनोवचःकायकषायनिर्मितम् ।
 हन्मि पापं भवदुःखकारणं, भिषग्विष मंत्रगुणैरिवाखिलम् ॥१४॥
 अतिक्रमं य विमतेर्व्यतिक्रमं, जिनातिचारं सुचरित्रकर्मणः ।
 व्यधामनाचारमपि प्रमादतः, प्रतिक्रमं तस्य करोमि शृद्धये ॥१५॥

न संस्तरोऽश्मा न तृणं न मेदिनी, विधानतो नो फलको विनिर्मितः ।
 यतो निरस्ताक्षकषायविद्विषः, सुधीभिरात्मैव सुनिर्मलो मतः ॥१६॥
 न सस्तरो भद्रसमाधिसाधनं, न लोकपूजा न च सधमेलनम् ।
 यतस्ततोऽध्यात्मारतो भवाऽनिशं, विमुच्य सर्वमपि बाह्यवासनाम् ॥१७॥
 न संति बाह्या मम केचनार्था, भवामि तेषां न कदाचनाहम् ।
 इत्थं विनिश्चित्य विमुच्य बाह्य, स्वस्थः सदा त्व भव भद्र ! मुक्त्यै ॥१८॥
 आत्मानमात्मन्यविलोक्यमानस्त्व दर्शनज्ञानमयो विशुद्धः,
 एकाग्रचित्तः खलु यत्र तत्र, स्थितोऽपि साधुर्लभते समाधिम् ॥१९॥
 एकः सदा शाश्वतिको ममात्मा, विनिर्मलः साधिगमस्वभावः ।
 बहिर्भवाः सन्त्यपरे समस्ताः, न शाश्वताः कर्मभवाः स्वकीयाः ॥२०॥
 यस्यास्ति नैक्य वपुषापि सार्द्धं, तस्यास्ति किं पुत्रकलत्रमित्रैः ।
 पृथक्कृते चर्मणि रोमकूपाः, कुतो हि तिष्ठन्ति शरीरमध्ये ॥२१॥
 संयोगतो दुःखमनेकभेद, यतोऽश्नुते जन्मवने शरीरी ।
 ततस्त्रिऽघासौ परिवर्जनीयो, यियासुना निर्वृतिमात्मनोनाम् ॥२२॥
 सर्वं निराकृत्य विकल्पजाल, ससारकान्तारनिपातहेतुम् ।
 विविकतमात्मानमवेक्ष्यमाणो, निलीयसे त्व परमात्मतत्त्वे ॥२३॥
 स्वयं कृतं कर्म यदात्मना पुरा, फलं तदीयं लभते शुभाशुभम् ।
 परेण दत्त यदि लभ्यते स्फुटं, स्वयंकृतं कर्म निरर्थक तदा ॥२४॥
 विमुक्तिमार्गप्रतिकूलवर्तिना, मया कषायाक्षवशेन दुर्धिया ।
 चारित्रशुद्धेर्यदकारि लोपनं तदस्तु मिथ्या मम दुष्कृतं प्रभो ! ॥२५॥

श्री चिन्तामणि-पार्श्वनाथ-स्तोत्रम्

शार्दूलविक्रीडितवृत्तम्



किं कर्पूरमय सुधारसमयं किं चन्द्ररोचिर्मयं ।
किं लावण्यमय महामणिमय कारुण्यकेलिमयम् ॥
विश्वानन्दमयं महोदयमयं शोभामयं चिन्मयं ।
शुक्लध्यानमयं वपुजिनपतेर्भूयाद् भवालम्बनम् ॥१॥

पातालं कलयन् धरां धवलयन्नाकाशमापूरयन् ।
दिक्चक्र क्रमयन् सुरासुरनरश्रेणि च विस्मापयन् ॥
ब्रह्माण्डं सुखयन् जलानि जलधेः फेनच्छलालोलयन् ।
श्रीचिन्तामणिपार्श्वसभङ्गशो हसश्चिरं राजते ॥२॥

पुण्यानां विपणिस्तमो दिनमणिः कामैभकुम्भे सृणि-
मोक्षे मिस्सरणि. सुरेन्द्रकरिणी ज्योतिःप्रकाशारणिः ॥
दाने देवमणिर्नतोत्तमजनश्रेणिः कृपासारिणी ।
विश्वानन्दसुधाघृणिर्भवभिदे श्रीपार्श्वचिन्तामणिः ॥३॥

श्रीचिन्तामणिपार्श्वविश्वजनतासञ्जीवनस्त्व मया ।
दृष्टस्तात ! ततः श्रियः समभवन्नाशक्रमाचक्रिणम् ॥
मुक्तिः क्रीडति हस्तयोर्वहुविध सिद्ध मनोवाच्छ्रितं ।
दुर्द्वन्द्वं दुरित च दुर्दिनभय कष्टं प्रणष्टं मम ॥४॥

यस्य प्रौढतमप्रतापतपनः प्रोद्दामघामा जग-
ज्जङ्घालः कलिकालकेलिदलनो मोहान्धविध्वंसकः
नित्योद्योतपदं समस्तकमलाकेलिगृहं राजते ।
स श्रीपार्श्वजिनो जने हितकरश्चिन्तामणिः पातु माम् ॥५॥

विश्वव्यापितमो हिनस्ति तरणिर्बालोपि कल्पाङ्कुरो,
 दारिद्र्याणि गजावलीं हरिशिशुः काष्ठानि वल्लेः कणः ।
 पीयूषस्य लवोऽपि रोगनिवहं यद्वत्तथा ते विभो !
 मूर्तिः स्फूर्तिमतो सतो त्रिजगतोकष्ठानि हतुं क्षमा ॥६॥
 श्रीचिन्तामणिमत्रमोक्तियुत ह्रींकारसारश्रित ।
 श्रीमदहर्हन्नमिऊणपात्रकलित त्रैलोक्यवश्यावहम् ॥
 द्वेषाभूतविषापह विषहरं श्रेयःप्रभावाश्रय ।
 सोल्लासं वसहाङ्कितं जिनफुल्लिगानन्दद देहिनाम् ॥७॥
 ह्रीं श्रींकारवर नमोऽक्षरपरं ध्यायति ये योगिनो
 हृत्पद्मे विनिवेश्य पार्श्वमधिप चिन्तामणीसंज्ञकम् ॥
 भालेवामभुजे च नाभिकरयोर्भूयो भुजे दक्षिणे ।
 पश्चादष्टदलेषु ते शिवपद द्वित्रैर्भवेयन्त्यहो ॥८॥
 नो रोगा नैव शोका न कलहकलना नारिमारिप्रचारा,
 नैवाधिनासमाधिर्न च दरदुरिते दुष्टदारिद्रता नो ।
 नो शाकिन्यो ग्रहा नो न हरिकरिगणा व्यालवेतालजाला,
 जायंते पार्श्वचिन्तामणिनतिवशतः प्राणिनां भक्तिभाजाम् ॥९॥
 गीर्वाणद्रुमघेनुकुम्भमणयस्तस्याङ्गणे रंगिणो
 देवा दानवमानवाः सविनयं तस्मै हितध्यायिनः ॥
 लक्ष्मीस्तस्य वशाऽवशेव गुणिनां ब्रह्माण्डसंस्थायिनी ।
 श्रीचिन्तामणिपार्श्वनाथमनिशं सस्तौति यो ध्यायति ॥१०॥

इति जिनपतिपार्श्वः पार्श्वपार्श्वस्थियक्षः,

प्रदलित - दुरितौघः प्रीणित - प्राणीसार्थः ।

त्रिभुवन-जनवाञ्छादान - चिन्तामणीकः ।

शिवपदतस्वीजं बोधिवीजं ददातु ॥११॥



मेरी भावना

जिसने राग-द्वेष कामादिक, जीते सब जग जान लिया ।
सब जीवो को मोक्ष-मार्ग का, निस्पृह हो उपदेश दिया ॥
बुद्ध वीर जिन हरि हर ब्रह्मा, या उसको स्वाधीन कहो ।
भक्ति-भाव से प्रेरित हो, यह चित्त उसी मे लीन रहो ॥१॥

विषयों की आशा नहि जिनके, साम्य भाव धन रखते है ।
निज पर के हित साधन मे जो, निशिदिन तत्पर रहते है ॥
स्वार्थ-त्याग की कठिन तपस्या, विना खेद जो करते है ।
ऐसे ज्ञानी साधु जगत के, दुःख - समूह को हरते है ॥२॥

रहे सदा सत्संग उन्हीं का, ध्यान उन्हीं का नित्य रहे ।
उन्हीं जैसी चर्या में यह, चित्त सदा अनुरक्त रहे ॥
नहीं सताऊँ किसी जीव को, भूठ कभी नहीं कहा करूँ ।
परधन वनिता पर न लुभाऊँ, संतोषामृत पिया करूँ ॥३॥

अहकार का भाव न रखूँ, नहीं किसी पर क्रोध करूँ ।
देख दूसरों की बढ़ती को, कभी न ईर्ष्या भाव घरूँ ॥
रहे भावना ऐसी मेरी, सरल सत्य व्यवहार करूँ ।
वने जहां तक इस जीवन में, श्रौंरों का उपकार करूँ ॥४॥

मैत्री-भाव जगत मे मेरा, सब जीवों से नित्य रहे ।
दोन दुखी जीवों पर मेरे, उर से करुणा-स्रोत बहें ॥
दुर्जन-क्रूर-कुमार्गरतों पर, क्षोभ नहीं मुझको आवे ।
साम्यभाव रखूँ मै उन पर, ऐसी परिणति हो जावे ॥५॥

गुणी जनों को देख हृदय मे, मेरे प्रेम उमड़ आवे ।
वने जहां तक उनकी सेवा, करके यह मन सुख पावें ॥
होऊँ नहीं कृतघ्न कभी मै, द्रोह न मेरे उर आवे ।
गुण-ग्रहण का भाव रहे नित, दृष्टि न दोषो पर जावे ॥६॥

कोई बुरा कहो या अच्छा, लक्ष्मी आवे या जावे ।
लाखों वर्षों तक जीवूं, या मृत्यु आज ही आ जावे ॥
अथवा कोई कैसा ही भय, या लालच देने आवे ।
तो भी न्याय-मार्ग से मेरा, कभी न पद डिगने पावे ॥७॥

होकर सुख में मग्न न फूलें, दुःख में कभी न घबरावें ।
पर्वत, नदी, इमशान भयानक, अटवी से नहीं भय खावें ॥
रहे अडोल, अकम्प निरन्तर, यह मन दृढ़तर बन जावे ।
इष्ट वियोग अनिष्ट योग में, सहनशीलता दिखलावें ॥८॥

सुखी रहें सब जीव जगत के, कोई कभी न घबरावे ।
वैर पाप अभिमान छोड़, जग नित्य नये मगल गावे ॥
घर-घर चर्चा रहे धर्म की, दुष्कृत दुष्कर हो जावे ।
ज्ञान चरित उन्नत कर अपना, मनुज जन्म फल सब पावें ॥९॥

ईति भोति व्यापे नहीं जग में, वृष्टि समय पर हुआ करे ।
धर्म-निष्ठ होकर राजा भी, न्याय प्रजा का किया करे ॥
रोग मरी दुर्भिक्ष न फैलें, प्रजा शान्ति से जिया करे ।
परम अहिंसा धर्म जगत में, फैले सब हित किया करे ॥१०॥
फैले प्रेम परस्पर जग में, मोह दूर पर रहा करे ।
अप्रिय, कटुक, कठोर शब्द नहीं, कोई मुख से कहा करे ॥
बन कर सब "युग-वीर" हृदय से, देशोन्नति-रत रहा करें ।
वस्तु-स्वरूप विचार खुशी से, सब दुःख सकट सहा करें ॥११॥



प्रकीर्ण गाथाएं

नमिऋण असुर सुरगरुल-भुयगपरिवदिय-गयकिलेसे ।
 अरिहंत - सिद्धायरिय - उवज्भाय - सव्वसाहूणं ।
 सिद्धाण बुद्धाण पारगयाण परंपारगयाणं ।
 लोअग्गमुवगयाण नमो सया सव्व-सिद्धाण ॥१॥

जो देवाणमवि देवो, ज देवा पजली नमंसति ।
 त देवं देवमहिय सिरसा वन्दे महावीरं ॥२॥
 इक्को वि नमुक्कारो, जिणवरवसहस्स वद्धमाणस्सं ।
 संसार-सागराओ तारेइ नरं व नारि वा ॥३॥

उज्जितसेल-सिहरे दिक्खा नाणं निसिहीआ जस्स ।
 त धम्मचक्खवट्ठि अरिट्ठनेमि नमस्सामि ॥४॥

चत्तारि अट्ठदस दोय वंदिया जिणवरा चउव्वीसं ।
 परमट्ठ निट्ठिअट्ठा सिद्धा सिद्धि ममं दिसतु ॥५॥

सिद्धाणं नमो किच्चा, संजयाणं च भावओ ।
 सन्ती सन्तीकरे लोए, पत्तो गइमणुत्तरं ॥

अर्थ—इच्छित कार्य-सिद्धि होने के लिये प्रथम इष्टदेव को नमस्कार किया जाता है, सिद्धाण अर्थात् सिद्ध भगवान् को नमस्कार हो ।

संजयाणं अर्थात् संवति—आचार्य, उपाध्याय व सर्व साधु-साध्वी जी महाराज को नमस्कार हो । सारे लोक में शान्ति करनेवाले शान्तिनाथ प्रभु जी को त्रिकरण-शुद्धिभावपूर्वक नमस्कार हो ।

चइत्ता भारहं वासं, चक्कवट्ठी महट्ठिओ ।
 सन्ती सन्तीकरे लोए, पत्तो गइमणुत्तरं ॥

अर्थ—सारे लोक में शान्ति स्थापित करनेवाले सोलहवें तीर्थंकर श्री शान्तिनाथ नाम के चक्रवर्ती महान् ऋद्धि-सिद्धिवाले भरत क्षेत्रका राज्य छोड़कर उत्तम (मोक्ष) गति को प्राप्त हुए ।

अलद्ध पुव्वलद्ध जिणवयण-सुभासिय अमियं ।
 भूइसुयगइमगं ना मरणाय बीयामो ॥१॥

जा जा वच्चइ रयणी. न सा पडिनियत्तइ ।
 अहम्मं कुणमाणस्स, अफला जंति राइओ ॥२॥

जा जा वच्चइ रयणी, न सा पडिनियत्तइ ।
 धम्मं च कुणमाणस्स, सफला जंति राइओ ॥३॥

एवं लोए पलित्तम्मि, जराए मरणेण य ।
 अप्पाण तारइस्सामि, तुब्भेहिं अणुमन्तिओ ॥४॥

एगे जिए जिया पच्च, पंच जिए जिया दसं ।
 दसहा उ जिणित्ता ण, सव्व सत्तू जिणामहं ॥५॥





